




Х.Латипов, Ш.Тожиев, Р.Рустамов

АНАЛИТИК ГЕОМЕТРИЯ ВА ЧИЗИҚЛИ АЛГЕБРА





Х. Р. ЛАТИПОВ, Ш. И. ТОЖИЕВ, Р. РУСТАМОВ


516

1-24

АНАЛИТИК ГЕОМЕТРИЯ ВА ЧИЗИҚЛИ АЛГЕБРА

*Ўзбекистон Республикаси Олий ва ўрта махсус
таълим вазирлиги олий техника ўқув юртлари
талабалари учун ўқув қўлланма сифатида
тавсия этган*

ТОШКЕНТ
«ЎЗБЕКИСТОН»
1995



22.151.5
Л 24

Такризчилар: А. Ҳамидов — ТошДУ профессори, физика-математика фанлари доктори, Н. Абдуллаев — ТошДУ доценти, физика-математика фанлари номзоди, Э. Солиев — ТошДУ доценти, физика-математика фанлари номзоди

Махсус муҳаррир — У. Ф. Носиров, ТошДУ профессори, физика-математика фанлари доктори

Муҳаррир — Х. Алимов

ISBN 5-640-01785-6

А — 1602050000 — 118 — 95
М351 (04) 95

© «ЎЗБЕКИСТОН» нашриёти, 1995

СУЗ БОШИ

Аналитик геометрия ва чизиқли алгебра курсидан ёзилган мазкур қўлланма олий техника ўқув юртларида кундузги, кечки ва сиртдан таълим олаётган биринчи босқич талабаларига мўжалланган. Қўлланма олий техника ўқув юртлари учун тасдиқланган «Олий математика» дастури асосида ёзилган.

Қўлланманинг асосий вазифаси аналитик геометрия ва чизиқли алгебра курсига доир назарий материални баён этиш, мавжуд темаларга доир мисол ва масалаларни ечиш усуллари кўрсатишдан иборат.

Математикани техника ихтисосликларига мослаб ўқитиш хусусиятларини ҳисобга олган ҳолда аналитик геометрия ва чизиқли алгебра курсининг физика, механика, радиотехника, электротехника ва бошқа фанларга татбиқига алоҳида эътибор берилди ва уларга доир мисол ва масалаларни ечиш усуллари кўрсатилди.

Шунингдек, бу курсни яхши ўзлаштирган ва янада чуқурроқ ўзлаштириш истаги бўлган талабалар учун 9- бобда аналитик геометрия ва чизиқли алгебра курсига доир масалалар ечилишлари билан ҳамда мустақил ечиш учун мисол ва масалалар келтирилди.

Қўлланма 9 та боб ва юқори тартибли ажойиб эгри чизиқларга бағишланган иловадан иборат. Қўлланмага муаллифларнинг Абу Райхон Беруний номли Тошкент Давлат техника университетида кўп йиллар давомида ўқиган маърузалари ва амалий машғулоти материаллари асос қилиб олинди. Бундан ташқари, мавжуд ўзбек ва рус тилларидаги адабиётлардан ҳам кенг фойдаланилди.

Муаллифлар китоб қўлёзмасини диққат билан ўқиб чиқиб, бир қатор фойдали маслаҳатлар ва тузатишлар берганликлари учун ТошДУ профессори А. Ҳамидов, доцент Н. Абдуллаев, ТошДТУ доценти Э. Солиев, доцент С. Эргашевга, шунингдек 1- олий математика кафедраси ўқитувчиларига ўз миннатдорчиликларини билдирадилар.

Қўлланма ҳақида билдирилган фикр ва мулоҳазаларни миннатдорчилик билан қабул қиламиз.

Муаллифлар

ДЕТЕРМИНАНТЛАР ВА ЧИЗИҚЛИ ТЕНГЛАМАЛАР СИСТЕМАСИ

Бу бобда иккинчи ва учинчи тартибли детерминантлар назариясига онд асосий маълумотлар ва бу детерминантлар билан боғлиқ икки ва уч номаълумли чизиқли тенгламалар системаларини ечиш масалалари қисқача баён қилинади. n -тартибли детерминантларнинг умумий назарияси ва чизиқли тенгламалар системасини Крамер ва Гаусс усуллари билан ечиш кўрсатилади.

1-§. Иккинчи тартибли детерминантлар

Берилган тўртта сондан иборат қуйидаги

$$\begin{pmatrix} a_{11} & a_{12} \\ a_{21} & a_{22} \end{pmatrix} \quad (1.1)$$

жадвал 2-тартибли квадрат матрица деб аталади. Бундай матрица иккита сатр ва иккита устунга эга. Бу матрицани тузувчи сонлар иккита индексли, масалан a_{ij} ($i, j=1,2$) ҳарф билан белгиланади. Бу ерда i индекс мазкур сон турган матрицанинг сатр номерини кўрсатса, j индекс эса устун номерини билдиради. $a_{11}, a_{12}, a_{21}, a_{22}$ сонлар матрицанинг элементлари деб аталади. (1.1) матрицага мос иккинчи тартибли детерминант деб $a_{11}a_{22} - a_{12}a_{21}$ сонга айтилади ва у қуйидагича белгиланади:

$$\Delta = \begin{vmatrix} a_{11} & a_{12} \\ a_{21} & a_{22} \end{vmatrix} = a_{11}a_{22} - a_{12}a_{21} \quad (1.2)$$

ёки

$$\Delta = \det \begin{vmatrix} a_{11} & a_{12} \\ a_{21} & a_{22} \end{vmatrix} = \det \begin{pmatrix} a_{11} & a_{12} \\ a_{21} & a_{22} \end{pmatrix}$$

Бу детерминант иккита a_{11} , a_{12} ва a_{21} , a_{22} сатр элементлари ва иккита a_{11} , a_{21} ва a_{12} , a_{22} устун элементларидан иборат. a_{11} , a_{22} элементларга бош диагональ элементлари, a_{12} , a_{21} лар эса ёрдамчи диагональ элементлари дейилади.

Демак, иккинчи тартибли детерминантни ҳисоблаш учун унинг бош диагонали элементлари кўпайтмасидан ёрдамчи диагонали элементлари кўпайтмасини айириш керак экан.

1-мисол. Куйидаги детерминантлар ҳисоблансин:

$$1. \begin{vmatrix} -5 & 3 \\ 2 & -1 \end{vmatrix}, 2. \begin{vmatrix} \cos 2x & -\sin 2x \\ \sin 2x & \cos 2x \end{vmatrix}, 3. \begin{vmatrix} \operatorname{tg} 3\alpha & 1 \\ -1 & \operatorname{ctg} 3\alpha \end{vmatrix}$$

Ечиш. (1.2) формулага кўра ҳисоблаймиз:

$$1. \Delta = \begin{vmatrix} -5 & 3 \\ 2 & -1 \end{vmatrix} = (-5) \cdot (-1) - 2 \cdot 3 = 5 - 6 = -1.$$

$$2. \Delta = \begin{vmatrix} \cos 2x & -\sin 2x \\ \sin 2x & \cos 2x \end{vmatrix} = \cos 2x \cdot \cos 2x + \sin 2x \cdot \sin 2x = \cos^2 2x + \sin^2 2x = 1.$$

$$3. \Delta = \begin{vmatrix} \operatorname{tg} 3\alpha & 1 \\ -1 & \operatorname{ctg} 3\alpha \end{vmatrix} = \operatorname{tg} 3\alpha \cdot \operatorname{ctg} 3\alpha - 1 \cdot (-1) = 1 + 1 = 2.$$

Иккинчи тартибли детерминантни икки номаълумли иккита чизикли тенглама системасининг умумий ечимини топиш натижасида келиб чиқишини кўрсатайлик. Ушбу

$$\begin{cases} a_{11}x + a_{12}y = c_1, \\ a_{21}x + a_{22}y = c_2 \end{cases} \quad (1.3)$$

чизикли тенгламалар системаси берилган бўлсин. (1.3) системанинг тенгламаларидан биринчисининг ҳар иккала қисмини a_{22} га, иккинчисини эса a_{12} га кўпайтириб, ҳосил бўлган тенгликларни ҳадма-ҳад қўшиб куйидаги натижага эга бўламиз:

$$(a_{11}a_{22} - a_{12}a_{21})x = c_1a_{22} - c_2a_{12}. \quad (1.4)$$

Шунга ўхшаш, биринчи тенгламани — a_{21} га, иккинчи тенгламани эса a_{11} га кўпайтириб, уларни ҳадма-ҳад қўшиб,

$$(a_{11}a_{22} - a_{12}a_{21})y = c_2a_{11} - c_1a_{21} \quad (1.5)$$

тенгликни ҳосил қиламиз. (1.4) ва (1.5) тенгликларга (1.2) ни татбиқ этамиз ва қуйидаги белгилашларни киритамиз:

$$\Delta = a_{11}a_{22} - a_{21}a_{12} = \begin{vmatrix} a_{11} & a_{12} \\ a_{21} & a_{22} \end{vmatrix};$$

$$\Delta_x = c_1a_{22} - c_2a_{12} = \begin{vmatrix} c_1 & a_{12} \\ c_2 & a_{22} \end{vmatrix};$$

$$\Delta_y = c_2a_{11} - c_1a_{21} = \begin{vmatrix} a_{11} & c_1 \\ a_{21} & c_2 \end{vmatrix}.$$

Δ_x, Δ_y — ёрдамчи детерминантлар дейилади.

Натижада (1.3) системага эквивалент бўлган ушбу содда чизикли тенгламалар системасини олишимиз мумкин:

$$\begin{cases} \Delta \cdot x = \Delta_x, \\ \Delta \cdot y = \Delta_y \end{cases} \quad (1.6)$$

(1.3) ёки (1.6) тенгламалар системаси учун қуйидаги ҳоллардан бири бўлиши мумкин.

1. Агар $a_{11}a_{22} - a_{12}a_{21} \neq 0$ бўлса, у ҳолда (1.3) система ягона ечимга эга бўлиб, у қуйидагича топилади:

$$x = \frac{c_1a_{22} - c_2a_{12}}{a_{11}a_{22} - a_{12}a_{21}}; y = \frac{c_2a_{11} - c_1a_{21}}{a_{11}a_{22} - a_{12}a_{21}}$$

ёки

$$x = \frac{\Delta_x}{\Delta} = \frac{\begin{vmatrix} c_1 & a_{12} \\ c_2 & a_{22} \end{vmatrix}}{\begin{vmatrix} a_{11} & a_{12} \\ a_{21} & a_{22} \end{vmatrix}}; y = \frac{\Delta_y}{\Delta} = \frac{\begin{vmatrix} a_{11} & c_1 \\ a_{21} & c_2 \end{vmatrix}}{\begin{vmatrix} a_{11} & a_{12} \\ a_{21} & a_{22} \end{vmatrix}}. \quad (1.7)$$

(1.7) формула Крамер формулалари дейилади. (Крамер Г. 31.07.1704—4.01.1752, швейцариялик математик.)

Геометрик нуқтаи назардан агар (1.3) система ягона (1.7) ечимга эга бўлса, у ҳолда (1.3) система тенгламалари текисликдаги иккита тўғри чизик тенгламалари бўлиб, улар $\left(x = \frac{\Delta_x}{\Delta}, y = \frac{\Delta_y}{\Delta}\right)$ нуқтада ўзаро кесишишини билдиради.

2. Агар $\Delta=0$ бўлиб Δ_x ёки Δ_y ёрдамчи детерминантлардан камида биттаси нолдан фарқли бўлса, у ҳолда (1.3) система ечимга эга эмас ёки берилган система тенгламалари биргаликда эмас дейилади.

Бунни қуйидагича кўрсатамиз. $\Delta=0$ дан $a_{11}a_{22} - a_{12}a_{21}=0$ келиб чиқади. Бундан $\frac{a_{11}}{a_{12}} = \frac{a_{21}}{a_{22}} = k$

десак (k — бирор хақиқий сон), ундан $a_{11}=ka_{12}$ ва $a_{21}=ka_{22}$ ларни ҳосил қиламиз. Агар уларни (1.3) системага қўйсақ:

$$\begin{cases} k(a_{21}x + a_{22}y) = c_1, \\ a_{21}x + a_{22}y = c_2 \end{cases}$$

ни ҳосил қиламиз. $k \neq 0$ деб охириги системани қуйидаги кўринишда ёзиб оламиз:

$$\begin{cases} a_{21}x + a_{22}y = \frac{c_1}{k}, \\ a_{21}x + a_{22}y = c_2. \end{cases} \quad (1.8)$$

Бундан $\frac{c_1}{k} = c_2$ ёки $\frac{c_1}{k} \neq c_2$ бўлиши мумкин. Агар $c_1 \neq kc_2$ бўлса, $c_1 \neq c_2 \cdot \frac{a_{11}}{a_{12}}$, яъни $\Delta_y \neq 0$ ёки $c_1 \neq c_2 \times \frac{a_{21}}{a_{22}}$, яъни $\Delta_x \neq 0$ бўлади. Бундан эса (1.3) тенгламалар системаси ечимга эга эмаслиги келиб чиқади.

(1.3) даги ҳар бир тенглама $\Delta=0$ бўлганда (1.8) тенгламалар системасига келади ва у параллел ($c_1 \neq kc_2$) тўғри чизиқларни ифодалайди.

3. Агар $\Delta=\Delta_x=\Delta_y=0$ бўлса, (1.3) системадаги биринчи тенгламанинг коэффициентлари иккинчи тенгламанинг коэффициентларига пропорционал бўлади ва (1.3) система чексиз кўп ечимга эга бўлади. $\Delta_x=\Delta_y=0$ бўлса, $c_1=kc_2$ бўлиб (1.8) система

$$\begin{cases} a_{21}x + a_{22}y = c_2, \\ a_{21}x + a_{22}y = c_2 \end{cases}$$

кўринишга келади. Бу система устма-уст тушган икки тўғри чизиқни ифодалайди.

1-мисол. Ушбу системани ечинг:

$$\begin{cases} 3x + 2y = 12, \\ x - 2y = -4. \end{cases}$$

Ечиш. (1.7) формуладан фойдаланиб қуйидаги детерминантларни тузамиз ва уларни ҳисоблаймиз:

$$\Delta = \begin{vmatrix} 3 & 2 \\ 1 & -2 \end{vmatrix} = -6 - 2 = -8,$$

$$\Delta_x = \begin{vmatrix} 12 & 2 \\ -4 & -2 \end{vmatrix} = -24 + 8 = -16,$$

$$\Delta_y = \begin{vmatrix} 3 & 12 \\ 1 & -4 \end{vmatrix} = -12 - 12 = -24.$$

$\Delta = -8 \neq 0$ бўлгани учун система ягона ечимга эга. Крамер формуласига кўра:

$$x = \frac{\Delta_x}{\Delta} = \frac{-16}{-8} = 2,$$

$$y = \frac{\Delta_y}{\Delta} = \frac{-24}{-8} = 3.$$

Демак, тўғри чизиқлар xOy текисликда $(2;3)$ нуктада ўзаро кесишар экан.

2-мисол. Ушбу системани ечинг:

$$\begin{cases} 7x + 9y = 17, \\ 14x + 18y = 13. \end{cases}$$

Ечиш. Қуйидаги детерминантларни тузамиз ва уларни ҳисоблаймиз:

$$\Delta = \begin{vmatrix} 7 & 9 \\ 14 & 18 \end{vmatrix} = 7 \cdot 18 - 9 \cdot 14 = 126 - 126 = 0;$$

$$\Delta_x = \begin{vmatrix} 17 & 9 \\ 13 & 18 \end{vmatrix} = 189; \quad \Delta_y = \begin{vmatrix} 7 & 17 \\ 14 & 13 \end{vmatrix} = -147;$$

$$\Delta = 0; \Delta_x = 189 \neq 0; \Delta_y = -147 \neq 0 \text{ ёки } \frac{7}{14} = \frac{9}{18} \neq \frac{17}{13}$$

бўлгани учун система ечимга эга эмас.

3-мисол. Ушбу системани ечинг:

$$\begin{cases} 2x - 5y = 3, \\ 8x - 20y = 12. \end{cases}$$

Е чи ш. Бу система учун:

$$\Delta = \begin{vmatrix} 2 & -5 \\ 8 & -20 \end{vmatrix} = 0; \Delta_x = \begin{vmatrix} 3 & -5 \\ 12 & -20 \end{vmatrix} = 0; \Delta_y = \begin{vmatrix} 2 & 3 \\ 8 & 12 \end{vmatrix} = 0$$

ёки $\frac{2}{8} = \frac{-5}{-20} = \frac{3}{12}$ бўлгани учун система тенгламалари устма-уст тушувчи тўғри чиқишларни ифодалайди ва бундан система чексиз кўп счимга эга эканлиги келиб чиқади.

2-§. Учинчи тартибли детерминантлар ва уларнинг хоссалари

Ушбу

$$\begin{pmatrix} a_{11} & a_{12} & a_{13} \\ a_{21} & a_{22} & a_{23} \\ a_{31} & a_{32} & a_{33} \end{pmatrix} \text{ ёки } \begin{vmatrix} a_{11} & a_{12} & a_{13} \\ a_{21} & a_{22} & a_{23} \\ a_{31} & a_{32} & a_{33} \end{vmatrix} \quad (1.9)$$

кўринишдаги сонли жадвалга учинчи тартибли квадрат матрица дейилади. (1.9) матрицанинг учинчи тартибли детерминанти деб,

$$\Delta = \begin{vmatrix} a_{11} & a_{12} & a_{13} \\ a_{21} & a_{22} & a_{23} \\ a_{31} & a_{32} & a_{33} \end{vmatrix} = \det \begin{pmatrix} a_{11} & a_{12} & a_{13} \\ a_{21} & a_{22} & a_{23} \\ a_{31} & a_{32} & a_{33} \end{pmatrix}$$

каби белгиланувчи ва сон қиймати иккинчи тартибли детерминант орқали қуйидаги:

$$\Delta = \begin{vmatrix} a_{11} & a_{12} & a_{13} \\ a_{21} & a_{22} & a_{23} \\ a_{31} & a_{32} & a_{33} \end{vmatrix} = a_{11} \begin{vmatrix} a_{22} & a_{23} \\ a_{32} & a_{33} \end{vmatrix} - \\ - a_{12} \begin{vmatrix} a_{21} & a_{23} \\ a_{31} & a_{33} \end{vmatrix} + a_{13} \begin{vmatrix} a_{21} & a_{22} \\ a_{31} & a_{32} \end{vmatrix} \quad (1.10)$$


тенглик билан аниқланувчи сонга айтилади. (1.10) формуладаги иккинчи тартибли детерминантлар ўрнига (1.2) формуладан фойдаланиб уларнинг қийматларини қўйсак, у ҳолда учинчи тартибли детерминант учун ушбу

$$\Delta = \begin{vmatrix} a_{11} & a_{12} & a_{13} \\ a_{21} & a_{22} & a_{23} \\ a_{31} & a_{32} & a_{33} \end{vmatrix} = a_{11}a_{22}a_{33} + a_{12}a_{23}a_{31} + a_{21}a_{32}a_{13} - (a_{31}a_{22}a_{13} + a_{21}a_{12}a_{33} + a_{32}a_{23}a_{11}) \quad (1.11)$$



хисоблаш формуласини ҳосил қиламиз.

Қулайлик учун детерминантнинг элементларини иккита индексли битта a_{ij} (бунда $i, j = 1, 2, 3$) ҳарф билан белгилаш қабул қилинган бўлиб, биринчи индекс ҳар доим элемент жойлашган сатр номерини, иккинчи-индекс эса устун номерини кўрсатади. Масалан, a_{31} ёзув бу ҳад учинчи сатрнинг биринчи устуни элементи эканини билдиради. a_{11} , a_{22} , a_{33} элементлар бош диагонал элементлари, a_{13} , a_{22} , a_{31} элементлар эса ёрдамчи диагонал элементлари дейилади.

(1.11) ҳисоблаш формуласининг ўнг томонидаги қўшилувчиларнинг ишораларини ушбу схемадан фойдаланиб аниқлаш қулай (буни учбурчак усули ҳам дейилади):



Учинчи тартибли детерминантни Сарриус қоидаси (элементларни кўчириш усули ҳам дейилади) деб аталувчи усул билан ҳам ҳисоблаш мумкин. Бу усулни схема кўринишида қуйидагича ёзиш мумкин:



1-мисол. Куйидаги учинчи тартибли детерминантларни ҳисобланг:

$$1. \begin{vmatrix} 2 & 1 & 3 \\ 1 & 0 & -1 \\ 4 & 5 & 2 \end{vmatrix}; 2. \begin{vmatrix} b & 1 & b \\ -1 & b & 1 \\ b & -1 & b \end{vmatrix}$$

Ечиш. Берилган детерминантларни юқоридаги схема ва (1.11) формулага кўра ҳисоблаймиз.

$$1. \begin{vmatrix} 2 & 1 & 3 \\ 1 & 0 & -1 \\ 4 & 5 & 2 \end{vmatrix} = (2 \cdot 0 \cdot 2 + 1 \cdot (-1) \cdot 4 + 1 \cdot 3 \cdot 5) - \\ - (30 \cdot 4 + 2 \cdot 5 - (-1) + 1 \cdot 1 \cdot 2) = \\ = -4 + 15 - (-10 + 2) = 11 + 8 = 19.$$

$$2. \begin{vmatrix} b & 1 & b \\ -1 & b & 1 \\ b & -1 & b \end{vmatrix} = (b \cdot b \cdot b + b + b) - \\ - (b \cdot b \cdot b - b - b) = \\ = b^3 + b + b - b^3 + b + b = 4b.$$

Учинчи тартибли детерминантни ҳисоблашнинг (1.11) формуласидаги алгебраик йиғиндиларнинг ҳар бир ҳади учта элемент кўпайтмасидан иборат бўлиб, бу кўпайтувчиларнинг ҳар бири детерминантнинг турли устун ва турли сатрдан олингандир. Масалан, $a_{12}a_{21}a_{33}$ кўпайтманинг биринчи коэффициентни a_{12} 1-устуннинг биринчи сатрига жойлашган сон бўлса, қолган икки коэффициент 2-устун ва 1-сатрдан бошқа ерда жойлашган сони (a_{21} 2-сатр, 1-устун; a_{33} 3-сатр, 3-устун) бўлади. Шундай қилиб, детерминантни ҳисоблаш учун берилган (1.11) формуладан унинг элементларидан бири (масалан, a_{11}) қатнашган кўпайтмалар йиғиндисини олсак, улар 2 та бўлиб, у $a_{11}a_{22}a_{33} - a_{11}a_{32}a_{23}$ кўринишда ёзилади. Ундан a_{11} ни қавсдан чиқариб ёзамиз: $a_{11}(a_{22}a_{33} - a_{32}a_{23})$. Бу ерда қавс ичидаги айирма a_{11} элементнинг тўлдирувчи минори деб аталади ва

$$M_{11} = a_{22}a_{33} - a_{32}a_{23} = \begin{vmatrix} a_{22} & a_{23} \\ a_{32} & a_{33} \end{vmatrix}$$

кўринишда ёзилади. Детерминантнинг исталган элементларининг тўлдирувчи минорларини худди шундай

ёзиш мумкин. Масалан, детерминантнинг a_{22} элементи-
нинг тўлдирувчи минори ушбу кўринишда ёзилади:

$$M_{22} = \begin{vmatrix} a_{11} & a_{13} \\ a_{31} & a_{33} \end{vmatrix}$$

Демак, бирор элементнинг минори деб шу элемент турган сатр ва устунни ўчиришдан ҳосил бўлган детерминантга айтилади.

Бирор элементнинг алгебраик тўлдирувчиси деб унинг мусбат ёки манфий ишора билан олинган тўлдирувчи минорига айтилади ва у A_{ij} орқали белгиланади:

$$A_{ij} = (-1)^{i+j} M_{ij}. \quad (1.12)$$

Бу формуладаги M_{ij} минорни аниқлаш усулини келтирамиз. Бунинг учун

$$\Delta = \begin{vmatrix} a_{11} & a_{12} & a_{13} \\ a_{21} & a_{22} & a_{23} \\ a_{31} & a_{32} & a_{33} \end{vmatrix}$$

детерминантни ёзамиз. M_{ij} минорни аниқлаш учун детерминантнинг i -сатридаги ва j -устунидаги барча элементларни ўчиришдан қолган элементларини ёзсак, иккинчи тартибли детерминант ҳосил бўлади ва у биз излаётган M_{ij} минорни беради. Масалан, a_{12} элементнинг минорини топиш учун Δ детерминантнинг 1-сатридаги a_{11} , a_{12} , a_{13} элементлари ҳамда 2-устундаги a_{12} , a_{22} , a_{32} элементларини ўчирсак, ўчирилмай қолган элементлардан ташкил топган M_{12} минорни ҳосил қиламиз:

$$M_{12} = \begin{vmatrix} a_{21} & a_{23} \\ a_{31} & a_{33} \end{vmatrix}$$

Бошқа элемент минорлари ҳам шундай топилади. Масалан, M_{31} ни топайлик (Δ детерминантда 1-устун ва 3-сатрни ўчирамиз):

$$M_{31} = \begin{vmatrix} a_{12} & a_{13} \\ a_{22} & a_{23} \end{vmatrix}$$

a_{13} элементнинг алгебраик тўлдирувчиси (1.12) формулага кўра қуйидагича ҳисобланади:

$$A_{13} = (-1)^{1+3} M_{13} = \begin{vmatrix} a_{21} & a_{22} \\ a_{31} & a_{32} \end{vmatrix}.$$

a_{32} элементнинг алгебраик тўлдирувчиси эса қуйидаги кўринишга эга:

$$A_{32} = (-1)^{3+2} M_{32} = - \begin{vmatrix} a_{11} & a_{13} \\ a_{21} & a_{23} \end{vmatrix}.$$

Бундан фойдаланиб ихтиёрий тартибли детерминантни унинг элементларини мос алгебраик тўлдирувчиларга кўпайтмаларининг йигиндиси кўринишида ифода-лаш мумкин.

Масалан, (1.10) детерминантнинг сатр элементлари учун

$$\Delta = a_{11}A_{11} + a_{12}A_{12} + a_{13}A_{13},$$

устун элементлари учун

$$\Delta = a_{1j}A_{1j} + a_{2j}A_{2j} + a_{3j}A_{3j}$$

тенгликларни ёзиш мумкин (бунда $i, j=1,2,3$).

Аммо, детерминантнинг бирор сатри (устуни) элементларини бошқа сатри (устуни) элементларининг алгебраик тўлдирувчиларига кўпайтмаларининг йигиндиси нолга тенг бўлади.

Масалан, сатрлар учун: $a_{11}A_{21} + a_{12}A_{22} + a_{13}A_{23} = 0$,
устунлар учун: $a_{12}A_{11} + a_{22}A_{21} + a_{32}A_{31} = 0$.

Булардан биринчисини текшириб кўрамиз:

$$\begin{aligned} a_{11}A_{21} + a_{12}A_{22} + a_{13}A_{23} &= -a_{11} \begin{vmatrix} a_{12} & a_{13} \\ a_{32} & a_{33} \end{vmatrix} + \\ &+ a_{12} \begin{vmatrix} a_{11} & a_{13} \\ a_{31} & a_{33} \end{vmatrix} - a_{13} \begin{vmatrix} a_{11} & a_{12} \\ a_{31} & a_{32} \end{vmatrix} = \\ &= -a_{11}(a_{12}a_{33} - a_{13}a_{32}) + a_{12}(a_{11}a_{33} - \\ &- a_{13}a_{31}) - a_{13}(a_{11}a_{32} - a_{12}a_{31}) = \\ &= -a_{11}a_{12}a_{33} + a_{11}a_{13}a_{32} + a_{11}a_{12}a_{33} - \\ &- a_{12}a_{13}a_{31} - a_{11}a_{13}a_{32} + a_{12}a_{13}a_{31} = 0. \end{aligned}$$

2- мисол. Куйидаги учинчи тартибли детерминантни 1- устуни элементлари бўйича ёйиб ҳисобланг:

$$\Delta = \begin{vmatrix} 1 & 2 & -1 \\ 2 & -1 & 1 \\ 3 & -5 & 2 \end{vmatrix}.$$

Ечиш.

$$\begin{aligned} \Delta &= \begin{vmatrix} 1 & 2 & -1 \\ 2 & -1 & 1 \\ 3 & -5 & 2 \end{vmatrix} = \begin{vmatrix} -1 & 1 \\ -5 & 2 \end{vmatrix} - \\ &- 2 \begin{vmatrix} 2 & -1 \\ -5 & 2 \end{vmatrix} + 3 \begin{vmatrix} 2 & -1 \\ -1 & 1 \end{vmatrix} = \\ &= (-2+5) - 2(4-5) + 3(2-1) = 3+2+3=8. \end{aligned}$$

Энди детерминантларнинг асосий хоссаларини кўриб чиқамиз.

1- хосса. Агар детерминантнинг ҳамма устунларини унинг ҳамма сатрлар билан (ёки аксинча) ўринларини мос равишда алмаштирилса, детерминантнинг қиймати ўзгармайди, яъни

$$\begin{vmatrix} a_{11} & a_{12} & a_{13} \\ a_{21} & a_{22} & a_{23} \\ a_{31} & a_{32} & a_{33} \end{vmatrix} = \begin{vmatrix} a_{11} & a_{21} & a_{31} \\ a_{12} & a_{22} & a_{32} \\ a_{13} & a_{23} & a_{33} \end{vmatrix}.$$

2- хосса. Агар детерминантнинг ихтиёрий иккита сатрининг (ёки иккита устуннинг) ўринлари алмаштирилса, детерминантнинг фақат ишораси ўзгаради:

$$\begin{vmatrix} a_{11} & a_{12} & a_{13} \\ a_{21} & a_{22} & a_{23} \\ a_{31} & a_{32} & a_{33} \end{vmatrix} = - \begin{vmatrix} a_{21} & a_{22} & a_{23} \\ a_{11} & a_{12} & a_{13} \\ a_{31} & a_{32} & a_{33} \end{vmatrix}.$$

3- хосса. Агар детерминантнинг иккита сатри (ёки иккита устуни) бир хил элементлардан иборат бўлса, детерминантнинг қиймати нолга тенг бўлади.

4- хосса. Агар детерминантнинг бирор сатр (ёки устун) элементлари битта умумий купайтувчига эга

бўлса, бу кўпайтувчини детерминант белгисидан ташқарига чиқариш мумкин:

$$\begin{vmatrix} a_{11} & ka_{12} & a_{13} \\ a_{21} & ka_{22} & a_{23} \\ a_{31} & ka_{32} & a_{33} \end{vmatrix} = k \begin{vmatrix} a_{11} & a_{12} & a_{13} \\ a_{21} & a_{22} & a_{23} \\ a_{31} & a_{32} & a_{33} \end{vmatrix}$$

5-хосса. Агар детерминантни бирор сатри (устуни) нинг ҳар бир элементи икки қўшилувчининг йигиндисидан иборат бўлса, берилган детерминантни икки детерминантнинг йигиндиси кўринишида ёзиш мумкин. Бунда биринчи қўшилувчи детерминант элементлари берилган детерминант элементларидан иборат, иккинчи қўшилувчи детерминант элементлари эса фақат қўшилувчи сатр (устун) элементлари билан фарқ қилади:

$$\begin{vmatrix} a_{11} & a_{12} + m_1 a_{13} \\ a_{21} & a_{22} + m_2 a_{23} \\ a_{31} & a_{32} + m_3 a_{33} \end{vmatrix} = \begin{vmatrix} a_{11} & a_{12} & a_{13} \\ a_{21} & a_{22} & a_{23} \\ a_{31} & a_{32} & a_{33} \end{vmatrix} + \begin{vmatrix} a_{11} & m_1 a_{13} \\ a_{21} & m_2 a_{23} \\ a_{31} & m_3 a_{33} \end{vmatrix}$$

6-хосса. Агар детерминантнинг бирор сатр (устуни) нинг барча элементлари нолга тенг бўлса, бундай детерминантнинг қиймати нолга тенг бўлади:

$$\begin{vmatrix} a_{11} & 0 & a_{13} \\ a_{21} & 0 & a_{23} \\ a_{31} & 0 & a_{33} \end{vmatrix} = \begin{vmatrix} a_{11} & a_{12} & a_{13} \\ a_{21} & 0 & 0 \\ a_{31} & a_{32} & a_{33} \end{vmatrix} = 0.$$

7-хосса. Агар детерминантнинг иккита сатри (ёки иккита устуни) нинг мос элементлари пропорционал бўлса, бу детерминантнинг қиймати нолга тенг бўлади. Масалан:

$$\begin{vmatrix} 6 & 2 & 7 \\ 3 & 1 & 9 \\ 15 & 5 & 11 \end{vmatrix} = 3 \begin{vmatrix} 2 & 2 & 7 \\ 1 & 1 & 9 \\ 5 & 5 & 11 \end{vmatrix} = 3 \cdot 0 = 0.$$

8-хосса. Детерминантнинг бирор сатр (устун) элементларига бошқа сатр (устун) нинг бир хил сояга кўпайтирилган мос элементларини қўшишдан ҳосил бўлган детерминантнинг қиймати дастлабки детерминант қийматига тенг бўлади. Масалан:

$$\begin{vmatrix} a_{11} & a_{12} & a_{13} \\ a_{21} & a_{22} & a_{23} \\ a_{31} & a_{32} & a_{33} \end{vmatrix} = \begin{vmatrix} a_{11} + ka_{13} & a_{12} & a_{13} \\ a_{21} + ka_{23} & a_{22} & a_{23} \\ a_{31} + ka_{33} & a_{32} & a_{33} \end{vmatrix} =$$

$$= \begin{vmatrix} a_{11} & a_{12} & a_{13} \\ a_{21} & a_{22} & a_{23} \\ a_{31} & a_{32} & a_{33} \end{vmatrix} + k \begin{vmatrix} a_{13} & a_{12} & a_{13} \\ a_{23} & a_{22} & a_{23} \\ a_{33} & a_{32} & a_{33} \end{vmatrix} = \begin{vmatrix} a_{11} & a_{12} & a_{13} \\ a_{21} & a_{22} & a_{23} \\ a_{31} & a_{32} & a_{33} \end{vmatrix}.$$

9- хосса. Детерминантнинг бирор сатри (устуни) элементларининг унинг бошқа сатри (устуни) элементлари алгебраик тулдирувчилари билан купайтмаларининг йигиндиси нолга тенг. Масалан:

$$a_{11}A_{21} + a_{12}A_{22} + a_{13}A_{23} = 0,$$

$$a_{12}A_{11} + a_{22}A_{21} + a_{32}A_{31} = 0.$$

Детерминантларнинг хоссаларини исботлашни ўқувчининг ўзига хавола қиламиз.

3- §. Уч номаълумли учта чизикли тенгламалар системалари

Уч номаълумли учта чизикли тенгламалар системаси берилган бўлсин:

$$\begin{cases} a_{11}x_1 + a_{12}x_2 + a_{13}x_3 = c_1, \\ a_{21}x_1 + a_{22}x_2 + a_{23}x_3 = c_2, \\ a_{31}x_1 + a_{32}x_2 + a_{33}x_3 = c_3. \end{cases} \quad (1.13)$$

Икки номаълумли иккита чизикли тенгламалар системасининг умумий ечимини топишда номаълумлар олдидаги коэффициентларни тенглаб биринчи тенгламадан иккинчисини айириш натижасида битта номаълумли тенглама ҳосил қилиниб ундан номаълумнинг қиймати топилган эди. Худди шу ишни (1.13) системага татбиқ этсак, натижада (1.13) системага эквивалент қуйидаги тенгламалар системасига эга бўламиз:

$$\begin{cases} x_1 \cdot \Delta = \Delta_{x_1}, \\ x_2 \cdot \Delta = \Delta_{x_2}, \\ x_3 \cdot \Delta = \Delta_{x_3} \end{cases} \quad (A)$$

бунда

$$\Delta = \begin{vmatrix} a_{11} & a_{12} & a_{13} \\ a_{21} & a_{22} & a_{23} \\ a_{31} & a_{32} & a_{33} \end{vmatrix}; \Delta_{x_1} = \begin{vmatrix} c_1 & a_{12} & a_{13} \\ c_2 & a_{22} & a_{23} \\ c_3 & a_{23} & a_{33} \end{vmatrix};$$

$$\Delta_{x_2} = \begin{vmatrix} a_{11} & c_1 & a_{13} \\ a_{21} & c_2 & a_{23} \\ a_{31} & c_3 & a_{33} \end{vmatrix}; \Delta_{x_3} = \begin{vmatrix} a_{11} & a_{12} & c_1 \\ a_{21} & a_{22} & c_2 \\ a_{31} & a_{32} & c_3 \end{vmatrix}.$$

Номаълумлар олдидаги коэффициентлардан тузилган учинчи тартибли Δ детерминант (1.13) системанинг детерминанти дейилади. Δ_{x_1} , Δ_{x_2} ва Δ_{x_3} детерминантлар ёрдамчи детерминантлар дейилади.

Агар (A) системада $\Delta \neq 0$ бўлса, у ҳолда

$$x_1 = \frac{\Delta_{x_1}}{\Delta}; x_2 = \frac{\Delta_{x_2}}{\Delta}; x_3 = \frac{\Delta_{x_3}}{\Delta}. \quad (1.14)$$

x_1 , x_2 , x_3 нинг (1.14) формулалар бўйича топилган қийматлари (1.13) системанинг ечимлари бўлишини бевосита текшириб қўриш билан ишонч ҳосил қилиш мумкин. (1.14) тенгликлар Крамер формулалари дейилади.

(1.14) формулаларда қуйидаги ҳоллар содир бўлиши мумкин.

1. $\Delta \neq 0$. Бу ҳолда (1.14) формулалардан система ягона ечимга эга экани келиб чиқади.


1- мисол. Ушбу системани ечинг:

$$\begin{cases} x_1 + 2x_2 - x_3 = 2, \\ 2x_1 - 3x_2 + 2x_3 = 2, \\ 3x_1 + x_2 + x_3 = 8. \end{cases}$$

Ечиш. Бу ерда

$$\Delta = \begin{vmatrix} 1 & 2 & -1 \\ 2 & -3 & 2 \\ 3 & 1 & 1 \end{vmatrix} = -8; \Delta_{x_1} = \begin{vmatrix} 2 & 3 & -1 \\ 2 & -3 & 2 \\ 8 & 1 & 1 \end{vmatrix} = -8;$$

$$\Delta_{x_2} = \begin{vmatrix} 1 & 2 & -1 \\ 2 & 2 & 2 \\ 3 & 8 & 1 \end{vmatrix} = -16; \Delta_{x_3} = \begin{vmatrix} 1 & 2 & 2 \\ 2 & -3 & 2 \\ 3 & 1 & 8 \end{vmatrix} = -24.$$



(1.14) формулалардан қуйидагиларни топамиз:

$$x_1 = \frac{-8}{-8} = 1; x_2 = \frac{-16}{-8} = 2; x_3 = \frac{-24}{-8} = 3.$$

Ж а в о б: (1;2;3)

2. $\Delta=0$ ва $\Delta_{x_1}, \Delta_{x_2}, \Delta_{x_3}$ детерминантлардан камида биттаси нолдан фаркли бўлса, у ҳолда (1.13) система ечимга эга эмас. Аниклик учун $\Delta_{x_1}=\Delta_{x_2}=0$ бўлиб, $\Delta_{x_3} \neq 0$ бўлсин. У ҳолда (1.14) дан:

$$x_3 = \frac{\Delta_{x_3}}{\Delta} \Rightarrow \Delta \cdot x_3 = \Delta_{x_3}.$$

Аммо, охири тенгликнинг ўнг томони нолдан фаркли ($\Delta_{x_3} \neq 0$), чап томони эса нолга тенг, бунинг бўлиши мумкин эмас. Демак, ечимга эга эмас.

2- мисол. Ушбу

$$\begin{cases} 2x_1 + 3x_2 + x_3 = 2, \\ x_1 - 5x_2 + 2x_3 = 3, \\ 4x_1 + 6x_2 + 2x_3 = 0 \end{cases}$$

тенгламалар системаси ечимга эга эмас, чунки $\Delta=0$ (текшириб кўришни ўқувчининг ўзига ҳавола қиламиз).

3. $\Delta=0$ ва $\Delta_{x_1}=\Delta_{x_2}=\Delta_{x_3}=0$ бўлса, (1.3) система ёки ечимга эга эмас, ёки чексиз кўп ечимга эга бўлади.

3- мисол. Ушбу тенгламалар системасини ечинг:

$$\begin{cases} x_1 - x_2 + 2x_3 = 2, \\ 2x_1 - 2x_2 + 4x_3 = 4, \\ 3x_1 - 3x_2 + 6x_3 = 3. \end{cases}$$

Е ч и ш. Бу система учун

$$\Delta=0, \Delta_{x_1}=\Delta_{x_2}=\Delta_{x_3}=0.$$

Система ечимга эга эмас, чунки системадаги биринчи ва учинчи тенгламалар биргаликда бўла олмайдилар. Ҳақиқатан ҳам, биринчи тенгламани 3 га кўпайтириб, ундан учинчи тенгламани айирсак, мумкин бўлмаган $0=3$ тенгликка эга бўламиз.

4- мисол. Ушбу

$$\begin{cases} 2x_1 + 3x_2 - x_3 = 3, \\ 4x_1 + 6x_2 - 2x_3 = 6, \\ 3x_1 - x_2 + 2x_3 = -1 \end{cases}$$

система учун $\Delta = \Delta_{x_1} = \Delta_{x_2} = \Delta_{x_3} = 0$. Системадаги иккинчи тенглама биринчи тенгламани 2 га кўпайтиришдан ҳосил бўлгани учун берилган система ушбу

$$\begin{cases} 2x_1 + 3x_2 - x_3 = 3, \\ 3x_1 - x_2 + 2x_3 = -1 \end{cases}$$

системага тенг кучли ва чексиз кўп ечимлар тўпламига эга. x_3 га ихтиёрий қийматлар бериб x_1 ва x_2 нинг унга мос қийматларини топамиз. Масалан, $x_3 = 1$ да

$$\begin{cases} 2x_1 + 3x_2 = 4, \\ 3x_1 - x_2 = -3 \end{cases}$$

системани ҳосил қиламиз, уни ечиб $x_1 = -\frac{5}{11}$,

$x_2 = \frac{18}{11}$ ни топамиз. $x_1 = 0$ да $x_2 = 1$, $x_3 = 0$ га эга бўламиз.

4- §. n - тартибли детерминантлар ва уларни ҳисоблаш

Ушбу

$$\begin{pmatrix} a_{11} & a_{12} & \dots & a_{1n} \\ a_{21} & a_{22} & \dots & a_{2n} \\ \dots & \dots & \dots & \dots \\ a_{n1} & a_{n2} & \dots & a_{nn} \end{pmatrix} \quad (1.15)$$

n - тартибли квадрат матрица берилган бўлсин (унда сатр ва устунлар сони тенг бўлиб, уларнинг ҳар биридаги сонлар n та бўлсин). Юқорида киритилгани каби (иккинчи ва учинчи тартибли детерминантлар) бу ерда ҳам A матрицага мос келувчи n - тартибли детерминантни киритамиз:

$$\Delta = |A| = \begin{vmatrix} a_{11} & a_{12} & \dots & a_{1n} \\ a_{21} & a_{22} & \dots & a_{2n} \\ \dots & \dots & \dots & \dots \\ a_{n1} & a_{n2} & \dots & a_{nn} \end{vmatrix} \quad (1.16)$$

Бу детерминантда $n=2$ ва $n=3$ бўлган ҳоллар 1—2-§§ ларда кўрилади. Уни ҳисоблаш, амалий татбикига мисоллар келтирилди. $n=1$ бўлганда эса (1.16) детерминант фақат битта элементдан иборат бўлган детерминантдан иборат бўлади. Унинг қиймати шу детерминантнинг элементига тенг бўлади.

Агар a_{ij} (бунда $i, j=1, n$) $\Delta = |A|$ детерминантнинг i -сатр ва j -устунида жойлашган элементи бўлса, M_{ij} билан бу элементнинг тўлдирувчи минорини, яъни (1.16) детерминантда i -сатр ва j -устунни ўчиришдан ҳосил бўлган $(n-1)$ тартибли детерминантни белгилаймиз:

$$M_{ij} = \begin{vmatrix} a_{11} & \dots & a_{1,j-1} & a_{1,j+1} & \dots & a_{1n} \\ \dots & \dots & \dots & \dots & \dots & \dots \\ a_{i-1,1} & \dots & a_{i-1,j-1} & a_{i-1,j+1} & \dots & a_{i-1,n} \\ a_{i+1,1} & \dots & a_{i+1,j-1} & a_{i+1,j+1} & \dots & a_{i+1,n} \\ \dots & \dots & \dots & \dots & \dots & \dots \\ a_{n1} & \dots & a_{n,j-1} & a_{n,j+1} & \dots & a_{nn} \end{vmatrix}$$

a_{ij} элементнинг алгебраик тўлдирувчиси A_{ij} деб

$$A_{ij} = (-1)^{i+j} M_{ij}$$

ифодани белгилаймиз.

n -тартибли детерминантларни ҳисоблаш формуласи йўқ. Аммо уни сатр (устун) элементлари бўйича ёйиб қуйидаги кўринишда ёзиш мумкин:

$$\Delta = a_{11}A_{11} + a_{12}A_{12} + \dots + a_{1n}A_{1n} \quad (1.17)$$

Шундай қилиб, n -тартибли детерминант унинг биринчи сатрининг барча элементларини уларнинг мос алгебраик тўлдирувчиларига кўпайтмалари йиғиндисига тенг. (1.17) ёйилмадаги алгебраик тўлдирувчиларни мусбат ёки манфий ишорали мос минорлар билан алмаштирилса, n -тартибли детерминантни ҳисоблаш

$(n-1)$ -тартибли бир неча детерминантни ҳисоблашга келтирилади.

(1.17) даги ҳар бир $(n-1)$ -тартибли детерминантларни ихтиёрий сатр ёки устун элементларининг уларнинг мос алгебраик тўлдирувчиларига кўпайтмалари йигиндиси кўринишида ёзамиз. Натижада $(n-1)$ -тартибли детерминантни ҳисоблаш $(n-2)$ -тартибли бир неча детерминантни ҳисоблашга келтирилади. Бу жараён учинчи ёки иккинчи тартибли детерминантлар ҳосил бўлгунча кетма-кет бажарилади.

Энди детерминантларни ҳисоблашни осонлаштирадиган бир неча усулни кўрсатамиз. Энг содда ва кўп қўлланиладиган усуллардан бири детерминантларни берилган устуни ёки сатри элементлари бўйича бир марта ёки кўп марта ёйишдир. Бунда ноль элементи кўп бўлган сатр ёки устуни танлаш мақсадга мувофиқдир. Кўпинча, детерминантни бирор сатри (ёки устуни) элементлари бўйича ёйишдан олдин, шу сатр (устун) да кўпроқ ноллар ҳосил қилиш учун олдиндан бирор сатрга (ёки устунга) бошқа сатр (устунлар) нинг чизиқли комбинациялари қўшилади. Детерминантнинг хоссаларидан ҳам фойдаланилади. Буни мисолларда кўрсатамиз.

1-мисол. Детерминантни ҳисобланг:

$$\begin{vmatrix} -1 & -2 & 1 & 4 \\ 1 & 3 & 0 & 6 \\ 2 & -2 & 1 & 4 \\ 3 & 1 & -2 & -1 \end{vmatrix}$$

Ечиш. Берилган детерминантнинг учинчи сатрини -1 га кўпайтирамиз ва уни биринчи сатрга қўшиб, натижани биринчи сатрга ёзамиз:

$$\Delta = \begin{vmatrix} -3 & 0 & 0 & 0 \\ 1 & 3 & 0 & 6 \\ 2 & -2 & 1 & 4 \\ 3 & 1 & -2 & -1 \end{vmatrix}$$

Бу детерминантни биринчи сатр элементлари бўйича ёямиз:

$$\Delta = -3 \cdot \begin{vmatrix} 3 & 0 & 6 \\ -2 & 1 & 4 \\ 1 & -2 & 1 \end{vmatrix} - 0 \cdot \begin{vmatrix} 1 & 0 & 6 \\ 2 & 1 & 4 \\ 3 & -2 & -1 \end{vmatrix} +$$

$$+ 0 \cdot \begin{vmatrix} 1 & 3 & 6 \\ 2 & -3 & 4 \\ 3 & 1 & -1 \end{vmatrix} -$$

$$- 0 \cdot \begin{vmatrix} 1 & 3 & 0 \\ 2 & -2 & 1 \\ 3 & 1 & -2 \end{vmatrix} = -3 \begin{vmatrix} 3 & 0 & 6 \\ -2 & 1 & 4 \\ 1 & -2 & -1 \end{vmatrix}.$$

Хосил бўлган учинчи тартибли детерминантнинг биринчи устунини -2 га кўпайтириб, учинчи устунга қўшамиз, сўнгра биринчи сатр элементлари бўйича ёйиб, қуйидагига эга бўламиз:

$$\Delta = -3 \cdot \begin{vmatrix} 3 & 0 & 0 \\ -2 & 1 & 8 \\ 1 & -2 & -3 \end{vmatrix} =$$

$$= -3 \cdot 3 \begin{vmatrix} 1 & 8 \\ -2 & -3 \end{vmatrix} = -9(-3 + 16) = -117.$$

Қуйидаги мисол детерминантни иккита детерминантга ажратиб, сўнгра ҳисоблаш усулини намоён этилади.

2- м и с о л. Детерминантни ҳисобланг:

$$\begin{vmatrix} 3 & 1 & 1 & 1 \\ 1 & 4 & 1 & 1 \\ 1 & 1 & 5 & 1 \\ 1 & 1 & 1 & 6 \end{vmatrix}.$$

Е ч и ш. Берилган детерминантни ушбу кўринишда ёзиш мумкин:

$$\Delta = \begin{vmatrix} 1+2 & 1 & 1 & 1 \\ 1+0 & 4 & 1 & 1 \\ 1+0 & 1 & 5 & 1 \\ 1+0 & 1 & 1 & 6 \end{vmatrix}.$$

Детерминантларнинг 5-хоссаси ва Δ нинг биринчи устуни бўйича чиқиқлилигидан фойдаланамиз:

$$\Delta = \begin{vmatrix} 1 & 1 & 1 & 1 \\ 1 & 4 & 1 & 1 \\ 1 & 1 & 5 & 1 \\ 1 & 1 & 1 & 6 \end{vmatrix} + \begin{vmatrix} 2 & 1 & 1 & 1 \\ 0 & 4 & 1 & 1 \\ 0 & 1 & 5 & 1 \\ 0 & 1 & 1 & 6 \end{vmatrix} \quad (\text{А})$$

Ҳосил бўлган (А) тенгликнинг ўнг қисмидаги детерминантларнинг биринчисининг бош диагонали остидаги элементлар бирга тенг, шунинг учун биринчи сатрни барча қолган сатрлардан айрилса, биринчи детерминант қуйидаги кўринишни олади:

$$\Delta_1 = \begin{vmatrix} 1 & 1 & 1 & 1 \\ 1 & 4 & 1 & 1 \\ 1 & 1 & 5 & 1 \\ 1 & 1 & 1 & 6 \end{vmatrix} = \begin{vmatrix} 1 & 1 & 1 & 1 \\ 0 & 3 & 0 & 0 \\ 0 & 0 & 4 & 0 \\ 0 & 0 & 0 & 5 \end{vmatrix}$$

Бизга маълумки, бундай детерминантнинг қиймати бош диагоналда турган элементлар кўпайтмасига тенг. Демак,

$$\Delta_1 = 1 \cdot 3 \cdot 4 \cdot 5 = 60.$$

(А) тенгликнинг ўнг қисмидаги иккинчи детерминантни биринчи устун бўйича ёямиз. Натижада, қуйидаги кўринишдаги учинчи тартибли детерминантга эга бўламиз:

$$\Delta_2 = 2 \begin{vmatrix} 4 & 1 & 1 \\ 1 & 5 & 1 \\ 1 & 1 & 6 \end{vmatrix} = 2 \cdot 107 = 214.$$

Шундай қилиб, $\Delta = 60 + 214 = 274$.

3-мисол. Детерминантни ҳисобланг:

$$\begin{vmatrix} 1 & 2 & 1 & 0 \\ 3 & 0 & -2 & 2 \\ 0 & 4 & -3 & 3 \\ 5 & 3 & 0 & 1 \end{vmatrix}$$

$$\Delta = 4 \cdot \begin{vmatrix} 0 & -2 & 2 \\ 4 & -3 & 3 \\ 3 & 0 & 1 \end{vmatrix} - 3 \begin{vmatrix} 2 & 1 & 0 \\ 4 & -3 & 3 \\ 3 & 0 & 1 \end{vmatrix} +$$

$$= 4[0 \cdot (-3 - 0) - 4(-2 - 0) + 3(-6 + 6)] - 3[(2 - 3) - 4 \cdot 1 + 3 \cdot 3] - 3[2(-3) - (4 - 9)] - 5[(2(-6 + 6) - 0 + 4 \cdot 2)] = 32 + 3 - 40 = 35 - 40 = -.5$$

5- §. *n* номаълумли *n* та чиқиқли тенгламалар системалари

[illegible]

Таъриф. Агар (1.18) системанинг ҳар бир тенгламасидаги $x_1, x_2, \dots, x_n$ номаълумлар ўрнига мос равишда

$\alpha_1, \alpha_2, \dots, \alpha_n$ қийматлар қўйилганда системанинг барча тенгламалари айниятга айланса, $\alpha_1, \alpha_2, \dots, \alpha_n$ сонлар (1.18) системанинг ечими дейилади.

Системанинг ечими мавжуд бўлиш-бўлмаслиги куйидаги детерминантга боғлиқдир:

$$\Delta = \begin{vmatrix} a_{11} & a_{12} & \dots & a_{1n} \\ a_{21} & a_{22} & \dots & a_{2n} \\ \dots & \dots & \dots & \dots \\ a_{n1} & a_{n2} & \dots & a_{nn} \end{vmatrix}. \quad (1.19)$$

(1.19) детерминант (1.18) системанинг номаълумлари олдидаги коэффициентлардан тузилган. Агар $\Delta \neq 0$ бўлса, система ягона ечимга эга бўлади ва бу ечим

$$x_i = \frac{\Delta_{x_i}}{\Delta} \quad (i = \overline{1, n})$$

формулалар ёрдамида топилади.

Бунда Δ_{x_i} детерминант Δ детерминантнинг биринчи устун элементларини (1.18) тенгламалар системасининг озод ҳадлари билан алмаштиришдан ҳосил қилинади; Δ_{x_2} эса Δ детерминантнинг иккинчи устун элементларини озод ҳадлар билан алмаштиришдан ҳосил бўлади; $\Delta_{x_3} \dots \Delta_{x_n}$ лар ҳам шунга ўхшаш ҳосил қилинади.

(1.18) тенгламалар системасини ечишнинг бундай усули Крамер усули дейилади. Демак, (1.18) системани ечиш учун $(n+1)$ та детерминант тузиш ва ҳисоблаш керак бўлади.

6-§. Чизикли тенгламалар системасини Гаусс усули билан ечиш

Биз юқорида тенгламалар сони номаълумлар сонига тенг бўлган чизикли тенгламалар системаси билан танишдик ва бундай системанинг детерминанти полдан фаркли бўлса, у ҳолда система ягона ечимга эга бўлишини кўрдик.

Энди ихтиёрий, яъни тенгламалар сони номаълумлар сонига тенг бўлмаган чизикли тенгламалар системасини текширамиз. Бундай система учун ечим ягона бўлмаслиги ёки умуман ечим мавжуд бўлмаслиги ҳам мумкин. Агар чизикли тенгламалар системаси бирорта ҳам ечимга эга бўлмаса, система биргаликда бўлмаган система

Коэффициентлари сонлардан иборат бўлган тенгламалар системаси ечимларини топиш учун қулай бўлган номаълумларни кетма-кет йўқотиш (чиқариш) усулини, яъни Гаусс усулини кўрсатамиз.

$$\begin{cases} a_{11}x_1 + a_{12}x_2 + \dots + a_{1n}x_n = c_1, \\ a_{21}x_1 + a_{22}x_2 + \dots + a_{2n}x_n = c_2, \\ \vdots \\ a_{m1}x_1 + a_{m2}x_2 + \dots + a_{mn}x_n = c_m. \end{cases} \quad (1.20)$$
$$\left\{ \begin{array}{l} x_1 + \frac{a_{12}}{a_{11}}x_2 + \dots + \frac{a_{1n}}{a_{11}}x_n = c_1/a_{11}, \\ a_{21}x_1 + a_{22}x_2 + \dots + a_{2n}x_n = c_2, \\ \dots\dots\dots \\ a_{m1}x_1 + a_{m2}x_2 + \dots + a_{mn}x_n = c_m. \end{array} \right. \quad (1.21)$$
[illegible]

бунда

$$a'_{1k} = \frac{a_{1k}}{a_{11}}; a'_{ik} = a_{ik} - \frac{a_{1k}}{a_{11}} a_{i1} \quad \begin{cases} i=2,3,\dots,m, \\ k=2,3,\dots,n \end{cases};$$

$$c_1^* = \frac{c_1}{a_{11}}; c_i^1 = c_i - \frac{c_1}{a_{11}} a_{i1} \quad (i=2,3,\dots,m).$$

Энди (1.22) системанинг иккинчи тенгламасини a'_{22} коэффициентга бўламиз ва ҳосил бўлган системанинг иккинчи тенгламасини кетма-кет $a'_{32}, \dots, a'_{m2}$ коэффициентларга кўпайтириб учинчи тенгламадан бошлаб навбати билан айирамиз. Натижада (1.22) га тенг кучли система ҳосил бўлади.

Агар бу жараённи давом эттира борсак системанинг чап томонидаги барча коэффициентлари нолга тенг, аммо озод ҳади эса нолдан фарқли тенгламани ўз ичига олувчи системага эга бўламиз. Бундай система биргалликда бўлмаган система бўлади.

Агар (1.20) система биргаликда бўлса, у ҳолда натижада куйидаги

[illegible]

системага (бунда $p < n$) ёки

[illegible]

системага эга булмиз. (1.23) система поғонали система, (1.24) система эса учбурчак система деб аталади.

(1.24) система учбурчак бўлган ҳолда x_n сўнги тенгламадан x_n ни топамиз, x_n нинг қийматини олдинги тенгламага қўйиб x_{n-1} ни топамиз ва ҳоказо.

Энди иккинчи тенгламани учинчи ва тўртинчи тенгламаларга қўшиб, натижада қуйидаги системани ҳосил қиламиз:

$$\begin{cases} x_1 + 2x_2 - 3x_3 + 5x_4 = 1, \\ x_2 - 10x_3 + 17x_4 = -2, \\ 0 = 0, \\ 0 = 0. \end{cases}$$

Охирги иккита тенглама

$$0 \cdot x_1 + 0 \cdot x_2 + 0 \cdot x_3 + 0 \cdot x_4 = 0$$

қўринишдаги тенглама бўлиб, у номаълумнинг ҳар қандай қийматида ҳам ўринли бўлгани учун уни ташлаб юборамиз.

Иккинчи тенгламани қаноатлантирадиган номаълумнинг қийматини топиш учун x_3 ва x_4 ларги ихтиёрий қийматларни берамиз. Масалан, $x_3 = \alpha$, $x_4 = \beta$ бўлсин, у ҳолда $x_2 = 10\alpha - 17\beta - 2$ бўлади. Бу x_2 , x_3 , x_4 ларнинг қийматларини биринчи тенгламага қўйиб $x_1 = -17\alpha + 29\beta + 5$ ни топамиз. Системанинг ечими

$$x_1 = -17\alpha + 29\beta + 5;$$

$$x_2 = 10\alpha - 17\beta - 2; \quad x_3 = \alpha; \quad x_4 = \beta$$

бўлиб α ва β нинг ихтиёрий қийматларида берилган системанинг ҳамма ечимларини беради.

2-мисол. Қуйидаги чизиқли тенгламалар системасини Гаусс усули билан ечинг:

$$\begin{cases} x_1 + x_2 - 3x_3 = 7, \\ 2x_1 + 3x_2 + x_3 = 1, \\ 2x_1 - x_2 + 2x_3 = 6. \end{cases}$$

Ечиш. Биринчи тенгламанинг барча ҳадларини 2 га кўпайтириб, undan иккинчи ва учинчи тенгламаларни айирамиз. Натижада қуйидаги қўринишдаги системага эга бўламиз:

$$\begin{cases} x_1 + x_2 - 3x_3 = 7, \\ -x_2 - 7x_3 = 13, \\ 3x_2 - 8x_3 = 8. \end{cases}$$

Иккинчи ва учинчи тенгламалар фақат x_2 ва x_3 номаълумларга эга. Иккинчи тенгламанинг ҳадларини 3 га кўпайтириб, учинчи тенгламага қўшамиз. Натижада қуйидаги система ҳосил бўлади:

$$\begin{cases} x_1 + x_2 - 3x_3 = 7, \\ -x_2 - 7x_3 = 13, \\ -x_3 = 13. \end{cases}$$

Учинчи тенгламадан: $x_3 = -13$, буни иккинчи тенгламага қўйиб x_2 номаълумни топамиз:

$$-x_2 - 7 \cdot (-13) = 13,$$

$$x_2 = 78.$$

x_3 ва x_2 номаълумларнинг қийматларини биринчи тенгламага қўйиб x_1 номаълумни топамиз:

$$x_1 + 78 - 3 \cdot (-13) = 7, \quad x_1 = -110.$$

Жавоб: $(-110, 78, -13)$.

7-§. Уч номаълумли бир жинсли чизикли учта тенглама системаси

Барча озод ҳадлари нолга тенг бўлган чизикли тенгламалар системасига бир жинсли тенгламалар системаси дейилади ва у қуйидаги кўринишда ёзилади:

$$\begin{cases} a_{11}x_1 + a_{12}x_2 + a_{13}x_3 = 0, \\ a_{21}x_1 + a_{22}x_2 + a_{23}x_3 = 0, \\ a_{31}x_1 + a_{32}x_2 + a_{33}x_3 = 0. \end{cases} \quad (1.25)$$

(1.25) кўринишдаги ихтиёрий бир жинсли система $x_1 = x_2 = x_3 = 0$ тривиал ечимга, яъни нол ечимга эга бўлиши мумкин. Энди (1.25) система қандай шартлар бажарилганда нолга тенг бўлмаган ечимга эга бўлишини текширамиз.

1) агар $\Delta \neq 0$ бўлса, (1.25) система фақат нол ёки тривиал ечимга, яъни $x_1 = x_2 = x_3 = 0$ ечимга эга бўлади;

2) агар $\Delta = 0$ бўлса, (1.25) система нолдан фаркли чексиз кўп ечимларга эга бўлади. Буни қуйидагича исбот қиламиз:

а) Δ детерминантнинг алгебраик тўлдирувчиларидан камида биттаси нолдан фаркли деб фараз қиламиз, масалан,

$$\begin{vmatrix} a_{11} & a_{12} \\ a_{21} & a_{22} \end{vmatrix} \neq 0$$

булсин. (1.25) системанинг дастлабки иккита тенгламасини қуйидаги кўринишда ёзиб оламиз:

$$\begin{cases} a_{11}x_1 + a_{12}x_2 = -a_{13}x_3, \\ a_{21}x_1 + a_{22}x_2 = -a_{23}x_3. \end{cases} \quad (1.26)$$

Бунда x_3 маълум сон деб x_1, x_2 ларни топамиз:

$$A_{33} = \begin{vmatrix} a_{11} & a_{12} \\ a_{21} & a_{22} \end{vmatrix} \neq 0, \quad \Delta_{x_1} = \begin{vmatrix} -a_{13}x_3 & a_{12} \\ -a_{23}x_3 & a_{22} \end{vmatrix},$$

$$\Delta_{x_2} = \begin{vmatrix} a_{11} & -a_{13}x_3 \\ a_{21} & -a_{23}x_3 \end{vmatrix} \text{ ларни топамиз.}$$

Булардан

$$x_1 = \frac{\Delta_{x_1}}{A_{33}} = \frac{\begin{vmatrix} -a_{13}x_3 & a_{12} \\ -a_{23}x_3 & a_{22} \end{vmatrix}}{A_{33}} = \frac{A_{31}}{A_{33}} x_3, \quad (1.27)$$

$$x_2 = \frac{\Delta_{x_2}}{A_{33}} = \frac{\begin{vmatrix} a_{11} & -a_{13}x_3 \\ a_{21} & -a_{23}x_3 \end{vmatrix}}{A_{33}} = \frac{A_{32}}{A_{33}} x_3$$

Формулалар билан аниқланувчи ечимларга эга бўламиз.

Агар $k = \frac{x_3}{A_{33}}$ белгилашни киритсак, (1.27) нинг кўриниши қуйидагича бўлади:

$$x_1 = kA_{31}, \quad x_2 = kA_{32}, \quad x_3 = kA_{33},$$

бунда k — ихтиёрий бутун сон. k исталган қийматларни қабул қилгани учун (1.26) система чексиз кўп ечимга эга бўлади.

б) Δ детерминантнинг барча алгебраик тўлдирувчилари нолга тенг бўлса, (1.25) системанинг номаълумла-

$$в) \begin{cases} 2x + y - z = 0, \\ x + 2y + z = 0, \\ 2x - y + 3z = 0. \end{cases} \quad г) \begin{cases} x - y - z = 0, \\ x + 4y + 2z = 0, \\ 3x + 7y + 3z = 0. \end{cases}$$

6. Чизикли тенгламалар системасини Гаусс усулидан фойдаланиб ечинг:

$$а) \begin{cases} 3x_1 + 2x_2 + 4x_3 = 7, \\ x_1 - 5x_2 + x_3 = 13, \\ x_1 + 4x_2 - 3x_3 = 12. \end{cases} \quad б) \begin{cases} 2x_1 - 4x_2 + 9x_3 = 28, \\ 7x_1 + 3x_2 - 6x_3 = -1, \\ 7x_1 + 9x_2 - 9x_3 = 5. \end{cases}$$

$$в) \begin{cases} 7x_1 + 2x_2 + 3x_3 = 15, \\ 5x_1 - 3x_2 + 2x_3 = 15, \\ 10x_1 - 11x_2 + 5x_3 = 36. \end{cases} \quad г) \begin{cases} 2x_1 + 4x_2 - 2x_3 = -6, \\ 2x_1 + 3x_2 + 4x_3 = 1, \\ x_1 + 2x_2 - x_3 = -3. \end{cases}$$

$$д) \begin{cases} x_1 + 3x_2 + 2x_3 = 5, \\ 2x_1 + 5x_2 - 3x_3 = -5, \\ 3x_1 - 2x_2 + x_3 = -6. \end{cases} \quad е) \begin{cases} 2x_1 - 4x_2 - x_3 = -2, \\ -x_1 + 5x_2 + x_3 = 7, \\ 4x_1 - 3x_2 - 2x_3 = 6. \end{cases}$$

7. Детерминантларни ҳисобланг:

$$а) \begin{vmatrix} 8 & 7 & 2 & 0 \\ -8 & 2 & 7 & 10 \\ 4 & 4 & 4 & 5 \\ 0 & 4 & -3 & 2 \end{vmatrix}; \quad б) \begin{vmatrix} 2 & -1 & 1 & 0 \\ 0 & 1 & 2 & -1 \\ 3 & -1 & 2 & 3 \\ 3 & 1 & 6 & 1 \end{vmatrix};$$

$$в) \begin{vmatrix} 2 & 3 & 0 & -5 \\ 6 & 2 & 1 & 0 \\ 2 & 1 & -1 & 2 \\ 2 & 3 & -3 & 4 \end{vmatrix}; \quad г) \begin{vmatrix} 3 & 1 & 6 & 1 \\ 3 & -1 & 2 & 3 \\ 0 & 1 & 2 & -1 \\ 2 & -1 & 1 & 0 \end{vmatrix};$$

$$д) \begin{vmatrix} 1 & 2 & 2 & 2 \\ -2 & 2 & 2 & 2 \\ -2 & -2 & 3 & 2 \\ -2 & -2 & -2 & 4 \end{vmatrix}; \quad е) \begin{vmatrix} a & b & b & a \\ 1 & 2 & 1 & 0 \\ 3 & 2 & 0 & 1 \\ 2 & 0 & 1 & 2 \end{vmatrix};$$

$$\text{ж)} \begin{vmatrix} 0 & a & b & c \\ 1 & x & 0 & 0 \\ 1 & 0 & y & 0 \\ 1 & 0 & 0 & z \end{vmatrix}; \text{з)} \begin{vmatrix} 1 & -1 & 2 & -2 & 3 \\ 0 & 1 & 3 & -1 & 2 \\ 4 & -2 & 1 & 3 & 1 \\ 0 & 5 & -1 & 1 & -4 \\ 5 & 3 & 5 & 1 & 2 \end{vmatrix}$$

И Б О Б

МАТРИЦАЛАР АЛГЕБРАСИ

Бу бобда матрица ҳақида тушунча ва улар устидаги чизиқли амаллар, тескари матрицани топиш, чизиқли тенгламаларни матрицавий ёзуви ва уни ечиш усули, матрицанинг ранги ва матрицалар назариясининг татбиқига доир мисол ва масалалар кўрилади.

1-§. Матрица ҳақида тушунча

Детерминантлар ва чизиқли бир нечта номаълумли тенгламалар системаларини ўрганишда биз сонлардан тузилган қуйидаги жадвалларни қараган эдик:

$$\begin{pmatrix} a_{11} & a_{12} \\ a_{21} & a_{22} \end{pmatrix}, \begin{pmatrix} a_{11} & a_{12} & a_{13} \\ a_{21} & a_{22} & a_{23} \end{pmatrix},$$

$$\begin{pmatrix} a_{11} & a_{12} & a_{13} \\ a_{21} & a_{22} & a_{23} \\ a_{31} & a_{32} & a_{33} \end{pmatrix}.$$

Бу жадвалларга матрица деб аталади. Матрицани ташкил этувчи $a_{11}, a_{12}, \dots$ сонлар матрицанинг элементлари дейилади.

Агар матрицанинг сатрлари сони устунлари сонига тенг бўлса, бундай матрица квадрат матрица деб аталади. Сатрлари сони устунлари сонига тенг бўлмаган матрица тўғри бурчакли матрица деб аталади. Бундан ташқари матрица баъзан сонлар тўплами ($a_{11}a_{12}a_{13}a_{14}$) кўринишида ҳам берилиши мумкин. Бундай кўринишдаги матрица сатр-матрица,

$\begin{pmatrix} a_{11} \\ a_{21} \end{pmatrix}$ кўринишда бўлса, бундай матрица устун-матрица деб аталади.

Квадрат матрицанинг элементларидан тузилган детерминант бу матрицанинг детерминанти деб аталади.

Одатда матрицани $A, B, C, \dots$ ҳарфлар билан, унинг элементларини $a_{11}, a_{12}, \dots$ кичик ҳарфлар билан белгиланади. Масалан,

$$A = \begin{pmatrix} a_{11} & a_{12} \\ a_{21} & a_{22} \end{pmatrix}, B = \begin{pmatrix} a_{11} & a_{12} & a_{13} \\ a_{21} & a_{22} & a_{23} \\ a_{31} & a_{32} & a_{33} \end{pmatrix}, P = \begin{pmatrix} a_{11} \\ a_{21} \\ a_{31} \\ a_{41} \end{pmatrix},$$

$$E = (a_{11}a_{12}a_{13}a_{14}a_{15}),$$

$$C = \begin{pmatrix} a_{11} & a_{12} & a_{13} & a_{14} \\ a_{21} & a_{22} & a_{23} & a_{24} \\ a_{31} & a_{32} & a_{33} & a_{34} \end{pmatrix}, D = \begin{pmatrix} a_{11} & a_{12} & a_{13} \\ a_{21} & a_{22} & a_{23} \\ a_{31} & a_{32} & a_{33} \\ a_{41} & a_{42} & a_{43} \end{pmatrix}.$$

A ва B — квадрат матрица, C ва D — тўғри бурчакли матрица, P — устун-матрица, E — сатр-матрицалардир.

Бу матрицаларнинг ўлчами қуйидагича аниқланади: A 2×2 ўлчамли (икки сатрли ва икки устунли), B 3×3 ўлчамли квадрат матрицалар, C 3×4 ўлчамли (уч сатрли ва тўрт устунли) тўғри бурчакли, P 4×1 ўлчамли, E эса 1×5 ўлчамли матрицалардир.

Бу матрицаларнинг детерминанти эса қуйидагича ёзилади:

$$|A| = \det A = \begin{vmatrix} a_{11} & a_{12} \\ a_{21} & a_{22} \end{vmatrix},$$

$$|B| = \det B = \begin{vmatrix} a_{11} & a_{12} & a_{13} \\ a_{21} & a_{22} & a_{23} \\ a_{31} & a_{32} & a_{33} \end{vmatrix}.$$

Агар квадрат матрицанинг детерминанти нолдан фаркли бўлса, бундай матрица хос мас матрица деб аталади. Агар матрицанинг детерминанти нолга тенг бўлса, бундай матрицага хос матрица деб аталади.

Масалан, $A = \begin{pmatrix} 3 & 9 \\ 2 & 6 \end{pmatrix}$ матрица хос матрицадир, чун-

$$|A| = \begin{vmatrix} 3 & 9 \\ 2 & 6 \end{vmatrix} = 3 \cdot 6 - 2 \cdot 9 = 18 - 18 = 0,$$

$B = \begin{pmatrix} 7 & 3 \\ 4 & 5 \end{pmatrix}$ матрица хосмас матрицадир, чунки

$$|B| = \begin{vmatrix} 7 & 3 \\ 4 & 5 \end{vmatrix} = 7 \cdot 5 - 4 \cdot 3 = 35 - 12 = 23 \neq 0.$$

Агар $m \times n$ үлчамли A матрицанинг сатр ва устун элементларининг үрииларини алмаштирилса, хосил булган матрица A га нисбатан транспонирланган матрица дейилади ва A^T , A^* ёки A' билан белгиланади. Транспонирланган матрицанинг тартиби $n \times m$ үлчамли булади.

A квадрат матрица булса, у холда A ва A^T матрицаларнинг тартиблари бир хил булади. Транспонирланган матрица учун қуйидаги хоссалар үринли:

1. Икки марта транспонирланган матрица дастлабки матрицанинг үзига тенг, яъни

$$A^{TT} = (A^T)^T = A.$$

2. Транспонирланган кўпайтма матрица учун қуйидаги тенглик үринли:

$$(AB)^T = A^T B^T.$$

Агар $A = A^T$ тенглик үринли булса, у холда A квадрат матрица симметрик матрица дейилади.

Масалан:

$$A = \begin{pmatrix} 1 & 3 & 0 \\ 3 & 4 & -2 \\ 0 & -2 & 5 \end{pmatrix}$$

симметрик матрица, чунки бош диагоналига нисбатан симметрик жойлашган элементлари жуфт-жуфти билан үзаро тенг.

Агар квадрат матрицанинг ҳамма $i \neq j$ булган элементлари нолга тенг, $i = j$ элементлари эса нолдан фаркли булса, бундай матрица диагональ матрица дейилади. Масалан:

$$A = \begin{pmatrix} a_{11} & 0 & 0 & 0 \\ 0 & a_{22} & 0 & 0 \\ 0 & 0 & a_{33} & 0 \\ 0 & 0 & 0 & a_{44} \end{pmatrix}$$

матрица диагонал матрицадир.

Агар диагонал матрица A да $a_{11}=a_{22}=a_{33}=a_{44}$ бўлса, A матрица скаляр матрица дейилади.

1. Матрицаларнинг тенглиги

Агар A ва B матрицаларнинг сатрлари ва устунлари сони бир хил ҳамда уларнинг мос элементлари тенг бўлса, бундай матрицалар тенг ($A=B$) матрицалар деб аталади. Масалан, агар

$$A = \begin{pmatrix} a_{11} & a_{12} \\ a_{21} & a_{22} \end{pmatrix} \text{ ва } B = \begin{pmatrix} b_{11} & b_{12} \\ b_{21} & b_{22} \end{pmatrix} \text{ бўлиб, } a_{11}=b_{11},$$

$a_{12}=b_{12}, a_{21}=b_{21}, a_{22}=b_{22}$ бўлса, у ҳолда $A=B$ дир.

2. Матрицаларни қўшиш.

Агар бир хил ўлчамли квадрат матрицалар

$$A = \begin{pmatrix} a_{11} & a_{12} \\ a_{21} & a_{22} \end{pmatrix} \text{ ва } B = \begin{pmatrix} b_{11} & b_{12} \\ b_{21} & b_{22} \end{pmatrix}$$

берилган бўлса, у ҳолда уларнинг йигиндиси деб

$$C = \begin{pmatrix} a_{11}+b_{11} & a_{12}+b_{12} \\ a_{21}+b_{21} & a_{22}+b_{22} \end{pmatrix}$$

матрицага айтилади. Тўғри бурчакли матрицаларнинг йигиндиси ҳам шунга ўхшаш аниқланади.

1-мисол.

$$\begin{pmatrix} 3 & 1 \\ 0 & 2 \end{pmatrix} + \begin{pmatrix} -4 & 5 \\ 2 & 1 \end{pmatrix} = \begin{pmatrix} 3-4 & 1+5 \\ 0+2 & 2+1 \end{pmatrix} = \begin{pmatrix} -1 & 6 \\ 2 & 3 \end{pmatrix}$$

2-мисол.

$$\begin{pmatrix} 1 & 3 \\ 2 & 1 \\ -1 & 4 \end{pmatrix} + \begin{pmatrix} 2 & -1 \\ 0 & 3 \\ 4 & -2 \end{pmatrix} = \begin{pmatrix} 1+2 & 3-1 \\ 2+0 & 1+3 \\ -1+4 & 4-2 \end{pmatrix} = \begin{pmatrix} 3 & 2 \\ 2 & 4 \\ 3 & 2 \end{pmatrix}$$

Барча элементлари нолга тенг бўлган матрица нол матрица деб аталади ва (0) билан ёки 0 билан белгиланади.

3. Матрицани сонга кўпайтириш.

$A = \begin{pmatrix} a_{11} & a_{12} \\ a_{21} & a_{22} \end{pmatrix}$ матрицанинг λ сонга кўпайтмаси деб

$$\lambda A = \begin{pmatrix} \lambda a_{11} & \lambda a_{12} \\ \lambda a_{21} & \lambda a_{22} \end{pmatrix}$$

матрицага айтилади.

Учинчи тартибли квадрат матрицалар ва тўғри бурчакли матрицаларни ҳам сонга кўпайтириш худди шундай аниқланади.

Матрицани нолга кўпайтирилганда нол матрица ҳосил бўлади:

$$\begin{pmatrix} a_{11} & a_{12} \\ a_{21} & a_{22} \end{pmatrix} \cdot 0 = \begin{pmatrix} 0 & 0 \\ 0 & 0 \end{pmatrix}.$$

4. Матрицаларни кўпайтириш
Ушбу матрицалар берилган бўлсин:

$$A = \begin{pmatrix} a_{11} & a_{12} \\ a_{21} & a_{22} \end{pmatrix}, \quad B = \begin{pmatrix} b_{11} & b_{12} \\ b_{21} & b_{22} \end{pmatrix}.$$

A матрицанинг B матрицага кўпайтмаси деб элементлари қуйидагича тузилган $C = A \cdot B$ матрицага айтилади:

$$C = A \cdot B = \begin{pmatrix} a_{11}b_{11} + a_{12}b_{21} & a_{11}b_{12} + a_{12}b_{22} \\ a_{21}b_{11} + a_{22}b_{21} & a_{21}b_{12} + a_{22}b_{22} \end{pmatrix}$$

Агар учинчи тартибли

$$A = \begin{pmatrix} a_{11} & a_{12} & a_{13} \\ a_{21} & a_{22} & a_{23} \\ a_{31} & a_{32} & a_{33} \end{pmatrix}, \quad B = \begin{pmatrix} b_{11} & b_{12} & b_{13} \\ b_{21} & b_{22} & b_{23} \\ b_{31} & b_{32} & b_{33} \end{pmatrix}$$

матрицалар берилган бўлса, у ҳолда $C = A \cdot B$ матрица куйидагича тузилади:

$$C = \begin{pmatrix} a_{11}b_{11} + a_{12}b_{21} + a_{13}b_{31} & a_{11}b_{12} + a_{12}b_{22} + \\ a_{21}b_{11} + a_{22}b_{21} + a_{23}b_{31} & a_{21}b_{12} + a_{22}b_{22} + \\ a_{31}b_{11} + a_{32}b_{21} + a_{33}b_{31} & a_{31}b_{12} + a_{32}b_{22} + \\ + a_{13}b_{32} & a_{11}b_{13} + a_{12}b_{23} + a_{13}b_{33} \\ + a_{23}b_{32} & a_{21}b_{13} + a_{22}b_{23} + a_{23}b_{33} \\ + a_{33}b_{32} & a_{31}b_{13} + a_{32}b_{23} + a_{33}b_{33} \end{pmatrix}$$

Демак, купайтма матрицанинг i -сатри, k -устуни кесишган жойда турадиган a_{ik} элементи биринчи A матрицанинг i -сатри ҳар бир мос элементлари жуфт купайтмаларининг йиғиндисига тенг экан. Масалан, A матрица ва B матрицалар n -тартибли квадрат матрицалар бўлсин:

$$A = \begin{pmatrix} a_{11} & a_{12} & \dots & a_{1n} \\ a_{21} & a_{22} & \dots & a_{2n} \\ a_{n1} & a_{n2} & \dots & a_{nn} \end{pmatrix}, \quad B = \begin{pmatrix} b_{11} & b_{12} & \dots & b_{1n} \\ b_{21} & b_{22} & \dots & b_{2n} \\ b_{n1} & b_{n2} & \dots & b_{nn} \end{pmatrix}$$

Бу матрицаларнинг купайтмаси C матрица ҳам n -тартибли квадрат матрица бўлади:

$$C = \begin{pmatrix} c_{11} & c_{12} & \dots & c_{1n} \\ c_{21} & c_{22} & \dots & c_{2n} \\ c_{n1} & c_{n2} & \dots & c_{nn} \end{pmatrix}$$

Купайтма C матрица $C = A \cdot B$ каби ёзилади ва унинг элементлари

$$c_{ij} = a_{i1}b_{1j} + a_{i2}b_{2j} + \dots + a_{in}b_{nj}$$

формула билан ҳисобланади.

Тўғри бурчакли матрицалар учун кўпайувчи матрицанинг устунлари сони кўпайтувчи матрицанинг сатрлари сонига тенг бўлган ҳолдагина кўпайтириш амалини бажариш мумкинлигини эслатиб ўтамыз.

Агар A матрица $(m \times n)$ ўлчамли, B матрица $(s \times l)$ ўлчамли бўлса, у ҳолда $C = AB$ ($n \times s$) ўлчамли матрица, $C' = B \cdot A$ эса $(l \times m)$ ўлчамли матрица бўлади.

$AB = BA$ тенглик ўринли бўлиши учун фақат $m = n$, яъни A ва B матрицалар квадрат матрица бўлиши керак.

Агар $AB = BA$ тенглик ўринли бўлса, у ҳолда A ва B матрицаларга ўрин алмашадиган (коммутатив) матрицалар дейилади.

3-мисол.

$$\begin{pmatrix} 3 & 1 & 1 \\ 2 & 3 & 0 \end{pmatrix} \cdot \begin{pmatrix} 1 & 1 \\ 3 & 2 \\ 2 & 0 \end{pmatrix} =$$

$$= \begin{pmatrix} 3 \cdot 1 + 1 \cdot 3 + 1 \cdot 2 & 2 \cdot 1 + 3 \cdot 3 + 0 \cdot 2 \\ 3 \cdot 1 + 1 \cdot 2 + 1 \cdot 0 & 2 \cdot 1 + 2 \cdot 3 + 0 \cdot 0 \end{pmatrix} = \begin{pmatrix} 8 & 11 \\ 5 & 8 \end{pmatrix}$$

4-мисол

$$\begin{pmatrix} 4 & 2 \\ 3 & 1 \end{pmatrix} \cdot \begin{pmatrix} 2 \\ 1 \end{pmatrix} = \begin{pmatrix} 4 \cdot 2 + 2 \cdot 1 \\ 3 \cdot 2 + 1 \cdot 1 \end{pmatrix} = \begin{pmatrix} 8 \\ 7 \end{pmatrix}$$

Демак, иккита тўртбурчакли матрицани кўпайтириш натижасида кўпайувчи матрица нечта сатрга эга бўлса, шунча сатрга ва кўпайтувчи матрица нечта устунга эга бўлса, шунча устунга эга бўлган матрица ҳосил бўлади.

5-мисол.

$$A = \begin{pmatrix} 3 & -1 \\ -1 & 2 \end{pmatrix} \text{ ва } B = \begin{pmatrix} 1 & 1 \\ 3 & 1 \end{pmatrix}$$

матрицалар берилган. $A \cdot B$ ва $B \cdot A$ матрицаларни топинг.

Ечиш.

$$C = A \cdot B = \begin{pmatrix} 3 & -1 \\ -1 & 2 \end{pmatrix} \cdot \begin{pmatrix} 1 & 1 \\ 3 & 1 \end{pmatrix} =$$

$$= \begin{pmatrix} 3 \cdot 1 + (-1) \cdot 3 & 3 \cdot 1 + (-1) \cdot 1 \\ -1 \cdot 1 + 2 \cdot 3 & -1 \cdot 1 + 2 \cdot 1 \end{pmatrix} = \begin{pmatrix} 0 & 2 \\ 5 & 1 \end{pmatrix}$$

$$C' = B \cdot A = \begin{pmatrix} 1 & 1 \\ 3 & 1 \end{pmatrix} \begin{pmatrix} 3 & -1 \\ -1 & 2 \end{pmatrix} =$$

$$\begin{pmatrix} 1 \cdot 3 + 1 \cdot (-1) & 1 \cdot (-1) + 1 \cdot 2 \\ 3 \cdot 3 + 1 \cdot (-1) & 3 \cdot (-1) + 1 \cdot 2 \end{pmatrix} = \begin{pmatrix} 2 & 1 \\ 8 & -1 \end{pmatrix}.$$

Бу мисолдан кўриниб турибдики, иккита матрицанинг кўпайтмаси ўрин алмаштириш қонунига бўйсунмайди, яъни

$$C \neq C', AB \neq BA.$$

Матрицаларни кўпайтириш ушбу

$$A(BC) = (AB)C$$

гуруҳлаш қонунига ва

$$(A + B)C = AC + BC$$

таксимот қонунига бўйсунишини текшириб кўриш мумкин. Бунини ўқувчиларга ҳавола қиламиз.

Бош диагональ элементлари бирлардан ва қолган ҳамма элементлари ноллардан иборат:

$$E = \begin{pmatrix} 1 & 0 & 0 & \dots & 0 & 0 \\ 0 & 1 & 0 & \dots & 0 & 0 \\ \dots & \dots & \dots & \dots & \dots & \dots \\ 0 & 0 & 0 & \dots & 1 & 0 \\ 0 & 0 & 0 & \dots & 0 & 1 \end{pmatrix}$$

кўринишдаги n -тартибли квадрат матрица n -тартибли бирлик матрица дейилади. Бирлик матрицанинг детерминанти бирга тенг бўлади:

$$|E| = 1.$$

Бир хил тартибли A ва E квадрат матрицаларни ўзаро кўпайтирилганда яна A квадрат матрица ҳосил бўлади, яъни

$$AE = EA = A.$$

Агар A ва B бир хил тартибли квадрат матрицалар бўлиб, уларнинг детерминантлари $|A|$ ва $|B|$ бўлса,

$C=AB$ матрицанинг детерминанти кўпайтирилувчи матрицаларнинг детерминантлари кўпайтмасига тенглигини, яъни

$$|C| = |A| \cdot |B|$$

эканлигини кўрсатиш мумкин.

6-мисол. 5-мисолда

$$A = \begin{pmatrix} 3 & -1 \\ -1 & 2 \end{pmatrix}, \quad B = \begin{pmatrix} 1 & 1 \\ 3 & 1 \end{pmatrix} \text{ бўлса,}$$

$$C = A \cdot B = \begin{pmatrix} 3 & -1 \\ -1 & 2 \end{pmatrix} \cdot \begin{pmatrix} 1 & 1 \\ 3 & 1 \end{pmatrix} = \begin{pmatrix} 0 & 2 \\ 5 & 1 \end{pmatrix}$$

бўлиши кўрсатилган эди. Бу матрицаларнинг детерминантлари

$$\begin{aligned} |A| &= \begin{vmatrix} 3 & -1 \\ -1 & 2 \end{vmatrix} = 5, \quad |B| = \begin{vmatrix} 1 & 1 \\ 3 & 1 \end{vmatrix} = \\ &= -2, \quad |C| = \begin{vmatrix} 0 & 2 \\ 5 & 1 \end{vmatrix} = -10. \end{aligned}$$

Демак,

$$|A| \cdot |B| = |C|.$$

7-мисол. Агар

$$A = \begin{pmatrix} 2 & 2 \\ 1 & 1 \end{pmatrix} \text{ ва } B = \begin{pmatrix} 1 & 1 \\ -1 & -1 \end{pmatrix}$$

бўлса, у ҳолда

$$A \cdot B = \begin{pmatrix} 2 & 2 \\ 1 & 1 \end{pmatrix} \begin{pmatrix} 1 & 1 \\ -1 & -1 \end{pmatrix} = \begin{pmatrix} 2-2 & 1-1 \\ 2-2 & 1-1 \end{pmatrix} = \begin{pmatrix} 0 & 0 \\ 0 & 0 \end{pmatrix}$$

бўлади.

Бу мисолдан кўриниб турибдики, иккита нолдан фаркли матрицанинг кўпайтмаси нол матрицага тенг бўлиб қолиши ҳам мумкин экан.

8-мисол. $f(x) = x^2 - 3x + 5$ кўпхад ва

$$A = \begin{pmatrix} 2 & 2 & 0 \\ 1 & 1 & 1 \\ 1 & 0 & 3 \end{pmatrix}$$

квадрат матрица берилган. $f(A)$ матрицали кўпхадни топинг.

Ечиш. Изланаётган $f(A)$ матрица қуйидаги тенглик билан аниқланади:

$$\begin{aligned} f(1) &= A^2 - 3A + 5E = \\ &= \begin{pmatrix} 2 & 2 & 0 \\ 1 & 1 & 1 \\ 1 & 0 & 3 \end{pmatrix}^2 - 3 \begin{pmatrix} 2 & 2 & 0 \\ 1 & 1 & 1 \\ 1 & 0 & 3 \end{pmatrix} + 5 \begin{pmatrix} 1 & 0 & 0 \\ 0 & 1 & 0 \\ 0 & 0 & 1 \end{pmatrix} = \\ &= \begin{pmatrix} 6 & 6 & 2 \\ 4 & 3 & 4 \\ 5 & 2 & 9 \end{pmatrix} - \begin{pmatrix} 6 & 6 & 0 \\ 3 & 3 & 3 \\ 3 & 0 & 9 \end{pmatrix} + \begin{pmatrix} 5 & 0 & 0 \\ 0 & 5 & 0 \\ 0 & 0 & 5 \end{pmatrix} = \\ &= \begin{pmatrix} 0 & 0 & 2 \\ 1 & 0 & 1 \\ 2 & 2 & 0 \end{pmatrix} + \begin{pmatrix} 5 & 0 & 0 \\ 0 & 5 & 0 \\ 0 & 0 & 5 \end{pmatrix} = \begin{pmatrix} 5 & 0 & 2 \\ 1 & 5 & 1 \\ 2 & 2 & 5 \end{pmatrix}. \end{aligned}$$

2-§. Тескари матрица

1-таъриф. A матрица учун $A \cdot B = B \cdot A = E$ тенгликни қаноатлантирувчи B матрица A га тескари матрица дейилади ва $B = A^{-1}$ кўринишда белгиланади.

Теорема. A квадрат матрица тескари матрицага эга бўлиши учун A матрица хосмас матрица бўлиши, яъни унинг детерминанти нолдан фаркли бўлиши зарур ва кифоядир.

Исботи. Зарурийлиги. Фараз қилайлик, A матрица учун A^{-1} тескари матрица мавжуд бўлсин. A матрица хосмас матрица бўлишини, яъни $|A| \neq 0$ эканлигини кўрсатамиз. Агар $|A| = 0$ бўлса, у ҳолда кўпайтманинг детерминанти учун:

$$|A \cdot A^{-1}| = |A| \cdot |A^{-1}| = 0.$$

Аммо $A \cdot A^{-1} = E$ тенгликка асосан бунинг бўлиши мумкин эмас. Демак, $|A| \neq 0$.

Кифоялиги. Ушбу

$$A = \begin{pmatrix} a_{11} & a_{12} & a_{13} \\ a_{21} & a_{22} & a_{23} \\ a_{31} & a_{32} & a_{33} \end{pmatrix} \quad (2.1.)$$

хосмас, яъни детерминанти нолдан фарқли бўлган ($|A| \neq 0$) матрица берилган бўлсин.

Бу ҳолда A^{-1} тескари матрица мавжудлигини кўрсатамиз. A^{-1} тескари матрица қуйидагича топилади:

1) A матрицадан унинг ҳар бир a_{ik} элементининг алгебраик тўлдирувчисидан иборат матрицани $\frac{1}{|A|}$ га кўпайтириб, қуйидаги B матрицани тузамиз:

$$B = \frac{1}{|A|} \begin{pmatrix} A_{11} & A_{12} & A_{13} \\ A_{21} & A_{22} & A_{23} \\ A_{31} & A_{32} & A_{33} \end{pmatrix};$$

2) B матрицанинг сатрлари ва устунларининг ўринларини алмаштириб, A^{-1} матрицани тузамиз:

$$A^{-1} = \frac{1}{|A|} \begin{pmatrix} A_{11} & A_{21} & A_{31} \\ A_{12} & A_{22} & A_{32} \\ A_{13} & A_{23} & A_{33} \end{pmatrix}. \quad (2.2)$$

A^{-1} матрица A матрицага тескари матрица эканлигини кўрсатиш учун, уларни ўзаро кўпайтирамиз:

$$\begin{aligned} A \cdot A^{-1} &= \begin{pmatrix} a_{11} & a_{12} & a_{13} \\ a_{21} & a_{22} & a_{23} \\ a_{31} & a_{32} & a_{33} \end{pmatrix} \cdot \frac{1}{|A|} \begin{pmatrix} A_{11} & A_{21} & A_{31} \\ A_{12} & A_{22} & A_{32} \\ A_{13} & A_{23} & A_{33} \end{pmatrix} = \\ &= \frac{1}{|A|} \begin{pmatrix} a_{11}A_{11} + a_{12}A_{12} + a_{13}A_{13} & a_{11}A_{21} + a_{12}A_{22} + \\ a_{21}A_{11} + a_{22}A_{12} + a_{23}A_{13} & a_{21}A_{21} + a_{22}A_{22} + \\ a_{31}A_{11} + a_{32}A_{12} + a_{33}A_{13} & a_{31}A_{21} + a_{32}A_{22} + \\ + a_{13}A_{23} & a_{11}A_{31} + a_{12}A_{32} + a_{13}A_{33} \\ + a_{23}A_{23} & a_{11}A_{31} + a_{22}A_{32} + a_{23}A_{33} \\ + a_{33}A_{23} & a_{31}A_{31} + a_{32}A_{32} + a_{33}A_{33} \end{pmatrix} \end{aligned}$$

Ҳосил бўлган (2.3) матрицанинг асосий диагоналида турган элементлари A матрицанинг $|A|$ детерминантидан иборат бўлиб, қолган элементлари эса нолга тенгдир.

Уни $\frac{1}{|A|}$ га кўпайтирилса, $A \cdot A^{-1}$ бирлик матрица эканлиги кўриниб турибди. Демак, (2.2) матрица (2.1) матрицага тескари матрица экан.

Тескари матрицани куйидаги усул билан ҳам топиш мумкин. A матрицага тескари A^{-1} матрицани топиш учун, уни куйидаги кўринишда ёзамиз:

$$\left(\begin{array}{ccc|ccc} a_{11} & a_{12} & a_{13} & 1 & 0 & 0 \\ a_{21} & a_{22} & a_{23} & 0 & 1 & 0 \\ a_{31} & a_{32} & a_{33} & 0 & 0 & 1 \end{array} \right) \quad (2.4)$$

(2.4) нинг чап томонида A матрица, ўнг томонида эса E бирлик матрица ёзилган. (2.4) даги матрицаларнинг иккаласига бир вақтда A матрицани бирлик E матрицага келтирадиган сатрлар бўйича элементар алмаштиришларни бажарамиз. (Бу элементар алмаштиришларни куйида мисолда кўрсатамиз.) Натижада (2.4) матрица куйидаги кўринишга келади:

$$\left(\begin{array}{ccc|ccc} 1 & 0 & 0 & b_{11} & b_{12} & b_{13} \\ 0 & 1 & 0 & b_{21} & b_{22} & b_{23} \\ 0 & 0 & 1 & b_{31} & b_{32} & b_{33} \end{array} \right) \quad (2.5)$$

(2.5) нинг ўнг томонидаги матрица A га тескари матрицани ифодалайди, яъни $A \cdot B = A \cdot A^{-1} = E$.

Мисол.

$$A = \begin{pmatrix} 1 & 2 & 0 \\ 3 & 2 & 1 \\ 0 & 1 & 2 \end{pmatrix}$$

матрицага тескари матрицани тузинг.

Ечиш. Бу матрицанинг детерминанти:

$$|A| = \begin{vmatrix} 1 & 2 & 0 \\ 3 & 2 & 1 \\ 0 & 1 & 2 \end{vmatrix} = -9.$$

$|A| \neq 0$ бўлгани учун A матрица хосмас матрицадир, шунинг учун унга тескари матрица мавжуддир.

Алгебраик тўлдирувчиларни ҳисоблаймиз:

$$A_{11} = \begin{vmatrix} 2 & 1 \\ 1 & 2 \end{vmatrix} = 3, A_{12} = -\begin{vmatrix} 3 & 1 \\ 0 & 2 \end{vmatrix} = -6, A_{13} = \begin{vmatrix} 3 & 2 \\ 0 & 1 \end{vmatrix} = 3,$$

$$A_{21} = -\begin{vmatrix} 2 & 0 \\ 1 & 2 \end{vmatrix} = -4, A_{22} = \begin{vmatrix} 1 & 0 \\ 0 & 2 \end{vmatrix} = 2,$$

$$A_{23} = -\begin{vmatrix} 1 & 2 \\ 0 & 1 \end{vmatrix} = -1,$$

$$A_{31} = \begin{vmatrix} 2 & 0 \\ 2 & 1 \end{vmatrix} = 2, A_{32} = -\begin{vmatrix} 1 & 0 \\ 3 & 1 \end{vmatrix} =$$

$$= -1, A_{33} = \begin{vmatrix} 1 & 2 \\ 3 & 2 \end{vmatrix} = -4.$$

B матрицани тузамиз:

$$B = \frac{1}{-9} \begin{pmatrix} 3 & -6 & 3 \\ -4 & 2 & -1 \\ 2 & -1 & -4 \end{pmatrix} = \begin{pmatrix} -\frac{1}{3} & \frac{2}{3} & -\frac{1}{3} \\ \frac{4}{9} & -\frac{2}{9} & \frac{1}{9} \\ -\frac{2}{9} & \frac{1}{9} & \frac{4}{9} \end{pmatrix}.$$

Бу матрицада сатрлар ва устунларнинг уринларини алмаштириб, A матрицага тескари

$$A^{-1} = \begin{pmatrix} -\frac{1}{3} & \frac{4}{9} & -\frac{2}{9} \\ \frac{2}{3} & -\frac{2}{9} & \frac{1}{9} \\ \frac{1}{3} & \frac{1}{9} & \frac{4}{9} \end{pmatrix}$$

матрицани ҳосил қиламиз.

Бу мисолни иккинчи усул билан ечиб кўрамиз, унинг учун қуйидаги матрицани тузамиз:

$$\begin{pmatrix} 1 & 2 & 0 & 1 & 0 & 0 \\ 3 & 2 & 1 & 0 & 1 & 0 \\ 0 & 1 & 2 & 0 & 0 & 1 \end{pmatrix}.$$

A матрица ва E бирлик матрицанинг биринчи устунини -2 га кўпайтириб иккинчи устунга қўшсак, қуйидагига эга бўламиз:

$$\begin{pmatrix} 1 & 0 & 0 & 1 & -2 & 0 \\ 3 & -4 & 1 & 0 & 1 & 0 \\ 0 & 1 & 2 & 0 & 0 & 1 \end{pmatrix}.$$

Учинчи устунни — 3 га ва 4 га кўпайтириб, мос равишда биринчи ва иккинчи устунларга қўшамиз:

$$\begin{pmatrix} 1 & 0 & 0 & 1 & -2 & 0 \\ 0 & 0 & 1 & 0 & 1 & 0 \\ -6 & 9 & 2 & -3 & 4 & 1 \end{pmatrix}$$

Иккинчи устунни $\frac{2}{3}$ га ва $-\frac{2}{9}$ га кўпайтириб, мос равишда биринчи ва учинчи устунга қўшамиз:

$$\left(\begin{array}{ccc|ccc} 1 & 0 & 0 & -1/3 & -2 & 4/0 \\ 0 & 0 & 1 & 2/3 & 1 & -2/9 \\ 0 & 9 & 0 & -1/3 & 4 & 1/9 \end{array} \right)$$

Иккинчи устунни 9 га бўлиб, иккинчи ва учинчи устунларни алмаштирамиз:

$$\left(\begin{array}{ccc|ccc} 1 & 0 & 0 & -1/3 & -2/9 & 4/9 \\ 0 & 1 & 0 & 2/3 & 1/9 & -2/9 \\ 0 & 0 & 1 & -1/3 & 4/9 & 1/9 \end{array} \right)$$

Натижада A га тескари

$$A^{-1} = \begin{pmatrix} -1/3 & -2/9 & 4/9 \\ 2/3 & 1/9 & -2/9 \\ -1/3 & 4/9 & 1/9 \end{pmatrix}$$

матрицага эга бўламиз. Бир хил натижага эга бўлдик.

Тескари матрица қуйидаги хоссаларга эга.

1) Тескари матрицанинг детерминанти берилган матрица детерминантининг тескари қийматига тенг, яъни

$$\det(A^{-1}) = \frac{1}{\det A};$$

2) A ва B квадрат матрицалар кўпайтмасининг тескари матрицаси учун

$$(AB)^{-1} = B^{-1} \cdot A^{-1}$$

тенглик ўринли.

3) Транспонирланган тескари матрица берилган транспонирланган матрицанинг тескарисига тенг, яъни

$$(A^{-1})^T = (A^T)^{-1};$$

4) Тескари матрицанинг тескариси берилган матрицанинг ўзига тенг, яъни

$$(A^{-1})^{-1} = A.$$

Буларнинг исботини ўқувчининг ўзига ҳавола қиламиз.

3-§. Чизикли тенгламалар системасини матрицалар кўринишида ифодалаш

Ушбу тенгламалар системаси берилган бўлсин:

$$\begin{cases} a_{11}x_1 + a_{12}x_2 + a_{13}x_3 = c_1, \\ a_{21}x_1 + a_{22}x_2 + a_{23}x_3 = c_2, \\ a_{31}x_1 + a_{32}x_2 + a_{33}x_3 = c_3. \end{cases} \quad (2.6)$$

Бу системанинг номаълумлари олдидаги коэффициентлар, номаълумлар ва озод ҳадлардан тузилган қуйидаги матрицаларни қараймиз:

$$A = \begin{pmatrix} a_{11} & a_{12} & a_{13} \\ a_{21} & a_{22} & a_{23} \\ a_{31} & a_{32} & a_{33} \end{pmatrix}, \quad X = \begin{pmatrix} x_1 \\ x_2 \\ x_3 \end{pmatrix}, \quad C = \begin{pmatrix} c_1 \\ c_2 \\ c_3 \end{pmatrix} \quad (2.7)$$

Равшанки,

$$A \cdot X = \begin{pmatrix} a_{11} & a_{12} & a_{13} \\ a_{21} & a_{22} & a_{23} \\ a_{31} & a_{32} & a_{33} \end{pmatrix} \cdot \begin{pmatrix} x_1 \\ x_2 \\ x_3 \end{pmatrix} = \begin{pmatrix} a_{11}x_1 + a_{12}x_2 + a_{13}x_3 \\ a_{21}x_1 + a_{22}x_2 + a_{23}x_3 \\ a_{31}x_1 + a_{32}x_2 + a_{33}x_3 \end{pmatrix}$$

Берилган (2.6) системани матрицаларнинг тенглиги таърифидан фойдаланиб, қуйидагича ёзиш мумкин:

$$\begin{pmatrix} a_{11}x_1 + a_{12}x_2 + a_{13}x_3 \\ a_{21}x_1 + a_{22}x_2 + a_{23}x_3 \\ a_{31}x_1 + a_{32}x_2 + a_{33}x_3 \end{pmatrix} = \begin{pmatrix} c_1 \\ c_2 \\ c_3 \end{pmatrix}$$

ёки, қисқача:

$$A \cdot X = C. \quad (2.8)$$

(2.8) — чизикли тенгламалар системасининг матрицали кўриниши дейилади.

(2.8) да X матрицани топиш учун унинг ҳар икки томонини чапдан A^{-1} матрицага кўпайтирамиз:

$$A^{-1}(A \cdot X) = (A^{-1} \cdot A) \cdot X = EX = X$$

бўлгани учун

$$X = A^{-1} \cdot C$$

ёки

$$X = \begin{pmatrix} x_1 \\ x_2 \\ x_3 \end{pmatrix} = \begin{pmatrix} a'_{11}c_1 + a'_{12}c_2 + a'_{13}c_3 \\ a'_{21}c_1 + a'_{22}c_2 + a'_{23}c_3 \\ a'_{31}c_1 + a'_{32}c_2 + a'_{33}c_3 \end{pmatrix}.$$

Бундан эса, икки матрицанинг тенглик шартига асосан,

$$\begin{aligned} x_1 &= a'_{11}c_1 + a'_{12}c_2 + a'_{13}c_3, \\ x_2 &= a'_{21}c_1 + a'_{22}c_2 + a'_{23}c_3, \\ x_3 &= a'_{31}c_1 + a'_{32}c_2 + a'_{33}c_3 \end{aligned} \quad (2.9)$$

(2.6) нинг ечимига эга бўламиз.

1- м и с о л. Ушбу

$$\begin{cases} 2x_1 + x_2 - x_3 = 5, \\ 5x_1 + 2x_2 + 4x_3 = 1, \\ 7x_1 + 3x_2 + 2x_3 = 4 \end{cases}$$

тенгламалар системасини матрицавий кўринишда ёзинг ва унинг ечимини топинг.

Е ч и ш. Берилган системанинг матрицаларини ёзамиз:

$$A = \begin{pmatrix} 2 & 1 & -1 \\ 5 & 2 & 4 \\ 7 & 3 & 2 \end{pmatrix}, X = \begin{pmatrix} x_1 \\ x_2 \\ x_3 \end{pmatrix}, C = \begin{pmatrix} 5 \\ 1 \\ 4 \end{pmatrix}.$$

У ҳолда системанинг матрицавий кўриниши қуйидагича бўлади:

$$A \cdot X = C,$$

A га тескари A^{-1} матрицани топамиз (A^{-1} ни топишни ўқувчига ҳавола қиламиз), у

$$A^{-1} = \begin{pmatrix} -8 & -5 & 6 \\ 18 & 11 & -13 \\ 1 & 1 & -1 \end{pmatrix}$$

кўринишда бўлгани сабабли $A^{-1} \cdot A \cdot X = A^{-1} \cdot C$ ёки $X = A^{-1} \cdot C$ га эга бўламиз, бундан

$$\begin{aligned} X = A^{-1} \cdot C &= \begin{pmatrix} -8 & -5 & 6 \\ 18 & 11 & -13 \\ 1 & 1 & -1 \end{pmatrix} \cdot \begin{pmatrix} 5 \\ 1 \\ 4 \end{pmatrix} = \\ &= \begin{pmatrix} -8 \cdot 5 + (-5) \cdot 1 + 6 \cdot 4 \\ 18 \cdot 5 + 11 \cdot 1 + (-13) \cdot 4 \\ 5 \cdot 1 + 1 \cdot 1 + (-1) \cdot 4 \end{pmatrix} = \begin{pmatrix} -21 \\ 49 \\ 2 \end{pmatrix}. \end{aligned}$$

Демак, тенгламалар системасининг ечими:

$$x_1 = -21, x_2 = 49, x_3 = 2.$$

4-§. Матрицанинг ранги

Ушбу $m \times n$ ўлчамли A матрица берилган бўлсин:

$$A = \begin{pmatrix} a_{11} & a_{12} & \dots & a_{1k} & \dots & a_{1n} \\ a_{21} & a_{22} & \dots & a_{2k} & \dots & a_{2n} \\ \vdots & \vdots & & \vdots & & \vdots \\ a_{m1} & a_{m2} & \dots & a_{mk} & \dots & a_{mn} \end{pmatrix}. \quad (2.10)$$

(2.10) матрицада ихтиёрий k та устун ва k та сатрни ажратамиз. Ажратилган сатрлар ва устунлар кесишган жойда турган элементлар k -тартибли квадрат матрица

ҳосил қилади. Шу ҳосил қилинган k -тартибли квадрат матрицанинг детерминанти A матрицанинг k -тартибли минори деб аталади.

Масалан, учта сатр ва бешта устунга эга бўлган

$$A = \begin{pmatrix} 3 & 2 & 4 & 7 & 2 \\ -2 & 1 & 5 & 1 & -1 \\ 1 & -3 & 6 & 8 & -3 \end{pmatrix}$$

матрица учун учинчи тартибли минорлардан бири

$$\begin{vmatrix} 3 & 2 & 4 \\ -2 & 1 & 5 \\ 1 & -3 & 6 \end{vmatrix}$$

детерминант бўлиб, у матрицанинг биринчи, иккинчи, учинчи сатрларини ва биринчи, иккинчи, учинчи устунларини ажратишдан ҳосил бўлади. Иккинчи тартибли минорлардан бири, масалан, $\begin{vmatrix} 2 & 1 \\ 1 & -3 \end{vmatrix}$ детерминант бўла-

ди. Матрица элементларининг узларини биринчи тартибли минорлар деб қараш мумкин. Матрицанинг минорларидан баъзилари нолга тенг, баъзилари нолдан фаркли бўлиши мумкин.

Таъриф. Матрицанинг ранги деб унинг нолдан фаркли минорлари тартибларининг энг каттасига айтилади.

Агар матрицанинг ранги r га тенг бўлса, бунинг маъноси A матрицада ҳеч бўлмаганда битта нолдан фаркли r -тартибли минор борлигини, бироқ r дан катта тартибли ҳар қандай минор нолга тенглигини билдиради. A матрицанинг ранги $\text{rang} A$ ёки $r(A)$ қурилишида белгиланади.

Ушбу матрицани қарайлик:

$$A = \begin{pmatrix} 1 & 2 & 0 & 4 & 6 \\ 0 & 0 & 0 & 0 & 0 \\ -1 & 3 & 0 & -1 & -1 \\ -2 & 1 & 0 & 3 & 2 \end{pmatrix}$$

Унинг исталган тўртинчи тартибли минори нолга тенг:

$$\begin{vmatrix} 1 & 2 & 4 & 6 \\ 0 & 0 & 0 & 0 \\ -1 & 3 & -1 & -1 \\ -2 & 1 & 3 & 2 \end{vmatrix} = 0$$

(битта сатрининг элементлари нолга тенг бўлган детерминант бўлгани учун). Учинчи тартибли минорларидан бири эса нолдан фаркли, масалан,

$$\begin{vmatrix} 1 & 2 & 4 \\ -1 & 3 & -1 \\ -2 & 1 & 3 \end{vmatrix} \neq 40.$$

Демак, берилган матрицанинг ранги 3 га тенг, яъни $r(A)=3$. Матрицанинг рангини аниқлашда, одатда, кўп сондаги детерминантларни ҳисоблашга тўғри келади. Бу ишни осонлаштириш учун махсус усуллардан фойдаланилади. Бу усулларни баён қилишдан олдин матрицани элементар алмаштиришлар ҳақида тушунча киритамиз. Қуйидаги алмаштиришлар элементар алмаштиришлар ҳисобланади:

1) матрицани транспонирланганда унинг ранги ўзгармайди;

2) матрицада сатр (устун) ларнинг ўрнини алмаштириш унинг рангини ўзгартирмайди;

3) матрица сатри (устуни) нинг барча элементларини нолдан фарқли сонга кўпайтирилса, унинг ранги ўзгармайди;

4) матрицанинг бирор сатри (ёки устуни) ни ихтиёрий сонга кўпайтириб, унинг бошқа сатри (ёки устуни) га қўшилса, унинг ранги ўзгармайди;

5) матрицада нолли сатр (ёки устун)ни чиқариб ташланса, унинг ранги ўзгармайди;

6) матрицада бирор сатрлар (ёки устунлар) элементларининг қизиқли комбинациясидан иборат бўлган сатр (ёки устун) ни чиқариб ташланса, матрицанинг ранги ўзгармайди.

Бир-биридан элементар алмаштиришлар натижасида ҳосил қилинган матрицалар эквивалент матрицалар деб аталади. Эквивалент матрицалар бир-бирига тенг эмас, аммо уларнинг ранглари тенг бўлишини исботлаш мумкин.

Юқорида келтирилганлардан матрицаларнинг рангини ҳисоблашда фойдаланилади.

Мисол. Матрицанинг рангини ҳисобланг:

$$A = \begin{pmatrix} 2 & 3 & 5 & -3 \\ 3 & 4 & 3 & -1 \\ 5 & 6 & -1 & 3 \end{pmatrix}.$$

Ечиш. Берилган матрицанинг биринчи сатри элементларини 2 га бўлиб, ушбу эквивалент матрицани ҳосил қиламиз:

$$A_1 = \begin{pmatrix} 1 & 3/2 & 5/2 & -3/2 \\ 3 & 4 & 3 & -1 \\ 5 & 6 & -1 & 3 \end{pmatrix}.$$

Матрицанинг биринчи сатрини 3 га ва 5 га кўпайтириб мос равишда иккинчи ва учинчи сатрларидан айириб, ушбу матрицани ҳосил қиламиз:

$$A_2 = \begin{pmatrix} 1 & 3/2 & 5/2 & -3/2 \\ 0 & -1/2 & -9/2 & 7/2 \\ 0 & -3/2 & -27/2 & 21/2 \end{pmatrix}.$$

A_2 матрицанинг учинчи сатрини — 3 га бўлиб, иккинчи сатрга қўшамиз:

$$A_3 = \begin{pmatrix} 1 & 3/2 & 5/2 & -3/2 \\ 0 & -1/2 & -9/2 & 7/2 \\ 0 & 0 & 0 & 0 \end{pmatrix}.$$

A_3 матрицада ноллардан иборат сатрни ташлаб,

$$A_4 = \begin{pmatrix} 1 & 3/2 & 5/2 & -3/2 \\ 0 & -1/2 & -9/2 & 7/2 \end{pmatrix}$$

матрицани ҳосил қиламиз. A_4 матрицанинг ранги иккига тенглиги равшан. Демак, берилган матрицанинг ранги ҳам иккига тенг, яъни $r(A)=2$.

5- §. Детерминант ва матрицалар назариясининг татбиқлари

Детерминант ва матрицалар назарияси математика, физика, механика, электротехника, радиотехника, қурилишда, кундалик ҳаётимизда ва ҳ.к. ларда кенг қўлланилади. Бу ерда уларнинг татбиқига мисол ва масалалар келтирамиз.

1. Детерминантлар назариясининг аналитик геометрияга татбиқи.

1. Учлари $A(x_1; y_1)$, $B(x_2; y_2)$ ва $C(x_3; y_3)$ нукталарда бўлган учбурчакни юзи учинчи тартибли детерминант орқали қуйидаги формула бўйича ҳисобланади:

$$S_{\Delta ABC} = \frac{1}{2} \text{mod} \begin{vmatrix} x_1 & y_1 & 1 \\ x_2 & y_2 & 1 \\ x_3 & y_3 & 1 \end{vmatrix} = \frac{1}{2} |D|.$$

2) $M_1(x_1; y_1)$ ва $M_2(x_2; y_2)$ нукталардан ўтувчи тўғри чизик тенгламаси

$$\begin{vmatrix} x & y & 1 \\ x_1 & y_1 & 1 \\ x_2 & y_2 & 1 \end{vmatrix} = 0$$

детерминант шаклида тузилади.

3) Учта тўғри чизик умумий тенгламаси билан берилган бўлсин:

$$\begin{aligned} l_1: A_1x + B_1y + C_1 &= 0, \\ l_2: A_2x + B_2y + C_2 &= 0, \\ l_3: A_3x + B_3y + C_3 &= 0. \end{aligned}$$

Бу тўғри чизикларнинг кесишиш нуктаси мавжуд бўлиши учун

$$\begin{vmatrix} A_1 & B_1 & C_1 \\ A_2 & B_2 & C_2 \\ A_3 & B_3 & C_3 \end{vmatrix} \neq 0$$

шарт бажарилиши керак.

4) $A(x_1; y_1)$, $B(x_2; y_2)$ ва $C(x_3; y_3)$ нукталар бир тўғри чизикда ётиши учун

$$\begin{vmatrix} x_1 & y_1 & 1 \\ x_2 & y_2 & 1 \\ x_3 & y_3 & 1 \end{vmatrix} = 0$$

шартнинг бажарилиши зарур ва етарлидир.

5) Тўғри чизикнинг нормал тенгламасини

$$\begin{vmatrix} x & -\sin\alpha \\ y & \cos\alpha \end{vmatrix} = p$$

кўринишда ёзиш мумкин.

6) Учлари $A(x_1; y_1)$, $B(x_2; y_2)$, ... $N(x_n; y_n)$ нукталарда ётувчи кўпбурчакнинг юзи детерминантларнинг йигиндиси шаклида қуйидагича аниқланади:


$$S = \frac{1}{2} \bmod \left\{ \begin{vmatrix} x_1 & y_1 & 1 \\ x_2 & y_2 & 1 \\ x_3 & y_3 & 1 \end{vmatrix} + \begin{vmatrix} x_1 & y_1 & 1 \\ x_3 & y_3 & 1 \\ x_4 & y_4 & 1 \end{vmatrix} + \dots + \right. \\ \left. + \dots + \begin{vmatrix} x_1 & y_1 & 1 \\ x_{n-1} & y_{n-1} & 1 \\ x_n & y_n & 1 \end{vmatrix} \right\}.$$

7) $M_1(x_1; y_1; z_1)$, $M_2(x_2; y_2; z_2)$ ва $M_3(x_3; y_3; z_3)$ нукталардан ўтувчи текислик тенгламаси детерминант шаклида қуйидагича ифодаланади:

$$\begin{vmatrix} x-x_1 & y-y_1 & z-z_1 \\ x_2-x_1 & y_2-y_1 & z_2-z_1 \\ x_3-x_1 & y_3-y_1 & z_3-z_1 \end{vmatrix} = 0.$$

2. Электротехникада тўрт кутбли электр занжирлари мавжуд. Улар турли усулда уланган бўлиб, улардан энг соддаси битта ва бир нечта қаршиликлар кетма-кет, параллел Г, Т, П ва Х шаклларда уланган ҳолларидир.

Тўрт кутбли деганда одатда электр занжирининг иккига кириш ва иккита чиқиш қисмлари мавжуд бўлган тури тушунилади (1- а, б, в чизма). а) чизмадаги i_1, i_2, I_1, I_2 — кириш ва чиқишдаги кучланиш ва токнинг оний қийматлари бўлсин. Тўрт кутблиларнинг синусоидали ток ва кучланиш билан ишлаётгандаги ҳолатини кўриб чиқайлик.



1- чизма

Агар L_1, L_2, E_1, E_2 тўрт кутблиларнинг кириш ва чиқишдаги ток ва кучланиш амплитудаси бўлса, у ҳолда улар ўзаро қуйидагича чизикли боғланишда бўлади:

$$\begin{cases} E_2 = \alpha_{11} E_1 + \alpha_{12} L_1 \\ L_2 = \alpha_{21} E_1 + \alpha_{22} L_1 \end{cases} \quad (2.11)$$

бунда α_{11} , α_{12} , α_{21} , α_{22} параметрлар тўрт кутблиларнинг тўла ўтказувчанлиги бўлади ва у ўрганилаётган схемадаги ток билан кучланишларни боғлайди.

(2.11) системани матрица кўринишида ҳам ёзиш мумкин:

$$[L] = [\alpha] \cdot [E].$$

Бунда:

$$[\alpha] = \{\alpha_{ij}\}, \quad [L] = \begin{pmatrix} L_1 \\ L_2 \end{pmatrix}, \quad [E] = \begin{pmatrix} E_1 \\ E_2 \end{pmatrix}.$$

Бу системанинг ечими $[E] = [\alpha]^{-1} [L]$ кўринишда ёзилади, яъни


$$E_1 = \frac{\alpha_{22}}{\Delta} L_1 - \frac{\alpha_{12}}{\Delta} L_2,$$

$$E_2 = -\frac{\alpha_{21}}{\Delta} L_1 + \frac{\alpha_{11}}{\Delta} L_2,$$

бу ерда $\Delta = \det[\alpha]$.

3. Физикадан бизга маълумки, трансформатор иккита чулгамдан иборат (2- чизма). Бу чулгамлар мос равишда $Z_1 = R_1 + j\omega L_1$, ва $Z_2 = R_2 + j\omega L_2$ қаршилиқларга эга бўлсин, бунда L_1 ва L_2 — чулгамларнинг индуктивлиги. Трансформатор электромагнит индукция қонунига кўра ишлайди. Шунинг учун бу қонун

$$\mu = j\omega M$$



2- чизма

формула билан аниқланади. У ҳолда кириш ва чиқишдаги кучланишлар, тоқлар ва бошқа параметрлар орасида қуйидагича боғланиш мавжуд:

$$\begin{cases} E_1 = Z_1 I_1 - \mu I_2, \\ E_2 = \mu I_1 - Z_2 I_2. \end{cases} \quad (2.12)$$

Шундай қилиб, трансформатордаги тоқларни ҳисоблаш иккита икки номаълумли тенгламалар системасига келди. Уни детерминант ёки матрицадан фойдаланиб ечилади.

4. Матрицалар назариясидан қурилишга доир айрим масалаларни ечишда фойдаланишга мисол кўрамиз. Бирор қурувчи ташкилот 3 та уй, 5 та болалар боғчаси, 9 та дам олиш уйи қуриш учун мажбурият олган бўлсин. Қурилиш материаллари темир, ёғоч, ойна, бўёқдан иборат. Шунингдек материал материал миқдори ва ишчи кучи ҳар бир қурилишга бирор бирликда қуйидаги матрица кўринишда берилсин:

$$A = \begin{array}{ccccc|l} & \text{Темир} & \text{Ёғоч} & \text{Ойна} & \text{Бўёқ} & \text{Ишчи кучи} \\ \begin{array}{c} 1 \\ 2 \\ 3 \end{array} & \begin{array}{c} 10 \\ 7 \\ 5 \end{array} & \begin{array}{c} 17 \\ 12 \\ 15 \end{array} & \begin{array}{c} 8 \\ 4 \\ 10 \end{array} & \begin{array}{c} 5 \\ 3 \\ 4 \end{array} & \begin{array}{c} 11 \\ 8 \\ 9 \end{array} & \begin{array}{l} \text{Уй} \\ \text{Боғча} \\ \text{Дам олиш уйи} \end{array} \end{array}$$

Агар бир бирлик материал: темир 12 сўм, ёғоч 7 сўм, ойна 5 сўм, бўёқ 4 сўм, ишчи кучи 10 сўм бўлса, қуйидагиларни аниқланг (бу нархлар шартли равишда олинганини ва бу улар ҳақиқатдаги нархларга тўғри келмаслигини эслатиб ўтамиз):

1) умумий керак бўлган материаллар миқдори ва ишчи кучи;

2) ҳар бир қурилиш учун ишчи кучи ва материаллар нархи;

3) умумий ишчи кучи ва материаллар нархи.

Ечиш. Қурувчи ташкилот қурадиган 3 та турар уй, 5 та болалар боғчаси, 9 та дам олиш уйини $B = (3 \ 5 \ 9)$ сатр-матрица деб оламиз. Бу қурилишлар учун кетадиган материалларни билиш учун B матрицани A матрицага кўпайтирамиз:

$$B \cdot A = (3 \cdot 5 \cdot 9) \cdot \begin{pmatrix} 10 & 17 & 8 & 5 & 11 \\ 7 & 12 & 4 & 3 & 8 \\ 5 & 15 & 10 & 4 & 9 \end{pmatrix} =$$

$$= (3 \cdot 10 + 5 \cdot 7 + 9 \cdot 5; 3 \cdot 17 + 5 \cdot 12 + 9 \cdot 15;$$

$$3 \cdot 8 + 5 \cdot 4 + 9 \cdot 10; 3 \cdot 5 + 5 \cdot 3 + 9 \cdot 4;$$

$$3 \cdot 11 + 5 \cdot 8 + 9 \cdot 9) = (110, 246, 134, 66, 154).$$

Демак, қурувчи ташкилот учун 110 бирлик темир, 246 бирлик ёғоч, 134 бирлик ойна, 66 бирлик бўёқ ва 154 бирлик ишчи кучи зарур экан.

Энди ҳар бир тур қурилиш учун материаллар ва ишчи кучи харажатини билиш учун уларнинг нархларидан тузилган

$$C = \begin{pmatrix} 12 \\ 7 \\ 5 \\ 4 \\ 10 \end{pmatrix}$$

устун-матрицани тузиб оламиз.

А матрицани С матрицага кўпайтирамиз:

$$A \cdot C = \begin{pmatrix} 10 & 17 & 8 & 5 & 11 \\ 7 & 12 & 4 & 3 & 8 \\ 5 & 15 & 10 & 4 & 9 \end{pmatrix} \cdot \begin{pmatrix} 12 \\ 7 \\ 5 \\ 4 \\ 10 \end{pmatrix} =$$

$$= \begin{pmatrix} 10 \cdot 12 + 17 \cdot 7 + 8 \cdot 5 + 5 \cdot 4 + 11 \cdot 10 \\ 7 \cdot 12 + 12 \cdot 7 + 4 \cdot 5 + 3 \cdot 4 + 8 \cdot 10 \\ 5 \cdot 12 + 15 \cdot 7 + 10 \cdot 5 + 4 \cdot 4 + 9 \cdot 10 \end{pmatrix} = \begin{pmatrix} 409 \\ 280 \\ 321 \end{pmatrix}$$

(С ни А га кўпайтириш маънога эга эмас).

Демак, турар уй учун 409 сўм, болалар богчаси учун 280 сўм, дам олиш уйи учун 321 сўм пул тўланар экан.

Учинчи саволга жавоб бериш учун қуйидаги матрицалар кўпайтмасини топамиз:

$$BAC = (110 \ 246 \ 134 \ 66 \ 154) \cdot \begin{pmatrix} 12 \\ 7 \\ 5 \\ 4 \\ 10 \end{pmatrix} = 5516$$

ёки

$$BAC = (3 \ 5 \ 9) \cdot \begin{pmatrix} 409 \\ 280 \\ 321 \end{pmatrix} = 5516.$$

Демак, ҳамма қурилиш 5516 сўмга тушар экан.

Сизга маълумки, уй ёки болалар боғчаси қуриш учун масала шартдаги материаллар етарли эмас. Агар улар учун кетадиган материалларнинг ҳаммаси олинса, у ҳолда масала шартга кўра тузиладиган матрицанинг тартиби катта бўлади. Шунинг учун биз айрим материаллар билан чекландик.

6. Энди кундалик ҳаётимизда учрайдиган қуйидаги иккита масалани кўрамиз.

1-масала. Тўртта харидор (уларни B, C, D, E ҳарфлари билан белгилаймиз) A матрица устунда кўрсатилгандек миқдорда мевалар харид қилишган бўлсин:

$$A = \begin{matrix} & \begin{matrix} B & C & D & E \end{matrix} \\ \begin{pmatrix} 2 & 1 & 3 & 5 \\ 1 & 0 & 2 & 3 \\ 2 & 1 & 3 & 0 \end{pmatrix} & \begin{matrix} \text{кг олма} \\ \text{кг нок} \\ \text{кг олхўри} \end{matrix} \end{matrix}$$

$t = (4 \ 10 \ 6)$ сатрлар бу меваларнинг нархи (шартли сумларда), l — тўртта бирдан иборат устун-матрица бўлса, tA, At, tAt матрицалар кўпайтмасини топинг ва унинг маъносини тушунтиринг.

Ечиш. t матрицани A га кўпайтирсак:

$$t \cdot A = (4 \ 10 \ 6) \cdot \begin{pmatrix} 2 & 1 & 3 & 5 \\ 1 & 0 & 2 & 3 \\ 2 & 1 & 3 & 0 \end{pmatrix} =$$

$$= (4 \cdot 2 + 10 \cdot 1 + 6 \cdot 2; 4 \cdot 1 + 10 \cdot 0 + 6 \cdot 1; 4 \cdot 3 + 10 \cdot 2 + 6 \cdot 3; 4 \cdot 5 + 10 \cdot 3 + 6 \cdot 0) = (30; 10; 50; 50)$$

сатр-матрицага эга бўламиз, бунда $S_1 = 30$ B харидор сотиб олган меваси учун тўлаган пулни билдиради. $S_2 = 10$ эса C харидор, $S_3 = 50$ D харидор, $S_4 = 50$ E харидор тўлаган пулни билдиради. A ни l га кўпайтирамиз:

$$Al = \begin{pmatrix} 2 & 1 & 3 & 5 \\ 1 & 0 & 2 & 3 \\ 2 & 1 & 3 & 0 \end{pmatrix} \cdot \begin{pmatrix} 1 \\ 1 \\ 1 \\ 1 \end{pmatrix} = \begin{pmatrix} 11 \\ 6 \\ 6 \end{pmatrix}$$

Натижа устун-матрицадан иборат бўлиб, унинг маъноси тўртта харидорнинг 11 кг олма, 6 кг нок, 6 кг олхўри харид қилганини билдиради.

$t \cdot A \cdot l$ купайтмани икки хил усул билан ҳисоблаш мумкин:

$$t \cdot A \cdot l = (4 \ 10 \ 6) \cdot \begin{pmatrix} 11 \\ 6 \\ 6 \end{pmatrix} = 140;$$

$$t \cdot A l = (30 \ 10 \ 50 \ 50) \cdot \begin{pmatrix} 1 \\ 1 \\ 1 \\ 1 \end{pmatrix} = 140.$$

Иккала ҳолда ҳам бир хил натижага эга бўлдик. Бу натижа туртгала харидорнинг ҳамма мева учун туланган пул миқдорини билдиради.

2-масала. Жамоа ҳужалиги 5 тонна картошка, 6 тонна қарам ва 10 тонна сабзи етиштиришни режалаштирган эди. Уни $A = (5 \ 6 \ 10)$ сатр-матрица кўринишда қисқача ёзиб олиш мумкин. Бу маҳсулотларнинг нархи

(шартли минг сўм) $B = \begin{pmatrix} 6 \\ 3 \\ 8 \end{pmatrix}$ устун-матрицадан иборат бўлса, ҳужалик даромадини ҳисобланг.

Ечиш. Жамоа ҳужалиги даромадини ҳисоблаш учун A сатр-матрицани B устун-матрицага купайтирамиз:

$$A \cdot B = (5 \ 6 \ 10) \cdot \begin{pmatrix} 6 \\ 3 \\ 8 \end{pmatrix} = (5 \cdot 6 + 6 \cdot 3 + 10 \cdot 8) = 128.$$

Демак, даромад 128 минг шартли сўмни ташкил қилар экан.

МАШҚЛАР

1. Матрицаларнинг йигиндисини топинг:

$$а) A = \begin{pmatrix} 1 & 2 & 3 \\ -2 & 4 & 5 \\ 0 & 3 & 1 \end{pmatrix} \text{ ва } B = \begin{pmatrix} 3 & 1 & 2 \\ 0 & 5 & 1 \\ 4 & 3 & 2 \end{pmatrix};$$

$$б) A = \begin{pmatrix} 3 & 5 & 7 \\ 2 & -1 & 0 \\ 4 & 3 & 2 \end{pmatrix} \text{ ва } B = \begin{pmatrix} 1 & 2 & 4 \\ 2 & 3 & -2 \\ -1 & 0 & 1 \end{pmatrix}.$$

2. Матрицаларнинг купайтмасини топинг:

$$а) A = \begin{pmatrix} 2 & -1 & 0 \\ 3 & 5 & 7 \\ 4 & 3 & 2 \end{pmatrix} \text{ ва } B = \begin{pmatrix} -1 & 0 & 1 \\ 1 & 2 & 4 \\ 2 & 3 & -2 \end{pmatrix};$$

$$б) A = \begin{pmatrix} 1 & 3 & 1 \\ 2 & 0 & 4 \\ 2 & 1 & 3 \end{pmatrix} \text{ ва } B = \begin{pmatrix} 2 & 1 & 0 \\ 1 & -1 & 2 \\ 3 & 1 & 2 \end{pmatrix};$$

$$в) A = \begin{pmatrix} 1 & 2 & -2 & 0 \\ -6 & -3 & 1 & 4 \\ 3 & 0 & 5 & 7 \end{pmatrix} \text{ ва } B = \begin{pmatrix} 2 & 0 \\ 1 & -1 \\ -3 & 4 \\ 4 & -3 \end{pmatrix}$$

3. Агар $A = \begin{pmatrix} 6 & 1 \\ 0 & -3 \end{pmatrix}$ ва $B = \begin{pmatrix} 4 & 2 \\ 0 & 1 \end{pmatrix}$ бўлса,
 $C = 2A + 3B$ матрицани топинг.

4. Агар $A = \begin{pmatrix} 1 & -1 \\ -3 & -2 \end{pmatrix}$ ва $B = \begin{pmatrix} -5 & 4 \\ -1 & 2 \end{pmatrix}$ бўлса,
 $C = A - 5B$ матрицани топинг.

5. Агар
 $A = \begin{pmatrix} 1 & 2 & 3 \\ -3 & -2 & -1 \\ 1 & 0 & 1 \end{pmatrix}$ ва $B = \begin{pmatrix} -1 & 3 & -2 \\ -2 & 2 & -1 \\ -3 & 1 & -3 \end{pmatrix}$ бўлса,
 $C = 2A - 3B$ матрицани топинг.

6. Агар
 $A = \begin{pmatrix} 1 & 3 & 0 \\ 1 & 3 & -1 \\ 2 & 1 & 0 \end{pmatrix}$ ва $B = \begin{pmatrix} 1 & 1 & 0 \\ 3 & 3 & -1 \\ 4 & 1 & 2 \end{pmatrix}$ бўлса,
 $A + 2C = 3B$ шартдан C матрицани топинг.

7. Агар

$$A = \begin{pmatrix} 2 & 3 & -1 \\ 4 & 5 & 2 \\ -1 & 0 & 7 \end{pmatrix} \text{ ва } B = \begin{pmatrix} -1 & 0 & 5 \\ 0 & 1 & 3 \\ 2 & -2 & 4 \end{pmatrix} \text{ бўлса,}$$

2 $(A+B) \cdot (2B-A)$ ни ҳисобланг.

8. Агар

$$A = \begin{pmatrix} 4 & 5 & -2 \\ 3 & -1 & 0 \\ 4 & 2 & 7 \end{pmatrix} \text{ ва } B = \begin{pmatrix} 2 & 1 & -1 \\ 0 & 1 & 3 \\ 5 & 7 & 3 \end{pmatrix} \text{ бўлса,}$$

3A — $(A+2B) \cdot B$ ни ҳисобланг.

9. Агар

$$A = \begin{pmatrix} 1 & -3 & 2 \\ 3 & -4 & 1 \\ 2 & -5 & 3 \end{pmatrix} \text{ ва } B = \begin{pmatrix} 2 & 5 & 6 \\ 1 & 2 & 5 \\ 1 & 3 & 2 \end{pmatrix} \text{ бўлса,}$$

$C = AB - BA$ матрицани топинг.

10. $A = \begin{pmatrix} 2 & -1 \\ -3 & 3 \end{pmatrix}$ матрица $f(x) = x^2 - 5x + 3$ куп-

ҳаднинг илдизи эканини кўрсатинг.

11. Агар $f(x) = x^2 - 3x + 5$ ва

$$A = \begin{pmatrix} 2 & 2 & 0 \\ 1 & 1 & 4 \\ 1 & 0 & 3 \end{pmatrix} \text{ бўлса,}$$

$f(A)$ матрицани топинг.

12. Ушбу матрицаларга тескари матрицани топинг.

$$\text{а) } A = \begin{pmatrix} 2 & 2 & 3 \\ 3 & 1 & 1 \\ 3 & 5 & 4 \end{pmatrix}; \text{ б) } A = \begin{pmatrix} 1 & 3 & 1 \\ 3 & 2 & 2 \\ 5 & 3 & 4 \end{pmatrix};$$

$$\text{в) } A = \begin{pmatrix} 2 & -3 & -5 \\ 3 & 1 & -2 \\ 1 & -2 & 1 \end{pmatrix}; \text{ г) } A = \begin{pmatrix} 1 & 2 & 5 \\ 3 & -3 & 7 \\ 2 & -1 & 5 \end{pmatrix}.$$

13. Куйидаги тенгламалар системаларини матрицалардан фойдаланиб ечинг:

$$а) \begin{cases} x_1 + 2x_2 - 3x_3 = 14, \\ 2x_1 + 3x_2 + 2x_3 = 9, \\ 3x_1 + 4x_2 + x_3 = 16. \end{cases} б) \begin{cases} x_1 - 2x_2 + 2x_3 = -5, \\ 2x_1 + x_2 - x_3 = 5, \\ 7x_1 + x_2 - x_3 = 10. \end{cases}$$

$$н) \begin{cases} x_1 + x_2 - x_3 = 0, \\ 3x_1 + 2x_2 + x_3 = 5, \\ 4x_1 - x_2 + 5x_3 = 3. \end{cases} г) \begin{cases} 5x_1 - 7x_2 + 4x_3 = 5, \\ 3x_1 - 8x_2 + 3x_3 = -2, \\ 2x_1 + 5x_2 + 5x_3 = 3. \end{cases}$$

$$д) \begin{cases} x + 2y + z = 4, \\ 3x - 5y + 3z = 1, \\ 2x + 7y - z = 8. \end{cases} е) \begin{cases} 5x + 8y - z = -7, \\ x + 2y + 3z = 1, \\ 2x - 3y + 2z = 9. \end{cases}$$

$$ж) \begin{cases} 2x_1 - x_2 + x_3 - 5x_4 = 4, \\ 2x_1 + 3x_2 - 3x_3 + x_4 = 2, \\ 8x_1 - x_2 + x_3 - x_4 = 1, \\ 4x_1 - 3x_2 + 3x_3 + 3x_4 = 2. \end{cases}$$

$$з) \begin{cases} 2x_1 + x_2 - x_3 - x_4 + x_5 = 1, \\ x_1 - x_2 + x_3 + x_4 - 2x_5 = 0, \\ 3x_1 + 3x_2 - 3x_3 - 3x_4 + 4x_5 = 2, \\ 4x_1 + 5x_2 - 5x_3 - 5x_4 + 7x_5 = 3, \\ x_1 - 4x_2 + x_3 + x_4 - x_5 = 3. \end{cases}$$

14. Ушбу матрицаларнинг рангини икки хил усул билан (элементар алмаштиришлар ва минорлар орқали) топиб, натижа бир хил бўлишини кўрсатинг:

$$а) A = \begin{pmatrix} 5 & 0 & 4 & 3 \\ 3 & 2 & 4 & 1 \\ 7 & 3 & 2 & 4 \\ 1 & 2 & 1 & 7 \end{pmatrix}; б) A = \begin{pmatrix} 1 & 1 & 3 & 2 \\ 2 & 0 & 1 & 3 \\ 3 & 0 & 1 & 2 \\ 3 & 4 & 1 & 0 \end{pmatrix};$$

$$в) A = \begin{pmatrix} 3 & 2 & -5 & 4 \\ 3 & -1 & 3 & -3 \\ 3 & 5 & -13 & 11 \end{pmatrix}; г) A = \begin{pmatrix} 2 & 3 & 4 & 1 \\ 1 & 3 & 5 & 6 \\ 2 & 4 & 3 & 2 \end{pmatrix}.$$

ВЕКТОРЛАР АЛГЕБРАСИ ЭЛЕМЕНТЛАРИ

1- §. Вектор ҳақида тушунча

Физика, механика, техниканинги турли соҳаларида ўзларининг сон қийматлари билан тўлиқ аниқланадиган катталиклар учрайди. Бундай катталиклар скаляр микдорлар деб аталади. Масалан, узунлик, юз, ҳажм, масса, жисмнинг температураси ва ҳоказолар скаляр микдор ҳисобланади.

Амалий масалаларга математикани қўллашда, скаляр микдорлардан ташқари фазодаги йўналиши ҳам аниқланишига тўғри келадиган микдорлар учрайди. Йўналиши ва катталиги билан аниқланадиган микдорлар вектор микдорлар деб аталади. Жисмга таъсир этувчи куч, ҳаракатдаги жисмнинг тезлиги, тезланиши, ҳаракат микдори, электр майдонининг кучланганлиги, магнит майдонининг кучланганлиги, оний айланиш бурчак тезлиги ва ҳоказолар вектор микдорлар ҳисобланади.

Вектор микдорлар векторлар ёрдамида тасвирланади. Вектор деб фазодаги тайин узунликка ва йўналишга эга бўлган кесмага айтилади.

Векторлар кўпинча унинг боши ва охирини билдирувчи иккита ҳарф ёрдамида (масалан $\overline{AB}$, $\overline{CD}$, ...) ёки биргина (масалан, $\vec{a}$, $\vec{b}$, ...) ҳарф орқали белгиланади.

Векторнинг узунлигига унинг модули деб аталади ва $|\overline{AB}| = |\vec{a}|$ кўринишда белгиланади.

Модули бирга тенг, яъни $|\vec{a}| = 1$ бўлган вектор бирлик вектор, модули нолга тенг $|\vec{a}| = 0$ бўлган вектор нол вектор дейилади. Нол векторнинг йўналиши ҳақида суз юритилмайди, чунки у аниқланмаган. Нолдан фарқли иккита вектор бир тўғри чизикда ёки параллел тўғри чизикларда ётса, бундай векторлар коллинеар векторлар дейилади ва $\vec{a} \parallel \vec{b}$ кўринишда белгиланади. Битта текисликда ётувчи ёки шу текисликка параллел бўлган векторлар компланар векторлар дейилади.

Агар $\vec{a}$ ва $\vec{b}$ векторлар учун:

- а) узунликлари тенг бўлса;
- б) улар коллинеар бўлса;

н) йўналишлари бир хил бўлса, у ҳолда бу векторлар тенг деб олинади: $\vec{a} = \vec{b}$.

Бу таърифдан фойдаланиб, ихтиёрий векторни текисликнинг ёки фазонинг исталган нуқтасига кўчириш мумкин.

Нол вектордан фаркли ҳар қандай $\vec{a}$ вектор учун қарама-қарши вектор мавжуд бўлиб, у $(-\vec{a})$ билан белгиланади. $(-\vec{a})$ вектор $\vec{a}$ векторнинг модулига тенг модулга эга $|\vec{a}| = |-\vec{a}|$, улар коллинеар, аммо қарама-қарши томонга йўналган.

2-§. Векторлар устида амаллар

Векторларни қўшиш ва айириш ҳамда векторларни сонга кўпайтириш амалларини кўрамиз. Бу амаллар чизикли амаллар деб аталади.


1. Векторларни қўшиш. Коллинеар бўлмаган икки $\vec{a}$ ва $\vec{b}$ векторларнинг йигиндиси $\vec{c}$ векторни топишни кўрайлик. Бунинг учун $\vec{a}$ векторнинг бошини исталган O нуқтага қўйиб, унинг учини A нуқта деб, бу нуқтадан иккинчи $\vec{b}$ векторни келтириб қўйилса, бу векторнинг учи B нуқтага жойлашади. O ва B нуқталарни бирлаштирсак, боши O ва охири B бўлган $\overline{OB}$ векторни ҳосил қиламиз. Бу вектор $\vec{a}$ ва $\vec{b}$ векторларининг изланган йигиндиси $\vec{c}$ вектордан иборат бўлади (3-чизма).

Векторларни қўшиш қондасидан исталган O , A ва B уч нуқта учун


$$\overline{OA} + \overline{AB} = \overline{OB}$$

тенглик ўринли бўлиши келиб чиқади. Охирги тенглик векторларни қўшишнинг уч бурчак қондаси дейилади.

$\vec{a}$ ва $\vec{b}$ векторларнинг бош нуқталарини O нуқтага қўйиб $\vec{a} = \overline{OA}$ ва $\vec{b} = \overline{OD}$ векторларни чизамиз. Улар-



3-чизма



4-чизма.

нинг учлари A ва D нукталардан $\vec{a}$, $\vec{b}$ векторларга мос равишда параллел AB ва BD тўғри чизиқлар чизсак, улар O нуктада кесишади.

Боши O , охири B нукта бўлган вектор курсак, бу вектор изланаётган $\vec{a}$ ва $\vec{b}$ векторлар йигиндиси $\vec{c}$ вектор бўлади (4- чизма), яъни $\vec{a}$, $\vec{b}$ лардан қурилган параллелограмм диагонали бўлади. Векторлар йигиндисини бундай геометрик ясашни одатда параллелограмм қоидаси дейилади.


$\vec{c} = \vec{a} + \vec{b}$ векторнинг узунлиги (модули)

$$|\vec{c}| = \sqrt{|\vec{a}|^2 + |\vec{b}|^2 - 2|\vec{a}||\vec{b}|\cos(\vec{a} \wedge \vec{b})} \quad (3.1)$$


формула ёрдамида топилади.

Иккита вектор учун ҳосил қилинган векторларни қўшиш қондасини исталган чекли сондаги қўшилувчи векторлар бўлган ҳол учун ҳам қўллаш мумкин. Бунда асосан векторларни қўшишнинг учбурчак қондасини кетма-кет қўллаш усулидан фойдаланилади. Ихтиёрий O нуктага қўшилувчи векторларнинг биринчиси $\vec{a}$ векторнинг боши қўйилади. Бу векторнинг охирига (A нуктага) иккинчи $\vec{b}$ векторнинг боши қўйилади. Энди b векторнинг охирига $\vec{c}$ векторнинг боши қўйилади. Бундай жараёни давом эттириб, йигиндида қатнашувчи векторлардан сўнггисининг охирини бошлангич O нукта билан бирлаштириб, O нуктани вектор боши ҳисобланса, ҳосил бўлган $\vec{OD}$ вектор берилган векторларнинг йигиндиси бўлади (5- чизма).

Агар бир нечта векторларни қўшишда сўнгги қўшилувчи векторнинг боши O нукта билан (биринчи қўшилувчи векторнинг боши) устма-уст тушса, бу векторларнинг йигиндиси нол векторга тенг бўлади (6- чизма).



5- чизма



6- чизма

Векторларни қўшиш амали қуйидаги хоссаларга эга:

1) Қўшишнинг группалаш (ассоциативлик) хоссаси.

Исталган $\vec{a}$, $\vec{b}$ ва $\vec{c}$ векторлар учун

$$(\vec{a} + \vec{b}) + \vec{c} = \vec{a} + (\vec{b} + \vec{c})$$

муносабат ўринли.

Исбот. Векторларни қўшишнинг учбурчак қоида-
сидан (7- чизма):

$$\vec{a} + \vec{b} = \overline{OA} + \overline{AB} = \overline{OB},$$

$$(\vec{a} + \vec{b}) + \vec{c} = \overline{OB} + \overline{BC} = \overline{OC},$$

$$\vec{b} + \vec{c} = \overline{AB} + \overline{BC} = \overline{AC},$$


$$\vec{a} + (\vec{b} + \vec{c}) = \overline{OA} + \overline{AC} = \overline{OC},$$

бундан $\vec{a} + (\vec{b} + \vec{c}) = (\vec{a} + \vec{b}) + \vec{c}$ экани келиб чиқади.


2) Векторларни қўшишнинг ўрин алмаштириш
(коммутативлик) хоссаси. Исталган иккита $\vec{a}$ ва $\vec{b}$ вектор
учун $\vec{a} + \vec{b} = \vec{b} + \vec{a}$ тенглик ўринлидир.

3) Ҳар қандай $\vec{a}$ векторга нол вектор қўшилса
 $\vec{a}$ вектор ҳосил бўлади, яъни $\vec{a} + \vec{0} = \vec{a}$.

4) Ҳар қандай $\vec{a}$ вектор учун шундай $\vec{a}'$ вектор
мавжудки, унинг учун: $\vec{a} + \vec{a}' = \vec{0}$.



7- чизма



8- чизма

2. Векторларни айириш. Иккита $\vec{a}$ ва $\vec{b}$ вектор-
нинг айирмаси деб, шундай учинчи $\vec{c} = \vec{a} - \vec{b}$ векторга
айтиладики, унинг айрилувчи $\vec{b}$ вектор билан йигиндиси
 $\vec{a}$ векторни беради. Демак, таърифга кўра, агар $\vec{c} = \vec{a} - \vec{b}$
бўлса, у ҳолда $\vec{c} + \vec{b} = \vec{a}$. Икки векторни қўшиш
қоида-сидан айирма векторни ясаш қоида-си келиб
чиқади (8- чизма). Умумий 0 нуқтадан $\vec{a}$ ва $\vec{b}$ вектор-
ларни қўямиз. Камаювчи $\vec{a}$ ва айирилувчи $\vec{b}$ векторлар-
нинг охирилари туташтирувчи ва айирилувчи вектордан
камаювчи векторга томон йўналган $\overline{BA}$ вектор $\vec{c} = \vec{a} - \vec{b}$
айирма бўлади. Ҳақиқатан ҳам, векторларни қўшиш

қоидасига кўра: $\overrightarrow{OB} + \overrightarrow{BA} = \overrightarrow{OA}$ ёки $\vec{b} + \vec{c} = \vec{a}$, яъни $\vec{c} = \vec{a} - \vec{b}$.

Агар умумий 0 нуқтадан қўйилган $\vec{a}$ ва $\vec{b}$ векторлардан $OABC$ параллелограмм ясалса, у ҳолда параллелограммнинг 0 учидан чикувчи диагонали билан устма-уст тушадиган $\overrightarrow{OB}$ вектор $\vec{a} + \vec{b}$ йигиндига тенг, иккинчи диагональ билан устма-уст тушадиган $\overrightarrow{CA}$ вектор эса $\vec{a} - \vec{b}$ айирмага тенг бўлади (9-чизма).

3. Векторни сонга кўпайтириш. $\vec{a}$ вектор ва скаляр $\lambda \neq 0$ сон берилган бўлсин. $\vec{a}$ векторнинг λ сонга кўпайтмаси деб қуйидаги шартларни қаноатлантирадиган $\vec{b}$ векторга айтилади:

а) Агар $\lambda > 0$ бўлса, $\vec{b}$ вектор $\vec{a}$ вектор билан бир хил йўналишда ($\vec{a} \neq 0$), акс ҳолда $\lambda < 0$ бўлса, $\vec{b}$ ва $\vec{a}$ векторлар қарама-қарши йўналишда бўлади;

б) $\vec{b}$ векторнинг узунлиги (модули) $|\vec{b}| = |\lambda| |\vec{a}|$ формула билан ҳисобланади.

Масалан, $\frac{1}{2} \vec{a}$ вектор $\vec{a}$ вектор билан бир хил йўналган ва $\vec{a}$ векторнинг узунлигидан икки марта кичик узунликка эга бўлган вектордир.

Векторни сонга кўпайтириш қоидасидан қуйидаги хулосалар келиб чиқади:

1. Ихтиёрий $\vec{a}$ вектор учун: $0 \cdot \vec{a} = \vec{0}$;
2. Ихтиёрий $\lambda \in \mathbb{R}$ сон учун: $\lambda \cdot \vec{0} = \vec{0}$;
3. Ихтиёрий $\vec{a}$ вектор учун: $1 \cdot \vec{a} = \vec{a}$; $(-1) \cdot \vec{a} = -\vec{a}$.
4. $\vec{a}$ ва $\lambda \vec{a}$ векторлар коллианеар векторлар бўлади.

Бирор $\vec{a} \neq 0$ векторни ўзининг узунлигига тесқари $\frac{1}{|\vec{a}|}$ сонга кўпайтирилса, шу вектор йўналишидаги бирлик вектор (орт) ҳосил бўлади, яъни

$$\frac{1}{|\vec{a}|} \cdot \vec{a} = \vec{a}_0 \quad (|\vec{a}_0| = 1).$$

Теорема. Агар $\vec{a} \parallel \vec{b}$ ($\vec{a} \neq 0$) бўлса, у ҳолда шундай λ сон мавжудки,

$$\vec{b} = \lambda \vec{a} \quad (3.2)$$

тенглик ўринли бўлади.

Исбот. $\vec{a} \parallel \vec{b}$ бўлгани учун қуйидаги уч ҳолдан бири бўлиши мумкин:

- 1) $\vec{a} \uparrow \uparrow \vec{b}$ бўлса, $\frac{1}{|\vec{a}|} \cdot \vec{a} = \frac{1}{|\vec{b}|} \cdot \vec{b}$ бўлиб, бундан


$\vec{b} = \frac{|\vec{b}|}{|\vec{a}|} \cdot \vec{a}$ ҳосил бўлади. Бу тенгликдан $\lambda = \frac{|\vec{b}|}{|\vec{a}|}$ деб олсак, $\vec{b} = \lambda \vec{a}$ келиб чиқади;

2) $\vec{a} \downarrow \uparrow \vec{b}$ бўлса, $\frac{1}{|\vec{a}|} \vec{a} = -\frac{1}{|\vec{b}|} \cdot \vec{b}$ бўлиб, бундан


$\vec{b} = -\frac{|\vec{b}|}{|\vec{a}|} \cdot \vec{a}$ ҳосил бўлади. Бу тенгликдан $\lambda = -\frac{|\vec{b}|}{|\vec{a}|}$ деб олсак, $\vec{b} = \lambda \vec{a}$ келиб чиқади;

3) $\vec{b} = 0$ бўлса, у ҳолда $\vec{b} = 0 \cdot \vec{a}$ бўлиб, бунда $\lambda = 0$ бўлади.

Демак, векторни сонга кўпайтириш қонидасидан ва бу теоремадан қуйидаги хулосани чиқариш мумкин: $\vec{a} \parallel \vec{b}$ берилган бўлса, у ҳолда бу векторлар учун $\vec{b} = \lambda \vec{a} (\lambda \in \mathbb{R})$ тенглик ўринли бўлади.



9- чизма



10- чизма

Шундай қилиб, (3.2) муносабат $\vec{a}$, $\vec{b}$ векторлар коллинеарлигининг зарурий ва етарли шартидир.

Векторни сонга кўпайтириш қуйидаги хоссаларга эга:

а) $1 \cdot \vec{a} = \vec{a}$; $(-1) \cdot \vec{a} = -\vec{a}$;

б) $\lambda \cdot (\beta \cdot \vec{a}) = (\lambda \cdot \beta) \cdot \vec{a}$ (группалаш қонуни);

в) $\lambda(\vec{a} + \vec{b}) = \lambda \vec{a} + \lambda \vec{b}$ (векторларни қўшишга нисбатан тақсимот қонуни).

Бу хоссаларнинг исботини ўқувчининг ўзига қолдирамиз.

1-мисол. ABC учбурчак берилган бўлиб, унинг огирлик маркази O нуқтада бўлса, $\vec{OA} + \vec{OB} + \vec{OC} = \vec{0}$ эканини исбот қилинг (10- чизма).

Ечиш. Томонлари OA ва OB бўлган векторлардан иборат AOBЕ параллелограмм ясаймиз. Бу параллелограммдан:

$$\vec{OA} + \vec{OB} = \vec{OE}. \quad (\text{А})$$

О нукта масала шартига кўра учбурчакнинг огирлик маркази бўлгани учун, у медианалар кесишган нуктадан ибрат. Шунинг учун $\vec{OD}$ вектор $\vec{CD}$ векторнинг учдан бирини ташкил қилади, яъни $\vec{OD} = \frac{1}{3} \vec{CD}$. (Б)

10- чизмадан $\vec{OC} = -2\vec{OD}$, $\vec{OD} = \vec{DE}$, $\vec{OC} = \vec{EO}$ (В) (А), (Б) ва (В) лардан:

$$(\vec{OC}) = -(\vec{OA} + \vec{OB}) \Rightarrow \vec{OA} + \vec{OB} + \vec{OC} = \vec{O}.$$

2-мисол. Иккита (I ва II) тросга 15 кг юк осилган (11-чизма). Агар $\angle ACB = 120^\circ$ бўлса, тросларда ҳосил бўлувчи кучларни аниқланг.

Ечиш. Масала шартига кўра тросларга осилган 15 кг юк иккита, яъни $\vec{CD}$ ва $\vec{CF}$ кучнинг йиғиндисидан иборатдир. Шунинг учун юк йўналишини диагонал сифатида қараб параллелограмм томонларини топамиз.

Бунинг учун $ECDF$ параллелограммни ясаймиз, чизмадан:

$$\angle FCD = 30^\circ.$$

Параллелограмм томонлари $|\vec{CD}|$ ва $|\vec{CE}|$ ларни топамиз. Тўғри бурчакли $\triangle CFD$ дан:

$$|\vec{CF}| = |\vec{CD}| \cdot \cos 30^\circ \Rightarrow$$

$$\Rightarrow |\vec{CD}| = \frac{|\vec{CF}|}{\cos 30^\circ} = \frac{2}{\sqrt{3}} |\vec{CF}| = \frac{15 \cdot 2 \cdot \sqrt{3}}{3} = 10\sqrt{3}.$$

Демак, $|\vec{CD}| = 10\sqrt{3}$ кг.


$|\vec{CE}|$ ни топамиз: $\vec{CD} = \vec{EF}$ бўлгани учун

$$|\vec{CE}| = \frac{|\vec{EF}|}{2} = \frac{|\vec{CD}|}{2} = \frac{10\sqrt{3}}{2} = 5\sqrt{3}.$$


Демак, $|\vec{CE}| = 5\sqrt{3}$ кг.

3-§. Икки вектор орасидаги бурчак

$\vec{a}$ ва $\vec{b}$ векторлар берилган бўлсин. Бу векторларнинг бошларини бирор умумий О нуктага келтирамиз ёки $\vec{OA} = \vec{a}$ ва $\vec{OB} = \vec{b}$ векторларни ясаймиз (12-чизма). У ҳолда AOB бурчак ($\vec{a}$ векторни $\vec{b}$ вектор билан устма-уст тушгунча айлантериш лозим бўлган иккита бурчак-



11- чизма



12- чизма


нинг кичиги $\vec{a}$ ва $\vec{b}$ векторлар орасидаги бурчак дейилади ва $(\vec{a} \wedge \vec{b})$ кўринишда ёки $\alpha, \varphi, \psi, \dots$ ҳарфлардан бири орқали белгиланади. Демак, таърифга кўра икки вектор орасидаги бурчак 0° дан 180° гача ораликда бўлади. Бундан кўринадики, бир хил йўналишдаги коллинеар векторлар орасидаги бурчак 0° га, қарама-қарши йўналишдаги векторлар орасидаги бурчак 180° га тенг бўлади. Агар векторлар орасидаги бурчак 90° га тенг бўлса, улар перпендикуляр ёки ортогонал векторлар дейилади ва бу $\vec{a} \perp \vec{b}$ каби белгиланади. l ўқ ва унинг бирлик вектори $\vec{e}$ берилган бўлсин. Ихтиёрий $\vec{a} \neq 0$ векторнинг бирлик вектори $\vec{a}_0$ қуйидагича аниқланади:

$$\vec{a}_0 = \frac{\vec{a}}{|\vec{a}|},$$


чунки.

$$|\vec{a}_0| = \left| \frac{\vec{a}}{|\vec{a}|} \right| = \left| \frac{1}{|\vec{a}|} \cdot \vec{a} \right| = \frac{1}{|\vec{a}|} \cdot |\vec{a}| = 1.$$

$\vec{a} \neq 0$ текисликдаги ихтиёрий вектор бўлсин. $\vec{a}$ вектор билан l ўқ орасидаги бурчак деганда l ўқнинг бирлик вектори $\vec{e}$ билан $\vec{a}$ вектор орасидаги бурчак тушунилади. $\vec{a}$ вектор l ўқ билан φ бурчак ташкил қилади (13- чизма).



13- чизма



14- чизма


4-§. Векторнинг ўқдаги проекцияси

Текисликда ихтиёрий жойлашган бирор l ўқ ва $\vec{a}$ вектор берилган бўлсин. Бу $\vec{a}$ векторнинг боши A ва охири B нинг l ўққа проекциялари мос равишда A_1 ва B_1 нуқталар бўлади (14- чизма).

l ўқда A_1 нуқта x_1 координатага, B_1 нуқта x_2 координатага эга бўлсин. $\vec{a}$ вектор охири ва бошининг l ўқдаги проекциялари координаталарининг айирмаси $x_2 - x_1$ га $\vec{a}$ векторнинг шу ўққа проекцияси деб аталади ва қуйидагича ёзилади:

$$\text{Пр}_l \vec{a} = x_2 - x_1.$$

Агар $\vec{a}$ вектор l ўқ билан ўткир бурчак ташкил этса, у ҳолда $x_2 > x_1$ бўлиб, $x_2 - x_1$ проекция мусбат; агар $\vec{a}$ вектор ва l ўқ орасидаги бурчак ўтмас бўлса, у ҳолда $x_2 < x_1$ бўлиб, $x_2 - x_1$ проекция манфий бўлади (15- а, б чизмалар).




15- чизма

Агар $\vec{a}$ вектор l ўқ билан 90° ли бурчак ташкил этса, у ҳолда $x_2 = x_1$ бўлиб $x_2 - x_1$ проекция нолга тенг бўлади.

1-теорема. $\vec{a}$ векторнинг l ўққа проекцияси $\vec{a}$ вектор модулининг шу вектор билан ўқ орасидаги φ бурчак косинусига кўпайтмасига тенг:

$$\text{Пр}_l \vec{a} = |\vec{a}| \cdot \cos \varphi. \quad (3.3)$$



16- чизма

Исбот. $\vec{a}$ векторнинг l ўқдаги проекцияси $x_2 - x_1$ бўлсин. $\vec{a}$ векторни параллел кўчирсак, унинг бу ўқдаги $(x_2 - x_1)$ проекцияси ўзгармас миқдор бўлади. Шунинг учун векторнинг боши O билан устма-уст тушадиган ҳолни қараш кифоядир (16- чизма).

Санок бошининг координатаси нолга тенг бўлгани учун

$$\text{Пр}_l \vec{a} = x - 0 = x,$$

бу ерда x — $\vec{a}$ вектор охири проекциясининг координатаси. Косинуснинг таърифига кўра:

$$\cos \varphi = \frac{x}{|\vec{a}|} \Rightarrow x = |\vec{a}| \cos \varphi$$

ёки

$$\text{Пр}_l \vec{a} = |\vec{a}| \cos \varphi.$$

Теорема исбот бўлди.

2-теорема. Икки вектор йигиндисининг l ўқдаги проекцияси қўшилувчи векторларнинг шу ўқдаги проекциялари йигиндисига тенг.

Исбот. $\vec{AC} = \vec{AB} + \vec{BC}$ бўлсин (17- чизма).

A , B ва C нукталарнинг l ўқдаги проекциялари A_1 , B_1 , ва C_1 нинг координаталарини x_1 , x_2 ва x_3 билан белгилаймиз. У ҳолда

$$\text{Пр}_l \vec{a} = x_2 - x_1; \text{Пр}_l \vec{b} = x_3 - x_2; \text{Пр}_l \vec{AC} = x_3 - x_1.$$

Бирок $x_3 - x_1 = (x_2 - x_1) + (x_3 - x_2)$ деб ёзиш мумкин бўлгани сабабли:


$$\text{Пр}_l \vec{AC} = \text{Пр}_l \vec{AB} + \text{Пр}_l \vec{BC}.$$

Бу теоремани n та векторлар йигиндисининг учун ҳам умумлаштириш мумкин, яъни бир нечта векторлар йигиндисининг бирор l ўқдаги проекцияси векторлар проекцияларининг йигиндисига тенг.

3-теорема. λ векторни λ сонга кўпайтирилса, унинг l ўқдаги проекцияси ҳам шу λ сонга кўпаяди:

$$\text{Пр}_l (\lambda \vec{a}) = \lambda \text{Пр}_l \vec{a}.$$

Теорема исботини ўқувчиларга қолдираимиз.



17- чизма

Мисол. Узунлиги $|\vec{a}|=6$ га, l ўқ билан ҳосил қилган бурчаги 60° га тенг бўлган $\vec{a}$ векторнинг l ўқдаги проекциясини топиш.

Ечиш. (3.3.) формулага асосан:

$$\text{Пр}_l \vec{a} = |\vec{a}| \cos \varphi = 6 \cos 60^\circ = 6 \cdot \frac{1}{2} = 3.$$

5-§. Векторларнинг чизиқли боғлиқлиги. Базис векторлар

$\vec{a}_1, \vec{a}_2, \dots, \vec{a}_n$ векторлар ҳамда $\lambda_1, \lambda_2, \dots, \lambda_n$ ҳақиқий сонлар берилган бўлсин. Улардан ҳосил қилинган $\lambda_1 \vec{a}_1 + \lambda_2 \vec{a}_2 + \dots + \lambda_n \vec{a}_n$ ифода $\vec{a}_1, \vec{a}_2, \dots, \vec{a}_n$ векторларнинг $\lambda_1, \lambda_2, \dots, \lambda_n$ коэффицентли чизиқли комбинацияси дейилади. Агар бирор $\vec{a}$ вектор $\vec{a}_1, \vec{a}_2, \dots, \vec{a}_n$ векторларнинг чизиқли комбинацияси шаклида ифодаланган бўлса, $\vec{a}$ вектор шу векторлар бўйича ёйилган дейилади, яъни қуйидаги тенглик ўринли бўлади:

$$\vec{a} = \lambda_1 \vec{a}_1 + \lambda_2 \vec{a}_2 + \dots + \lambda_n \vec{a}_n.$$

Агар камида биттаси нолдан фарқли $\lambda_1, \lambda_2, \dots, \lambda_n$ сонлар танлаб олинганда

$$\lambda_1 \vec{a}_1 + \lambda_2 \vec{a}_2 + \dots + \lambda_n \vec{a}_n = 0 \quad (3.4)$$

тенглик бажарилса, у ҳолда $\vec{a}_1, \vec{a}_2, \dots, \vec{a}_n$ векторлар чизиқли боғлиқ дейилади. Агар (3.4) муносабат фақат $\lambda_1 = \lambda_2 = \dots = \lambda_n = 0$ бўлгандагина ўринли бўлса, у ҳолда $\vec{a}_1, \vec{a}_2, \dots, \vec{a}_n$ векторлар чизиқли боғланмаган ёки чизиқли эркин деб аталади.

Энди текисликдаги ва фазодаги векторларнинг чизиқли боғлиқлиги ҳақидаги теоремаларни қараймиз.

1-теорема. Текисликдаги ҳар қандай учта $\vec{a}, \vec{b}$ ва $\vec{c}$ векторлар чизиқли боғлиқ бўлади.

Исбот. Бу векторлардан бири қолган икки векторнинг чизиқли комбинациясидан иборатлигига ишонч ҳосил қилиш kifoya. Бунда икки ҳол бўлиши мумкин.

1. Берилган векторлар орасида бир жуфти коллинеар бўлсин. У ҳолда $\vec{a} = \lambda \vec{b}$ ёки $\vec{a} = \lambda \vec{b} + 0 \cdot \vec{c}$ (бунда λ — сон) тенгликни ёза оламиз, яъни $\vec{a}$ вектор $\vec{b}$ ва $\vec{c}$ векторларнинг чизиқли комбинацияси бўлади.

2. Берилган векторлар орасида ҳеч бир жуфти коллинеар бўлмасин. У ҳолда учала векторни умумий нуқтага келтирамиз (18-чизма). $\vec{a}$ векторни $\vec{b}$ ва

$\vec{c}$ векторларга коллинсар бўлган икки векторнинг йигиндиси кўринишида ифодалаш мумкинлигини кўрсатамиз. Диагонали $\vec{a}$ вектордан, томонлари эса $\vec{OB}$ ва $\vec{OC}$ векторлардан иборат бўлган параллелограмм тузамиз. Векторларни қўшиш қондасига кўра:

$$\vec{OA} = \vec{OB} + \vec{OC}. \quad (A)$$

$\vec{OB}$ ва $\vec{OC}$ векторлар мос равишда $\vec{b}$ ва $\vec{c}$ векторларга коллинеар бўлганлиги учун

$$\vec{OB} = \lambda_1 \vec{b} \text{ ва } \vec{OC} = \lambda_2 \vec{c} \quad (B)$$

тенгликни ёзиш мумкин. (B) ни (A) га қўйсак,

$$\vec{a} = \lambda_1 \vec{b} + \lambda_2 \vec{c}$$


хосил бўлади.

Н а т и ж а. Агар текисликда векторлар сони учтадан ортиқ бўлса, улар ҳам чизикли боғлиқдир, яъни бу векторлардан бирини қолганларининг чизикли комбинацияси кўринишида ифодалаш мумкин.


2-теорема. Фазодаги ҳар қандай тўртта $\vec{a}$, $\vec{b}$, $\vec{c}$ ва $\vec{d}$ векторлар чизикли боғлиқдир.

И с б о т. Берилган векторлар умумий бошга эга деб фараз қиламиз. Уларнинг чизикли боғлиқлигини кўрсатиш учун бу векторлардан бири қолганларининг чизикли комбинациясидан иборат эканлигини кўрсатиш етарлидир. Бунда икки ҳол бўлиши мумкин.

1. Берилган тўртта вектор орасида компланар векторлар учлиги мавжуд бўлган ҳолни кўрайлик. Аниқлик учун, масалан, $\vec{a}$, $\vec{b}$ ва $\vec{c}$ векторлар учлиги компланар бўлсин. Бу векторлар бир текисликда ётганлиги учун улардан бирини, масалан, $\vec{a}$ векторни 1-теорема-



18- чизма



19- чизма

га кўра қолган векторларнинг чизиқли комбинацияси кўринишида ифодалаш мумкин: $\vec{a} = \lambda_1 \vec{b} + \lambda_2 \vec{c}$. Тўрттала вектор учун $\vec{a} = \lambda_1 \vec{b} + \lambda_2 \vec{c} + 0 \cdot \vec{d}$ тенгликни ёзиш мумкин, бу эса $\vec{a}$ вектор $\vec{b}$, $\vec{c}$ ва $\vec{d}$ векторларнинг чизиқли комбинацияси эканлигини билдиради.

2. Берилган векторлар орасида битта ҳам компланар векторлар учлиги йўқ бўлсин. Бу ҳолда $\vec{a}$ векторни мос равишда $\vec{b}$, $\vec{c}$ ва $\vec{d}$ векторларга коллинеар бўлган учта векторнинг йигиндиси кўринишида ифодалаш мумкин. Диагонали $\vec{a} = \overrightarrow{OA}$ вектордан ва қирралари мос равишда $\vec{b}$, $\vec{c}$ ва $\vec{d}$ векторларга коллинеар бўлган векторлардан иборат параллелепипед ясаймиз (19- чизма). Векторларни қўшиш қондасига кўра:

$$\vec{a} = \overrightarrow{OA} = \overrightarrow{OB} + \overrightarrow{OC} + \overrightarrow{OD}$$

Бирок $\overrightarrow{OB} = \lambda_1 \vec{b}$, $\overrightarrow{OC} = \lambda_2 \vec{c}$, $\overrightarrow{OD} = \lambda_3 \vec{d}$. Демак, $\vec{a} = \lambda_1 \vec{b} + \lambda_2 \vec{c} + \lambda_3 \vec{d}$, бу тенглик эса $\vec{a}$, $\vec{b}$, $\vec{c}$ ва $\vec{d}$ векторларнинг чизиқли боғлиқ эканини билдиради. Бу теоремалардан иккита $\vec{a}$ ва $\vec{b}$ вектор коллинеар бўлса, улар ўзаро чизиқли боғлиқ бўлиши ва аксинча, иккита вектор чизиқли боғлиқ бўлса, уларнинг коллинеар бўлиши келиб чиқади. Фазода берилган учта вектор чизиқли боғлиқ бўлиши учун уларнинг компланар бўлиши зарур ва етарлидир.

Маълум тартибда олинган $\vec{l}_1, \vec{l}_2, \dots, \vec{l}_n$ векторлар системаси чизиқли эркин бўлиб, бошқа ҳар қандай вектор булар орқали чизиқли ифодаланса, $\vec{l}_1, \vec{l}_2, \dots, \vec{l}_n$ векторлар системаси базис векторлар дейилади ва

$$B = \{\vec{l}_1, \vec{l}_2, \dots, \vec{l}_n\}$$

кўринишда белгиланади.

Агар базиснинг ҳар бир вектори бирлик вектор бўлиб, улар жуфт-жуфти билан ўзаро перпендикуляр бўлса, бундай базис ортонормаланган базис векторлар дейилади. Базисни ташкил этувчи векторлар сони қаралаётган фазонинг ўлчовини билдиради.

Исталган $\vec{a}$ векторни берилган $B = \{\vec{l}_1, \vec{l}_2\}$ базис векторлари бўйича ёйиш мумкин:

$$\vec{a} = a_1 \vec{l}_1 + a_2 \vec{l}_2,$$

бу ёйилмадаги a_1, a_2 сонлар $\vec{a}$ векторнинг $B = \{\vec{l}_1, \vec{l}_2\}$ базисга нисбатан аффин координаталари ёки

базисдаги компонентлари дейилади. Худди шунга ўхшаш $B = \{\vec{l}_1, \vec{l}_2, \vec{l}_3\}$ базис берилган бўлса, ихтиёрий $\vec{a}$ векторни шу базис бўйича ёйиш мумкин:

$$\vec{a} = a_1 \vec{l}_1 + a_2 \vec{l}_2 + a_3 \vec{l}_3, \quad (3.5)$$

бу ерда $\vec{a}$ векторнинг a_1, a_2, a_3 компонентлари куйидаги геометрик маънога эга: O учдан чикувчи ва қиррали $a_1, \vec{l}_1, a_2 \vec{l}_2, a_3 \vec{l}_3$ векторлардан иборат параллелепипедни қараймиз. $\vec{a}$ вектор бу параллелепипеднинг O учидан чикувчи диагонали бўлиши равшан. Бу ҳолда (3.5) формулани куйидагича ҳам ёзилади:

$$\vec{a} = \{a_1, a_2, a_3\}.$$

Агар векторларни бошқа векторларнинг чизиқли комбинацияси билан ифодалаш мумкин бўлса, берилган вектор шу векторлар бўйича ёйилган дейилади. Масалан,

$\vec{a} = 2\vec{a}_1 + 3\vec{a}_2 - 4\vec{a}_3 + \frac{1}{2}\vec{a}_4$ вектор $\vec{a}_1, \vec{a}_2, \vec{a}_3, \vec{a}_4$ векторларнинг чизиқли комбинациясини ифодалайди ва $\vec{a}$ вектор $\vec{a}_1, \vec{a}_2, \vec{a}_3, \vec{a}_4$ векторлар бўйича ёйилган дейилади.

1-мисол. K ва L нуқталар $ABCD$ параллелограмм томонларининг ўрталари бўлсин (20-чизма), $\vec{BC}$ векторни $\vec{m} = \vec{AK}$ ва $\vec{n} = \vec{AL}$ векторлар бўйича ёйинг.

Ечиш: $\triangle ABK$ дан $\vec{AB} + \frac{1}{2}\vec{BC} = \vec{m}$ (A). $\triangle ALD$ дан: $\vec{AD} + \vec{DL} = \vec{n}$. Чизмадан $\vec{AD} = \vec{BC}$; $\vec{DL} = \frac{1}{2}\vec{DC} = \frac{1}{2}\vec{AB}$ га эга бўламиз. У ҳолда

$$\vec{BC} + \frac{1}{2}\vec{AB} = \vec{n} \quad (B)$$

(A) дан:


$$\vec{AB} = \vec{m} - \frac{1}{2}\vec{BC} \quad (C)$$

(C), (B) лардан:


$$\vec{BC} + \frac{1}{2}\vec{m} - \frac{1}{4}\vec{BC} = \vec{n}$$

ёки

$$\vec{BC} = \frac{4}{3}\vec{n} - \frac{2}{3}\vec{m}.$$



20- чизма



21- чизма

6- §. Векторнинг йўналтирувчи косинуслари

Фазода бирор вектор координата ўқлари билан мос равишда α , β , γ бурчаклар ташкил этган бўлсин (21- чизма). Бу бурчакларнинг $\cos\alpha$, $\cos\beta$, $\cos\gamma$ косинуслари $\vec{a}$ векторнинг йўналтирувчи косинуслари деб аталади.

$$\vec{a} = a_1\vec{l}_1 + a_2\vec{l}_2 + a_3\vec{l}_3 \quad (3.6)$$

вектор берилган бўлсин, бунда $\vec{l}_1$, $\vec{l}_2$, $\vec{l}_3$ ортонормаланган бирлик векторлар a_1 , a_2 , a_3 сонлар мос равишда $\vec{a}$ векторнинг Ox , Oy ва Oz ўқлардаги проекцияси бўлиб (3.3) формулага асосан:

$$\begin{aligned} a_1 &= a_x = \text{Пр}_{Ox}\vec{a} = |\vec{a}|\cos\alpha, \\ a_2 &= a_y = \text{Пр}_{Oy}\vec{a} = |\vec{a}|\cos\beta, \\ a_3 &= a_z = \text{Пр}_{Oz}\vec{a} = |\vec{a}|\cos\gamma. \end{aligned}$$

Бу ифодалардан фойдаланиб йўналтирувчи косинусларни топамиз:

$$\cos\alpha = \frac{a_x}{|\vec{a}|}; \quad \cos\beta = \frac{a_y}{|\vec{a}|}; \quad \cos\gamma = \frac{a_z}{|\vec{a}|}.$$

$$|\vec{a}| = \sqrt{a_x^2 + a_y^2 + a_z^2} \text{ бўлгани учун:}$$

$$\cos\alpha = \frac{a_x}{\sqrt{a_x^2 + a_y^2 + a_z^2}}; \quad \cos\beta = \frac{a_y}{\sqrt{a_x^2 + a_y^2 + a_z^2}}; \quad (3.7)$$

$$\cos\gamma = \frac{a_z}{\sqrt{a_x^2 + a_y^2 + a_z^2}}.$$

(3.7) тенгликларнинг ҳар бирини квадратга кўтариб ва уларни қўшиб векторнинг йўналтирувчи косинуслари орасидаги ушбу боғланишга эга бўламиз:

$$\cos^2\alpha + \cos^2\beta + \cos^2\gamma = 1,$$

яъни исталган векторнинг йўналтирувчи косинуслари квадратларининг йигиндиси бирга тенг.

Мисол. Агар $A(3; 2; 1)$ ва $B(5; 4; 2)$ бўлса, $\overline{AB}$ векторининг координата ўқлари билан ташкил этган бурчакларининг косинусларини топинг.

Ечиш: $\overline{AB}$ векторнинг Ox , Oy , Oz ўқлардаги проекцияларини топамиз:

$$\text{Пр}_{Ox}\overline{AB} = 5 - 3 = 2; \text{Пр}_{Oy}\overline{AB} = 4 - 2 = 2;$$

$$\text{Пр}_{Oz}\overline{AB} = 2 - 1 = 1.$$

$\overline{AB}$ векторнинг модулини топамиз:

$$|\overline{AB}| = \sqrt{2^2 + 2^2 + 1} = \sqrt{9} = 3.$$

(3.7) муносабатлардан векторнинг йўналтирувчи косинусларини топамиз: $\cos\alpha = \frac{2}{3}$; $\cos\beta = \frac{2}{3}$; $\cos\gamma = \frac{1}{3}$.

7-§. Икки векторнинг коллинеарлик шarti

Узаро коллинеар $\vec{a} = a_x\vec{i}_1 + a_y\vec{i}_2 + a_z\vec{i}_3$ ва $\vec{b} = b_x\vec{i}_1 + b_y\vec{i}_2 + b_z\vec{i}_3$ векторлар берилган бўлсин, демак, улар орасида $\vec{a} = \lambda\vec{b}$ (бунда λ — бирор сон) муносабат ўринли бўлади. Векторни сонга кўпайтирилганда унинг ўқлардаги проекциялари ҳам мос равишда шу сонга кўпайтирилганлиги учун қуйидаги тенгликларни ёзамиз:

$$a_x = \lambda b_x; a_y = \lambda b_y; a_z = \lambda b_z. \quad (3.8)$$

(3.8) тенглик $\vec{a}$ ва $\vec{b}$ векторларнинг коллинеарлик шартидир. (3.8) тенгликдан

$$\frac{a_x}{b_x} = \lambda; \frac{a_y}{b_y} = \lambda; \frac{a_z}{b_z} = \lambda$$

тенгликларни ҳосил қиламиз. Бундан:

$$\frac{a_x}{b_x} = \frac{a_y}{b_y} = \frac{a_z}{b_z}. \quad (3.9)$$

(3.9) формула иккита $\vec{a}$ ва $\vec{b}$ векторлар коллинеар бўлиши учун уларнинг координата ўқлардаги проекциялари пропорционал бўлиши зарур ва етарли бўлишини билдиради.

Мисол. α ва β ларнинг қандай кийматларида $\vec{a} = 2\vec{l}_1 + \alpha\vec{l}_2 + \vec{l}_3$ ва $\vec{b} = 3\vec{l}_1 - 6\vec{l}_2 + \beta\vec{l}_3$ векторлар коллинеар бўлади?

Ечиш. (3.9) формуладан фойдаланамиз:

$$\frac{2}{3} = \frac{\alpha}{-6} = \frac{1}{\beta}.$$

Бундан:

$$\frac{2}{3} = \frac{\alpha}{-6} \Rightarrow \alpha = -4,$$

$$\frac{2}{3} = \frac{1}{\beta} \Rightarrow \beta = \frac{3}{2}.$$

Жавоб: $\alpha = -4$; $\beta = \frac{3}{2}$.

8-§. Координаталари билан берилган векторлар устида амаллар

$\vec{a}$, $\vec{b}$ векторлар берилган $B = \{\vec{l}_1, \vec{l}_2, \vec{l}_3\}$ базис векторлари бўйича қуйидаги координаталарга эга бўлсин:

$$\vec{a} = \{a_1; a_2; a_3\} = a_1\vec{l}_1 + a_2\vec{l}_2 + a_3\vec{l}_3;$$

$$\vec{b} = \{b_1; b_2; b_3\} = b_1\vec{l}_1 + b_2\vec{l}_2 + b_3\vec{l}_3.$$

1. $\vec{a}$ ва $\vec{b}$ векторларни қўшишда уларнинг мос координаталари қўшилади. Ҳақиқатан ҳам, $\vec{c} = \{c_1; c_2; c_3\}$.

$$\begin{aligned} \vec{c} = \vec{a} + \vec{b} &= (a_1\vec{l}_1 + a_2\vec{l}_2 + a_3\vec{l}_3) + (b_1\vec{l}_1 + b_2\vec{l}_2 + b_3\vec{l}_3) = \\ &= (a_1 + b_1)\vec{l}_1 + (a_2 + b_2)\vec{l}_2 + (a_3 + b_3)\vec{l}_3 = \\ &= \{a_1 + b_1; a_2 + b_2; a_3 + b_3\}. \end{aligned}$$

Демак, $c_1 = a_1 + b_1$; $c_2 = a_2 + b_2$; $c_3 = a_3 + b_3$.

2. $\vec{a}$ вектордан $\vec{b}$ векторни айиришда ҳам векторларнинг мос координаталари айрилади, яъни

$$\begin{aligned} \vec{a} - \vec{b} &= (a_1\vec{l}_1 + a_2\vec{l}_2 + a_3\vec{l}_3) - (b_1\vec{l}_1 + b_2\vec{l}_2 + b_3\vec{l}_3) = \\ &= (a_1 - b_1)\vec{l}_1 + (a_2 - b_2)\vec{l}_2 + (a_3 - b_3)\vec{l}_3 = \\ &= \{a_1 - b_1; a_2 - b_2; a_3 - b_3\}. \end{aligned}$$

3. Векторни сонга кўпайтиришда унинг барча координаталари шу сонга кўпайтирилади, яъни

$$\begin{aligned} \lambda\vec{a} &= \lambda(a_1\vec{l}_1 + a_2\vec{l}_2 + a_3\vec{l}_3) = \\ &= (\lambda a_1)\vec{l}_1 + (\lambda a_2)\vec{l}_2 + (\lambda a_3)\vec{l}_3 = \\ &= \{\lambda a_1; \lambda a_2; \lambda a_3\}. \end{aligned}$$

Юқорида айтилганлар ихтиёрий сондаги векторлар учун ҳам ўз кучини сақлайди.

Мисол. $\vec{a} = \{2; -1; 3\}$; $\vec{b} = \{2; -1; -3\}$ ва $\vec{c} = \{0; 2; 1\}$ векторлар берилган. а) $\vec{a} - \vec{b} + \vec{c}$; б) $\vec{a} + \frac{1}{2}\vec{b}$; в) $5\vec{a}$ векторларнинг координаталарини аниқланг.

Ечиш. а) $\vec{a} - \vec{b} + \vec{c} = \{2 - 2 + 0; -1 - (-1) + 2; 3 - (-3) + 1\} = \{0; 2; 7\}$;

$$\begin{aligned} \text{б) } \vec{a} + \frac{1}{2}\vec{b} &= \\ &= \left\{ 2 + (-1) \cdot \frac{1}{2}; -1 + \frac{1}{2}(-1); 3 + \frac{1}{2}(-3) \right\} = \\ &= \left\{ \frac{3}{2}; -\frac{3}{2}; \frac{3}{2} \right\}. \end{aligned}$$

$$\text{в) } 5\vec{a} = \{2 \cdot 5; 5 \cdot (-1); 3 \cdot 5\} = \{10; -5; 15\}.$$


9-§. Векторларнинг скаляр кўпайтмаси ва унинг хоссалари

Векторлар билан бажариладиган содда амалларни (кўшиш, айириш ва сонга кўпайтириш) ва бу амаллар натижасида яна векторлар келиб чиқишини кўрдик. Энди векторлар билан бажарилган амал натижасида скаляр (сон) ҳосил бўлишини кўриб чиқамиз.


Таъриф. Нолга тенг бўлмаган иккита $\vec{a}$ ва $\vec{b}$ векторнинг скаляр кўпайтмаси деб кўпайтирилувчи векторлар модулларининг бу векторлар орасидаги φ бурчак косинусига кўпайтмасига тенг сонга айтилади (22-чизма). Скаляр кўпайтма $\vec{a} \cdot \vec{b}$ ёки $(\vec{a} \cdot \vec{b})$ шаклда ёзилади. Демак, таърифга кўра:

$$\vec{a} \cdot \vec{b} = (\vec{a} \cdot \vec{b}) = |\vec{a}| |\vec{b}| \cos \varphi. \quad (3.10)$$


Векторлар скаляр кўпайтмасининг физик маъносини тушунтирамиз. M моддий нукта A нуктадан B нуктага томон тўғри чизик бўйлаб ҳаракатланаётган ва l га тенг йўлни босиб ўтган бўлсин. Бунда M моддий нуктага $\vec{F}$ куч таъсир этаётган бўлсин. Бу кучнинг катталиги ва йўналиши ўзгармас бўлиб, бу вектор нуктанинг кўчиш йўналиши билан φ бурчак ташкил қилсин (23-чизма).



22-чизма



23-чизма



24-чизма

Физикадан маълумки, $\vec{F}$ куч таъсирида M моддий нукта A нуктадан B нуктага кўчишида бажариладиган A иши $A = F l \cos \varphi$ формула билан аниқланади. Агар кўчиш вектори $\vec{AB} = \vec{l}$ вектор бўлса, у ҳолда $\vec{F}$ ва $\vec{l}$ векторларнинг скаляр кўпайтмаси таърифга кўра:

$$A = \vec{F} \cdot \vec{l} = F l \cos \varphi$$

бўлади. Демак, моддий нуктанинг тўғри чизиқли ҳаракатидаги ўзгармас кучнинг бажарган иши куч векторининг кўчиш векторига скаляр кўпайтмасига тенг экан.

Скаляр кўпайтма таърифидаги (3.10) формула $|\vec{b}| \cos \varphi$ кўпайтма $\vec{b}$ векторнинг $\vec{a}$ вектор билан аниқкландиган ўққа проекцияси ($\text{Пр}_a \vec{b}$ билан белгиланади), $|\vec{a}| \cos \varphi$ эса $\vec{a}$ векторнинг $\vec{b}$ вектор ўқига проекцияси бўлгани учун (24- чизма):

$$\vec{a} \cdot \vec{b} = |\vec{a}| |\vec{b}| \cos \varphi$$

ёки

$$\vec{a} \cdot \vec{b} = |\vec{a}| \text{Пр}_a \vec{b} = |\vec{b}| \text{Пр}_b \vec{a} \quad (3.11)$$

тенгликни ҳосил қиламиз.

Демак, икки векторнинг скаляр кўпайтмаси бу векторлардан бирининг модулини иккинчи векторнинг бу векторга проекциясига кўпайтмасига тенг экан.

(3.11) формуладан бир векторнинг иккинчи вектордаги проекциясини ҳисоблаш формуласига эга бўламиз:

$$\text{Пр}_a \vec{b} = \frac{\vec{a} \cdot \vec{b}}{|\vec{a}|}; \quad \text{Пр}_b \vec{a} = \frac{\vec{a} \cdot \vec{b}}{|\vec{b}|}. \quad (3.12)$$

Скаляр кўпайтманинг хоссаларини кўриб чиқамиз.

1. Икки векторнинг скаляр кўпайтмаси ўрин алмаштириш хоссасига эга:

$$\vec{a} \cdot \vec{b} = \vec{b} \cdot \vec{a}.$$

2. Исталган икки векторнинг скаляр кўпайтмаси скаляр кўпайтувчига нисбатан гуруҳлаш хоссасига эга:

$$\lambda(\vec{a} \cdot \vec{b}) = (\lambda \vec{a}) \cdot \vec{b} = \vec{a} \cdot (\lambda \vec{b}).$$

3. Икки векторнинг скаляр кўпайтмаси таксимот хоссасига эга: $(\vec{a} + \vec{b}) \cdot \vec{c} = \vec{a} \cdot \vec{c} + \vec{b} \cdot \vec{c}$.

4. Агар икки векторнинг скаляр кўпайтмаси нолга тенг бўлса, у ҳолда кўпайтирилувчи векторлардан бири нолга тенг бўлади ёки улар орасидаги бурчак косинуси нолга тенг бўлади (бу ҳолда бу векторлар ўзаро перпендикуляр бўлади).

5. Векторнинг ўз-ўзига скаляр кўпайтмаси шу вектор узунлигининг квадратига тенг:

$$(\vec{a} \cdot \vec{a}) = |\vec{a}|^2.$$

6. $\vec{i}_1, \vec{i}_2, \vec{i}_3$ — Декарт координаталар системасининг координата ўқларидаги бирлик векторлари (ортлари) бўлсин. У ҳолда юқоридаги хоссалардан ушбу тенгликлар келиб чиқади: $(\vec{i}_1 \cdot \vec{i}_1) = |\vec{i}_1|^2 = 1$; $(\vec{i}_2 \cdot \vec{i}_2) = |\vec{i}_2|^2 = 1$; $(\vec{i}_3 \cdot \vec{i}_3) = |\vec{i}_3|^2 = 1$; $(\vec{i}_1 \cdot \vec{i}_2) = (\vec{i}_1 \cdot \vec{i}_3) = (\vec{i}_2 \cdot \vec{i}_3) = 0$.

1-мисол. Агар $|\vec{a}| = \sqrt{2}$; $|\vec{b}| = 3$; $\vec{a}$ ва $\vec{b}$ векторлар орасидаги бурчак $\varphi = 45^\circ$ га тенг бўлса, $\vec{c} = 2\vec{a} + 3\vec{b}$ векторнинг узунлигини ҳисобланг.

Еч и ш. 5- хоссадан фойдаланамиз, яъни $\vec{c} = 2\vec{a} + 3\vec{b}$ векторнинг ҳар икки томонини квадратга кўтарамиз:

$$|\vec{c}|^2 = (2\vec{a} + 3\vec{b})^2 = 4|\vec{a}|^2 + 12\vec{a} \cdot \vec{b} + 9|\vec{b}|^2.$$

Берилганларга кўра: $|\vec{a}|^2 = 2$; $|\vec{b}|^2 = 9$;

$$\vec{a} \cdot \vec{b} = |\vec{a}| |\vec{b}| \cos \varphi = \sqrt{2} \cdot 3 \cdot \frac{\sqrt{2}}{2} = 3.$$

Демак, $|\vec{c}|^2 = 4 \cdot 2 + 12 \cdot 3 + 9 \cdot 9 = 125$ ёки

$$|\vec{c}| = \sqrt{125} = 5\sqrt{5}.$$

Энди координаталари билан берилган векторларнинг скаляр кўпайтмасини ҳисоблашни кўрамиз. Ортонормаланган $B = \{\vec{i}; \vec{j}; \vec{k}\}$ базисда $\vec{a} = \{a_x, a_y, a_z\}$ ва $\vec{b} = \{b_x, b_y, b_z\}$ векторлар координаталари билан берилган бўлсин. У ҳолда $\vec{a}$ ва $\vec{b}$ векторлар учун

$$\begin{aligned} \vec{a} &= a_x \vec{i} + a_y \vec{j} + a_z \vec{k}; \\ \vec{b} &= b_x \vec{i} + b_y \vec{j} + b_z \vec{k} \end{aligned}$$

ёйилмаларга эга бўламиз. Скаляр кўпайтманинг хоссаларидан фойдаланиб $\vec{a}$ векторни $\vec{b}$ га скаляр кўпайтирамиз:

$$\begin{aligned} \vec{a} \cdot \vec{b} &= (a_x \vec{i} + a_y \vec{j} + a_z \vec{k}) \cdot (b_x \vec{i} + b_y \vec{j} + b_z \vec{k}) = a_x b_x \vec{i} \cdot \vec{i} + \\ &+ a_x b_y \vec{i} \cdot \vec{j} + a_x b_z \vec{i} \cdot \vec{k} + a_y b_x \vec{j} \cdot \vec{i} + a_y b_y \vec{j} \cdot \vec{j} + a_y b_z \vec{j} \cdot \vec{k} + \\ &+ a_z b_x \vec{k} \cdot \vec{i} + a_z b_y \vec{k} \cdot \vec{j} + a_z b_z \vec{k} \cdot \vec{k}. \end{aligned}$$

6-хоссага кўра: $|\vec{i}|^2 = 1$; $|\vec{j}|^2 = 1$; $|\vec{k}|^2 = 1$; $\vec{i} \cdot \vec{j} = \vec{j} \cdot \vec{k} = \vec{k} \cdot \vec{i} = \vec{i} \cdot \vec{k} = \vec{j} \cdot \vec{i} = \vec{k} \cdot \vec{j} = 0$. У ҳолда икки векторнинг скаляр кўпайтмаси учун

$$\vec{a} \cdot \vec{b} = a_x b_x + a_y b_y + a_z b_z \quad (3.13)$$

формулага эга бўламиз.

Демак, координаталари билан берилган икки векторнинг скаляр кўпайтмасы бу векторлар мос координаталари кўпайтмаларининг йигиндисига тенг.

4-хоссада $\vec{a}$ ва $\vec{b}$ векторлар перпендикуляр бўлиши учун $\vec{a} \cdot \vec{b} = 0$ бўлиши кўрсатилган эди. У ҳолда (3.13) формулага асосан икки векторнинг перпендикулярлик шарты қуйидагича ёзилади:

$$a_x b_x + a_y b_y + a_z b_z = 0. \quad (3.14)$$

Демак, икки вектор ўзаро перпендикуляр бўлиши учун уларнинг бир исмли проекцияларининг жуфт-жуфт кўпайтмалари йигиндиси нолга тенг бўлиши зарур ва етарлидир.

Векторларнинг скаляр кўпайтмасы формуласи

$$\vec{a} \cdot \vec{b} = |\vec{a}| |\vec{b}| \cos \varphi \text{ дан} \quad (3.15)$$

$$\cos \varphi = \frac{\vec{a} \cdot \vec{b}}{|\vec{a}| |\vec{b}|}$$

тенгликни топамиз. (3.15) формулани қуйидагича ҳам ёзиш мумкин:

$$\cos \varphi = \frac{a_x b_x + a_y b_y + a_z b_z}{\sqrt{a_x^2 + a_y^2 + a_z^2} \cdot \sqrt{b_x^2 + b_y^2 + b_z^2}} \quad (3.16)$$

(3.15) ва (3.16) формулалар икки вектор орасидаги бурчак косинусини топиш формуласи дейилади.

2-мисол. Агар $|\vec{a}| = 7\sqrt{2}$, $|\vec{b}| = 4$ ва $\varphi = 45^\circ$ бўлса, $3\vec{a} + \alpha\vec{b}$ ва $\vec{a} - 2\vec{b}$ векторлар α нинг қандай қийматларида ўзаро перпендикуляр бўлади?

Еч и ш. Берилган векторларнинг скаляр кўпайтмасини топамиз:

$$\begin{aligned} (3\vec{a} + \alpha\vec{b}) \cdot (\vec{a} - 2\vec{b}) &= 3\vec{a}\vec{a} - 6\vec{a}\vec{b} + \alpha\vec{a}\vec{b} - 2\alpha|\vec{b}|^2 = \\ &= 3|\vec{a}|^2 - 6|\vec{a}| |\vec{b}| \cos 45^\circ + \alpha|\vec{a}| |\vec{b}| \cos 45^\circ - 2\alpha|\vec{b}|^2 = \\ &= 3 \cdot 49 \cdot 2 - 6 \cdot 7 \sqrt{2} \cdot 4 \cdot \frac{\sqrt{2}}{2} + \alpha \cdot 7 \cdot \sqrt{2} \cdot 4 \cdot \frac{\sqrt{2}}{2} - 2\alpha \cdot 16 = \\ &= 294 - 168 + 28\alpha - 32\alpha = 126 - 4\alpha. \end{aligned}$$

Икки вектор перпендикуляр бўлиши учун уларнинг скаляр кўпайтмасы нолга тенг бўлиши шартидан топамиз:

$$126 - 4\alpha = 0 \Rightarrow \alpha = 31,5.$$

3-мисол. $\vec{a} = \{0; 7; 1\}$ ва $\vec{b} = \{0; 3; 4\}$ векторлар орасидаги бурчакни топинг.

Е ч и ш. (3.16) формулага асосан:

$$\cos \varphi = \frac{0 \cdot 0 + 7 \cdot 3 + 4 \cdot 1}{\sqrt{7^2 + 1^2} \cdot \sqrt{3^2 + 4^2}} = \frac{25}{\sqrt{50} \cdot \sqrt{25}} = \frac{1}{\sqrt{2}}$$

$$\cos \varphi = \frac{1}{\sqrt{2}} = \frac{\sqrt{2}}{2} \Rightarrow \varphi = \frac{\pi}{4} = 45^\circ.$$

М А Ш Қ Л А Р

1. Қуйидаги векторларнинг модулини ҳисобланг:

$$\begin{array}{ll} \text{а) } \vec{a} = \{-2; 3; 6\} & \text{б) } \vec{b} = \{4; 2; 1\}; \\ \text{в) } \vec{c} = \{5; 0; 7\} & \text{г) } \vec{d} = \{0; 6; 5\}. \end{array}$$

2. $A(3; 2; 1)$ ва $B(4; 3; 5)$ нукталар берилган. $\vec{AB}$ ва $\vec{BA}$ векторларнинг координаталарини топинг.

3. Охири $(1; -1; 2)$ нуктада бўлган $\vec{a} = \{2; -3; -1\}$ вектор бошининг координаталарини аниқланг.

4. Моддий нуктага иккита $\vec{F}_1$ ва $\vec{F}_2$ куч таъсир қилади. Агар $|\vec{F}_1| = 10H$, $|\vec{F}_2| = 6H$ бўлиб, $\vec{F}_1$ ва $\vec{F}_2$ векторлар орасидаги бурчак 90° бўлса, уларнинг тенг таъсир этувчисини топинг.

5. $ABCD$ тетраэдр берилган: а) $\vec{AB} + \vec{BC} + \vec{CD}$;

$$\text{б) } \vec{AC} + \vec{CD} + \vec{AB}$$

йигиндиларни топинг.

6. ABC учбурчакда $\vec{AB} = \vec{a}$, $\vec{AC} = \vec{b}$ ва $\vec{AD} = \vec{c}$ медиана бўлса, $\vec{c}$ векторни $\vec{a}$ ва $\vec{b}$ векторлар бўйича, $\vec{b}$ векторни $\vec{a}$ ва $\vec{c}$ векторлар бўйича ёйинг.

7. Узунлиги $|\vec{a}| = \sqrt{5}$ бўлган $\vec{a}$ вектор l ўқ билан 45° ли бурчак ташкил этади. Бу векторнинг l ўқдаги проекциясини топинг.

8. $\vec{a} = \{3; -2; 1\}$, $\vec{b} = \{-1; 1; -2\}$, $\vec{c} = \{2; 1; -3\}$ векторлар берилган. $\vec{d} = \{11; -6; 5\}$ векторнинг $\vec{a}$, $\vec{b}$, $\vec{c}$ базислар бўйича ёйилмасини топинг.

9. $ABCD$ тўғри тўртбурчакда $\vec{DB} = \vec{a}$ ва $\vec{AC} = \vec{b}$ диагоналлار ўтказилган. $\vec{BD}$, $\vec{BC}$, $\vec{CB}$ векторларни $\vec{a}$ ва $\vec{b}$ векторларнинг чизиқли комбинацияси кўринишда ифодаланг.

10. $\vec{a}$ векторнинг модули $|\vec{a}| = 2$ ва координата ўқлари билан $\alpha = 45^\circ$, $\beta = 60^\circ$, $\gamma = 120^\circ$ бурчак ташкил этиши маълум бўлса, $\vec{a}$ векторнинг бу ўқлардаги проекциясини топинг.

11. $\vec{a} = \{12; -15; -16\}$ векторнинг йўналтирувчи косинусларини ҳисобланг.

12. Вектор координата ўқлари билан қуйидагича бурчаклар ташкил этиши мумкинми:

1) $\alpha=60^\circ$; $\beta=45^\circ$; $\gamma=120^\circ$;

2) $\alpha=45^\circ$; $\beta=60^\circ$; $\gamma=135^\circ$;

3) $\alpha=90^\circ$; $\beta=60^\circ$; $\gamma=150^\circ$?

13. Агар $|\vec{a}|=3$ ва $\alpha=60^\circ$; $\beta=45^\circ$ бўлса, $\vec{a}$ векторнинг координаталарини аниқланг.

14. Агар $\vec{a}=\{4; -7; 3\}$ ва $\vec{b}=\{-5; 9; \frac{1}{2}\}$ бўлса, $\vec{c}=3\vec{a}+2\vec{b}$ векторнинг координаталарини топинг.

15. Агар $|\vec{a}|=\sqrt{2}$; $|\vec{b}|=3$ ва $(\vec{a} \wedge \vec{b})=45^\circ$ бўлса, $\vec{c}=2\vec{a}+3\vec{b}$ векторнинг модулини ҳисобланг.

16. Агар $|\vec{a}|=7\sqrt{2}$; $|\vec{b}|=4$ ва $(\vec{a} \wedge \vec{b})=60^\circ$ бўлса, $3\vec{a}+\alpha\vec{b}$ ва $\vec{a}-2\vec{b}$ векторлар α нинг қандай қийматларида ўзаро перпендикуляр бўлади?

17. Қуйидаги векторларнинг скаляр кўпайтмасини топинг:

1) $\vec{a}=\{-2; 5\}$ ва $\vec{b}=\{3; -5\}$;

2) $A(-2; 3)$; $B(3; 5)$ ва $C(4; -2)$ бўлса, $(\vec{AB} \cdot \vec{BC})$.

18. Агар $\vec{a}=\{-2; 3\}$; $\vec{b}=\{3; 5\}$; $\vec{c}=\{-2; 8\}$; $\vec{d}=\{3; 1\}$ бўлса, қуйидагиларни ҳисобланг: а) $\vec{a} \cdot \vec{b}$; б) $\vec{a}^2$; в) $\sqrt{\vec{b}^2}$; г) $(\vec{a} + \vec{c})^2$; д) $(2\vec{a} + \vec{b})(\vec{a} - 2\vec{b})$; е) $(2\vec{a} + 3\vec{c})(\vec{b} - 2\vec{c})$.

19. Учлари $A(1; 2; 1)$, $B(3; -1; 7)$, $C(7; 4; -2)$ нукталарда бўлган учбурчакнинг ички бурчакларини топинг.

20. x вектор $\vec{a}=\{6; -8; -7,5\}$ векторга коллинеар ва Oz ўқи билан ўтмас бурчак ташкил этади. Агар $|\vec{x}|=50$ бўлса, $\vec{x}$ векторнинг координаталарини топинг.

IV БОБ

ТЕКИСЛИКДА ВА ФАЗОДА КООРДИНАТАЛАР СИСТЕМАСИ

1-§. Текисликда координаталар системаси

Текисликда бирор O нуктада кесишувчи ўзаро перпендикуляр иккита ўқни оламиз. Бу ўқларнинг ҳар бирида O нуктадан бошлаб бирлик векторларни ажратамиз (25-чизма). Мусбат йўналишлари мос равишда $\vec{i}$, $\vec{j}$ векторлар билан аниқланувчи иккита ўқдан ташкил топган система текисликда тўғри бурчакли координаталар системаси дейила-

ди ва $R=\{0; \vec{i}; \vec{j}\}$ кўринишда белгиланади. O нукта координаталар боши, $\vec{i}, \vec{j}$ бирлик векторлар эса координата векторлари дейилади. $\vec{i}, \vec{j}$ векторлар ортогонал ва бирлик векторлардир, яъни


$$|\vec{i}|=|\vec{j}|=1; \vec{i} \perp \vec{j}.$$

Ox, Oy ўқлар мос равишда абсциссалар ва ординаталар ўқлари деб аталади.


Текисликда $R=\{0; \vec{i}; \vec{j}\}$ координаталар системаси берилган бўлсин. Шу текисликнинг A нуктаси учун $\vec{OA}$ вектор A нуктанинг радиус-вектори дейилади ва қуйидагича ёзилади (25-чизма):

$$\vec{r} = \vec{OA} = x\vec{i} + y\vec{j}. \quad (4.1)$$

(4.1) даги x, y лар A нуктанинг $R=\{0; \vec{i}; \vec{j}\}$ системадаги координаталари дейилади ва бу $A(x, y)$ кўринишда белгиланади. Бу ерда x сон A нуктанинг абсциссаси, y сон ординатаси дейилади. $R=\{0; \vec{i}; \vec{j}\}$ координаталар системасида бирор $\vec{a} = \vec{AB}$ вектор берилган бўлса (26-чизма), унинг координата ўқларидаги проекциялари a_x ва a_y бу векторнинг координаталари дейилади.



25-чизма



26-чизма

Масалан, агар a векторнинг координаталарини a_x, a_y билан белгиласак, a_x a векторнинг Ox ўқида проекцияси бўлиб,

$$a_x = \text{Pr}_{Ox} \vec{a} = |\vec{a}| \cos(\vec{a} \wedge \vec{i})$$

формула бўйича, a_y эса a векторнинг Oy ўқидаги проекцияси бўлиб,

$$a_y = \text{Pr}_{Oy} \vec{a} = |\vec{a}| \cos(\vec{a} \wedge \vec{j})$$

формула бўйича аниқланади. $\vec{a}$ векторни Ox ва Oy ўқлари, яъни $\vec{i}$, $\vec{j}$ базис векторлар бўйича ёямиз. 26- чизмага асосан:

$$\overrightarrow{AC} = a_x \vec{i}; \quad \overrightarrow{CB} = a_y \vec{j}.$$

У ҳолда

$$\vec{a} = \overrightarrow{AB} = \overrightarrow{AC} + \overrightarrow{CB} = a_x \vec{i} + a_y \vec{j} = \{a_x; a_y\} \quad (4.2)$$

$\{a_x; a_y\}$ миқдорлар жуфтлиги $\vec{a}$ векторнинг $\vec{i}$, $\vec{j}$ базислар бўйича ёйилмалари дейилади. (4.2) тенглик ёрдамида базис текисликдаги ҳар қандай векторни иккита ўзаро перпендикуляр векторларга ёйиш мумкин.

Энди $\vec{a} = \overrightarrow{AB}$ вектор-

нинг бош ва охири нуқталари (A ва B) нинг координаталари $R = \{0; \vec{i}; \vec{j}\}$ координаталар системасида маълум бўлса, у ҳолда $\vec{a}$ векторнинг координаталарини топиш мумкин. $A(x_1; y_1)$ ва $B(x_2; y_2)$ нуқталар берилган бўлсин (27- чизма). У ҳолда $\vec{a}$ векторнинг Ox ўқидаги проекцияси A_1B_1 кесмадан иборат бўлиб, унинг узунлиги $x_2 - x_1$ га, Oy ўқидаги проекцияси эса A_2B_2 кесмадан иборат бўлиб, унинг узунлиги $y_2 - y_1$ га тенгдир.


$\overrightarrow{A_1B_1} = (x_2 - x_1)\vec{i}$; $\overrightarrow{A_2B_2} = (y_2 - y_1)\vec{j}$ ва $\vec{a} = \overrightarrow{A_1B_1} + \overrightarrow{A_2B_2}$ га тенг бўлгани учун

$$\vec{a} = \overrightarrow{AB} = (x_2 - x_1)\vec{i} + (y_2 - y_1)\vec{j}. \quad (4.3)$$

Демак, $\vec{a}$ векторнинг координата ўқларидаги проекциялари мос равишда $\{(x_2 - x_1); (y_2 - y_1)\}$ бўлиб, унинг қийматлари шу вектор охири ва бошининг тегишли координаталар айирмасига тенг.

Агар $\vec{a} = \overrightarrow{AB}$ векторнинг A ва B нуқталари координаталари $A(x_1; y_1)$ ва $B(x_2; y_2)$ берилган бўлса, у ҳолда A ва B нуқталар орасидаги масофа ($\vec{a}$ векторнинг узунлиги, модули) ни ушбу формула бўйича топиш мумкин:

$$|\vec{a}| = \rho(AB) = \sqrt{(x_2 - x_1)^2 + (y_2 - y_1)^2}. \quad (4.4)$$



27- чизма

1-мисол. Агар $A(2; 3)$, $B(3; 2)$ бўлса, $\overline{AB}$ векторнинг координаталарини топинг.

Ечиш. Шартга кўра: $x_1=2$, $x_2=3$, $y_1=3$, $y_2=2$. $\overline{AB}$ векторнинг $\vec{i}$, $\vec{j}$ базис векторлар бўйича ёйилмаси (4.3) формула орқали топилади:

$$\overline{AB} = \{3-2; 2-3\} = \{1; -1\} = \vec{i} - \vec{j}$$

2-мисол. Берилган $A(4;3)$ нуктадан 5 бирлик масофада Oy ўқида ётган $B(x; y)$ нуктани топинг.

Ечиш. Масала шартига кўра B нукта Oy ўқида ётади. Oy ўқида ётган ҳар бир нуктанинг абсциссаси нолга тенг бўлганлигидан B нукта $(0; y)$ координаталарга эга бўлади. A ва B нукталар орасидаги масофа 5 га тенг бўлгани учун (4.4) формулага асосан:

$$5 = \sqrt{(0-4)^2 + (y-3)^2}$$

тенгламани оламиз. Бу тенгламани

$$25 = 16 + y^2 - 6y + 9$$


кўринишда ёзсак, $y^2 - 6y = 0 \Rightarrow y(y-6) = 0$ ни ҳосил қиламиз. Бундан $y_1=0$; $y_2=6$ топилади. Демак, $A(4; 3)$ нуктадан узоқлиги 5 га тенг бўлиб, Oy ўқида ётувчи нукта иккита бўлиб, улар $B_1(0; 0)$ ва $B_2(0; 6)$.

2-§. Фазода координаталар системаси

Фазода O нукта ва бу нуктада кесишувчи ўзаро перпендикуляр учта Ox , Oy , Oz ўқларни оламиз. Бу ўқларнинг ҳар бир жуфти орқали текислик ўтказамиз. Уларни мос равишда xOy , xOz , yOz деб белгилаймиз (28-а чизма). Бу текисликлар координата текисликлари дейилади.


O нукта ҳар қайси координата ўқини иккига ажратади. Улардан бирини мусбат, иккинчисини манфий деб оламиз. Бу усул билан ҳосил қилинган $Oxyz$ системага фазода тўғри бурчакли (декарт) координаталар системаси дейилади. Одатда Ox , Oy , Oz координата ўқларининг бирлик векторларини мос равишда $\vec{i}$, $\vec{j}$ ва $\vec{k}$ (ёки $\vec{l}_1$, $\vec{l}_2$, $\vec{l}_3$) лар орқали белгиланади. Фазода тўғри бурчакли координаталар системаси символик кўринишда $R = \{0, \vec{i}, \vec{j}, \vec{k}\}$ ёки $R = \{0, \vec{l}_1, \vec{l}_2, \vec{l}_3\}$ каби белгиланади.

Фазодаги векторнинг координаталари деб унинг координата ўқларидаги проекцияларига айтилади. Масалан, бирор $\vec{a}$ вектор ўзининг a_x , a_y , a_z координаталари



a

28- чизма



b

билан тўғри бурчакли координаталар системасида, яъни $B = \{\vec{i}, \vec{j}, \vec{k}\}$ базис векторларда берилган бўлсин. У ҳолда $\vec{a}$ вектор қуйидагича ёзилади:

$$\vec{a} = a_x \vec{i} + a_y \vec{j} + a_z \vec{k} = \{a_x; a_y; a_z\}. \quad (4.5)$$

(4.5) тенглик фазодаги ҳар қандай векторни ўзаро перпендикуляр учта векторга ёйиб ёзиш мумкинлигини билдиради. Умуман фазодаги ҳар қандай векторни учта ўзаро компланар бўлмаган (яъни бир текисликда ётмаган) векторларга ёйиш мумкин.

1-мисол. $\vec{a} = \{4; -6; 2\}$ вектор берилган. Унга коллинеар бўлган $\vec{b} = \{b_x; b_y; 4\}$ векторнинг номаълум координаталарини аниқланг.

Ечиш. Икки векторнинг коллинеарлик шартига асосан $\vec{b} = \lambda \vec{a} = \lambda(4\vec{i} - 6\vec{j} + 2\vec{k})$ тенгликни ёзиб оламиз. Векторларнинг тенглигидан $2\lambda = 4$ ни оламиз ва бундан $\lambda = 2$. Бу қийматни ўрнига қўйсак: $\vec{b} = 2(4\vec{i} - 6\vec{j} + 2\vec{k}) = 8\vec{i} - 12\vec{j} + 4\vec{k} = \{8; -12; 4\}$ келиб чиқади.

Фазода A нуктанинг координаталарини қараймиз. $Oxyz$ декарт координаталар системасида ихтиёрий нукта учун OA векторнинг координаталарини шу A нуктанинг координаталари деб қараш мумкин.

Одатда A нуктанинг координаталари $A(x_A, y_A, z_A)$ кўринишда ёзилади.

A ва B нукталарнинг координаталари маълум бўлганда $\vec{AB}$ векторнинг координаталари қуйидагича топилади (28- б чизма):

$$\begin{aligned} \vec{AB} &= \vec{OB} - \vec{OA} = x_B \vec{i} + y_B \vec{j} + z_B \vec{k} - x_A \vec{i} - y_A \vec{j} - z_A \vec{k} = \\ &= (x_B - x_A) \vec{i} + (y_B - y_A) \vec{j} + (z_B - z_A) \vec{k}. \end{aligned}$$

Демак, $\overline{AB}$ векторнинг координаталари унинг охири ва бошини билдирувчи нукталарнинг мос координаталари айирмасига тенг:

$$\overline{AB} = \{x_B - x_A; y_B - y_A; z_B - z_A\} \quad (4.6)$$

A ва B нукталар орасидаги масофа $\overline{AB}$ вектор узунлигига тенг ва у қуйидаги формула билан аниқланади:

$$d = \rho(\overline{AB}) = \sqrt{(x_B - x_A)^2 + (y_B - y_A)^2 + (z_B - z_A)^2}. \quad (4.7)$$

2-мисол. Агар $A(1; 3; 4)$ ва $B(3; 5; 7)$ бўлса, $\overline{AB}$ векторнинг координаталарини топинг.

Ечиш. $\overline{AB} = \{x_{AB}, y_{AB}, z_{AB}\}$ бўлсин. (4.6) формуладан фойдаланамиз:

$$x_{AB} = x_B - x_A = 3 - 1 = 2,$$

$$y_{AB} = y_B - y_A = 5 - 3 = 2,$$

$$z_{AB} = z_B - z_A = 7 - 4 = 3.$$

Демак, $\overline{AB} = \{2; 2; 3\}$.


3-§. Кутб координаталар системаси. Нуктанинг декарт ва кутб координаталари орасидаги боғланиш *

Текисликда бирор O нукта OI нур ва бу нурда ётувчи $O\vec{A} = \vec{i}$ бирлик векторни оламиз. Агар текисликда олинган OI нурни Ox ўқ деб олинса ва $\vec{i}$ векторни O нукта атрофида Oy ўқидаги $\vec{j}$ бирлик вектор устига тушириш учун қиска йўл бўйича буриш соат стрелкаси ҳаракатига тескари бўлса, у ҳолда координаталар системаси мусбат ориентацияли, текисликни эса ориентацияланган дейилади.


Ҳосил қилинган геометрик образ кутб координаталар системаси дейилади (29-чизма). У одатда $R = \{0; \vec{i}\}$ кўринишда белгиланади. O нукта кутб боши, OI нур кутб ўқи дейилади.

* Мазкур темани ёритишда «Аналитик геометрия ва чизиқли алгебра» (Ф. Ражабов, А. Нурметов, «Ўқитувчи», 1990) китобидан фойдаланилди.

M нуктанинг текисликдаги ҳолати иккита сон: бири $|\vec{i}| = 1$ бирлик кесма ёрдамида ўлчанган $\rho = |\vec{OM}|$ масофа, иккинчиси OI ва OM нурлар орасидаги $\varphi = (\vec{i}, \vec{OM})$ бурчак билан тўла аниқланади. Агар кутб ўқини $[OM)$ нур устига тушгунга қадар буриш соат стрелкаси йўналишига тескари йўналишда бажарилса, кутб бурчаги деб аталувчи φ бурчак мусбат деб, акс ҳолда, манфий деб ҳисобланади. ρ масофа M нуктанинг кутб радиуси дейилади. Улар умумий ном билан M нуктанинг кутб координаталари дейилади ва $M(\rho, \varphi)$ кўринишда белгиланади. Координаталар боши O нукта учун $\rho = 0$ бўлиб, аниқланмаган ҳисобланади. Агар ρ сон $0 \leq \rho \leq \infty$ ва φ бурчак $0 \leq \varphi \leq 2\pi$ оралиқларда ўзгарса, текисликнинг ҳар бир нуктаси кутб координаталари билан мос келади. Кутб координаталар системасига мусбат йўналтирилган тўғри бурчакли координаталар системаси $R = \{0; \vec{i}; \vec{j}\}$ ни мос қўйиш мумкин. Бунда O нукта (кутб) координаталар боши



29- чизма



30- чизма

бўлиб хизмат қилади. ρ, φ лар M нуктанинг кутб координаталари, x, y лар эса M нуктанинг тўғри бурчакли координаталар системасидаги координаталари бўлсин (30- чизма). Чизмага кўра:

$$\begin{cases} x = \rho \cos \varphi, \\ y = \rho \sin \varphi. \end{cases} \quad (4.8)$$

(4.8) формулалар ёрдамида M нуктанинг кутб координаталари ρ ва φ маълум бўлса, x ва y ларнинг қийматини топиш мумкин.

Агар (4.8) формуладан x ва y нинг қийматлари маълум бўлса, ρ ва φ нинг қийматлари қуйидагича топилади:

$$\begin{cases} x^2 = \rho^2 \cos^2 \varphi \\ y^2 = \rho^2 \sin^2 \varphi \end{cases} \Rightarrow x^2 + y^2 = \rho^2 \Rightarrow \rho = \sqrt{x^2 + y^2} \quad (4.9)$$

$\rho \neq 0$ деб фараз қилсак:

$$\cos \varphi = \frac{x}{\rho} = \frac{x}{\sqrt{x^2 + y^2}}; \sin \varphi = \frac{y}{\rho} = \frac{y}{\sqrt{x^2 + y^2}}$$

$$\text{ёки } \operatorname{tg} \varphi = \frac{y}{x}. \quad (4.10)$$

Олинган (4.8), (4.9), (4.10) формулалар декарт ва қутб координаталар системаларини боғловчи формулалардир.

Шуни эслатиб ўтамизки, M нуқтанинг декарт координаталаридан қутб координаталарига ўтишда $\operatorname{tg} \varphi = \frac{y}{x}$ формула қутб бурчагининг бош қийматини тула аниқламайди, чунки φ мусбат ёки манфий эканлигини ҳам билиш керак. Бу эса M нуқтанинг қайси чоракда жойлашишига қараб аниқланади. Масалан (4.10) формулада $x=4$, $y=4$ бўлса, $\operatorname{tg} \varphi = 1$ бўлиб, $\varphi = 45^\circ$. Лекин $x=-4$, $y=-4$ бўлганда ҳам $\operatorname{tg} \varphi = 1$ бўлиб, аслида φ эса -225° бўлиши керак, чунки $M(-4; -4)$ нуқта учинчи чоракда жойлашган. Шунинг учун ҳам φ бурчакнинг қиймати ва ишорасини (4.10) формуладаги $\sin \varphi$ ва $\cos \varphi$ га қараб аниқлаш қулайроқ.

Қутб координаталар системасида икки нуқта орасидаги масофа қуйидагича топилади. $M_1(\rho_1, \varphi_1)$ ва $M_2(\rho_2, \varphi_2)$ нуқталар берилган бўлсин. У ҳолда (4.8) формулага кўра:

$$\begin{cases} x_1 = \rho_1 \cos \varphi_1, \\ y_1 = \rho_1 \sin \varphi_1 \end{cases} \quad \text{ва} \quad \begin{cases} x_2 = \rho_2 \cos \varphi_2, \\ y_2 = \rho_2 \sin \varphi_2 \end{cases}$$

У ҳолда

$$\begin{aligned} d(M_1, M_2) &= \sqrt{(x_2 - x_1)^2 + (y_2 - y_1)^2} = \\ &= \sqrt{(\rho_2 \cos \varphi_2 - \rho_1 \cos \varphi_1)^2 + (\rho_2 \sin \varphi_2 - \rho_1 \sin \varphi_1)^2} = \\ &= \sqrt{\rho_1^2 + \rho_2^2 - 2\rho_1 \rho_2 \cos(\varphi_2 - \varphi_1)} \end{aligned}$$

• Демак,

$$d(M_1, M_2) = \sqrt{\rho_1^2 + \rho_2^2 - 2\rho_1\rho_2\cos(\varphi_2 - \varphi_1)}.$$

Текисликда кутб координаталар системаси берилган бўлсин. Бу системада ρ, φ ёки улардан бирортаси катнашувчи $f(\rho, \varphi)$ функцияни олайлик. Бу функция текисликда бир қанча эгри чизикларни ифодалашини кўрсатиш мумкин. Масалан, $f(\rho, \varphi) = \rho - 6$ функция билан аниқланган бўлсин. У ҳолда

а) $F_1 = \{M(\rho, \varphi) / \rho = 6\}$ — маркази O кутбда ва радиуси $\rho = 6$ га тенг бўлган айлана;

б) $F_2 = \{M(\rho, \varphi) / \rho - 6 > 0\}$ — маркази O кутбда ва радиуси $\rho = 6$ га тенг бўлган доира ташқарисидаги нукталар тўплами;

в) $F_3 = \{M(\rho, \varphi) / \rho - 6 < 0\}$ — доира ичидаги нукталар тўпламини билдиради ва ҳоказо. $f(\rho, \varphi)$ тенглама F_1 чизикнинг берилган кутб координаталар системасидаги тенгламаси дейилади. Ушбу

$$\rho = a \quad (a = \text{const}) \quad (4.11)$$

тенглама маркази кутбда, радиуси a га тенг бўлган айлананинг тенгламаси бўлади.

Энди кутб айланада ётган ҳолни кўрамиз. Бунда кутб ўқи эса айлана марказидан ўтсин деб фараз қиламиз (31-чизма). Чизмадан куйидагига эга бўламиз:

$$\rho = 2a \cos \varphi \quad (4.12)$$

(4.12) изланаётган айлана тенгламасидир. (4.11) ва (4.12) тенгламалар бир хил радиусли битта айланани ифодалайди, лекин тенгламалари ҳар хил. Биттаси ρ ни ўзида сақласа, иккинчиси эса ρ ва φ ни ҳам ўзида сақлайди.

Демак, айлана кутб координаталар системасига нисбатан жойлашувига кўра ҳар хил кўринишдаги тенгламаларга эга бўлар экан.

1-мисол. Кутб координаталар системасида берилган $A(4; \frac{\pi}{3})$ ва $B(6; -\frac{\pi}{4})$ нукталарнинг декарт координаталар системасидаги координаталарини топинг.

Ечиш. а) A нукта учун:

$$A(4; \frac{\pi}{3}); \quad \rho = 4; \quad \varphi = \frac{\pi}{3} = 60^\circ.$$

(4.8) формулаларга кўра кутб координаталари ёрдамида берилган нуктанинг декарт координаталари ҳолатини аниқлаймиз:

$$x = 4 \cos 60^\circ = 4 \cdot \frac{1}{2} = 2;$$

$$y = 4 \cdot \sin 60^\circ = 4 \cdot \frac{\sqrt{3}}{2} = 2\sqrt{3}.$$

Демак, декарт координаталар системасида: $A(2; 2\sqrt{3})$.

б) $B(6; -\frac{\pi}{4})$ бўлган ҳолда: $\rho = 6; \varphi = -\frac{\pi}{4} = -45^\circ$

.. (4.8) формулаларга кўра топамиз:

$$x = 6 \cdot \cos(-45^\circ) = 6 \cdot \frac{\sqrt{2}}{2} = 3\sqrt{2},$$

$$y = 6 \cdot \sin(-45^\circ) = -6 \cdot \frac{\sqrt{2}}{2} = -3\sqrt{2}.$$


Демак, $B(3\sqrt{2}; -3\sqrt{2})$.

2-мисол. Кутб координаталар системасида берилган $\rho^2 \sin 2\varphi = 2a^2$ чизик тенгламасини декарт координаталар системасида ифодаланг.


Ечиш. $\rho^2 \sin 2\varphi = 2a^2$;

$$2\rho \sin \varphi \cdot \rho \cos \varphi = 2a^2.$$

(4.8) формулага асосан: $x = \rho \cos \varphi$; $y = \rho \sin \varphi$ бўлгани учун $2xy = 2a^2$ тенгликни оламиз. Бундан эса $xy = a^2$ келиб чиқади.



31-чизма



32-чизма

4-§. Цилиндрик ва сферик координаталар системаси

1. Цилиндрик координаталар системаси қуйидагича киритилади. Фазода бирор Q текислик ва унда бирор O нуқта оламиз. Шу O нуқтадан чиқувчи ва Q текисликда ётадиган l нур ўтказамиз ва бу нурда унинг

йўналишини аниқловчи $\vec{i}$ бирлик вектор оламиз (яъни Q текисликда кутб координаталар системаси киритилди). Энди шу Q текисликка перпендикуляр ва унинг O нуктасига қўйилган узунлиги бирга тенг $\vec{n}$ нормал векторни оламиз (32-чизма). Агар $\vec{n}$ векторнинг учидан қараганда Q текисликдаги шу вектор атрофида буришдаги ҳаракатнинг йўналиши соат стрелкаси ҳаракатига тескари бўлса, буриш бурчаги φ мусбат деб олинади ва натижада Q текисликдаги нукталар ρ масофа ва φ бурчак билан аниқланади. Энди фазодаги ихтиёрий нуктанинг ўрнини аниқлаш учун текисликдаги бу нуктанинг проекцияси ρ ва φ лар билан ҳамда бу нуктадан текисликкача масофани билиш керак бўлади, яъни бу нуктани учта сон билан тўлиқ аниқлаш мумкин. Ҳақиқатан ҳам, M нукта фазонинг ихтиёрий нуктаси, M' эса унинг Q текисликдаги проекцияси бўлсин. У ҳолда $\overline{MM'}$ вектор $\vec{n}$ векторга коллинеар бўлади (32-чизма), яъни $\overline{MM'} = h\vec{n}$.

Агар M' нуктанинг Q текисликдаги кутб системасига нисбатан координаталарини ρ , φ десак, у ҳолда сонларнинг тартибланган (ρ, φ, h) учлиги M нуктанинг *цилиндрик координаталари* деб аталади.

Декарт координаталар системасини 32-чизмада кўрсатилгандек қилиб таниб олинса, M нуктанинг декарт координаталари x , y , z ларни шу нуктанинг цилиндрик координаталари ρ , φ , h лар орқали ифодалаш мумкин:


$$x = \rho \cos \varphi, y = \rho \sin \varphi, z = h. \quad (4.13)$$

2. Сферик координаталар системаси. Цилиндрик координаталар системасини киритганимиздек, O нукта, Q текислик олиб шу текисликда l нур ва Q текисликка перпендикуляр қилиб $\vec{n}$ бирлик вектор қизиб оламиз (33-чизма). M фазонинг ихтиёрий нуктаси, M' эса M нинг Q текисликдаги проекцияси бўлсин. Сонларнинг тартибланган (ρ, φ, θ) учлиги M нуктанинг *сферик координаталари* дейилади, бунда $\rho = |\overline{OM}|$,


φ — $\overline{OM}$ векторнинг Q текисликдаги проекцияси билан Ox ўқ орасидаги бурчак, бу бурчак Ox ўқдан бошлаб соат стрелкаси йўналишига тескари йўналишда ҳисобланади. θ — $\overline{OM}$ вектор билан Q текислик орасидаги бурчак. Шунингдек, $\rho > 0$, $0 \leq \varphi < 2\pi$ деб фараз қиламиз, бундан ташқари (xOy) координаталар текислиги-

дан юқорида турган нукталар учун $0 \leq \theta < \frac{\pi}{2}$ ва куйи ярим фазога тегишли нукталар учун $-\frac{\pi}{2} < \theta \leq 0$ бўлади. Сферик ва декарт координаталарини боғловчи ушбу формулаларни келтириб чиқариш осон (32- чизма):

$$\begin{aligned} x &= |OM'| \cos \varphi = \rho \cos \theta \cos \varphi, \\ y &= |OM'| \sin \varphi = \rho \cos \theta \sin \varphi, \\ z &= |MM'| = \rho \sin \theta. \end{aligned} \quad (4.14)$$



33- чизма



34- чизма

5- §. Декарт координаталарини алмаштириш

Бир катор геометрик масалаларни ечишда декарт координаталарининг бир системасидан бошқасига ўтишга тўғри келади. Хусусан, битта нуктанинг ҳар хил системалардаги координаталарини боғловчи формулаларни топиш масаласига келамиз. Дастлаб иккита хусусий ҳолни қараймиз.

а) Декарт координаталар системасини параллел кўчириш. Бу ҳолда иккита R ва R' координаталар системалари бир хил координата векторларига ва ҳар хил координаталар бошига эга бўлади:

$$R = \{O; \vec{i}, \vec{j}\}, R' = \{O'; \vec{i}, \vec{j}\}.$$

O' нуктанинг эски системага нисбатан координаталари $(a; b)$ бўлсин (34- чизма). Ихтиёрий M нуктанинг текисликда эски R координаталар системасига нисбатан координаталари $(x; y)$, шу нуктанинг янги R' системага

нисбатан координаталари (x' ; y') бўлсин. У ҳолда векторларни қўшиш қондасига кўра (34- чизма):

$$\overrightarrow{OM} = \overrightarrow{OO'} + \overrightarrow{O'M} \quad (4.15)$$

$$\overrightarrow{OO'} = a\vec{i} + b\vec{j}, \quad (4.16)$$

$$\overrightarrow{OM} = x\vec{i} + y\vec{j},$$

$$\overrightarrow{O'M} = x'\vec{i}' + y'\vec{j}'.$$

(4.16) ни (4.15) га қўйиб, икки векторнинг тенглик аломатига кўра топамиз:


$$\begin{cases} x = x' + a, \\ y = y' + b. \end{cases} \quad (4.17)$$

(4.17) изланаётган алмаштириш — координаталар системасини параллел кўчириш формуласидир.

Агар қаралаётган M нуқта фазода бўлса, у ҳолда (4.17) формула қуйидагича бўлади:

$$\begin{cases} x = x' + a, \\ y = y' + b, \\ z = z' + c \end{cases} \quad (4.18)$$

Координаталар бошини ўзгартирмасдан координата ўқларини α бурчакка буришда координаталарни алмаштириш. $R = \{0; \vec{i}, \vec{j}\}$ ва $R' = \{0; \vec{i}', \vec{j}'\}$ координаталар системалари умумий бошга эга бўлади. $\vec{i}, \vec{j}$ лар



35- чизма

эга бўлади. $\vec{i}, \vec{j}$ лар x ва y ўқларининг ортлари, $\vec{i}', \vec{j}'$ эса x' ва y' ларнинг ортлари, α 0 дан 2π гача ораликдаги бурчак бўлиб, у $\vec{i}$ вектор билан устма-уст тушгунча соат стрелкаси йўналишига тескари йўналишда шу бурчак қадар бурилади. Шунингдек, $\vec{j}$ вектор ҳам α бурчак қадар буриш натижасида $\vec{j}'$ вектор билан устма-уст тушади. Маълумки (35-чизма),

$$\begin{aligned} \overrightarrow{OM} &= x\vec{i} + y\vec{j}, \\ \overrightarrow{OM} &= x'\vec{i}' + y'\vec{j}'. \end{aligned} \quad (A)$$

Янги координата векторларини эски координата векторлари орқали ёзамиз:

$$\begin{aligned}\vec{i}' &= a_x \vec{i} + a_y \vec{j}, \\ \vec{j}' &= b_x \vec{i} + b_y \vec{j},\end{aligned}\quad (4.19)$$

Агар R ва R' декарт координаталар системалари бир хил йўналган бўлса, у ҳолда

$$(\vec{i}, \wedge \vec{j}) = 90^\circ + \alpha; (\vec{i}', \wedge \vec{j}) = 90^\circ - \alpha; (\vec{j}, \wedge \vec{j}') = \alpha, \quad (4.20)$$

агар қарама-қарши йўналган бўлса, у ҳолда

$$\begin{aligned}(\vec{i}, \wedge \vec{j}') &= 270^\circ + \alpha; (\vec{i}', \wedge \vec{j}) = \\ &= 90^\circ - \alpha; (\vec{j}, \wedge \vec{j}') = 180^\circ + \alpha\end{aligned}\quad (4.21)$$

бўлади (4.19) тенгликларни навбат билан $\vec{i}$, $\vec{j}$ векторларга скаляр кўпайтирамиз:

$$\begin{aligned}a_x &= \vec{i}' \cdot \vec{i} = \cos(\vec{i}', \wedge \vec{i}), \quad a_y = \vec{i}' \cdot \vec{j} = \cos(\vec{i}', \wedge \vec{j}), \\ b_x &= \vec{j}' \cdot \vec{i} = \cos(\vec{j}', \wedge \vec{i}), \quad b_y = \vec{j}' \cdot \vec{j} = \cos(\vec{j}', \wedge \vec{j}).\end{aligned}$$

(4.20), (4.21) муносабатларни ҳисобга олсак, R ва R' координаталар системаси бир хил йўналган бўлса,

$$\vec{i}' = \{\cos\alpha; \sin\alpha\}, \quad \vec{j}' = \{-\sin\alpha; \cos\alpha\}$$

кўринишда, агар R ва R' координатлар системаси қарама-қарши йўналган бўлса,

$$\vec{i}' = \{\cos\alpha; -\sin\alpha\}, \quad \vec{j}' = \{-\sin\alpha; \cos\alpha\}$$

кўринишда бўлади. У ҳолда (A) формулалар қуйидаги кўринишни олади:

$$\begin{cases} x = x' \cos\alpha - y' \sin\alpha, \\ y = x' \sin\alpha + y' \cos\alpha \end{cases} \quad (4.22)$$

$$\begin{cases} x = x' \cos\alpha + y' \sin\alpha, \\ y = x' \sin\alpha - y' \cos\alpha. \end{cases} \quad (4.23)$$

(4.22) ва (4.23) формулаларни бирлаштириб,

$$\begin{cases} x = x' \cos \alpha - \varepsilon y' \sin \alpha, \\ y = x' \sin \alpha + \varepsilon y' \cos \alpha \end{cases} \quad (4.24)$$

кўринишда ёзиш мумкин, бунда $\varepsilon = \pm 1$ бўлиб, R ва R' лар бир хил йўналган бўлса, $\varepsilon = +1$, қарама-қарши йўналган бўлса, $\varepsilon = -1$ бўлади.

Умумий ҳолда, координаталар бошлари ҳам, координата векторлари ҳам ҳар хил йўналишда жойлашган бўлса, ихтиёрий M нуктанинг эски системага нисбатан координаталари $(x; y)$ бўлса, u ҳолда (4.17) ва (4.24) тенгламалардан қуйидагига эга бўламиз:

$$\begin{cases} x = x' \cos \alpha - \varepsilon y' \sin \alpha + a, \\ y = x' \sin \alpha + \varepsilon y' \cos \alpha + b. \end{cases} \quad (4.25)$$

1-мисол. Фазода $M(2; 3; 4)$ нукта берилган. Агар ўқларни параллел кўчиришда янги координаталар боши эски системада $(-1; 1; 2)$ координаталарга эга бўлса, шу M нуктанинг янги системадаги координаталарини топинг.

Е ч и ш. (4.18) формулаларга кўра:

$$\begin{cases} x = x' + a, \\ y = y' + b, \\ z = z' + c \end{cases} \begin{cases} 2 = x' - 1, \\ 3 = y' + 1, \\ 4 = z' + 2 \end{cases} \Rightarrow \begin{cases} x' = 3, \\ y' = 2, \\ z' = 2 \end{cases}$$

га эга бўламиз. Демак, $M(x'; y'; z') = M(3; 2; 3)$.

2-мисол. Ўқларни $\varphi = \frac{\pi}{4}$ бурчакка бурганда $M(3; 4)$ нуктанинг координаталарини янги x' ва y' координаталари орқали ифодаланг.

Е ч и ш.

$$\cos \varphi = \cos \frac{\pi}{4} = \frac{\sqrt{2}}{2}; \quad \sin \varphi = \sin \frac{\pi}{4} = \frac{\sqrt{2}}{2}$$

бўлгани учун (4.22) формулаларга кўра:

$$\begin{cases} x = x' \cdot \frac{\sqrt{2}}{2} - y' \cdot \frac{\sqrt{2}}{2}, \\ y = x' \cdot \frac{\sqrt{2}}{2} + y' \cdot \frac{\sqrt{2}}{2} \end{cases}$$

ёки

$$\begin{cases} x = \frac{\sqrt{2}}{2}(x' - y'), \\ y = \frac{\sqrt{2}}{2}(x' + y') \end{cases}$$


ларни ҳосил қиламиз.

6-§. Кесмани берилган нисбатда бўлиш

AB кесмани берилган $\lambda > 0$ нисбатда бўлиш деганда шу кесмада шундай $C(x; y; z)$ нукта топиш тушуниладики ҳосил бўлган AC ва CB (36-чизма) кесмалар нисбати учун қуйидаги тенгликлар ўринли бўлсин:

$$\frac{AC}{CB} = \lambda \text{ ёки } AC = \lambda \cdot CB.$$

Берилган кесманинг учлари A ва B нукталар мос равишда x_1, y_1, z_1 ва x_2, y_2, z_2 координаталарга эга бўлсин. Изланаётган C нуктанинг x, y, z координаталарини топамиз (36-чизма). $C(x; y; z)$ нуктанинг радиус-векторини $\vec{r}$, A ва B нукталарнинг радиус-векторларини $\vec{r}_1$ ва $\vec{r}_2$ орқали ифодаласак, векторларни қўшиб қондасига кўра:



36-чизма

$$\begin{aligned} \vec{r} &= \vec{r}_1 + AC \Rightarrow AC = \vec{r} - \vec{r}_1, \\ \vec{r} + BC &= \vec{r}_2 \Rightarrow CB = \vec{r}_2 - \vec{r}. \end{aligned}$$

AC ва CB ўзаро қизикли боғлиқ бўлгани учун:

$$AC = \lambda CB$$

ёки

$$\vec{r} - \vec{r}_1 = \lambda(\vec{r}_2 - \vec{r}).$$

Бундан $\vec{r}$ векторни топамиз:


$$\vec{r} = \frac{\vec{r}_1 + \lambda \vec{r}_2}{1 + \lambda} \quad (4.26)$$

$\vec{r}$, $\vec{r}_1$ ва $\vec{r}_2$ векторларни координаталарига нисбатан ёзамиз:

$$\begin{aligned}\vec{r} &= x\vec{i} + y\vec{j} + z\vec{k}, \\ \vec{r}_1 &= x_1\vec{i} + y_1\vec{j} + z_1\vec{k}, \\ \vec{r}_2 &= x_2\vec{i} + y_2\vec{j} + z_2\vec{k}.\end{aligned}$$

Буларни (4.26) га қўямиз ва икки векторнинг тенглигидан фойдаланиб

$$x = \frac{x_1 + \lambda x_2}{1 + \lambda}; y = \frac{y_1 + \lambda y_2}{1 + \lambda}; z = \frac{z_1 + \lambda z_2}{1 + \lambda} \quad (4.27)$$



37- чизма

тенгликларни ёзамиз. (4.27) формула AB кесмани берилган нисбатда бўлвчи C нуктанинг координаталарини топиш формуласидир. Агар C нукта AB кесмани тенг иккига бўлса, $\lambda = 1$ бўлиб, (4.26) ва (4.27) формулалар мос равишда қуйидагича ёзилади:

$$\begin{aligned}\vec{r} &= \frac{\vec{r}_1 + \vec{r}_2}{2}, \\ x &= \frac{x_1 + x_2}{2}; y = \frac{y_1 + y_2}{2}; z = \frac{z_1 + z_2}{2}.\end{aligned}$$

1- м и с о л. AB кесманинг охири $B(-1; 2; 4)$ ва уни $\lambda = \frac{1}{2}$ нисбатда бўлвчи $C(2; 0; 2)$ нукта берилган. AB кесманинг A учи координаталарини топиш.

Е ч и ш. Масала шартига кўра C нукта AB кесмани $\lambda = \frac{AC}{CB} = \frac{1}{2}$ нисбатда бўлади (37- чизма). (4.27) формуладан фойдаланамиз:

$$x_C = \frac{x_A + \lambda x_B}{1 + \lambda}; y_C = \frac{y_A + \lambda y_B}{1 + \lambda}; z_C = \frac{z_A + \lambda z_B}{1 + \lambda}.$$

Бу формулаларга ва B ва C нуқталарнинг координаталарини қўйсак:

$$x_A = x_C(1 + \lambda) - x_B\lambda = 3,5;$$

$$y_A = y_C(1 + \lambda) - \lambda y_B = -1;$$

$$z_A = z_C(1 + \lambda) - \lambda z_B = 1.$$

Ж а в о б: $A(3,5; -1,1)$.

2- м и с о л. $A(4; 4)$ нуқта тўғри чизик бўйлаб ҳаракатланиб $B(-1; 2)$ нуқтага келади. A ва B нуқталардан ўтувчи тўғри чизикнинг Ox ўқ билан кесишиш нуқтасини топинг.

Е ч и ш. A ва B нуқталардан ўтувчи тўғри чизикнинг Ox ўқ билан кесишиш нуқтасини $C(x; 0)$ деб белгилайлик. Бу ҳолда A , B ва C нуқталар бир тўғри чизикда ётади. Масала шартига кўра:

$$x_1 = 4; x_2 = -1; x_C = x;$$

$$y_1 = 4; y_2 = 2; y_C = 0.$$

Бу қийматларни (4.27) формулага қўйиб, λ нинг қийматини аниқлаймиз:

$$y_C = \frac{y_1 + \lambda y_2}{1 + \lambda} \Rightarrow 0 = \frac{4 + 2\lambda}{1 + \lambda} \Rightarrow \lambda = -2.$$

λ нинг бу қийматини (4.27) формуланинг биринчисига қўйсак:

$$x = \frac{4 + (-2)(-1)}{1 + (-2)} = \frac{4 + 2}{-1} = -6.$$

Демак, A ва B нуқталардан ўтувчи тўғри чизик Ox ўқини $C(-6; 0)$ нуқтада кесади.

3- м и с о л. Бир жиқсли стерженнинг огирлик маркази $C(5; 1)$ нуқтада бўлиб, учларидан бири $A(-1; -3)$ нуқтададир. Иккинчи учининг координаталарини топинг.

Е ч и ш. Агар стерженнинг иккинчи учи $B(x; y)$ нуқтада десак, (4.27) формулага асосан:

$$x_C = \frac{x_A + x_B}{2}, y_C = \frac{y_A + y_B}{2}.$$

Бундан

$$x_B = 2x_C - x_A, y_B = 2y_C - y_A$$

ларни ҳосил қиламиз. Берилган нукталарнинг координаталарини бу формулаларга қўйиб, стерженнинг иккинчи учининг координаталарини топамиз:

$$x_B = 11; y_B = 5.$$

С нуктанинг радиус-вектори учун қуйидаги формуланинг тўғрилиги (4.26) дан келиб чиқади:

$$\vec{r} = \frac{1}{1+\lambda} \vec{r}_1 + \frac{\lambda}{1+\lambda} \vec{r}_2$$

ёки

$$O\vec{C} = \frac{1}{1+\lambda} O\vec{A} + \frac{\lambda}{1+\lambda} O\vec{B}.$$

Берилган кесмани берилган нисбатда бўлишини массалар системасининг огирлик марказини топиш масаласига татбиқини қўриб чиқамиз.

Берилган $A(x_1; y_1; z_1)$ ва $B(x_2; y_2; z_2)$ нукталарга мос равишда m_1 ва m_2 массалар қўйилган бўлсин. Бу массалар системасининг огирлик маркази С нинг координаталарини топиш талаб қилинади. Физикадан маълумки, С нукта АВ кесма ичида ётади ва бу кесмани узунликлари кесма учларига жойлаштирилган массаларга тескари пропорционал қисмларга ажратади, яъни λ сон бу ҳолда мусбат бўлиб $\frac{m_2}{m_1}$ га

тенг. Шунинг учун (4.27) дан А ва В нукталарга жойлаштирилган m_1, m_2 массалар системаси огирлик марказининг координаталари қуйидагича бўлади:

$$x = \frac{m_1 x_1 + m_2 x_2}{m_1 + m_2}, y = \frac{m_1 y_1 + m_2 y_2}{m_1 + m_2}, z = \frac{m_1 z_1 + m_2 z_2}{m_1 + m_2}. \quad (4.28)$$

Шунинг учун

$$O\vec{C} = \frac{m_1}{m_1 + m_2} O\vec{A} + \frac{m_2}{m_1 + m_2} O\vec{B}.$$

Агар m_1 ва m_2 нол қийматларни бир вақтда қабул қилмайди деб фараз қилсак, яъни массалар системаси B нуқтага жойлаштирилган массага ($m_1 = 0$) ёки A нуқтага жойлаштирилган ($m_2 = 0$) битта массага келтирилса, C огирлик маркази бу ҳолда ё B нуқта билан, ё A нуқта билан устма-уст тушади.

Демак, массаларнинг $\frac{m_2}{m_1}$ нисбати нолдан ∞ гача бўлган

қийматларни кетма-кет қабул қилса, C огирлик маркази AB кесмада A нуқтадан бошлаб B нуқтагача бўлган барча қийматларни қабул қилади.

Энди $A(x_1; y_1; z_1)$, $B(x_2; y_2; z_2)$, $D(x_3; y_3; z_3)$ нуқталар берилган бўлиб, уларга m_1, m_2, m_3 массалар жойлаштирилган ва бунда $m_1 + m_2 + m_3 > 0$ бўлсин. Бу массалар системасининг огирлик марказини топиш формуласини чиқарамиз. Аниқлик учун $m_1 + m_2 > 0$ деб фараз қиламиз. Агар $m_3 = 0$ бўлса, масала A ва B нуқталарга жойлаштирилган массалар система-сига келтирилади ва изланаётган огирлик маркази (4.28) формула билан топилади. Бизни $m_3 > 0$ бўлган ҳол қизиқтиради. Бу масалани икки боскичда ҳал қилиш мумкин. Олдин A ва B нуқталарга жойлаштирилган m_1 ва m_2 массалар огирлик маркази C_1 нинг координаталарини топамиз:

$$\begin{aligned} X_{C_1} &= \frac{m_1 x_1 + m_2 x_2}{m_1 + m_2}, \quad Y_{C_1} = \frac{m_1 y_1 + m_2 y_2}{m_1 + m_2}, \\ Z_{C_1} &= \frac{m_1 z_1 + m_2 z_2}{m_1 + m_2}. \end{aligned} \quad (4.29)$$

C ва D нуқталарга жойлаштирилган $m_1 + m_2$ ва m_3 массалар системаси учун $\lambda = \frac{m_3}{m_1 + m_2}$ га эга бўламиз.

Шунинг учун (4.29) дан фойдаланиб, (4.27) дан топамиз:

$$X_C = \frac{x_{C_1} + \frac{m_3}{m_1 + m_2} x_3}{1 + \frac{m_3}{m_1 + m_2}} = \frac{m_1 x_1 + m_2 x_2 + m_3 x_3}{m_1 + m_2 + m_3}.$$

$$\begin{aligned} Y_C &= \frac{m_1 y_1 + m_2 y_2 + m_3 y_3}{m_1 + m_2 + m_3}, Z_C = \frac{m_1 z_1 + m_2 z_2 + m_3 z_3}{m_1 + m_2 + m_3} \\ OC &= \frac{m_1}{m_1 + m_2 + m_3} \overrightarrow{OA} + \frac{m_2}{m_1 + m_2 + m_3} \overrightarrow{OB} + \\ &\quad + \frac{m_3}{m_1 + m_2 + m_3} \overrightarrow{OD} \quad (4.30) \end{aligned}$$

(4.30) га кура агар A, B, D нукталарга $m_1 + m_2 + m_3 > 0$ шартда ҳар хил $m_1 \geq 0, m_2 \geq 0, m_3 \geq 0$ массалар жойлаштирилса, бу массалар система-сининг огирлик марказлари тўплами ABD учбурчакдан иборат бўлади.

4- мисол. Икки учи $A(2;0)$ ва $B(6;0)$ нукталарда, учинчи учи биринчи чорак координата бурчагининг биссектрисада ётган учбурчак огирлик маркази геометрик ўриннинг тенгласини тузинг.

АВМ нинг огирлик
маркази $N(x; y)$ нукта

Бўлсин, M нукта биссектрисада ётгани учун $x_1 = y_1$ бўлади. N нукта учбурчакнинг огирлик маркази бўлгани учун $CN:NM = 1:2$ муносабат ўринлидир. Бундан: $C(4; 0)$. Буларни эътиборга олсак,

$$x = \frac{4 + \frac{1}{2}x_1}{1 + \frac{1}{2}}, y = \frac{0 + \frac{1}{2}y_1}{1 + \frac{1}{2}}$$

ёки


$$\begin{cases} 3x = x_1, \\ 3y = y_1. \end{cases} \quad x_1 = y_1 = 3y \text{ бўлгани учун}$$

$$3x = 8 + 3y \text{ ёки } 3x - 3y - 8 = 0.$$

Демак, изланаётган оғирлик марказининг геометрик ўрни тўғри чизикдан иборат экан.

7-§. Икки векторнинг вектор қўпайтмаси. Вектор қўпайтманинг хоссалари. Учбурчакнинг юзи

1-таъриф. Агар компланар бўлмаган учта $\vec{a}$, $\vec{b}$ ва $\vec{c}$ векторларни умумий O нуктага келтирилгандан сўнг бу векторлардан бирини иккинчиси билан устма-уст тушгунга қадар (улар орасидаги кичик бурчак бўйича) айлантириш учинчи векторнинг охиридан қаралганда соат стрелкасига қарши йўналишда кўринса, $\vec{a}$, $\vec{b}$, $\vec{c}$ векторлар учлиги *ўнг учлик* (39-а чизма), айлантириш соат стрелкаси йўналиши бўйича бўлса, *chap учлик* (39-б чизма) дейилади.



39- чизма

2-таъриф. $\vec{a}$ векторнинг $\vec{b}$ векторга вектор қўпайтмаси деб шундай $\vec{c}$ векторга айтиладики, бу вектор қуйидаги шартларни қаноатлантиради:

- 1) $\vec{c}$ вектор $\vec{a}$ ва $\vec{b}$ векторларга перпендикуляр;
- 2) $|\vec{c}| = |\vec{a}||\vec{b}|\sin(\angle \vec{a}, \vec{b})$;
- 3) векторларнинг тартибланган $\vec{a}$, $\vec{b}$, $\vec{c}$ учлиги ўнг учлик ташкил этади.

Вектор қўпайтма $[\vec{a}, \vec{b}]$, $\vec{a} \times \vec{b}$ ёки $\vec{c} = [\vec{a}, \vec{b}]$ каби белгиланади.


1- шарт вектор кўпайтма (яъни $\vec{c}$ вектор) $\vec{a}$ ва $\vec{b}$ векторлар ётган текисликка перпендикуляр эканлигини билдиради.

2- шарт $\vec{c}$ векторнинг узунлиги томонлари $\vec{a}$ ва $\vec{b}$ векторлардан иборат параллелограммнинг юзига тенг эканлигини билдиради.

3- шарт $\vec{c}$ векторнинг йўналишини шундай олиш кераклигини билдирадики, $\vec{c}$ вектор учидан қараганда $\vec{a}$ вектордан $\vec{b}$ векторга қараб бурилиши соат стрелкасига қарши йўналишда бўлиши керак (40- чизма).

Вектор кўпайтманинг хос-саларини кўриб чиқамиз.

1. Агар $\vec{a}$ ва $\vec{b}$ векторлар коллинеар ёки улардан бири нол вектор бўлса, уларнинг вектор кўпайтмаси нолга тенг бўлади.



40- чизма

Исбот. Ҳақиқатан ҳам, $\vec{a} \parallel \vec{b}$ бўлса, у ҳолда $[\vec{a}\vec{b}] = 0$. Агар улар параллел бўлса, улар орасидаги бурчак 0 ёки 180° бўлиб, $\sin(\angle \vec{a}, \vec{b}) = 0$ бўлади ва иккинчи шартга асосан қисликка перпендикуляр, аммо $[\vec{a}\vec{b}]$ кўпайтмада $\vec{a}, \vec{b}$ ўнг $\vec{c}$ вектор кўпайтма нол вектор бўлади.

2. Агар вектор кўпайтма кўпайтувчиларининг ўринларини алмаштирилса, вектор кўпайтманинг ишораси ўзгаради:

$$[\vec{a}\vec{b}] = -[\vec{b}\vec{a}].$$

Исбот. Ҳақиқатан ҳам, вектор кўпайтма таърифнинг 1-ва 2-бандларига асосан $[\vec{a}\vec{b}]$ ва $[\vec{b}\vec{a}]$ векторларнинг узунликлари тенг ва иккаласи ҳам битта текисликка перпендикуляр, аммо $[\vec{a}\vec{b}]$ кўпайтмада $\vec{a}, \vec{b}$ ўнг учликни $[\vec{b}\vec{a}]$ да эса чап учликни ташкил этгани учун $[\vec{a}\vec{b}]$ вектор йўналишига қарама-қарши $[\vec{b}\vec{a}]$ вектор ҳосил қиламиз.

3. Исталган ҳақиқий сон λ учун ушбу муносабатлар ўринли:

$$\lambda[\vec{a}\vec{b}] = [\lambda\vec{a}\vec{b}] = [\vec{a}\lambda\vec{b}].$$

4. Вектор кўпайтма учун тақсимот қонуни ўринлидир:

$$[\vec{a}(\vec{b} + \vec{c})] = [\vec{a}\vec{b}] + [\vec{a}\vec{c}].$$

5. Бирлик векторларнинг вектор кўпайтмалари куйидагича бўлади:

$$\begin{aligned} [\vec{i} \vec{j}] &= -[\vec{j} \vec{i}] = \vec{k}; [\vec{i} \vec{i}] = 0; \\ [\vec{k} \vec{i}] &= -[\vec{i} \vec{k}] = \vec{j}; [\vec{j} \vec{j}] = 0; \\ [\vec{j} \vec{k}] &= -[\vec{k} \vec{j}] = \vec{i}; [\vec{k} \vec{k}] = 0. \end{aligned}$$

Агар $\vec{a}$ ва $\vec{b}$ векторлар координаталари билан берилган, яъни

$$\begin{aligned} \vec{a} &= a_x \vec{i} + a_y \vec{j} + a_z \vec{k}, \\ \vec{b} &= b_x \vec{i} + b_y \vec{j} + b_z \vec{k} \end{aligned}$$

бўлса, у ҳолда

$$\begin{aligned} [\vec{a} \vec{b}] &= (a_x \vec{i} + a_y \vec{j} + a_z \vec{k})(b_x \vec{i} + b_y \vec{j} + b_z \vec{k}) = \\ &= (a_y b_z - a_z b_y) \vec{i} - (a_x b_z - a_z b_x) \vec{j} + (a_x b_y - a_y b_x) \vec{k} = \\ &= \begin{vmatrix} a_y & a_z \\ b_y & b_z \end{vmatrix} \vec{i} - \begin{vmatrix} a_x & a_z \\ b_x & b_z \end{vmatrix} \vec{j} + \begin{vmatrix} a_x & a_y \\ b_x & b_y \end{vmatrix} \vec{k} = \\ &= \begin{vmatrix} \vec{i} & \vec{j} & \vec{k} \\ a_x & a_y & a_z \\ b_x & b_y & b_z \end{vmatrix} \end{aligned} \quad (4.31)$$

ёки

$$[\vec{a} \vec{b}] = \left\{ \begin{vmatrix} a_y & a_z \\ b_y & b_z \end{vmatrix}; \begin{vmatrix} a_x & a_z \\ b_x & b_z \end{vmatrix}; \begin{vmatrix} a_x & a_y \\ b_x & b_y \end{vmatrix} \right\}. \quad (4.32)$$

Вектор кўпайтма ёрдамида учбурчакнинг юзини ҳисоблаш учун формула чиқариш мумкин. ABC учбурчак учларининг координаталари билан берилган бўлсин:

$$A(x_1; y_1; z_1); B(x_2; y_2; z_2); C(x_3; y_3; z_3).$$

Вектор кўпайтма таърифига кўра (2-шарт), ҳосил бўлган векторнинг модули параллелограммнинг юзига тенг. Унинг ярми эса учбурчакнинг юзини беради:

$$S_{\Delta ABC} = \frac{1}{2} \|\vec{AB} \cdot \vec{AC}\|.$$

Энди вектор кўпайтманинг механикага татбики ва унга доир мисол кўрамиз.

а) Куч моменти. Бирор Q қаттиқ жисм берилган бўлсин ва бу жисмнинг битта, масалан O нуқтаси кўзголмас қилиб маҳкамланган бўлсин. Агар Q жисмнинг бошқа P нуқтасига $\vec{F}$ куч қўйилса, у ҳолда бу куч Q жисмни айлантиради. Натижада айлантирувчи момент ёки куч моменти ҳосил бўлади. Механикадан маълумки, куч моменти ($\vec{m}$ вектор) ушбу формула бўйича топилади:

$$\vec{m} = [\vec{r} \vec{F}], \quad (4.33)$$

бунда $\vec{r} = \overrightarrow{OP}$ P нуқтанинг радиус-вектори.

Энди P нуқтага иккита $\vec{F}_1$ ва $\vec{F}_2$ куч қўйилган бўлсин ва бу кучларнинг йигиндиси $\vec{F} = \vec{F}_1 + \vec{F}_2$ бўлсин. Агар $\vec{m}$, $\vec{m}_1$, $\vec{m}_2$ мос равишда $\vec{F}$, $\vec{F}_1$, $\vec{F}_2$ кучларнинг моментлари бўлса, у ҳолда

$$\vec{m} = \vec{m}_1 + \vec{m}_2$$

бўлади. (4.33) ва охириги формула вектор кўпайтманинг хоссасидан осонгина келиб чиқади:

$$\begin{aligned} \vec{m} &= [\vec{r}, \vec{F}] = [\vec{r}, (\vec{F}_1 + \vec{F}_2)] = \\ &= [\vec{r}, \vec{F}_1] + [\vec{r}, \vec{F}_2] = \vec{m}_1 + \vec{m}_2. \end{aligned}$$

1- мисол. $\vec{F} = \{3; 2; -4\}$ куч $A(2; -1; 1)$ нуқтага қўйилган. Бу кучнинг координаталар бошига нисбатан моментини аниқланг.

Ечиш. Агар $\vec{F}$ вектор A нуқтага қўйилган бўлса, $\vec{a}$ вектор O нуқтадан A нуқтага йўналган, яъни $\vec{a} = \overrightarrow{OA}$ бўлади. $[\vec{a}, \vec{F}]$ вектор кўпайтма эса, $\vec{F}$ кучнинг O нуқтага нисбатан куч моментини ифодалайди. Демак, $\vec{a} = \overrightarrow{OA} = \{2; -1; 1\}$,

$$\overrightarrow{OA} \times \vec{F} = \begin{vmatrix} \vec{i} & \vec{j} & \vec{k} \\ 2 & -1 & 1 \\ 3 & 2 & -4 \end{vmatrix} = 2\vec{i} + 11\vec{j} + 7\vec{k}.$$

б) Тангенциал ва бурчак тезлик. Бирор P нуқта l тўғри қизик атрофида узунлик бўйича ўзгармас $\vec{v}(t)$ тангенциал тезлик билан айланма ҳаракат

килаётган бўлсин. Тангенциал тезлик $\vec{v}(t)$ вектордан иборат бўлиб, бу вектор ҳар бир вақт моментига P нукта траекториясига уринма бўйлаб йўналган ва

$$|\vec{v}(t)| = v_0 = \text{const} > 0. r_0 = |\vec{r}(t)| \sin(\vec{\omega} \wedge \vec{r}(t))$$

P нуктадан l чизиккача бўлган масофа бўлгани учун r_0 миқдор l вақтга ва O нуктанинг l тўғри чизикдаги ҳолатига боғлиқ бўлмаган мусбат ўзгармасдир. Энди қуйидаги шартларни қаноатлантирадиган $\vec{\omega}$ векторни қараймиз:

$$1) \quad |\vec{\omega}| = \frac{v_0}{r_0};$$

2) вақтнинг ҳар қандай моментига $\vec{\omega}$, $\vec{r}(t)$, $\vec{v}(t)$ векторлар ўнг учликни ташкил қилади;

3) ҳар қандай t да $\vec{v}(t)$ вектор $\vec{\omega}$, $\vec{r}(t)$ векторларга перпендикуляр ва

$$[\vec{\omega}, \vec{r}(t)] = |\vec{\omega}| |\vec{r}(t)| \sin(\vec{\omega}, \wedge \vec{r}(t)),$$

$$\vec{r}(t) = \frac{v_0}{r_0} \vec{r}_0 = v_0 = |\vec{v}(t)|$$

бўлгани учун

$$\vec{v}(t) = [\vec{\omega}, \vec{r}(t)]. \quad (4.34)$$

Шундай қилиб, агар ҳаракатланаётган нуктанинг тангенциал тезлиги узунлик бўйича ўзгармас бўлса, нуктанинг l тўғри чизик атрофида айланма ҳаракати l да ётувчи бирор ўзгармас вектор билан тўла ҳарактерланади. $\vec{\omega}$ вектор қаралаётган ҳаракатнинг бурчак тезлиги дейилади.

Агар l ўқ атрофида $\vec{\omega}_1, \dots, \vec{\omega}_n$ бурчак тезликлар билан кетма-кет бир қанча айланма ҳаракатлар бажарилаётган бўлса, у ҳолда натижавий айланма ҳаракат ҳам l ўқ атрофида $\vec{\omega} = \vec{\omega}_1 + \vec{\omega}_2 + \dots + \vec{\omega}_n$ бурчак тезликка эга бўлган айланма ҳаракат бўлади.

Бу (4.34) формуладан келиб чиқади:

$$\begin{aligned} \vec{v}(t) &= [\vec{\omega}, \vec{r}(t)] = \left[\left(\sum_{i=1}^n \vec{\omega}_i \right), \vec{r}(t) \right] = \\ &= \sum_{i=1}^n [\vec{\omega}_i, \vec{r}(t)] = \sum_{i=1}^n \vec{v}_i(t). \end{aligned}$$

2-мисол. Учлари $A(3; 0; 5)$, $B(3; -2; 2)$, $C(1; 2; 4)$ нукталарда бўлган учбурчакнинг юзини топинг.

Ечиш. $\overrightarrow{AB}$ ва $\overrightarrow{AC}$ векторларнинг координаталарини аниқлаймиз:

$$\overrightarrow{AB} = \{3-3; -2-0; 2-5\} = \{0; -2; -3\},$$

$$\overrightarrow{AC} = \{1-3; 2-0; 4-5\} = \{-2; 2; -1\}.$$

$\overrightarrow{AB}$ векторни $\overrightarrow{AC}$ векторга вектор кўпайтирамиз, яъни

$$\begin{aligned} \vec{c} = [\overrightarrow{AB}, \overrightarrow{AC}] &= \begin{vmatrix} \vec{i} & \vec{j} & \vec{k} \\ 0 & -2 & -3 \\ -2 & 2 & -1 \end{vmatrix} = \\ &= 8\vec{i} + 6\vec{j} - 4\vec{k}. \end{aligned}$$

$\vec{c}$ нинг модулини топамиз:

$$|\vec{c}| = |[\overrightarrow{AB}, \overrightarrow{AC}]| = \sqrt{8^2 + 6^2 + (-4)^2} = \sqrt{116}.$$

Демак,

$$S_{\Delta ABC} = \frac{1}{2} |\vec{c}| = \frac{1}{2} \sqrt{116} = \sqrt{\frac{116}{4}} = \sqrt{29}.$$

8-§. Векторларнинг аралаш кўпайтмаси ва унинг хоссалари. Тетраэдрнинг ҳажми*

Таъриф. $\vec{a}$, $\vec{b}$ ва $\vec{c}$ векторларнинг аралаш кўпайтмаси деб (векторларнинг кўрсатилган тартибига кўра) $\vec{a}$ ва $\vec{b}$ векторларнинг вектор кўпайтмасига тенг векторни $\vec{c}$ векторга скаляр кўпайтиришдан ҳосил бўлган сонга айтилади.

Аралаш кўпайтма $[\vec{a}, \vec{b}] \cdot \vec{c}$ ёки $(\vec{a}, \vec{b}, \vec{c})$ каби белгиланади. Аралаш кўпайтма қуйдаги геометрик маънога эга. $\vec{a}$, $\vec{b}$, $\vec{c}$ векторлар бирор 0 нуктага қўйилган ва компланар бўлмаган ўнг учликни ҳосил қилсин. Қирралари бу векторлардан иборат параллелепипедни ясаймиз. $|[\vec{a}, \vec{b}]|$ микдор шу параллелепипед асосининг

*«Аналитик геометрия ва чизикли алгебра» (Ф. Ражабов, А. Нурметов. «Ўқитувчи», 1990) китобидан фойдаланилди.

юзини билдиришини кўрамиз. Скаляр кўпайтманинг таърифига кўра:

$$[\vec{a}, \vec{b}] \cdot \vec{c} = ||\vec{a}, \vec{b}|| \cdot |\vec{c}| \cdot \cos\varphi,$$

бу ерда $\varphi = ([\vec{a}, \vec{b}], \vec{c})$ бўлиб, $|\vec{c}| \cos\varphi$ микдор $\vec{c}$ векторнинг $[\vec{a}, \vec{b}]$ вектор йўналиши бўйича тўғри чизикдаги проекциясига тенг бўлиб, параллелепипеднинг баландлигидан иборатдир (41-чизма):

$$|\vec{c}| \cos\varphi = h.$$

Шундай қилиб, $[\vec{a}, \vec{b}] \cdot \vec{c} = S_{\text{параллелепипед}} \cdot h = V$, бу ерда V параллелепипеднинг ҳажми.

Демак, агар $\vec{a}, \vec{b}, \vec{c}$ векторлар ўнг учлик ҳосил қилса, бу векторларнинг аралаш кўпайтмаси бу векторларга ясалган параллелепипед ҳажмига тенг экан. Агар $\vec{a}, \vec{b}, \vec{c}$ лар чап учлик ташкил қилса, $[\vec{a}, \vec{b}]$ вектор билан $\vec{c}$ вектор орасидаги φ бурчак $\frac{\pi}{2}$ дан катта бўлиб,


$\cos\varphi \leq 0$ (42-чизма)

бўлади. У ҳолда $[\vec{a}, \vec{b}] \cdot \vec{c} = (\vec{a}, \vec{b}, \vec{c}) = -V$.


Демак, параллелепипед ҳажми: $V = |[\vec{a}, \vec{b}] \cdot \vec{c}|$. $R = \{0; \vec{i}; \vec{j}; \vec{k}\}$ координаталар системасида $\vec{a} = \{a_x, a_y, a_z\}$, $\vec{b} = \{b_x, b_y, b_z\}$ ва $\vec{c} = \{c_x, c_y, c_z\}$ векторлар берилган бўлсин. Бу векторларнинг аралаш кўпайтмасини ҳисоблаш масаласини кўямиз.

$\vec{a}$ ва $\vec{b}$ векторларнинг вектор кўпайтмаси қуйидагича бўлади:

$$[\vec{a}, \vec{b}] = \begin{vmatrix} a_y & a_z \\ b_y & b_z \end{vmatrix} \vec{i} - \begin{vmatrix} a_x & a_z \\ b_x & b_z \end{vmatrix} \vec{j} + \begin{vmatrix} a_x & a_y \\ b_x & b_y \end{vmatrix} \vec{k}. \quad (4.35)$$



41-чизма



42-чизма

$[\vec{a}, \vec{b}] \cdot \vec{c}$ кўпайтмани топамиз, яъни (4.35) векторни $\vec{c}$ векторга скаляр кўпайтирамиз:

$$\begin{aligned} [\vec{a}, \vec{b}] \cdot \vec{c} &= c_x \begin{vmatrix} a_y & a_z \\ b_y & b_z \end{vmatrix} - c_y \begin{vmatrix} a_x & a_z \\ b_x & b_z \end{vmatrix} + c_z \begin{vmatrix} a_x & a_y \\ b_x & b_y \end{vmatrix} = \\ &= \begin{vmatrix} c_x & c_y & c_z \\ b_x & b_y & b_z \\ a_x & a_y & a_z \end{vmatrix}. \end{aligned}$$

Бу детерминантни куйидаги кўринишда ёзамиз:

$$[\vec{a}, \vec{b}] \cdot \vec{c} = \begin{vmatrix} a_x & a_y & a_z \\ b_x & b_y & b_z \\ c_x & c_y & c_z \end{vmatrix}. \quad (4.36)$$

Демак, учта векторнинг аралаш кўпайтмаси учинчи тартибли детерминантга тенг бўлиб, бу детерминантнинг биринчи йўл элементлари биринчи вектор координаталаридан, иккинчи йўл элементлари иккинчи вектор координаталаридан, учинчи йўл элементлари эса учинчи вектор координаталаридан иборатдир.

Аралаш кўпайтма хоссаларини кўриб чиқамиз:

$$1. [\vec{a}, \vec{b}] \cdot \vec{c} = [\vec{b}, \vec{c}] \cdot \vec{a}.$$

Ҳақиқатан ҳам, бу учта векторга қурилган параллелепипед ҳажмларининг абсолют қийматлари тенг.

2. Кўпайтувчиларнинг ўринларини алмаштирсак, аралаш кўпайтманинг ишораси ўзгаради:

$$a) [\vec{a}, \vec{b}] \cdot \vec{c} = -[\vec{b}, \vec{a}] \cdot \vec{c};$$

$$б) [\vec{a}, \vec{b}] \cdot \vec{c} = -[\vec{a}, \vec{c}] \cdot \vec{b};$$

$$в) [\vec{a}, \vec{b}] \cdot \vec{c} = -[\vec{c}, \vec{b}] \cdot \vec{a}.$$

Исботи. а) $[\vec{a}, \vec{b}] \cdot \vec{c} = -[\vec{b}, \vec{a}] \cdot \vec{c}$, чунки $[\vec{a}, \vec{b}] = -[\vec{b}, \vec{a}]$.

Қолган тенглиklar ҳам шунга ўхшаш исботланади.

3. Ихтиёрий α скаляр сон ($\alpha \in R$) учун ушбу тенглик ўринлидир. $(\alpha \cdot \vec{a}) \cdot \vec{b}, \vec{c} = \alpha [\vec{a}, \vec{b}] \cdot \vec{c}$

$$4. a) (\vec{a} + \vec{d})[\vec{b}, \vec{c}] = \vec{a}[\vec{b}, \vec{c}] + \vec{d}[\vec{b}, \vec{c}], \quad б) \vec{a}[\vec{b} + \vec{d}, \vec{c}] = \vec{a}[\vec{b}, \vec{c}] + \vec{a}[\vec{d}, \vec{c}].$$

Иёботи. Масалан, а) тенгликни кўрсатайлик:

$$\begin{aligned} (\vec{a} + \vec{d})[\vec{b}, \vec{c}] &= [\vec{a} + \vec{d}, \vec{b}] \cdot \vec{c} = \\ &= ([\vec{a}, \vec{b}] + [\vec{d}, \vec{b}]) \cdot \vec{c} = [\vec{a}, \vec{b}] \cdot \vec{c} + [\vec{d}, \vec{b}] \cdot \vec{c} = \\ &= \vec{a}[\vec{b}, \vec{c}] + \vec{d}[\vec{b}, \vec{c}]. \end{aligned}$$

5. Компланар $\vec{a}$, $\vec{b}$ ва $\vec{c}$ векторларнинг аралаш кўпайтмаси нолга тенг бўлади, чунки бу векторларга қурилган параллелепипед текисликда бўлиб, унинг баландлиги нолга тенг бўлади. Шундай қилиб $[\vec{a}, \vec{b}] \cdot \vec{c} = 0$ бўлса, $\vec{a}$, $\vec{b}$, $\vec{c}$ векторлар компланар бўлади.

6. Агар $\vec{a}$, $\vec{b}$, $\vec{c}$ векторлардан ихтиёрий икkitаси коллинеар бўлса, уларнинг аралаш кўпайтмаси нолга тенг бўлади (хусусий ҳолда:

$$[\vec{a}, \vec{a}] \cdot \vec{c} = [\vec{a}, \vec{b}] \cdot \vec{a} = [\vec{b}, \vec{a}] \cdot \vec{a} = 0).$$

6-хоссанинг маъноси шундан иборатки, (4.36) формуладаги учинчи тартибли детерминантнинг икkitасатри ўзаро пропорционал бўлиб қолади.

Аралаш кўпайтма ёрдамида учларининг координаталари билан берилган тетраэдрнинг ҳажмини ҳисоблаш мумкин.

$ABCD$ тетраэдр учларининг координаталари $A(x_1, y_1, z_1)$, $B(x_2, y_2, z_2)$, $C(x_3, y_3, z_3)$, $D(x_4, y_4, z_4)$ бўлсин. Маълумки, тетраэдрнинг ҳажми унинг бир учидан чиқувчи қирраларидан (яъни AB , AC ва AD қирраларидан) ясалган параллелепипед ҳажмининг $1/6$ қисмига тенг. Демак,

$$V = \frac{1}{6} |(AB \ AC \ \overline{AD})| \quad (4.37)$$

Бу формулани нуктанинг координаталари орқали ҳам ёзиш мумкин:

$$V_{\text{тетр}} = \frac{1}{6} \text{mod} \begin{vmatrix} x_1 & y_1 & z_1 & 1 \\ x_2 & y_2 & z_2 & 1 \\ x_3 & y_3 & z_3 & 1 \\ x_4 & y_4 & z_4 & 1 \end{vmatrix}$$

ёки

$$V_{\text{тет}} = \frac{1}{6} \text{ mod } \begin{vmatrix} x_2 - x_1 & y_2 - y_1 & z_2 - z_1 \\ x_3 - x_1 & y_3 - y_1 & z_3 - z_1 \\ x_4 - x_1 & y_4 - y_1 & z_4 - z_1 \end{vmatrix} \quad (4.38)$$

1-мисол. Ушбу $A(5; 7; -2)$; $B(3; 1; -1)$, $C(9; 4; -4)$, $D(1; 5; 0)$ нукталар битта текисликда ётишини исбот қилинг.

Ечиш. $\overrightarrow{AB}$, $\overrightarrow{AC}$, $\overrightarrow{AD}$ векторларнинг координаталарини аниқлаймиз:

$$\overrightarrow{AB} = (-2; -6; 1),$$

$$\overrightarrow{AC} = (4; -3; -2),$$

$$\overrightarrow{AD} = (-4; -2; 2).$$

Бу векторларнинг аралаш кўпайтмасини ҳисоблаймиз:

$$(\overrightarrow{AB} \cdot \overrightarrow{AC} \cdot \overrightarrow{AD}) = \begin{vmatrix} 2 & -6 & 1 \\ 4 & -3 & -2 \\ 4 & -2 & 2 \end{vmatrix} = 0.$$

Демак, $\overrightarrow{AB}$, $\overrightarrow{AC}$, $\overrightarrow{AD}$ векторлар компланар, демак A , B , C ва D нукталар битта текисликда ётади.

2-мисол. Учлари $A(2; -3; 5)$, $B(0; 2; -1)$; $C(-2; -2; 3)$, $D(3; 2; 4)$ нукталарда ётувчи учбурчакли пирамида (тетраэдр)нинг ҳажмини ҳисобланг.

Ечиш. $\overrightarrow{AB}$, $\overrightarrow{AC}$, $\overrightarrow{AD}$ векторнинг координаталарини топамиз:

$$\overrightarrow{AB} = \{-2; 5; -4\}, \overrightarrow{AC} = \{-4; 1; -2\}, \overrightarrow{AD} = \{1; 5; -1\}.$$

(4.38) формулага кўра:

$$\begin{aligned} V_{\text{пир}} &= \frac{1}{6} |\overrightarrow{AB} \cdot \overrightarrow{AC} \cdot \overrightarrow{AD}| = \\ &= \frac{1}{6} \begin{vmatrix} -2 & 5 & -4 \\ -4 & 1 & -2 \\ 1 & 5 & -1 \end{vmatrix} = 6 \text{ куб. бирл.} \end{aligned}$$

9-§. Қўш вектор кўпайтма

Ихтиёрий $\vec{a}$, $\vec{b}$, $\vec{c}$ векторлар берилган бўлсин. Булар учун $\vec{a} \times (\vec{b} \times \vec{c})$ вектор қўш вектор кўпайтма деб аталади. Қўш вектор кўпайтмани топишнинг энг содда қондасини қуйидаги теорема орқали кўрсатамиз.

1-теорема. Ихтиёрий ўрта $\vec{a}$, $\vec{b}$, $\vec{c}$ вектор учун ушбу

$$\vec{a} \times (\vec{b} \times \vec{c}) = (\vec{a}, \vec{c})\vec{b} - (\vec{a}, \vec{b})\vec{c} \quad (4.39)$$

тенглик ўринлидир.

Исбот. $\vec{a}$, $\vec{b}$, $\vec{c}$ ихтиёрий векторлар, яъни

$$\vec{a} = a_1\vec{i} + a_2\vec{j} + a_3\vec{k},$$

$$\vec{b} = b_1\vec{i} + b_2\vec{j} + b_3\vec{k},$$

$$\vec{c} = c_1\vec{i} + c_2\vec{j} + c_3\vec{k}$$

бўлсин. У ҳолда $\vec{b}$ нинг $\vec{c}$ га вектор кўпайтмаси

$$\begin{aligned} \vec{b} \times \vec{c} &= \begin{vmatrix} \vec{i} & \vec{j} & \vec{k} \\ b_1 & b_2 & b_3 \\ c_1 & c_2 & c_3 \end{vmatrix} = \\ &= \begin{vmatrix} b_2 & b_3 \\ c_2 & c_3 \end{vmatrix} \vec{i} - \begin{vmatrix} b_1 & b_3 \\ c_1 & c_3 \end{vmatrix} \vec{j} + \begin{vmatrix} b_1 & b_2 \\ c_1 & c_2 \end{vmatrix} \vec{k}. \end{aligned}$$

векторни беради. Энди $\vec{a}$ векторни $\vec{b} \times \vec{c}$ векторга вектор кўпайтирамиз:

$$\begin{aligned} \vec{a} \times (\vec{b} \times \vec{c}) &= \begin{vmatrix} \vec{i} & \vec{j} & \vec{k} \\ a_1 & a_2 & a_3 \\ \begin{vmatrix} b_2 & b_3 \\ c_2 & c_3 \end{vmatrix} & -\begin{vmatrix} b_1 & b_3 \\ c_1 & c_3 \end{vmatrix} & \begin{vmatrix} b_1 & b_2 \\ c_1 & c_2 \end{vmatrix} \end{vmatrix} = \\ &= [(a_2b_1c_2 - a_2b_2c_1 + a_3b_1c_3 - a_3b_3c_1)\vec{i} + \\ &+ (a_1b_2c_1 - a_1b_1c_2 + a_3b_2c_3 - a_3b_3c_2)\vec{j} + \\ &+ (a_1b_3c_1 - a_1b_1c_3 + a_2b_3c_2 - a_2b_2c_3)\vec{k}] = \\ &= \{b_1(a_1c_1 + a_2c_2 + a_3c_3) - c_1(a_1b_1 + a_2b_2 + \\ &+ a_3b_3)\}\vec{i} + \{b_2(a_1c_1 + a_2c_2 + a_3c_3) - c_2(a_1b_1 + \\ &+ a_2b_2 + a_3b_3)\}\vec{j} + \{b_3(a_1c_1 + a_2c_2 + a_3c_3) - \\ &- c_3(a_1b_1 + a_2b_2 + a_3b_3)\}\vec{k} = (\vec{a}, \vec{c})\vec{b} - (\vec{a}, \vec{b})\vec{c}. \end{aligned}$$

Шу билан теорема исботланди.

2-теорема. Ихтиёрий учта $\vec{a}$, $\vec{b}$, $\vec{c}$ вектор учун ушбу тенглик ўринли:

$$\vec{a} \times (\vec{b} \times \vec{c}) + \vec{b} \times (\vec{c} \times \vec{a}) + \vec{c} \times (\vec{a} \times \vec{b}) = 0. \quad (4.40)$$

Исбот. 1-теоремага кўра:

$$\begin{aligned} \vec{a} \times (\vec{b} \times \vec{c}) &= (\vec{a}, \vec{c})\vec{b} - (\vec{a}, \vec{b})\vec{c}, \quad \vec{b} \times (\vec{c} \times \vec{a}) = (\vec{b}, \vec{a})\vec{c} - (\vec{b}, \vec{c})\vec{a}, \\ \vec{c} \times (\vec{a} \times \vec{b}) &= (\vec{c}, \vec{b})\vec{a} - (\vec{c}, \vec{a})\vec{b}. \end{aligned}$$

Бу тенгликларни қўшиб ва скаляр кўпайтманинг симметриклигидан фойдалансак, (4.40) тенглик ҳосил бўлади.

Мисол. $\vec{a} = \{3; 2; 1\}$, $\vec{b} = \{-1; 3; 4\}$ ва $\vec{c} = \{4; 5; 0\}$ векторлар берилган бўлсин. Уларнинг қўш вектор кўпайтмасини топинг.

Ечиш. $\vec{b}$ нинг $\vec{c}$ га вектор кўпайтмасини топамиз:

$$\begin{aligned} \vec{d} = \vec{b} \times \vec{c} &= \begin{vmatrix} \vec{i} & \vec{j} & \vec{k} \\ -1 & 3 & 4 \\ 4 & 5 & 0 \end{vmatrix} = \begin{vmatrix} 3 & 4 \\ 5 & 0 \end{vmatrix} \vec{i} - \begin{vmatrix} -1 & 4 \\ 4 & 0 \end{vmatrix} \vec{j} + \\ + \begin{vmatrix} -1 & 3 \\ 4 & 5 \end{vmatrix} \vec{k} &= -20\vec{i} + 16\vec{j} - 17\vec{k} = \{-20; 16; -17\}. \end{aligned}$$

Энди $\vec{a}$ ни $\vec{d}$ га вектор кўпайтирамиз:

$$\begin{aligned} \vec{p} = \vec{a} \times \vec{d} &= \begin{vmatrix} \vec{i} & \vec{j} & \vec{k} \\ 3 & 2 & 1 \\ -20 & 16 & -17 \end{vmatrix} = \\ = \begin{vmatrix} 2 & 1 \\ 16 & -17 \end{vmatrix} \vec{i} - \begin{vmatrix} 3 & 1 \\ -20 & -17 \end{vmatrix} \vec{j} + \\ + \begin{vmatrix} 3 & 2 \\ -20 & 16 \end{vmatrix} \vec{k} &= -50\vec{i} + 31\vec{j} + 88\vec{k}. \end{aligned}$$

Демак, $\vec{a} \times (\vec{b} \times \vec{c}) = -50\vec{i} + 31\vec{j} + 88\vec{k} = \{-50; 31; 88\}$.

10- §. Чизикли операторларнинг хос векторлари ва хос қийматлари (сонлари)

Таъриф. Агар R^n фазодаги ҳар бир $\vec{x}$ векторга шу фазонинг аник $\vec{y} = f\vec{x}$ вектори мос қўйилган бўлса ва у қўйидаги иккита аксиомага бўйсунса, яъни

- 1) $\forall \vec{x}_1, \vec{x}_2 \in R^n \Rightarrow f(\vec{x}_1 + \vec{x}_2) = f\vec{x}_1 + f\vec{x}_2$.
- 2) $\forall \lambda \in P, \forall \vec{x} \in R^n \Rightarrow f(\lambda \vec{x}) = \lambda f\vec{x}$,

у ҳолда f *чизикли оператор* дейилади.

Бунда $\vec{x}_1$ ва $\vec{x}_2$ векторлар R^n фазонинг ихтиёрий векторлари, λ ихтиёрий сон. y вектор x векторнинг *таъбири* (образи), x эса y нинг *прообрази* деб аталади.

0 билан белгиланувчи ва R^n фазонинг ҳамма элементларини шу R^n фазонинг нол элементига акслантирувчи оператор қўйидагича ёзилади:

$$0 \cdot \vec{x} = \vec{0}.$$

Ҳар бир f оператор учун унга қарама-қарши бўлган оператор қўйидагича белгиланади:

$$-f = (-1)f.$$

Барча $f: R^n \Rightarrow R^n$ чизикли операторлар (ўзини ўзига акслантириш) тўплами чизикли фазони ташкил қиладди.

$$A(\vec{x}) = \lambda \vec{x}, \quad (4.40)$$

муносабатни қаноатлантирувчи $\vec{x} \neq 0$ вектор f операторнинг *хос вектори* ва унга мос λ сон эса унинг *хос қиймати* (сони) ёки чизикли операторнинг *характеристик сони* дейилади.

Бундан кўринадики, $\lambda \vec{x}$ векторлар, R^n фазонинг барча нолмас векторлари хос векторларидир.

$\vec{x}$ хос векторни ва λ хос қийматни (сонни) топиш учун зарур бўлган теоремани исботсиз келтирамиз.

Теорема. f оператор R^n фазодаги чизикли оператор, λ_0 — f операторнинг хос қиймати, $\vec{x}$ эса f нинг λ_0 сонга мос келадиган хос вектори, $\vec{l}_1, \vec{l}_2, \dots, \vec{l}_n$ лар R^n фазодаги ихтиёрий базис ва $A = [a_{ij}] (i, j = \overline{1, n})$ матрица f операторнинг шу базисдаги матричаси бўлса, у ҳолда λ_0 сон

$$\begin{vmatrix} a_{11} - \lambda & a_{12} & \dots & a_{1n} \\ a_{21} & a_{22} - \lambda & \dots & a_{2n} \\ \dots & \dots & \dots & \dots \\ a_{n1} & a_{n2} & \dots & a_{nn} - \lambda \end{vmatrix} = 0 \quad (4.41)$$

тенгламанинг илдиши,

$$\vec{x} = \alpha_1 \vec{l}_1 + \alpha_2 \vec{l}_2 + \dots + \alpha_n \vec{l}_n \quad (4.42)$$

хос векторнинг компонентлари эса $\vec{l}_1, \vec{l}_2, \dots, \vec{l}_n$ базисда бир жинсли

$$\begin{cases} (a_{11} - \lambda) \alpha_1 + a_{12} \alpha_2 + \dots + a_{1n} \alpha_n = 0, \\ a_{21} \alpha_1 + (a_{22} - \lambda) \alpha_2 + \dots + a_{2n} \alpha_n = 0, \\ \dots \\ a_{n1} \alpha_1 + a_{n2} \alpha_2 + \dots + (a_{nn} - \lambda) \alpha_n = 0 \end{cases} \quad (4.43)$$

системанинг ечими бўлади. (4.41) берилган чизикли оператор матричасининг характеристик тенгламаси деб аталади. (4.41) характеристик тенгламадан λ хос қийматлар топилади, сунгра ҳар бир хос қийматларга мос (4.43) системадан $\vec{x}$ хос векторнинг $(\alpha_1, \alpha_2, \dots, \alpha_n)$ координаталари топилади.

1-изоҳ. Агар $\vec{x}$ вектор берилган чизикли операторнинг хос вектори бўлса, у ҳолда унга коллинеар бўлган ихтиёрий нолмас вектор ҳам берилган операторнинг λ хос қийматига хос вектори бўлади.

2-изоҳ. Агар барча λ хос қийматлар ҳақиқий сонлар бўлса, у ҳолда уларга мос хос векторлар доимо чизикли эркин бўлади ва уларни янги базис сифатида олиш мумкин. Бу янги базисда A матрица қуйидаги кўринишда ёзилади:

$$A = \begin{pmatrix} \lambda_1 & 0 & 0 \\ 0 & \lambda_2 & 0 \\ 0 & 0 & \lambda_3 \end{pmatrix}$$

3-изоҳ. Агар A симметрик матрица бўлса, у ҳолда унинг барча хос қийматлари ҳақиқий сонлар бўлади ва хос векторлари эса ўзаро перпендикуляр бўлади.

Мисол. Бирор базисда ушбу

$$A = \begin{pmatrix} 3 & 2 & 0 \\ 2 & 2 & 2 \\ 0 & 2 & 1 \end{pmatrix}$$

матрица билан берилган чизикли операторнинг хос қийматларини ва хос векторларини топинг.

Ечиш. A матрица симметрик матрица бўлгани учун унинг барча хос қийматлари хақиқий сонлар бўлади. Уни топиш учун характеристик тенгламани тузамиз:

$$\begin{vmatrix} 3-\lambda & 2 & 0 \\ 2 & 2-\lambda & 2 \\ 0 & 2 & 1-\lambda \end{vmatrix} = 0.$$

Бу детерминантни ҳисоблаш қондасига кўра ҳисобласак, λ номаълумга нисбатан учинчи даражали куйидаги тенгламага эга бўламиз:

$$\lambda^3 - 6\lambda^2 + 3\lambda + 10 = 0.$$

Бу тенгламани $\lambda_1 = 2$, $\lambda_2 = -1$ ва $\lambda_3 = 5$ қийматлар қаноатлантиришини онсонгина текшириш мумкин. Бу сонлар берилган чизикли операторнинг хос қийматлари бўлади. Энди хос векторларни топамиз. Уларни топиш учун (4.43) тенгламалар системаси

$$\begin{cases} (3-\lambda)\alpha_1 + 2\alpha_2 = 0, \\ 2\alpha_1 + (2-\lambda)\alpha_2 + 2\alpha_3 = 0, \\ 2\alpha_2 + (1-\lambda)\alpha_3 = 0 \end{cases} \quad (4.44)$$

га $\lambda = \lambda_1$, $\lambda = \lambda_2$ ва $\lambda = \lambda_3$ қийматларни қуйиб, уларга мос α_1 , α_2 ва α_3 қийматларни топамиз.

1) $\lambda = \lambda_1 = 2$ учун (4.44) система ушбу курунишни олади:

$$\begin{cases} (3-2)\alpha_1 + 2\alpha_2 = 0, \\ 2\alpha_1 + (2-2)\alpha_2 + 2\alpha_3 = 0, \\ 2\alpha_2 + (1-2)\alpha_3 = 0 \end{cases}$$

ёки

$$\begin{cases} \alpha_1 + 2\alpha_2 = 0, \\ \alpha_1 + \alpha_3 = 0, \\ 2\alpha_1 - \alpha_3 = 0. \end{cases}$$

Бунда α_1 , α_2 ва α_3 ўзгарувчиларнинг биттасига ихтиёрий қиймат бериб, қолганларини топамиз. Масалан $\alpha_1 = 1$ бўлса, $\alpha_2 = -\frac{1}{2}$, $\alpha_3 = -1$ бўлади. $\lambda_1 = 2$ хос қийматга мос хос вектор $\vec{x}'$ ушбу кўринишда бўлади:

$$\vec{x}' = \begin{pmatrix} 1 \\ -\frac{1}{2} \\ -1 \end{pmatrix} \text{ ёки } \vec{x}' = \vec{i} - \frac{1}{2}\vec{j} - \vec{k}.$$

2) $\lambda = \lambda_2 = -1$ хос қиймат учун ҳам юқоридагидек система тузамиз:

$$\begin{cases} 2\alpha_1 + \alpha_2 = 0, \\ 2\alpha_1 + 3\alpha_2 + 2\alpha_3 = 0, \\ \alpha_2 + \alpha_3 = 0. \end{cases}$$

Агар $\alpha_1 = 1$ деб олсак, $\alpha_2 = -2$, $\alpha_3 = 2$ бўлади ва унга хос вектор

$$\vec{x}'' = \begin{pmatrix} 1 \\ -2 \\ 2 \end{pmatrix} \text{ ёки } \vec{x}'' = \vec{i} - 2\vec{j} + 2\vec{k}$$

кўринишда бўлади;

3) худди шунга ўхшаш $\lambda = \lambda_3 = 5$ учун

$$\begin{cases} -\alpha_1 + \alpha_2 = 0, \\ 2\alpha_1 - 3\alpha_2 + 3\alpha_3 = 0, \\ \alpha_2 - 2\alpha_3 = 0. \end{cases}$$

система ҳосил қиламиз ва бу системани $\alpha_1 = 2$, $\alpha_2 = 2$, $\alpha_3 = 1$ қийматлар қаноатлантиришини оsonгина текшириш мумкин.

$$\text{Демак, } \vec{x}''' = \begin{pmatrix} 2 \\ 2 \\ 1 \end{pmatrix} \text{ ёки } \vec{x}''' = 2\vec{i} + 2\vec{j} + \vec{k}.$$

A матрица симметрик бўлгани учун аниқланган учала хос вектор ўзаро перпендикуляр эканини текшириш мумкин, яъни $\vec{x}' \cdot \vec{x}'' = 0$, $\vec{x}' \cdot \vec{x}''' = 0$, $\vec{x}'' \cdot \vec{x}''' = 0$.

Бу хос векторларни янги базис сифатида олиш мумкин ва унда A матрица

$$A = \begin{pmatrix} 2 & 0 & 0 \\ 0 & -1 & 0 \\ 0 & 0 & 5 \end{pmatrix}$$

кўринишда бўлади.

МАШҚЛАР

1. Агар A (4; 3) ва B (1; 2) нукталар берилган бўлса, $\overrightarrow{AB}$ ва $\overrightarrow{BA}$ векторларнинг координаталарини топинг.

2. Агар $\overrightarrow{AB} = \{2; -1\}$ ва A (6; 7) бўлса, B нуктанинг координаталарини топинг.

3. Берилган A (2; 4) нуктадан 6 бирлик масофада Oy ўқида ётган B (x ; y) нуктани топинг.

4. Агар A (1; 2; 3) ва B (2; 1; 4) бўлса, $\overrightarrow{AB}$ ва $\overrightarrow{BA}$ векторларнинг координаталарини топинг.

5. Қутб координаталар системасида берилган. $A(6; \frac{\pi}{4})$ ва $B(7; -\frac{\pi}{3})$ нукталарнинг декарт координаталар системасидаги координаталарини топинг.

6. Қутб координаталар системасида берилган $\rho = a \sin 2\varphi$ чизик тенгламасини декарт координаталар системасида ифодаланг.

7. Фазода M (−2; 3; −4) нукта берилган. Агар ўқларни параллел кўчиришда координаталар боши эски системада (1; −1; −2) координаталарга эга бўлса, шу M нуктанинг янги системадаги координаталарини топинг.

8. M_1 (2; 4; −2) ва M_2 (−2; 4; −2) нукталар берилган. M_1M_2 кесмани $\lambda = 3$ нисбатда бўлувчи S нуктанинг координаталарини топинг.

9. Учлари A (1; 1; 1), B (5; 1; −2), C (7; 9; 1) дан иборат учбурчак берилган. A учидан ўтказилган биссектрисанинг CB томон билан кесишган D нуктасининг координаталарини топинг.

10. Агар $|\vec{a}| = 2$; $|\vec{b}| = 3$, $(\vec{a}, \vec{b}) = \frac{\pi}{6}$ бўлса, томонлари $\vec{m} = 2\vec{a} + 3\vec{b}$ ва $\vec{n} = \vec{a} + 4\vec{b}$ векторлардан иборат параллелограммнинг юзини ҳисобланг.

11. $\triangle ABC$ нинг томонлари $\vec{AB} = \{-3; -2; 6\}$ ва $\vec{BC} = \{-2; 4; -4\}$ векторлардан иборат. AD баландлигининг узунлигини ҳисобланг.

12. $\vec{F} = \{3; 2; -4\}$ куч $A(2; -1; -1)$ нуктага қўйилган. Бу кучнинг координаталар бошига нисбатан моментини аниқланг.

13. Агар $|\vec{p}| = 5$; $(\vec{p}, \vec{q}) = \pi/4$ бўлса, томонлари $\vec{p} - 2\vec{q}$ ва $3\vec{p} + 2\vec{q}$ векторлардан иборат учбурчакнинг юзини топинг.

14. Агар учбурчак учларининг координаталари $A(1; -2; 8)$; $B(0; 0; -4)$; $C(6; 2; 0)$ бўлса, $\triangle ABC$ нинг юзини топинг.

15. $\vec{a} = 6\vec{i} + 2\vec{k}$ ва $\vec{b} = 1,5\vec{i} + 2\vec{j} + \vec{k}$ векторлардан ясалган параллелограмм диагоналлариининг узунлигини ва юзини ҳисобланг.

16. $A(5; 7; -2)$, $B(3; 1; -1)$, $C(9; 4; -4)$, $D(1; 5; 0)$ нукталарнинг битта текисликда ётишини исбот қилинг.

17. $\vec{a} = 2\vec{i} - \vec{j} + 2\vec{k}$, $\vec{b} = \vec{i} + 2\vec{j} - 3\vec{k}$, $\vec{c} = 3\vec{i} - 4\vec{j} + 7\vec{k}$ векторларнинг компланар эканлигини исбот қилинг.

18. Учлари $A(2; -3; 5)$, $B(0; 2; 1)$, $C(-2; -2; 3)$, $D(3; 2; 4)$ нукталарда ётувчи учбурчакли пирамида-нинг ҳажмини ҳисобланг.

19. Учбурчакли пирамида учларининг радиус-векторлари берилган. Унинг ҳажмини ва ABC ёгига туширилган баландлигининг узунлигини аниқланг: $\vec{r}_S = \{3; 2; 4\}$, $\vec{r}_A = \{2; -3; 5\}$, $\vec{r}_B = \{0; 2; 1\}$, $\vec{r}_C = \{-2; -2; 3\}$.

20. Тетраэдрнинг ҳажми 5 га тенг. Унинг учта учи $A(2; 1; -1)$, $B(3; 0; 1)$, $C(2; -1; 3)$ нукталарда ётади. Агар тўртинчи D учи Oy ўқида ётиши маълум бўлса, D нинг координаталарини топинг.

Қуйидаги матрицалар билан берилган чизикли операторнинг хос қийматлари ва хос векторларини топинг.

$$21. A = \begin{pmatrix} 2 & -1 & 1 \\ -1 & 2 & -1 \\ 0 & 0 & 1 \end{pmatrix}$$

$$22. A = \begin{pmatrix} 6 & -12 & -1 \\ 1 & -3 & -1 \\ -4 & 12 & 3 \end{pmatrix}$$

ТЕКИСЛИКДА ТЎҒРИ ЧИЗИҚ ТЕНГЛАМАЛАРИ

1-§. Чизикнинг текисликдаги тенгламаси

Текисликда чизик берилган бўлиши учун унинг нуқталари ҳолатини аниқлаб берувчи бирор қоида маълум бўлиши керак.

Масалан, марказ деб аталувчи нуқтадан баравар узоқликда ётган нуқталарнинг геометрик ўрни айлана дейилади; ёки бирор кесманинг учларидан баравар узоқликда ётувчи нуқталарнинг геометрик ўрни шу кесмага ўтказилган ўрта перпендикуляр бўлади ва ҳоказо.

Тўғри бурчакли декарт координаталар системасида чизикнинг тенгламаси

$$F(x; y) = 0 \quad (5.1)$$


ёки

$$y = f(x), a \leq x \leq b \quad (5.2)$$

қўринишда бўлади. (5.2) функция x аргумент $[a, b]$ кесмада ўзгарганда $f(x)$ функция узлуксиз ўзгаради деб фараз қиламиз. Қўпинча $f(x)$ функцияни бир қийматли функция деб, x ва y ларни эса декарт координаталар текислигидаги бирор M нуқтанинг координаталари деб фараз қилинади. У ҳолда x нинг ҳар бир қиймати учун (5.2) тенгламадан y нинг ягона қиймати аниқланади.

Демак, x нинг ҳар бир қийматига текисликнинг (координаталари $x, f(x)$ бўлган) биргина нуқтаси тўғри келади. Агар x узлуксиз ўзгариб турли қийматлар қабул қилса, y ҳолда M нуқта координаталар текислигида бирор нуқталар тўпламини тасвирлайди. Бу нуқталар тўплами эса текисликда бирор чизикни ифодалайди. Агар $f(x)$ функция кўп қийматли бўлса, яъни x нинг ҳар бир қийматига y нинг бир неча $y_1, y_2 \dots y_s$ қийматлари мос келса, y ҳолда x нинг ҳар бир қийматига координаталар текислигида $M_1, M_2, \dots M_s$ нуқталар тўғри келади. Масалан $y = f(x)$ функция икки қийматли бўлсин. Бу ҳолда x нинг ҳар бир x_1 қийматига y нинг $y_1 = f(x_1)$ ва $y_2 = f(x_1)$ қийматлари мос келиб, координаталар текислигида

иккита $M_1(x_1; y_1)$ ва $M_2(x_1; y_2)$ нукталар аниқланади (43-чизма). x ўзгарувчи $[a, b]$ кесмада узлуксиз ўзгарганда M_1 ва M_2 нукталар ҳам ўринларини узлуксиз ўзгартиради ва бу нукталар чизикни тасвирлайди.



43-чизма

Таъриф. Агар чизик ихтиёрий нуктасининг x ва y координаталари (5.1) тенгламани қаноатлантирса ва аксинча, бу тенгламани қаноатлантирадиган ҳар бир жуфт $(x; y)$ қиймат чизик нуктасини тасвирласа, (5.1) тенглама чизикнинг ошқормас тенгламаси деб аталади.

Аналитик геометрияда асосан иккита масала билан шуғулланилади:

1) чизик нукталарнинг геометрик ўрни сифатида берилган бўлиб, унинг тенгламасини тузиш талаб қилинади;

2) тенглама берилган, унинг графигини ясаш талаб қилинади.

1-мисол. Берилган $A(-2; 4)$ ва $B(3; 6)$ нукталардан бир хил узоқликда жойлашган нукталарнинг геометрик ўрни тенгламасини тузинг.

Ечиш. $C(x; y)$ — A ва B нукталардан баравар узоқликда жойлашган ихтиёрий нукта бўлсин. Масала шартига кўра:

$$|AC| = |BC|. \quad (5.3)$$

Икки нукта орасидаги масофани топиш формуласидан фойдаланиб,

$$|AC| = \sqrt{(x+2)^2 + (y-4)^2},$$

$$|BC| = \sqrt{(x-3)^2 + (y-6)^2}$$

ларни ҳосил қиламиз. Бу ифодаларни (5.3) га қўйиб масала шартини қаноатлантирадиган нукталар геометрик ўрнининг тенгламасини ҳосил қиламиз:

$$\begin{aligned}\sqrt{(x+2)^2 + (y-4)^2} &= \sqrt{(x-3)^2 + (y-6)^2} \Rightarrow \\ \Rightarrow x^2 + 4x + 4 + y^2 - 8y + 16 &= x^2 - 6x + 9 + y^2 - 12y + \\ + 36 &\Rightarrow 10x + 4y - 25 = 0.\end{aligned}\quad (5.4)$$

Шундай қилиб, A ва B нуқталардан баравар узоқликда жойлашган ихтиёрий нуқтанинг координаталари (5.4) тенгламани қаноатлантиради ва аксинча, координаталари (5.4) муносабатни қаноатлантирган ҳар қандай нуқта A ва B нуқталардан бир хил узоқликда ётади.

Энди чизиқни (5.1) тенгламасига кўра ясаш масаласини қараймиз. Текисликдаги нуқта ўзининг (x, y) координаталари билан аниқланади. Шунинг учун (5.1) тенгламаларда x га $x_1, x_2, \dots, x_n$ қийматларни берсак,

$$F_1(x_1; y) = 0, F_2(x_2; y) = 0, \dots, F_n(x_n; y) = 0, \quad (5.5)$$

тенгламалар ҳосил бўлади. Бу тенгламалардан y нинг $x_1, x_2, \dots, x_n$ қийматларга мос бўлган $y_1, y_2, \dots, y_n, \dots$ қийматларини топамиз, натижада координаталари (5.1) тенгламани қаноатлантирувчи

$$(x_1; y_1), (x_2; y_2), \dots, (x_n; y_n) \dots$$

нуқталарга эга бўламиз. Бу нуқталарни координаталар системасида ясаб, уларни бирлаштирсак, (5.1) тенгламани тасвирловчи чизиқ ҳосил бўлади. Бу чизиқ икки ўзгарувчили (5.1) тенгламанинг графиги дейилади.

2-мисол. $y = x^2 + 1$ тенглама тасвирлайдиган чизиқни ясап.

Ясаш. x га $\dots -3; -2; -1; 0; 1; 2; 3; \dots$ қийматларни берамиз ва y нинг шунга мос қийматларини топамиз. Бу қийматлар учун қуйидаги жадвални тузамиз:


x	$\dots$	-3	-2	-1	0	1	2	3	$\dots$
y	$\dots$	10	5	2	1	2	5	10	$\dots$

Натижада $\dots (-3; 10), (-2; 5), (-1; 2), (0; 1), (1; 2), (2; 5), (3; 10) \dots$ нуқталар ҳосил бўлади. Бу нуқталарни

координаталар системасида жойлаштириб, уларни силлиқ чизик билан туташтирсак, $y = x^2 + 1$ функциянинг графиги, яъни парабола ҳосил бўлади (44- чизма). Масалаларни ечишда чизикнинг $F(x; y) = 0$ тенгламасидан ташқари унинг параметрик тенгламаларидан ҳам фойдаланилади.

Масалан, механика ва техникада моддий нукта ҳаракат траекториясини текширишда t вақтга боғлиқ бўлган

$$\begin{cases} x = \varphi(t), \\ y = \psi(t) \end{cases}$$



44- чизма

тенгламалар қаралади.

Бу тенгламалар моддий нуктанинг ҳаракат траекториясини тасвирлайди.

Бу кўринишдаги тенгламага чизикнинг *параметрик тенгламаси* дейилади. Бу ерда t параметр бўлиб, y вақтни, бурчак, тезлик ва ҳоказо катталикларни ифодалаши мумкин.

3- мисол $A(x; y)$ нуктанинг координаталари ҳаракат пайтида

$$\begin{cases} x = 3t^2 - 1, \\ y = 5t^2 + 6 \end{cases}$$

тенгламалар билан аниқланади (t —вақт). A нукта траекториясининг декарт координаталар системасидаги тенгламасини тузинг.

Ечиш. Берилган тенгламалар системаси $A(x; y)$ нукта ҳаракатининг параметрик тенгламасидир. Системадаги биринчи тенгламадан t^2 ни топамиз:

$$t^2 = \frac{x + 1}{3}$$

Буни системадаги иккинчи тенгламага қўйсак:

$$y = 5 \cdot \frac{x + 1}{3} + 6 \text{ ёки } 5x - 3y + 23 = 0.$$


Демак, $A(x; y)$ нукта траекторияси тўғри чизикдан иборат.

2-§. Тўғри чизиқнинг текисликдаги тенгламалари

Декарт координаталар текислигида бирор l тўғри чизиқ берилган бўлсин. Шунингдек, l тўғри чизиқда ётувчи $M_1(x_1; y_1)$ нукта ва l тўғри чизиққа перпендикуляр $\vec{n} = \{A; B\}$ вектор ёки унга параллел $\vec{s} = \{m; n\}$ векторлар берилган бўлса, l тўғри чизиқнинг текисликдаги турли кўринишдаги тенгламаларини келтириб чиқарамиз.

1. Берилган $M_1(x_1; y_1)$ нукта орқали ўтиб, берилган $\vec{n}$ векторга перпендикуляр бўлган тўғри чизиқ тенгламаси

Oxy текисликда l тўғри чизиқ берилган бўлсин. Унда ётувчи $M_1(x_1; y_1)$ нукта ва l тўғри чизиққа перпендикуляр бўлган $\vec{n}$ ($l \perp \vec{n}$) вектор оламиз (45-чизма). $\vec{n}$ векторга l тўғри чизиқнинг нормал вектори дейилади.



45-чизма

$M_1(x_1; y_1)$ нукта ва $\vec{n}$ нормал вектор l тўғри чизиқнинг Oxy текисликдаги ҳолатини тўла аниқлайди. $M(x; y)$ нукта l тўғри чизиқнинг ихтиёрий нуктаси бўлсин, у ҳолда $\vec{M_1M} = \{(x - x_1); (y - y_1)\}$ вектор l тўғри чизиқ устида ётади ва $\vec{M_1M} \perp \vec{n}$ бўлади. Шунинг учун $\vec{n}$ ва $\vec{M_1M}$ векторларнинг скаляр кўпайтмаси нолга тенг:

$$\vec{n} \cdot \vec{M_1M} = 0$$

ёки

$$A(x - x_1) + B(y - y_1) = 0. \quad (5.6)$$

(5.6) тенглама M_1 нукта орқали ўтиб, $\vec{n}$ векторга перпендикуляр бўлган тўғри чизиқнинг тенгламасини ифодалайди.

1-мисол. $M_1(4; -3)$ нукта орқали ўтувчи ва $\vec{n} = \{2; -5\}$ векторга перпендикуляр бўлган тўғри чизиқ тенгламасини тузинг.

Е чи ш. Мисол шартига кўра: $x_1 = 4$; $y_1 = -3$; $A = 2$; $B = -5$. Буларни (5.6) формулага қўйиб изланаётган тўғри чизик тенгламасини топамиз:

$$2(x - 4) + (-5)(y + 3) = 0.$$

Бундан

$$2x - 5y - 23 = 0.$$

2. Тўғри чизикнинг умумий тенгламаси

x ва y координаталарга нисбатан исталган биринчи даражали

$$Ax + By + C = 0 \quad (5.7)$$

кўринишдаги тенглама Oxy текисликда ётувчи тўғри чизикнинг умумий тенгламаси эканлигини кўрсатамиз.

Ҳақиқатан, (5.6) тенгламада A ёки B коэффициентларидан бири нолдан фаркли деб фараз қиламиз (акс ҳолда $A=0$; $B=0$ бўлиб, $C=0$ айниятга эга бўлардик). Масалан $B \neq 0$ бўлсин. y ҳолда (5.7) тенгламани қуйидаги кўринишда ёзиб оламиз:

$$A(x-0) + B(y + \frac{C}{B}) = 0.$$

(5.7) тенгламага тенг кучли бўлган тенгламага эга бўламиз. Бу тенглама $M_1(0; -\frac{C}{B})$ нуқтадан ўтувчи ва $\vec{n}$ векторга перпендикуляр тўғри чизик тенгласидир.

Демак, (5.7) тенглама тўғри чизикнинг умумий тенгламаси экан.

Энди, умумий тенгламаси билан берилган тўғри чизикнинг координата ўқларига нисбатан жойлашуви-ни текшираамиз:

а) Агар $C=0$, $A \neq 0$, $B \neq 0$ бўлса, тўғри чизик тенгламаси $Ax + By = 0$ бўлиб, y координаталар бошидан ўтади.

б) Агар $A=0$, $C \neq 0$, $B \neq 0$ бўлса, тўғри чизик тенгламаси $By + C = 0$ бўлиб, y Ox ўқига параллел бўлади.

в) Агар $B=0$, $A \neq 0$, $C \neq 0$ бўлса, тўғри чизик

тенгламаси $Ax + C = 0$ бўлиб, у Oy ўкига параллел бўлади.

г) Агар $C = 0$, $B = 0$, $A \neq 0$ бўлса, тўғри чизик тенгламаси $Ax = 0$ бўлиб, у Oy ўкини ифодалайди.

д) Агар $C = 0$, $A = 0$, $B \neq 0$ бўлса, тўғри чизик тенгламаси $By = 0$ бўлиб, у Ox ўкини ифодалайди.

2-мисол. $4x - 7y + 3 = 0$ тўғри чизикнинг нормал векторини топиш.

Ечиш. Нормал вектор: $\vec{n} = \{A; B\}$. Берилган тўғри чизик тенгламасидан: $A = 4$, $B = -7$. Шунинг учун $\vec{n} = \{4; -7\}$.

3-мисол. $3x + 4y - 18 = 0$ ва $2x - y - 1 = 0$ тўғри чизикларнинг кесилиш нуктаси орқали ўтиб, $x + 2y - 6 = 0$ тўғри чизикка перпендикуляр бўлган тўғри чизик тенгламасини тузиш.

Ечиш. Дастлаб икки тўғри чизикнинг кесилиш нуктасини топамиз, бунинг учун кесилиш нуктасининг координаталарини $M_1(x_1, y_1)$ деб оламиз. Ушбу

$$\begin{cases} 3x_1 + 4y_1 - 18 = 0, \\ 2x_1 - y_1 - 1 = 0 \end{cases}$$

системадан $x_1 = 2$; $y_1 = 3$ ларни топамиз. Масала шартидан изланаётган тўғри чизикнинг йўналтирувчи вектори сифатида $x + 2y - 6 = 0$ тўғри чизикнинг нормал вектори $\vec{n} \{1; 2\}$ ни олиш мумкин. У ҳолда изланаётган тўғри чизик тенгламаси (5.6) формулага кўра

$$1. (x - 2) + 2 \cdot (y - 3) = 0 \text{ ёки} \\ x + 2y - 8 = 0$$

кўринишда бўлади.

Таъриф. Тўғри чизикка параллел ёки шу тўғри чизикда ёгувчи ҳар қандай $\vec{S} = \{m; n\}$ вектор бу тўғри чизикнинг йўналтирувчи вектори дейилади.

3. Тўғри чизикнинг параметрик тенгламалари l тўғри чизик ва шу тўғри чизикка тегишли $M_0(x_0, y_0)$ нукта ва йўналтирувчи $\vec{S} = \{m; n\}$ вектор билан тўла аниқланади (46-чизма). Бу берилганларга кўра l тўғри чизик тенгламасини чиқарамиз. M_0 нуктадан бошқа l тўғри чизикда ихтиёрий $M(x, y)$ нукта оламиз. У ҳолда M_0M вектор $\vec{S}$ вектор билан коллинеар бўлади. Демак, шундай t сон топиладики,

$$M_0M = t\vec{S} \quad (t \in \mathbb{R}) \quad (5.8)$$

булади. M, M_0 нукталарнинг радиус-векторларини мос равишда $\vec{r}, \vec{r}_0$ орқали белгиласак:

$$\vec{r} = \overrightarrow{OM}, \quad \vec{r}_0 = \overrightarrow{OM_0}$$

булиб, M_0M вектор учун $\overrightarrow{M_0M} = \vec{r} - \vec{r}_0$ га эга бўламиз.

(5.8) тенгликдан:


$$\vec{r} - \vec{r}_0 = t\vec{S} \Rightarrow \vec{r} = \vec{r}_0 + t\vec{S}. \quad (5.9)$$

(5.9) тенглама l тўғри чизиқнинг векторли тенгламаси дейилади. (5.9) тенгламадаги t га турли қийматлар бериб, l тўғри чизиққа тегишли нукталарнинг радиус-векторларини топамиз. (5.9) тенгламадаги l ўзгачувчи параметр деб аталади.

Энди (5.9) ни координаталарда ёзамиз:

$$\vec{r} = \overrightarrow{OM} = x\vec{i} + y\vec{j}, \quad \vec{r}_0 = \overrightarrow{OM_0} = x_0\vec{i} + y_0\vec{j},$$

$$\overrightarrow{M_0M} = t\vec{S} = t(m\vec{i} + n\vec{j}) = tm\vec{i} + tn\vec{j}.$$



46- чизма

Буларни (5.9) га қўйиб, сўнгра икки векторнинг тенглигига қўра, ушбу тенгламаларга эга бўламиз:

$$\begin{cases} x = x_0 + mt, \\ y = y_0 + nt. \end{cases} \quad (5.10)$$

(5.10) формула l тўғри чизиқнинг параметрик тенгламаси дейилади. Агар l тўғри чизик координата ўқларидан бирортасига ҳам параллел бўлмаса

(яъни $m, n \neq 0$ шарт бажарилса), у ҳолда (5.10) дан ушбу

$$\begin{cases} x = x_0 + mt, \\ y = y_0 + nt \end{cases} \Rightarrow \begin{cases} t = \frac{x - x_0}{m} \\ t = \frac{y - y_0}{n} \end{cases}$$

$$\frac{x - x_0}{m} = \frac{y - y_0}{n} \quad (5.11)$$

тенгламани ҳосил қиламиз.

(5.11) формула тўғри чизикнинг каноник тенгламаси дейилади. Бундан

$$nx - my + (-nx_0 + my_0) = 0 \quad (5.12)$$

ни топамиз. Бу ерда шартга кўра m , n нинг камида биттаси нолдан фаркли, шу сабабли (5.12) биринчи даражали тенгламадир. Бундан эса ҳар қандай тўғри чизик биринчи даражали тенглама билан ифодаланади деган муҳим хулосага келамиз.

4-мисол. $M_0(3; 1)$ нукта орқали ўтувчи ва йўналтирувчи вектори $\vec{S} = \{4; 3\}$ бўлган тўғри чизик тенгламасини тузинг.

Ечиш. Масала шартига кўра $x_0 = 3$; $y_0 = 1$; $m = 4$; $n = 3$. Бу қийматларни (5.10) формулага қўйсак,

$$\begin{cases} x = 3 + 4t, \\ y = 1 + 3t \end{cases}$$

тенгламаларга эга бўламиз. Бу тенгламалар биз излаган тўғри чизикнинг параметрик тенгламаларидир.

4. Икки нукта орқали ўтувчи тўғри чизик тенгламаси

Бизга маълумки M_1 ва M_2 нукталардан ягона тўғри чизик ўтади. M_1 ва M_2 нукталарнинг координаталари маълум деб фараз қилиб, шу нукталар орқали ўтувчи l тўғри чизик тенгламасини топамиз.

$M_1(x_1; y_1)$, $M_2(x_2; y_2)$ нукталар изланаётган l тўғри чизикқа тегишли бўлсин. Шунингдек бу тўғри чизикда $M(x; y)$ ихтиёрий нуктани оламиз. Натижада, бу нукталар ёрдамида тўғри чизикда ўзаро коллинеар бўлган

$$\overrightarrow{M_1M_2} = \{x_2 - x_1; y_2 - y_1\} \text{ ва } \overrightarrow{M_1M} = \{x - x_1; y - y_1\}$$

векторларга эга бўламиз. Бу векторлар коллинеар бўлгани учун

$$\overrightarrow{M_1M} = t \overrightarrow{M_1M_2} \quad (5.13)$$

тенглик ўринли бўлади. Бундан, векторларнинг тенглигига асосан, $x - x_1 = t(x_2 - x_1)$ ва $y - y_1 = t(y_2 - y_1)$ га эга бўламиз. Бундан

$$\frac{x - x_1}{x_2 - x_1} = \frac{y - y_1}{y_2 - y_1} \quad (5.14)$$

(5.14) тенглама берилган икки нукта орқали ўтувчи тўғри чизик тенгламаси дейилади. Бу тенглама

$x_2 - x_1 \neq 0$ ва $y_2 - y_1 \neq 0$ бўлганда ўринлидир. Агар $y_2 - y_1 = 0$ бўлса, y ҳолда тўғри чизик Ox ўққа параллел бўлиб, $y - y_1 = 0$ ёки $y = y_1$ бўлади. Шунингдек, $x - x_1 = 0$ бўлганда $x = x_1$ бўлиб, бу чизик Oy ўқига параллел тўғри чизик бўлади.

Икки нукта орқали ўтувчи тўғри чизик тенгламасини учинчи тартибли детерминант ёрдамида ҳам ёзиш мумкин:

$$\begin{vmatrix} x & y & 1 \\ x_1 & y_1 & 1 \\ x_2 & y_2 & 1 \end{vmatrix} = 0.$$

5-мисол. $ABCD$ тўғри тўртбурчак учларининг координаталари берилган:

$$A(1; 3), B(5; 7), C(7; 5), D(3; 1)$$

AB , AD томонларини ва AC ҳамда DB диагоналлارнинг тенгламасини тузинг.

Е чи ш. а) AB томоннинг тенгламасини тузамиз. (5.14) формулага кўра:

$$\begin{aligned} \frac{x-x_1}{x_2-x_1} &= \frac{y-y_1}{y_2-y_1}, \quad \frac{x-1}{5-1} = \frac{y-3}{7-3} \Rightarrow \\ \Rightarrow \frac{x-1}{4} &= \frac{y-3}{4} \Rightarrow x-1 = y-3 \Rightarrow \\ &\Rightarrow x-y+2=0. \end{aligned}$$

б) AD томоннинг тенгламасини тузамиз:

$$\frac{x-1}{3-1} = \frac{y-3}{1-3} \Rightarrow \frac{x-1}{2} = \frac{y-3}{-2} \Rightarrow x+y-4=0.$$

в) AC диагоналнинг тенгламасини тузамиз:

$$\begin{aligned} \frac{x-1}{7-1} &= \frac{y-3}{5-3} \Rightarrow \frac{x-1}{6} = \frac{y-3}{2} \Rightarrow \\ \Rightarrow x-1 &= 3(y-3) \Rightarrow x-1 = 3y-9 \Rightarrow x-3y+8=0. \end{aligned}$$

г) DB диагоналнинг тенгламасини тузамиз:

$$\begin{aligned} \frac{x-3}{5-3} &= \frac{y-1}{7-1} \Rightarrow \frac{x-3}{2} = \frac{y-1}{6} \Rightarrow \\ \Rightarrow 3(x-3) &= y-1 \Rightarrow 3x-9 = y-1 \Rightarrow 3x-y-8=0. \end{aligned}$$

5. Тўғри чизикнинг координата ўқларида ажратган кесмалари бўйича тенгламаси;

l тўғри чизиқни аниқловчи M_1 ва M_2 нукталар координата ўқлари Ox ва Oy да ётсин. Аниқлик учун $M_1(a; 0)$ нукта, Ox ўқда $M_2(0; b)$ нукта эса Oy ўқда ётсин (47-чизма). Бу ҳолда (5.14) тенглама қуйидаги кўринишда бўлади:

$$\frac{x-a}{-a} = \frac{y-0}{b} \Rightarrow \frac{x}{a} + \frac{y}{b} = 1. \quad (5.15)$$

(5.15) тенглама тўғри чизиқнинг координата ўқларидан ажратган кесмалар бўйича тенгламаси дейилади. a ва b лар тўғри чизиқнинг мос равишда Ox ва Oy ўқларида ажратган кесмаларини билдиради.

6. Тўғри чизиқнинг бурчак коэффициентли тенгламаси.

Таъриф. $\vec{S}$ вектор $\{i, j\}$ базисда m, n

координаталарга эга бўлиб, $m \neq 0$ бўлса, $\frac{n}{m} = k$ сон $\vec{S}$ векторнинг бурчак коэффициенти дейилади.


Агар $\vec{S}$ вектор бирор l тўғри чизиқнинг йўналтирувчи вектори ва k сон шу тўғри чизиқнинг бурчак коэффициенти бўлса, шу тўғри чизиқнинг бурчак коэффициентли тенгламасини келтириб чиқарамиз. l тўғри чизиқнинг битта нуктаси ва бурчак коэффициенти текисликда унинг ҳолатини тўла аниқлайди.

Агар l тўғри чизик Oy ўқига параллел бўлса, у ҳолда бундай тўғри чизиқнинг бурчак коэффициентли тенгламаси мавжуд эмас. Шунинг учун Oy ўқка параллел бўлмаган l тўғри чизик $M_0(x_0; y_0)$ нуктадан ўтсин ва k бурчак коэффициентига эга бўлсин деб фарз қиламиз. (5.11) дан $m \neq 0$ деб қуйидагига эга бўламиз:

$$\frac{x-x_0}{m} = \frac{y-y_0}{n} \Rightarrow y-y_0 = \frac{n}{m}(x-x_0) \Rightarrow$$

$$y-y_0 = k(x-x_0) \quad (\text{чунки } \frac{n}{m} = k)$$

$$\text{ёки } y = kx + b, \quad (5.16)$$



47-чизма

бунда $b = y_0 - kx_0$.

(5.16) тенглама тўғри чизикнинг бурчак коэффициентли тенгламаси дейилади.

Агар l тўғри чизик иккита $M_1(x_1; y_1)$ ва $M_2(x_2; y_2)$ нуқталардан ўтган бўлса, у ҳолда унинг бурчак коэффициенти (5.14) формулага асосан

$$k = \frac{y_2 - y_1}{x_2 - x_1} \quad (5.17)$$

формула билан аниқланади. (Бу тўғри чизик Oy ўқига параллел бўлмаган ҳол учун тўғри бўлади.)

7. Икки тўғри чизик орасидаги бурчак
Агар икки тўғри чизик

$$A_1x + B_1y + C_1 = 0 \text{ ва } A_2x + B_2y + C_2 = 0$$

тенгламалари билан берилган бўлса, улар орасидаги бурчак

$$\operatorname{tg} \alpha = \frac{A_1B_2 - A_2B_1}{A_1A_2 + B_1B_2}$$

формула билан ҳисобланади. Бу ҳолда

$$\frac{A_1}{A_2} = \frac{B_1}{B_2}$$

икки тўғри чизикнинг параллеллик шартини,

$$A_1A_2 + B_1B_2 = 0$$

эса икки тўғри чизикнинг перпендикулярлик шартини ифодалайди.

$$A_1x + B_1y + C_1 = 0 \text{ ва } A_2x + B_2y + C_2 = 0$$

тўғри чизиклар орасидаги бурчаклар биссектрисаларининг тенгламалари:

$$\frac{A_1x + B_1y + C_1}{\sqrt{A_1^2 + B_1^2}} = \pm \frac{A_2x + B_2y + C_2}{\sqrt{A_2^2 + B_2^2}}$$

8. Ҳч нуқтанинг бир тўғри чизикда ётиш шартини

$$\frac{x_3 - x_1}{x_2 - x_1} = \frac{y_3 - y_1}{y_2 - y_1}$$

тенглик билан ифодаланади ёки детерминант шаклида эса

$$\begin{vmatrix} x_1 & y_1 & 1 \\ x_2 & y_2 & 1 \\ x_3 & y_3 & 1 \end{vmatrix} = 0$$

кўринишда ёзилади.

6-мисол. Тўғри чизик тенгламаси берилган: $(3+\alpha)x - (2\alpha-5)y + 22 = 0$. α нинг қандай қийматида тўғри чизик Ox ўқи билан 45° ли бурчак ҳосил қилади? Шу тўғри чизик тенгламасини тузинг.

Ечиш. Берилган тенгламани y га нисбатан ечамиз:

$$\begin{aligned} (3+\alpha)x - (2\alpha-5)y + 22 = 0 &\Rightarrow (2\alpha+5)y = (3+\alpha)x + 22 \Rightarrow \\ &\Rightarrow y = \frac{3+\alpha}{2\alpha-5}x + \frac{22}{2\alpha-5}. \end{aligned}$$

Бу тўғри чизикнинг бурчак коэффициенти

$$k = \frac{3+\alpha}{2\alpha-5}$$

га тенг. Маълумки, $\operatorname{tg}\varphi = k$. Масаланинг шартига кўра: $k = \operatorname{tg}45^\circ = 1$.

Бундан:

$$\begin{aligned} 1 = \frac{3+\alpha}{2\alpha-5} &\Rightarrow \begin{cases} 2\alpha-5 = 3+\alpha, \\ \alpha \neq \frac{5}{2} \end{cases} \Rightarrow \\ &\Rightarrow \begin{cases} 2\alpha-\alpha = 5+3, \\ \alpha \neq \frac{5}{2} \end{cases} \Rightarrow \begin{cases} \alpha = 8, \\ \alpha \neq \frac{5}{2} \end{cases} \Rightarrow \alpha = 8. \end{aligned}$$

α нинг топилган қийматини ўрнига қўйиб Ox ўқи билан 45° ли бурчак ҳосил қилувчи тўғри чизик тенгламасини топамиз:

$$\begin{aligned} y = \frac{3+8}{2\cdot 8-5}x + \frac{22}{2\cdot 8-5} &\Rightarrow y = \frac{11}{11}x + \frac{22}{11} \Rightarrow \\ &\Rightarrow y = x + 2. \end{aligned}$$

Демак, изланаётган тўғри чизик тенгламаси $y = x + 2$ бўлади.

7-мисол. $A(2; 5)$ ва $B(5; -1)$ нукталар орқали ўтувчи тўғри чизик тенгламасини тузинг ҳамда шу тўғри чизикда ординатаси 2 га тенг бўлган нуктани топинг.

Ечиш. Икки нукта орқали ўтувчи тўғри чизик формуласидан фойдаланамиз:

$$\begin{vmatrix} x & y & 1 \\ x_1 & y_1 & 1 \\ x_2 & y_2 & 1 \end{vmatrix} = 0; \quad \begin{vmatrix} x & y & 1 \\ 2 & 5 & 1 \\ 5 & -1 & 1 \end{vmatrix} = 0$$

ёки

$$6x + 3y - 27 = 0.$$

Бу тўғри чизикда ординатаси 2 га тенг бўлган нуқтанинг координатасини (абсциссасини) топиш учун уч нуқтанинг бир тўғри чизикда ётиш шартидан фойдаланамиз:

$$\begin{vmatrix} x_1 & y_1 & 1 \\ x_2 & y_2 & 1 \\ x_3 & y_3 & 1 \end{vmatrix} = 0 \quad \begin{vmatrix} 2 & 5 & 1 \\ 5 & -1 & 1 \\ x & 2 & 1 \end{vmatrix} = 0 \Rightarrow$$

$$\Rightarrow -2 + 5x + 10 + x - 4 - 25 = 0; \quad x = 3,5.$$

Демак, $6x + 3y - 27 = 0$ тўғри чизикда ординатаси 2 га тенг бўлган нуқта $C(3; 5; 2)$ дан иборат.

9. Координаталар бошидан ўтмайдиغان тўғри чизикнинг кутб координаталар системасидаги тенгламасини топиш учун тўғри чизикнинг нормал тенгламасини ёзиб оламиз:

$$x \cos \alpha + y \sin \alpha - p = 0;$$

x ва y ларнинг ўрнига

$$x = \rho \cos \varphi, \quad y = \rho \sin \varphi$$

қийматларни қўямиз:

$$\rho \cos \alpha \cos \varphi + \rho \sin \alpha \sin \varphi - p = 0$$

ёки

$$\rho \cos(\varphi - \alpha) = p.$$

Тўғри чизик координаталар бошидан ўтмаганлиги сабабли p нолдан фаркли бўлади. Охирги тенгликдан φ нинг ҳар қандай қийматида $\cos(\varphi - \alpha) \neq 0$ бўлади. Охирги тенгликни $\cos(\varphi - \alpha)$ га бўлиб, тўғри чизикнинг кутб координаталар системасидаги

$$\rho = \frac{p}{\cos(\varphi - \alpha)}$$


тенгламасига эга бўламиз.

8- мисол. $x = 2$ тўғри чизикнинг кутб координаталар системасидаги тенгламасини топинг.

Е ч и ш. $x = \rho \cos \varphi$, $y = \rho \sin \varphi$ формуланинг биринчиси-
дан фойдаланиб, берилган тўғри чизик тенгламасини
қуйидагича ёзиб оламиз:

$$\rho \cos \varphi = 2 \text{ ёки } \rho = \frac{2}{\cos \varphi}.$$

Бу берилган тўғри чи-
зик тенгламасидир (48-
чизма). Бунда ρ мусбат
миқдор бўлгани учун φ
бурчак шундай ўзгариши
керакки, $\cos \varphi$ мусбат бў-
лиши керак, яъни I ва IV
чоракларда бўлиши керак.



48- чизма

9- мисол. $A(4; \frac{\pi}{2})$ ва

$B(4; 0)$ нуқталардан ўтув-
чи тўғри чизикнинг қутб координаталар системасидаги
тенгламасини тузинг.

Е ч и ш. Тўғри чизик A ва B нуқталардан ўтгани
учун бу нуқталарнинг координаталари тўғри чизикнинг
 $\rho \cos(\varphi - \alpha) = \rho$ тенгламасини каноатлантириши керак,
яъни

$$\begin{cases} \rho = 4 \cos(\frac{\pi}{2} - \alpha) = 4 \sin \alpha, \\ \rho = 4 \cos(0 - \alpha) = 4 \cos \alpha \end{cases}$$

Бу тенгламалар системасидан ρ ва α ларни аниқлаймиз.

$$\rho = 4 \sin \alpha = 4 \cos \alpha \Rightarrow \sin \alpha = \cos \alpha \Rightarrow \alpha = \frac{\pi}{4}.$$

$\alpha = \frac{\pi}{4}$ ни ўрнига қўйсак:

$$\rho = 4 \sin \frac{\pi}{4} = 4 \cdot \frac{\sqrt{2}}{2} = 2\sqrt{2}.$$

Демак, изланаётган тўғри чизик тенгламаси:

$$\rho \cos(\varphi - \frac{\pi}{4}) = 2\sqrt{2}.$$

3-§. Текисликда икки тўғри чизиқнинг ўзаро жойлашуви

Текисликда икки l_1 ва l_2 тўғри чизик

$$l_1: A_1x + B_1y + C_1 = 0, \quad (5.18)$$

$$l_2: A_2x + B_2y + C_2 = 0 \quad (5.19)$$

тенгламалари билан берилган бўлсин.

Бу тўғри чизикларнинг текисликда ўзаро жойлашувини текшириш учун (5.18) ва (5.19) тенгламаларни биргаликда система қилиб текшириш керак: шу системанинг ечимига кўра l_1 ва l_2 тўғри чизиклар текисликда қандай жойлашишини айтиш мумкин:

а) l_1 ва l_2 тўғри чизиклар кесишади. У ҳолда

$$\frac{A_1}{A_2} \neq \frac{B_1}{B_2} \text{ бўлиб,}$$

система ягона ечимга эга бўлади.

б) l_1 ва l_2 тўғри чизиклар ўзаро параллел бўлса, у ҳолда $\frac{A_1}{A_2} = \frac{B_1}{B_2}$ тенглик ўринли бўлади.

в) l_1 ва l_2 тўғри чизиклар устма-уст тушади. Бу ҳолда

$$\frac{A_1}{A_2} = \frac{B_1}{B_2} = \frac{C_1}{C_2}$$

бўлади ёки иккала тенглама бир хил бўлади.

1-мисол. $2x - 3y + 4 = 0$ ва $3x + 2y - 7 = 0$ тўғри чизикларнинг текисликда ўзаро жойлашишини аниқланг.

Ечиш. Берилган тўғри чизикларнинг текисликда қандай жойлашишини аниқлаш учун, ушбу

$$\begin{cases} 2x - 3y + 4 = 0, \\ 3x + 2y - 7 = 0 \end{cases}$$

системани текширамыз. Бунда $\frac{2}{3} \neq \frac{3}{2}$ нисбат бажарил-

гани учун тўғри чизиклар кесишади ва бу кесишиш нуқтаси системанинг ечимидир. Системани ечиб, $x=1$, $y=2$ ларни топамиз. Бу топилган қийматлар $M(1; 2)$ кесишиш нуқтасининг координаталари бўлиб, бу нуқта бир вақтнинг ўзида берилган тўғри чизикларнинг ҳар бирида ётади.

4-§. Икки тўғри чизик орасидаги бурчак


l_1 ва l_2 тўғри чизиклар орасидаги φ бурчак деганда, бу тўғри чизикларнинг йўналтирувчи векторлари орасидаги бурчак тушунилади (бунда φ бурчак 0° дан 180° гача ораликда ўзгаради). l_1 ва l_2 тўғри чизиклар куйидаги умумий кўринишдаги тенгламалари билан берилган бўлсин (49-чизма).

$$l_1: A_1x + B_1y + C_1 = 0,$$


$$l_2: A_2x + B_2y + C_2 = 0.$$

$$\vec{S}_1 = \{-B_1; A_1\} \text{ ва } \vec{S}_2 = \{-B_2; A_2\}$$

векторларни мос равишда l_1 ва l_2 тўғри чизикларнинг йўналтирувчи векторлари деб олишимиз мумкин. Чунки l_1 тўғри чизикнинг $\vec{S}_1$ йўналтирувчи вектори унинг $\vec{n}$ нормал векторига перпендикуляр бўлгани учун $\vec{S}_1 \cdot \vec{n}$ скаляр кўпайтма нолга тенг бўлади. l_1 ва l_2 тўғри чизиклар



49-чизма



50-чизма

орасидаги бурчакни йўналтирувчи векторлар орасидаги бурчак деб қараганимиз учун $\vec{S}_1$ ва $\vec{S}_2$ векторлар орасидаги φ бурчакни векторларнинг скаляр кўпайтмаси қондасидан аниқлаймиз:

$$\cos \varphi = \frac{\vec{S}_1 \cdot \vec{S}_2}{|\vec{S}_1| |\vec{S}_2|} = \frac{A_1 A_2 + B_1 B_2}{\sqrt{A_1^2 + B_1^2} \cdot \sqrt{A_2^2 + B_2^2}} \quad (5.20)$$

Энди l_1 ва l_2 тўғри чизиклар бурчак коэффициентли тенгламалари билан берилган ҳолни кўраемиз:

$$l_1: y = k_1 x + b_1; \quad l_2: y = k_2 x + b_2.$$

Бунда l_1 ва l_2 тўғри чизиклар Oy ўқига параллел эмас деб фараз қиламиз. φ_1 ва φ_2 бурчаклар мос равишда l_1 ва l_2 тўғри чизикларнинг Ox ўқининг мусбат йўналиши билан ташкил қилган бурчаклари бўлсин. 50- чизмадан: $\varphi = \varphi_2 - \varphi_1$.

Берилган тўғри чизикларнинг бурчак коэффициентлари $k_1 = \operatorname{tg} \varphi_1$, $k_2 = \operatorname{tg} \varphi_2$ эканлиги бизга маълум. Тригонометриядаги маълум формулага кўра:

$$\operatorname{tg} \varphi = \operatorname{tg}(\varphi_2 - \varphi_1) = \frac{\operatorname{tg} \varphi_2 - \operatorname{tg} \varphi_1}{1 + \operatorname{tg} \varphi_1 \cdot \operatorname{tg} \varphi_2}.$$

$\operatorname{tg} \varphi_1$, $\operatorname{tg} \varphi_2$ ларнинг ўрнига k_1 , k_2 ларни қўйиб,

$$\operatorname{tg} \varphi = \frac{k_2 - k_1}{1 + k_1 \cdot k_2}, \quad (5.21)$$

$$\operatorname{ctg} \varphi = \frac{1 + k_1 k_2}{k_2 - k_1} \quad (5.22)$$

формулаларни ҳосил қиламиз. (5.21) формула тўғри чизиклар перпендикуляр бўлмаган ҳолда ишлатилади. (5.21) ва (5.22) формулалардан $k_1 = k_2$ тўғри чизикларнинг параллеллик, $k_1 \cdot k_2 = -1$ тўғри чизикларнинг перпендикулярлик шартлари келиб чиқади.

1- м и с о л. $5x + y + 4 = 0$ ва $3x - 2y + 2 = 0$ тўғри чизиклар орасидаги бурчакни топинг.

Е ч и ш. (5.20) формула ёрдамида топамиз:

$$\cos \varphi = \frac{5 \cdot 3 + 1 \cdot (-2)}{\sqrt{5^2 + 1^2} \cdot \sqrt{3^2 + (-2)^2}} = \frac{15 - 2}{\sqrt{26} \cdot \sqrt{13}} = \frac{13}{13\sqrt{2}} = \frac{1}{\sqrt{2}},$$

$$\cos \varphi = \frac{1}{\sqrt{2}} = \frac{\sqrt{2}}{2} \Rightarrow \varphi = 45^\circ.$$

2- м и с о л. $2x - 6y + 5 = 0$ ва $2x + 4y - 7 = 0$ тўғри чизиклар орасидаги бурчакни аниқланг.

Е ч и ш. Тўғри чизиклар орасидаги бурчакни φ деб белгилаймиз. Тўғри чизикларнинг берилган тенгламаларини уларнинг бурчак коэффициентли тенгламалари орқали ифодалаб, ҳар бир тўғри чизикнинг бурчак коэффициентини аниқлаймиз:

$$y = \frac{1}{3}x + \frac{5}{6}; \quad k_1 = \frac{1}{3},$$

$$y = -\frac{1}{2}x + \frac{7}{4}; \quad k_2 = -\frac{1}{2}.$$

(5.21) формула ёрдамида топамиз:

$$\operatorname{tg} \varphi = \frac{\frac{1}{2} - \frac{1}{3}}{1 + \frac{1}{3} \cdot (-\frac{1}{2})} = \frac{-\frac{5}{6}}{\frac{5}{6}} = -1. \quad \operatorname{tg} \varphi = -1 \Rightarrow \varphi = \frac{3\pi}{4}.$$

5-§. Нуқтадан тўғри чизиккача бўлган масофа

Декарт координаталар системасида l тўғри чизик $Ax + By + C = 0$ тенгламаси билан ва бу чизикда ётмаган $M_0(x_0; y_0)$ нуқта берилган бўлсин. M_0 нуқтадан l тўғри чизикка перпендикуляр ўтказамиз ва уларнинг кесишган нуктасини $M_1(x_1; y_1)$ билан белгилаймиз (51-чизма).

$\overline{M_1 M_0}$ векторнинг узунлиги M_0

нуқтадан l тўғри чизиккача бўлган масофа дейилади ва уни $d = \rho(M_0; l)$ кўринишда белгиланади. $\vec{n} = \{A; B\}$ вектор l тўғри чизикнинг нормал вектори бўлсин. У ҳолда $\vec{n}$ ва $\overline{M_1 M_0}$

векторлар коллинеар, чунки

$\vec{n}$ вектор l тўғри чизикнинг нормали. $\overline{M_1 M_0}$ ва $\vec{n}$ векторларнинг скаляр кўпайтмасини топамиз:

$$\overline{M_1 M_0} \cdot \vec{n} = |\overline{M_1 M_0}| \cdot |\vec{n}| \cos \varphi = \pm \rho(M_0; l). \quad (5.23)$$


Агар $\overline{M_1 M_0}$ ва $\vec{n}$ векторлар бир хил йўналишда бўлса, $\varphi = 0^\circ$ бўлиб, $\cos \varphi = 1$ бўлади, агар $\overline{M_1 M_0}$ ва $\vec{n}$ векторлар қарама-қарши йўналишда бўлса, $\varphi = 180^\circ$ бўлиб, $\cos \varphi = -1$ бўлади. Буларни ҳисобга олсак, (5.23) формула куйидаги кўринишга эга бўлади:

$$d = \rho(M_0; l) = \frac{|\overline{M_1 M_0} \cdot \vec{n}|}{|\vec{n}|}. \quad (5.24)$$

$$\overline{M_1 M_0} = \{x_0 - x_1; y_0 - y_1\}$$

ни эътиборга олсак:

$$\begin{aligned} \overline{M_1 M_0} \cdot \vec{n} &= A(x_0 - x_1) + B(y_0 - y_1) = \\ &= Ax_0 + By_0 - (Ax_1 + By_1). \end{aligned} \quad (5.25)$$



51-чизма

$M_1(x_1; y_1)$ нукта l тўғри чизикка тегишли бўлгани учун $Ax_1 + By_1 + C = 0$ бўлади. Бундан $Ax_1 + By_1 = -C$ ни топамиз ва (5.25) га қўйсак:

$$\overline{M_1 M_0} \cdot \vec{n} = Ax_0 + By_0 + C.$$

Агар $|\vec{n}| = \sqrt{A^2 + B^2}$ эканини ҳисобга олсак, (5.24) формула куйидаги кўринишни олади:

$$d = \rho(m_0; l) = \frac{|Ax_0 + By_0 + C|}{\sqrt{A^2 + B^2}}. \quad (5.26)$$

(5.26) формула берилган M_0 нуктадан l тўғри чизик-кача бўлган масофани ҳисоблаш формуласидир.

Мисол. $M_0(4; 7)$ нуктадан $8x + 6y - 4 = 0$ тўғри чизиккача бўлган масофани топинг.

Ечиш. (5.26) формулага кўра топамиз:

$$x_0 = 4, y_0 = 7, A = 8, B = 6, C = -4,$$

$$d = \rho(M_0; l) = \frac{|8 \cdot 4 + 7 \cdot 6 - 4|}{\sqrt{8^2 + 6^2}} = \frac{70}{10} = 7.$$

6-§. Тўғри чизиклар дастаси

Тўғри чизиклар дастаси икки хил бўлади: кесишувчи тўғри чизиклар дастаси ва параллел тўғри чизиклар дастаси. Агар

$$l_1: A_1x + B_1y + C_1 = 0, \quad (5.27)$$

$$l_2: A_2x + B_2y + C_2 = 0 \quad (5.28)$$

тенгламалар билан ифодаланувчи тўғри чизиклар бирор нуктада кесишса, у ҳолда бу кесишиш нуктаси орқали ўтувчи тўғри чизиклар кесишувчи тўғри чизиклар дастасини ташкил қилади. Кесишиш нуктаси даста маркази дейилади. Кесишувчи тўғри чизиклар дастасининг маркази орқали ўтувчи тўғри чизик куйидаги тенглама билан аниқланади:

$$\alpha(A_1x + B_1y + C_1) + \beta(A_2x + B_2y + C_2) = 0, \quad (5.29)$$

Бу ерда α ва β лар бир вақтда нолга тенг бўлмаган ҳар хил қийматларни қабул қилади. Агар $\alpha \neq 0$ булса, (5.29) ни куйидаги кўринишда ҳам ёзилади:

$$A_1x + B_1y + C_1 + \lambda(A_2x + B_2y + C_2) = 0.$$

Агар кесишувчи тўғри чизиклар дастаси марказининг координаталари $(x_1; y_1)$ берилган бўлса, у ҳолда даста тенгламаси

$$A_1x_1 + B_1y_1 + C_1 + \lambda(A_2x_1 + B_2y_1 + C_2) = 0$$

кўринишда ёзилади.

Агар (5.27) ва (5.28) тўғри чизикларнинг йўналтирувчи векторлари параллел ёки устма-уст тушса, у ҳолда шу йўналишдаги тўғри чизиклар параллел тўғри чизиклар дастасини ифодалайди.

Мисол. $x + y - 2 = 0$ ва $3x - 2y - 5 = 0$ тўғри чизиклар берилган бўлсин. Шу тўғри чизиклар дастасига тегишли ва $M(2; 1)$ нукта орқали ўтувчи тўғри чизик тенгламасини тузинг.

Ечиш. Берилган тўғри чизиклардан ўтувчи тўғри чизиклар дастаси тенгламасини тузамиз:

$$x + y - 2 + \lambda(3x - 2y - 5) = 0. \quad (A)$$

Бу тенгламага M нукта координаталарини қўямиз:

$$\begin{aligned} 2 + 1 - 2 + \lambda(3 \cdot 2 - 2 \cdot 1 - 5) &= 0, \\ 1 - \lambda &= 0 \Rightarrow \lambda = 1. \end{aligned}$$

Бу қийматни (A) тенгламага қўйиб, изланаётган тўғри чизик тенгламасини ҳосил қиламиз:

$$x + y - 2 + 3x - 2y - 5 = 0 \Rightarrow 4x - y - 7 = 0.$$

7-§. Тўғри чизикнинг нормал тенгламаси

Декарт координаталар системасида тўғри чизик $Ax + By + C = 0$ тенглама билан берилган бўлсин. Агар бу тўғри чизикнинг нормал вектори $\vec{n} = \{A; B\}$ бирлик вектор бўлса, яъни $A^2 + B^2 = 1$ бўлса, у ҳолда тўғри чизик тенгламаси нормаланган тенглама дейилади.

$Ax + By + C = 0$ тўғри чизик тенгламаси нормаланган бўлмаса, у ҳолда унинг чап қисмини N сонига кўпайтириш керак:

$$AN + BN + CN = 0,$$

бунда N ни шундай танлаб олиш керакки, натижада $\{AN, BN\}$ вектор бирлик вектор бўлсин:

$$(AN)^2 + (BN)^2 = 1 \Rightarrow N = \pm \frac{1}{\sqrt{A^2 + B^2}}.$$

Шундай қилиб, ҳар бир тўғри чизик учун иккита нормаланган тенгламага эга бўламиз:


$$\pm \frac{Ax + By + C}{\sqrt{A^2 + B^2}} = 0.$$

N сони нормалловчи кўпайтувчи дейилади, унинг ишораси тенгламадаги озод ҳад C нинг ишорасига тескари бўлади. $\sqrt{A^2 + B^2}$ илдиз $\vec{n}$ нормал векторнинг модули бўлгани учун:

$$N = \pm \frac{1}{|\vec{n}|}.$$

Тўғри чизикнинг нормаланган тенграмаси $Ax + By + C = 0$ ($A^2 + B^2 = 1$) содда геометрик маънога эга, яъни

$$A = \vec{n} \cdot \vec{i} = \cos \alpha, \quad B = \vec{n} \cdot \vec{j} = \cos \beta, \quad |c| = p$$



52- чизма

эканлиги 52- чизмадан кўри-
ниб турибди, бунда α ва β
бурчаклар $\vec{i}$ ва $\vec{j}$ бирлик век-
торлар билан $\vec{n}$ нормал век-
тор орасидаги бурчак косинус-
ларидир. p — координаталар
бошидан тўғри чизикка ту-
ширилган перпендикуляр
(нормал) узунлиги. Агар де-
карт координаталар система-

сига нисбатан тўғри чизик $Ax + By + C = 0$ нормаланган тенглама билан берилган ва $C < 0$ бўлса, у ҳолда A ва B лар Ox ўқининг мусбат йўналишида Op вектори томон α бурчакнинг косинус ва синусларидан иборат бўлади:

$$\vec{n} = \{A; B\} = \{\cos \alpha; \sin \alpha\}.$$

Шундай қилиб, координаталар бошидан ўтмайдиган тўғри чизикнинг нормал тенграмасини

$$x \cos \alpha + y \sin \alpha - p = 0$$

кўринишда ёзиш мумкин.

$M_0(x_0; y_0)$ нуктадан нормаланган тўғри чизиккача бўлган d масофа қуйидагича аниқланади:

$$d = |Ax_0 + By_0 + C|, (A^2 + B^2 = 1)$$

ёки

$$d = |x_0 \cos \alpha + y_0 \sin \alpha - p|.$$

1-мисол. $4x - 3y - 10 = 0$ тўғри чизикнинг умумий тенгламасини нормалланган тенглама кўринишга келтиринг.

Ечиш. $A=4$, $B=-3$, $C=-10$ бўлгани учун, N нормалловчи кўпайтувчи

$$N = \frac{1}{\sqrt{A^2 + B^2}} = \frac{1}{\sqrt{4^2 + (-3)^2}} = \frac{1}{5}$$

га тенг бўлади. Берилган тенгламанинг ҳамма хадларини $\frac{1}{5}$ га кўпайтирсак, берилган тўғри чизик тенгламаси ушбу

$$\frac{4}{5}x - \frac{3}{5}y - 2 = 0$$

нормал кўринишга келади.

2-мисол. $x\sqrt{3} + y - 6 = 0$ тўғри чизик учун α оғиш бурчагини координаталар бошидан шу тўғри чизиккача бўлган p кесмани аниқланг.

Ечиш. Берилган тенгламани нормал кўринишга келтирамиз:

$$A = \sqrt{3}, B = 1, C = -6 < 0,$$

$$N = \frac{1}{\sqrt{(\sqrt{3})^2 + 1^2}} = \frac{1}{\sqrt{4}} = \frac{1}{2}.$$

Берилган тенгламанинг ҳамма хадларини $N = \frac{1}{2}$ га кўпайтирамиз:

$$\frac{\sqrt{3}}{2}x + \frac{1}{2}y - 3 = 0.$$

Бундан $\cos \alpha = \frac{\sqrt{3}}{2}$, $\sin \alpha = \frac{1}{2}$, $p = -3$ ёки $\alpha = 30^\circ$ га эга бўламиз.

МАШҚЛАР

1. $A_1(3; -2)$, $A_2(5; 6)$, $A_3(-3; 4)$, $A_4(2; -2)$, $A_5(2; -1)$, $A_6(4; 3)$ нукталар берилган. Бу нукталардан қайси

бири $x+y=1$ тенглама билан аниқланган чизикда ётишини ва қайси бири ётмаслигини аниқланг.

2. Қуйидаги чизикларнинг чизмасини ясанг:

- | | |
|-----------------|---------------------------|
| 1) $x-y=0$; | 10) $y^2+xy=0$; |
| 2) $x+y=0$; | 11) $x^2-y^2=0$; |
| 3) $x+2=0$; | 12) $xy=0$; |
| 4) $x-3=0$; | 13) $y^2-16=0$; |
| 5) $y+5=0$; | 14) $x^2-x-12=0$; |
| 6) $y-3=0$; | 15) $y^2-3y+2=0$; |
| 7) $x=0$; | 16) $y^2x-7xy+10x=0$; |
| 8) $y=0$; | 17) $y= x $; |
| 9) $y^2-xy=0$; | 18) $x= y $; |
| | 19) $y+ x =0$; |
| | 20) $x+ y =0$; |
| | 21) $x^2+y^2=25$; |
| | 22) $2x^2+3y^2+5=0$; |
| | 23) $2x^2+y^2+1=0$; |
| | 24) $(x-3)^2+(y+1)^2=9$. |

3. Қуйидаги иккита чизикнинг кесишиш нуқтасини топинг:

- 1) $x^2+y^2=16$ ва $x-y=0$;
- 2) $x^2+y^2-8x+4y+16=0$ ва $x+y=0$;
- 3) $x^2+y^2-2x+4y-3=0$ ва $x^2+y^2=25$;
- 4) $x^2+y^2-8x+10y+40=0$ ва $x^2+y^2=4$.

4. Ox ўқидан b масофада ётувчи нуқталарнинг геометрик ўрнини тенгламасини чиқаринг.

5. $A(3; 6)$ нуқтадан Ox ўқи билан кесишувчи мумкин бўлган нурлар ўтказилган. Уларнинг ўрталарининг геометрик ўрни тенгламасини тузинг.

6. $3x-2y-12=0$ тўғри чизикнинг координата ўқлари билан кесишган нуқтасини аниқланг.

7. ABC учбурчак томонларининг тенгламалари берилган: $4x+3y-5=0$, $x-3y+10=0$, $x-2=0$. Учбурчак учларининг координаталарини аниқланг.

8. Параллелограммнинг иккита томонининг тенгламаси $8x+3y+1=0$, $2x+y-1=0$ ва диагоналларида бирининг тенгламаси $3x+2y+3=0$ берилган. Шу параллелограмм учларининг координаталарини аниқланг.

9. Қуйидаги тўғри чизикларнинг бурчак коэффициентини k ни ва Oy ўқини кесувчи b кесмасини аниқланг:

- 1) $5x-y+3=0$;
- 2) $2x+3y-6=0$;

$$3) 5x + 3y + 2 = 0;$$

$$4) 3x + 2y = 0;$$

$$5) y - 3 = 0.$$

10. $2x + 3y + 4 = 0$ тўғри чизик берилган. $M_0(2; 1)$ нуқтадан ўтувчи ва 1) берилган тўғри чизикка параллел; 2) берилган тўғри чизикка перпендикуляр бўлган тўғри чизик тенгламаси тузинг.

11. $6x - 2y + 5 = 0$ ва $4x + 2y - 7 = 0$ тўғри чизиклар орасидаги бурчакни аниқланг.

12. $5x - 2y - 11 = 0$, $x + 2y + 5 = 0$ ва $x - 2y + 1 = 0$ лар учбурчак томонларининг тенгламалари бўлса, шу учбурчак бурчакларини ва юзини топинг.

13. Тўғри чизиклар орасидаги бурчакни аниқланг:

а) $6x - 3y + 5 = 0$ ва $2x - 6y - 3 = 0$;

б) $\frac{x}{4} - \frac{y}{5} = 1$ ва $\frac{x}{2} + \frac{y}{18} = 1$;

в) $\frac{x}{3} - \frac{y}{7} = 1$ ва $\frac{x}{7} + \frac{y}{3} = 1$.

14. Oy ўқдан 2 бирлик кесма ажратувчи ва $x - 2y + 3 = 0$ тўғри чизик билан 45° ли бурчак ҳосил қилувчи тўғри чизик тенгламасини тузинг.

15. $A(2; 3)$ ва $B(5; 4)$ нуқталардан ўтувчи тўғри чизик тенгламасини тузинг ва бу тўғри чизикнинг координата ўқлари билан кесишиш нуқталарини аниқланг.

16. α ва β ларнинг қандай қийматида $(\alpha - 3\beta - 2)x + (2\alpha + 4\beta - 1)y - 3\alpha + \beta - 2 = 0$ тўғри чизик Ox ўқини 3, Oy ўқини 2 масштаб бирлигида кесиб ўтади.

17. Учбурчак учларининг координаталари берилган:

$$A(-4; 0); B(4; 6) \text{ ва } C(-1; -4);$$

а) унинг учала томонининг;

б) C учидан ўтказилган медианасининг;

в) B бурчаги биссектрисасининг;

г) A учидан BC томонига туширилган баландлигининг тенгламасини тузинг.

18. Координаталар бошидан тўғри чизикка туширилган перпендикулярнинг узунлиги $p = 4$. Бу перпендикуляр Ox ўқининг мусбат йўналиши билан $\alpha = 30^\circ$ ли бурчак ҳосил қилади. Тўғри чизикнинг нормал тенгламасини тузинг.

19. $A(3; -4)$ нуқта координаталар бошидан тўғри чизикка туширилган перпендикулярнинг асоси. Тўғри чизикнинг нормал тенгламасини тузинг.

20. $A(3; 5)$ нуктадан $3x + 4y - 3 = 0$ тўғри чизиккача бўлган масофани топинг.

21. $5x - 12y - 12 = 0$ тўғри чизикка параллел бўлиб, ундан 4 масштаб бирлик узоқликда ётувчи тўғри чизик тенгламасини тузинг.

22. $A(5; -1)$ нуктадан ҳамда $2x - 3y + 2 = 0$ ва $y - 4 = 0$ тўғри чизикларнинг кесишиш нуктасидан ўтувчи тўғри чизик тенгламасини тузинг.

23. $4x - 2y + 5 = 0$ ва $3x + 4y + 1 = 0$ тўғри чизикларнинг кесишиш нуктасидан ўтувчи ҳамда $7x - 3y + 5 = 0$ тўғри чизикка параллел бўлган тўғри чизик тенгламасини тузинг.

24. $3x - y = 0$ ва $x + 4y - 2 = 0$ тўғри чизикларнинг кесишиш нуктасидан ўтиб, $2x + 7y = 0$ тўғри чизикка перпендикуляр бўлган тўғри чизик тенгламасини тузинг.

25. $2x + 3y - 12 = 0$ ва $3x + 2y - 12 = 0$ тўғри чизиклар орасидаги бурчаклар биссектрисаларининг тенгламаларини тузинг.

26. Квадратнинг битта учи $A(-1; 1)$ нуктада ётади. Унинг диагоналларида бири $x + 7y - 31 = 0$ тўғри чизик билан устма-уст тушади. Квадратнинг томонларини ва иккинчи диагонали тенгламасини тузинг.

27. Квадратнинг икки қарама-қарши учлари $A(1; 4)$ ва $C(5; 2)$ нукталарда ётади. Қолган иккита учининг координаталарини топинг.

28. Параллелограммнинг икки қўшни томонларининг тенгламалари $x - 2y = 0$; $x - y - 1 = 0$ ва диагоналлари-нинг кесишиш нуктаси $(3; -1)$ бўлса, унинг қолган томонларининг тенгламасини тузинг.

29. $2x - y - 2 = 0$ ва $x + 2y - 11 = 0$ тўғри чизикларнинг кесишиш нуктасидан ҳамда координаталар бошидан 5 бирлик узоқликдан ўтувчи тўғри чизик тенгламасини тузинг.

30. $x - 3y = 0$ тўғри чизикка параллел бўлган ҳамда $3x - 2y - 1 = 0$ ва $4x - 5y + 1 = 0$ тўғри чизиклар кесишиб, юзи $\frac{7}{2}$ кв. бирликка тенг бўлган учбурчак

хосил қиладиган тўғри чизикнинг тенгламасини тузинг.

ФАЗОДА ТЕКИСЛИКЛАР ВА ТЎҒРИ ЧИЗИҚЛАР


1-§. Текисликнинг турли тенгламалари

1. Текисликнинг нормал вектори. Берилган нукта орқали ўтувчи текислик тенгламаси

Фазода Q текислик ва унга перпендикуляр бўлган $\vec{n} = \{A; B; C\}$ вектор берилган бўлсин, $\vec{n} \neq 0$ вектор Q текисликнинг нормали дейилади.

Ҳар қандай текислик фазода ўзининг бирор $M_0(x_0, y_0, z_0)$ нуктаси ва $\vec{n}$ нормалининг берилиши билан тўла аниқланади.

Берилган нукта орқали ўтувчи ва $\vec{n}$ нормал векторга эга бўлган Q текислик тенгламасини келтириб чиқарамиз. Q текислигида ихтиёрий $M(x, y, z)$ нукта олиб, уни M_0 билан бирлаштириб, $\overrightarrow{M_0M}$ векторини ҳосил қиламиз (53-чизма). $Q \perp \vec{n}$ бўлгани учун $\overrightarrow{M_0M} \perp \vec{n}$ бўлади.



53-чизма

Уларнинг скаляр кўпайтмаси нолга тенг бўлади: $\overrightarrow{M_0M} \cdot \vec{n} = 0$.

$$\overrightarrow{M_0M} = \{x - x_0; y - y_0; z - z_0\}$$

бўлгани учун $\overrightarrow{M_0M} \cdot \vec{n} = A(x - x_0) + B(y - y_0) + C(z - z_0)$ бўлади. Демак, Q текислик ихтиёрий $M(x, y, z)$ нуктасининг координаталари

$$A(x - x_0) + B(y - y_0) + C(z - z_0) = 0 \quad (6.1)$$

тенгламани қаноатлантиради.

1-мисол. $M_0(1; -2; 3)$ нукта орқали ўтувчи ва $\vec{n} = \{2; 1; 4\}$ векторга перпендикуляр текислик тенгламасини тузинг.

Ечиш. Масала шартидан: $x_0 = 1; y_0 = -2; z_0 = 3$ ва $A = 2, B = 1, C = 4$. Бу қийматларни (6.1) га қўямиз.

$$2(x-1) + 1(y+2) + 4(z-3) = 0.$$

Изланаётган текислик тенгламаси ушбу кўринишда бўлади:

$$2x + y + 4z - 12 = 0.$$

2. Текисликнинг умумий тенгламаси x, y , ва z ўзгарувчили биринчи даражали

$$Ax + By + Cz + D = 0 \quad (6.2)$$

тенглама берилган бўлсин, бунда A, B, C коэффициентларидан камида биттаси нолдан фаркли деб фараз қиламиз. Аниқлик учун $A \neq 0$ деб, (6.2) тенгламани қуйидаги кўринишда ёзиб оламиз:

$$A\left(x + \frac{D}{A}\right) + B(y-0) + C(z-0) = 0. \quad (6.3)$$

(6.3) тенглама $M_0\left(-\frac{D}{A}; 0; 0\right)$ орқали ўтувчи ва $\vec{n} = \{A; B; C\}$ нормал вектори бўлган текислик тенгламаси бўлгани учун (6.2) ҳам текислик тенгламаси бўлиб, унга текисликнинг умумий тенгламасига кўра унинг координата ўқларига нисбатан жойлашуви тўғрисида фикр юритиш мумкин:

а) агар $D = 0$ бўлса, (6.2) Q текислик координаталар бошидан ўтади;

б) агар $A = 0$ бўлса, (6.2) текислик Ox ўқига параллел, $B = 0$ бўлса, Q текислик Oy ўқига параллел, $C = 0$ бўлса, Q текислик Oz ўқига параллел бўлади.

Худди шунингдек, қуйидаги ҳоллар ҳам бўлиши мумкин:

$$A = 0 \Leftrightarrow Q \parallel (Ox), A = D = 0 \Leftrightarrow Q \supset (Ox);$$

$$B = 0 \Leftrightarrow Q \parallel (Oy), B = D = 0 \Leftrightarrow Q \supset (Oy);$$

$$C = 0 \Leftrightarrow Q \parallel (Oz), C = D = 0 \Leftrightarrow Q \supset (Oz);$$

в) агар $A = B = 0, C \neq 0$ бўлса, Q текислик Oxy текисликка параллел бўлади. Хусусий ҳолда

$D=0$ бўлса, (6.2) тенглама $z=0$ дан иборат бўлиб, бу xOy текислик тенгламасидир. Шунга ўхшаш, $x = \frac{D}{A}$

тенглама Oyz текисликка параллел бўлган Q текисликнинг тенгламасини беради, $x=0$ тенглама эса Oyz текисликини ифодалайди. $y=b$ эса $Q \parallel (Oxz)$ текисликини, $y=0$ эса Oxz текисликини ифодалайди.

3. Текислик ўзининг $M(x_0; y_0; z_0)$ нуқтаси ва шу текисликка параллел бўлган иккита ноколлинеар $\vec{p} = \{\alpha_1; \beta_1; \gamma_1\}$, $\vec{q} = \{\alpha_2; \beta_2; \gamma_2\}$ векторларнинг берилиши билан тўлиқ аниқланади.

Текисликда ихтиёрий $M(x; y; z)$ нуқта олиб $\overline{M_0M}$ векторни ҳосил қиламиз. $\overline{M_0M}$ вектор $\vec{p}$, $\vec{q}$ векторлар билан компланар бўлади. Векторлар компланар бўлса, у ҳолда уларнинг координаталаридан тузилган учинчи тартибли детерминант нолга тенг бўлади:

$$\begin{vmatrix} x-x_0 & y-y_0 & z-z_0 \\ \alpha_1 & \beta_1 & \gamma_1 \\ \alpha_2 & \beta_2 & \gamma_2 \end{vmatrix} = 0. \quad (6.4)$$

(6.4) тенглама берилган нуқтадан ўтиб, берилган ноколлинеар икки векторга параллел бўлган текислик тенгламаси деб аталади.

2-мисол. $M_0(3; 2; 2)$ нуқтадан ўтиб, $\vec{p} = \{2; 4; 3\}$, $\vec{q} = \{1; 1; 2\}$ векторларга параллел бўлган текисликнинг умумий тенгламасини тузинг.

Ечиш. Масала шартига кўра (нуқта координаталари):

$$x_0=3; z_0=2; z_0=2,$$

$$\alpha_1=2; \beta_1=4; \gamma_1=3$$

$$\alpha_2=1; \beta_2=1; \gamma_2=2.$$

Бу қийматларни (6.4) формулага қўйиб, қуйидаги учинчи тартибли детерминантга эга бўламиз:

$$\begin{vmatrix} x-3 & y-2 & z-2 \\ 2 & 4 & 3 \\ 1 & 1 & 2 \end{vmatrix} = 0.$$

Детерминантни ҳисобласак, текисликнинг изланган умумий тенгламасига эга бўламиз:

$$5x - y - 2z - 9 = 0.$$

4. Текисликнинг параметрик тенгламаси. Берилган M_0M , $\vec{p}$, $\vec{q}$ векторлар бир текисликда ётган бўлсин, у ҳолда улар ўзаро чизикли боғликли бўлади, яъни

$$\overline{M_0M} = t\vec{p} + n\vec{q}, (t, n \in R), \quad (6.5)$$

бу ерда t , n сонлар параметрлардир.

$$\overline{M_0M} = \{x - x_0; y - y_0; z - z_0\},$$

$$\vec{p}t = t\{\alpha_1; \beta_1; \gamma_1\} = \{t\alpha_1; t\beta_1; t\gamma_1\},$$

$$n\vec{q} = n\{\alpha_2; \beta_2; \gamma_2\} = \{n\alpha_2; n\beta_2; n\gamma_2\}$$

бўлгани учун

$$(x - x_0)\vec{i} + (y - y_0)\vec{j} + (z - z_0)\vec{k} = (t\alpha_1 + n\alpha_2)\vec{i} + (t\beta_1 + n\beta_2)\vec{j} + (t\gamma_1 + n\gamma_2)\vec{k}.$$

бундан

$$x = x_0 + \alpha_1 t + \alpha_2 n,$$

$$y = y_0 + \beta_1 t + \beta_2 n, \quad (6.6)$$

$$z = z_0 + \gamma_1 t + \gamma_2 n.$$

(6.6) — текисликнинг параметрик тенгламаси деб аталади.

5. Уч нуктадан ўтувчи текислик тенгламаси. Бир текисликда ётган учта нукта текисликнинг вазиятини тўла аниқлайди.

$$M_1(x_1; y_1; z_1), M_2(x_2; y_2; z_2), M_3(x_3; y_3; z_3)$$

нукталар берилган бўлсин. Агар $M_0 = M_1$, $\vec{p} = \overline{M_1M_2}$, $\vec{q} = \overline{M_1M_3}$ деб олсак,

$$\overline{M_1M_2} = \{x_2 - x_1; y_2 - y_1; z_2 - z_1\},$$

$$\overline{M_1M_3} = \{x_3 - x_1; y_3 - y_1; z_3 - z_1\}$$

бўлиб, M_0 нуктадан ўтувчи $\vec{p}$, $\vec{q}$ векторларга параллел бўлган текисликнинг (6.4) тенгламаси қуйидаги кўринишни олади:

$$\begin{vmatrix} x - x_1 & y - y_1 & z - z_1 \\ x_2 - x_1 & y_2 - y_1 & z_2 - z_1 \\ x_3 - x_1 & y_3 - y_1 & z_3 - z_1 \end{vmatrix} = 0. \quad (6.7)$$

Бу уч нуктадан ўтувчи текислик тенгламасидан иборатдир.

3-мисол. $M_1(1; 2; 3)$, $M_2(-1; 3; 4)$, $M_3(2; 0; 1)$ нукталардан ўтувчи текислик тенгламасини тузинг.

Ечиш. (6.7) формулага кўра:

$$\begin{vmatrix} x-1 & y-2 & z-3 \\ -1-1 & 3-2 & 4-3 \\ 2-1 & 0-2 & 1-3 \end{vmatrix} = 0 \Rightarrow \begin{vmatrix} x-1 & y-2 & z-3 \\ -2 & 1 & 1 \\ 1 & -2 & -2 \end{vmatrix} = 0.$$

Бундан изланаётган текислик тенгламасига эга бўламиз:

$$y - z + 1 = 0.$$

6. Текисликнинг координата ўқларидан ажратган кесмалари бўйича тенгламаси.

Q текислик координаталар бошидан ўтмасин ва Ox , Oy , Oz ўқларни мос равишда $M_1(a; 0; 0)$, $M_2(0; b; 0)$, $M_3(0; 0; c)$ нукталарда кесган бўлсин. Бу ҳолда (6.7) тенглама қуйидаги кўринишни олади:

$$\begin{vmatrix} x-a & y & z \\ -a & b & 0 \\ -a & 0 & c \end{vmatrix} = 0.$$

Бу детерминантни ҳисоблаймиз:

$$bcx + acy + abz = abc.$$

Тенгликнинг барча ҳадларини abc га бўламиз:

$$\frac{x}{a} + \frac{y}{b} + \frac{z}{c} = 1. \quad (6.8)$$

(6.8) — текисликнинг координата ўқларидан ажратган кесмалари бўйича тенгламаси дейилади.

4-мисол. $3x + 2y - 5z - 30 = 0$ текисликнинг координата ўқлари билан кесишиш нукталарининг координаталарини топинг.

Ечиш. Берилган текислик тенгламасини (6.8) кўринишга келтирамиз, бунинг учун унинг ҳадларини 30 га бўламиз:

$$\frac{3x}{30} + \frac{2y}{30} - \frac{5z}{30} - 1 = 0$$

$$\frac{x}{10} + \frac{y}{15} - \frac{z}{6} = 1.$$

Демак, текислик Ox ўқини $(10; 0; 0)$, Oy ўқини $(0; 15; 0)$, Oz ўқини $(0; 0; -6)$ нуқталарда кесади.


5-мисол. Тенгламаси $6x + 2y - 3z - 6 = 0$ бўлган текислиكنи ясанг.

Ечиш. Бунинг учун аввало текислиكنинг координата ўқлари билан кесишган нуқталарини топамиз. Агар текислик тенгламасига $y=0$ ва $z=0$ қийматларни қўйсак, унинг Ox ўқ билан кесишган нуқтаси топилади, яъни

$$6x + 2 \cdot 0 + 3 \cdot 0 - 6 = 0 \Rightarrow x = 1.$$

Шунга ўхшаш, $x=0$, $y=0$ деб $z=2$, $x=0$, $z=0$ деб $y=3$ ни топамиз. Шундай қилиб берилган текислик $M_1(1; 0; 0)$, $M_2(0; 3; 0)$, $M_3(0; 0; 2)$ нуқталар орқали ўтар экан.

Шу нуқталарни координата ўқларидан топиб, бу нуқталардан ўтадиган текислиكنи ясаймиз (54-чизма).



54-чизма

Энди текислиكنинг масалалар ечишда зарур бўладиган айрим тенгламаларини келтириб ўтамиз.

1. $\vec{r} \cdot \vec{n} + D = 0$ кўринишдаги тенглама текислиكنинг вектор шаклдаги тенгламаси дейилади. Бунда $\vec{r}$ вектор текисликдаги ихтиёрий $M(x; y; z)$ нуқтанинг радиус-вектори, $\vec{n} = \{A; B; C\}$ берилган $Ax + By + Cz + D = 0$ текисликка перпендикуляр бўлган вектор.

2. $x \cos \alpha + y \cos \beta + z \cos \gamma - p = 0$ кўринишдаги тенглама текислиكنинг нормал тенгламаси деб аталади. Бунда p — координаталар бошидан текисликка туширилган перпендикулярнинг узунлиги, $\cos \alpha$, $\cos \beta$, $\cos \gamma$ бу перпендикулярнинг Ox , Oy , Oz координата ўқлари билан ҳосил қилган бурчакларининг косинуслари.

3. $\vec{n}^0 \cdot \vec{r} - p = 0$ кўринишдаги тенглама текислиكنинг вектор шаклдаги нормал тенгламаси дейилади. Бунда

$\vec{n}_0 = \{\cos\alpha; \cos\beta; \cos\gamma\}$ берилган текисликка перпендикуляр бирлик вектор.

4. (6.2) умумий тенгламани нормал шаклга келтириш учун унинг ҳамма ҳадларини нормалловчи кўпайтувчи

$$N = \pm \frac{1}{\sqrt{A^2 + B^2 + C^2}}$$

га кўпайтириш керак. Бу ҳолда

$$\cos\alpha = \pm \frac{A}{\sqrt{A^2 + B^2 + C^2}}; \cos\beta = \pm \frac{B}{\sqrt{A^2 + B^2 + C^2}};$$

$$\cos\gamma = \pm \frac{C}{\sqrt{A^2 + B^2 + C^2}}; \rho = \pm \frac{D}{\sqrt{A^2 + B^2 + C^2}}$$

бўлади. Агар $D < 0$ бўлса, унг томонда мусбат, $D > 0$ бўлса, манфий ишора олинади.

5. $n(\vec{r} - \vec{r}_1) = 0$ кўринишдаги тенглама берилган $M_1(x_1; y_1; z_1)$ нукта орқали ўтувчи текисликнинг вектор шаклдаги тенгламаси. Бунда $\vec{r}$ текисликнинг $M(x; y; z)$ нуктасининг радиус-вектори, $\vec{r}_1$ берилган $M_1(x_1; y_1; z_1)$ нуктасининг радиус-вектори.

6. $[(\vec{r} - \vec{r}_1)(\vec{r}_2 - \vec{r}_1)] \cdot (\vec{r}_3 - \vec{r}_1) = 0$ кўринишдаги тенглама берилган M_1, M_2, M_3 нукталардан ўтувчи текисликнинг вектор кўринишдаги тенгламаси. Бунда $\vec{r}_1, \vec{r}_2, \vec{r}_3$ векторлар мос равишда M_1, M_2, M_3 нукталарнинг радиус-векторлари.

7. Берилган $M_1(x_1; y_1; z_1)$ нукта орқали ўтиб, берилган $Ax + By + Cz + D = 0$ текисликка параллел бўлган текислик тенгламаси:

$$A(x - x_1) + B(y - y_1) + C(z - z_1) = 0.$$

2-§. Икки текислик орасидаги бурчак.


Икки текисликнинг параллеллик ва перпендикулярлик шартлари

Фазода декарт координаталар системасида ўзаро кесишувчи Q_1 ва Q_2 текисликлар қуйидаги тенгламалари билан берилган бўлсин:

$$Q_1: A_1x + B_1y + C_1z + D_1 = 0, \quad (6.9)$$

$$Q_2: A_2x + B_2y + C_2z + D_2 = 0. \quad (6.10)$$

Икки текислик орасидаги бурчак деганда бу текисликлар ташкил қилган қўшни икки ёқли бурчаклардан бирини тушунамиз (55-чизма). Q_1 ва Q_2 текисликлар EF чизик бўйича кесишади. EF устида ихтиёрий A нуктани олиб, ундан ўтувчи ва Q_2



55- чизма

текисликда ўтувчи $AB \perp EF$, Q_1 текисликда ўтувчи $AC \perp EF$ чизикларни ўтказамиз. Шу AB ва AC чизиклар орасидаги бурчак Q_1 ва Q_2 текисликлар орасидаги текис бурчак φ бўлади. Агар $\vec{n}_1$, $\vec{n}_2$ векторлар мос равишда Q_1 , Q_2 текисликларнинг нормал векторлари бўлса, у ҳолда бу икки текислик орасидаги бурчак $\vec{n}_1 = \{A_1; B_1; C_1\}$ ва $\vec{n}_2 = \{A_2; B_2; C_2\}$ нормал векторлар орасидаги бурчакка тенг бўлади.

Бизга маълумки, икки вектор орасидаги бурчак қуйидаги формула бўйича топилади:

$$\cos \varphi = \cos(\vec{n}_1, \vec{n}_2) = \frac{\vec{n}_1 \cdot \vec{n}_2}{|\vec{n}_1| |\vec{n}_2|}$$

ёки

$$\cos \varphi = \frac{A_1 A_2 + B_1 B_2 + C_1 C_2}{\sqrt{A_1^2 + B_1^2 + C_1^2} \cdot \sqrt{A_2^2 + B_2^2 + C_2^2}} \quad (6.11)$$

(6.11) формулада $\cos \varphi = 0$ бўлса, у ҳолда иккита текислик ўзаро перпендикуляр бўлади ва бундан

$$A_1A_2 + B_1B_2 + C_1C_2 = 0 \quad (6.12)$$

га эга бўламиз. (6.12) формула иккита текисликнинг перпендикулярлик шarti бўлади.

Энди Q_1 ва Q_2 текисликлар параллел бўлсин, у холда уларнинг n_1 ва n_2 нормал векторлари ҳам параллел бўлади.

Бизга маълумки, параллел векторлар учун $\vec{n}_1 = \lambda \vec{n}_2$ муносабат ўринлидир. Бундан

$$A_1 = \lambda A_2, B_1 = \lambda B_2, C_1 = \lambda C_2,$$

булардан

$$\lambda = \frac{A_1}{A_2}; \lambda = \frac{B_1}{B_2}; \lambda = \frac{C_1}{C_2}$$

ёки

$$\frac{A_1}{A_2} = \frac{B_1}{B_2} = \frac{C_1}{C_2} \quad (6.13)$$

тенгликларга эга бўламиз. (6.13) — икки текисликнинг параллелик шartидир.

Мисол. $3x - 5y + 6z - 9 = 0$ ва $5x + 6y + 3z + 10 = 0$ текисликлар орасидаги бурчакни топинг.

Ечиш. Биринчи текислик тенгламасидан

$$A_1 = 3; B_1 = -5; C_1 = 6,$$

иккинчи текислик тенгламасидан

$$A_2 = 5, B_2 = 6; C_2 = 3$$

ларни аниклаб, бу кийматларни (6.11) формулага қўямиз:

$$\cos \varphi = \frac{3 \cdot 5 - 6 \cdot (-5) + 6 \cdot 3}{\sqrt{3^2 + 5^2 + 6^2} \cdot \sqrt{5^2 + 6^2 + 3^2}} = \frac{3}{70}.$$

Бундан $\cos \varphi = \frac{3}{70} \Rightarrow \varphi = \arccos \frac{3}{70}$. Демак, икки текислик орасидаги бурчак $\varphi = \arccos \frac{3}{70}$ га тенг.

3-§. Учта текисликнинг кесишиш нуқтаси.
Нуқтадан текисликкача бўлган масофа

Учта Q_1 , Q_2 , Q_3 текислик тенгламалари билан берилган бўлсин. Бу текисликларнинг кесишиш нуқтасини топиш учун уларнинг тенгламаларидан тузилган қуйидаги уч номаълумли учта чизикли тенглама системасини ечиш керак:

$$\begin{cases} A_1x + B_1y + C_1z + D_1 = 0, \\ A_2x + B_2y + C_2z + D_2 = 0, \\ A_3x + B_3y + C_3z + D_3 = 0. \end{cases} \quad (6.14)$$

Агар (6.14) системанинг детерминанти

$$\begin{vmatrix} A_1 & B_1 & C_1 \\ A_2 & B_2 & C_2 \\ A_3 & B_3 & C_3 \end{vmatrix} \neq 0$$

бўлса, у ҳолда система ягона ечимга эга, яъни учта текислик битта нуқтада кесишади.

1-мисол. Қуйидаги текисликларнинг кесишиш нуқтасини топинг:

$$2x - 3y + z + 2 = 0, \quad 3x + 4y + 2z - 5 = 0, \quad x + y + 3z + 1 = 0.$$


Ечиш. Бу тенгламалардан қуйидаги системани тузиб, уни ечамиз:

$$\begin{cases} 2x - 3y + z + 2 = 0, \\ 3x + 4y + 2z - 5 = 0, \\ x + y + 3z + 1 = 0. \end{cases}$$

Система ечими $x=1$, $y=1$, $z=-1$.

Демак, текисликлар $M(1; 1; -1)$ нуқтада кесишар экан.

Энди фазода декарт координаталар системасида берилган $M_0(x_0; y_0; z_0)$ нуқта билан $Q: Ax + By + Cz + D = 0$ текислик орасидаги масофани топиш формуласини чиқарамиз. Бунинг



56- чизма

учун M_0 нуктадан текисликка туширилган перпендикулярнинг асосини $M(x_1; y_1; z_1)$ билан белгилаймиз (56- чизма).

$$d = \rho(M, M_0) = \rho(M_0, Q)$$

биз излаётган масофа бўлади. Текислик тенгламасидан бизга маълумки, унинг нормал вектори $\vec{n} = \{A; B; C\}$ га тенг. $\vec{n}$ ва $\overrightarrow{MM_0}$ векторлар ўзаро коллинеар векторлардир. Бу векторларнинг скаляр кўпайтмасини топамиз:

$$\overrightarrow{MM_0} \cdot \vec{n} = |\overrightarrow{MM_0}| |\vec{n}| \cos(\overrightarrow{MM_0}, \vec{n}) = \rho(M_0, Q) \cdot |\vec{n}|,$$

$$d = \rho(M_0, Q) = \frac{|\overrightarrow{MM_0} \cdot \vec{n}|}{|\vec{n}|}. \quad (6.15)$$

(6.15) формулани координаталарда ифодалаймиз:

$$\begin{aligned} \overrightarrow{MM_0} \cdot \vec{n} &= A(x_0 - x_1) + B(y_0 - y_1) + C(z_0 - z_1) = \\ &= Ax_0 + By_0 + Cz_0 - (Ax_1 + By_1 + Cz_1). \end{aligned}$$

M нукта берилган текисликда ётгани учун $Ax_1 + By_1 + Cz_1 + D = 0$ бўлади ва бундан $Ax_1 + By_1 + Cz_1 = -D$. У ҳолда, скаляр кўпайтманинг қиймати

$$\overrightarrow{MM_0} \cdot \vec{n} = Ax_0 + By_0 + Cz_0 + D$$

ва

$$|\vec{n}| = \sqrt{A^2 + B^2 + C^2}$$

эканини эътиборга олсак, (6.15) формула

$$d = \rho(M_0, Q) = \frac{|Ax_0 + By_0 + Cz_0 + D|}{\sqrt{A^2 + B^2 + C^2}} \quad (6.16)$$

кўринишга келади. (6.16) формула берилган нуктадан текисликкача бўлган масофани ҳисоблаш формуласидир.

2- мисол. $M_0(2; 1; 0)$ нуктадан $2x - y + 2z + 3 = 0$ текисликкача бўлган масофани топинг.

Е чи ш. Берилишига кўра:

$$x_0 = 2; y_0 = 1; z_0 = 0;$$

$$A = 2; B = -1; C = 2; D = 3.$$

Буларни (6.16) формулага қўямиз, у ҳолда

$$d = \rho(M_0, Q) = \frac{|2 \cdot 2 - 1 \cdot 1 + 2 \cdot 0 + 3|}{\sqrt{2^2 + (-1)^2 + 2^2}} = \frac{6}{3} = 2.$$

Демак, M_0 нуктадан Q текисликкача бўлган масофа $d=2$ бирликка тенг экан.

4-§. Фазода тўғри чизик тенгламасининг берилиш усуллари


1. Тўғри чизикнинг умумий тенгламаси
Тўғри чизик иккита Q_1 ва Q_2 текисликларнинг кесишиш чизиги сифатида берилиши мумкин. Бу текисликларнинг тенгламалари берилган бўлсин:

$$\begin{cases} Q_1: A_1x + B_1y + C_1z + D_1 = 0, \\ Q_2: A_2x + B_2y + C_2z + D_2 = 0. \end{cases} \quad (6.17)$$

Агар бу текисликлар параллел бўлмаса (яъни уларнинг нормал векторлари коллинеар бўлмаса), у ҳолда (6.17) система тўғри чизикни (иккита текисликнинг кесишиш чизиги) аниқлайди. (6.17) тенглама тўғри чизикнинг умумий тенгламаси дейилади.

2. Тўғри чизикнинг вектор ва параметрик тенгламалари

Тўғри чизик ўзининг $M_0(x_0; y_0; z_0)$ нуктаси (тўғри чизикда ётувчи), йўналтирувчи $\vec{s} = \{m; n; p\}$ векторининг берилиши билан аникланади (57-чизма). l тўғри



чизикнинг ихтиёрий $M(x; y; z)$ нуктасини олиб, M_0M векторни ҳосил қиламиз. Бу M_0M ва $\vec{s}$ векторлар коллинеар бўлгани учун:

$$\overrightarrow{M_0M} = t\vec{s} \quad (t \in \mathbb{R}). \quad (6.18)$$

Агар $\overline{OM}_0 = \vec{r}_0$, $\overline{OM} = \vec{r}$ деб олсак ва чизмадан $\overline{M_0M} = \overline{OM} - \overline{OM}_0$ эканлигини ҳисобга олсак, (6.18) ни куйидагича ёзиш мумкин:

$$\vec{r} = \vec{r}_0 + t\vec{s}. \quad (6.19)$$

(6.19) тенглама тўғри чизиқнинг вектор тенгламаси дейилади. M ва M_0 нукталар радиус-векторларининг

$$\overline{OM} = x\vec{i} + y\vec{j} + z\vec{k},$$

$$\overline{OM}_0 = x_0\vec{i} + y_0\vec{j} + z_0\vec{k},$$

$$t\vec{s} = t m\vec{i} + t n\vec{j} + t p\vec{k}$$

қийматларини (6.19) формулага қўямиз ва икки векторнинг тенглик хоссасига кўра

$$\begin{cases} x = x_0 + mt, \\ y = y_0 + nt, \\ z = z_0 + pt \end{cases} \quad (6.20)$$

тенгликларни ҳосил қиламиз. (6.20) кўринишдаги тенгламалар системасига тўғри чизиқнинг параметрик тенгламалари дейилади, t ўзгарувчи параметр дейилади.

3. Тўғри чизиқнинг каноник тенгламаси

(6.20) тенгламалар системасидан t параметрни топамиз:

$$t = \frac{x - x_0}{m}, \quad t = \frac{y - y_0}{n}, \quad t = \frac{z - z_0}{p}.$$

Бундан

$$\frac{x - x_0}{m} = \frac{y - y_0}{n} = \frac{z - z_0}{p}. \quad (6.21)$$

(6.21) тенглама тўғри чизиқнинг каноник тенгламаси дейилади.

Хусусий ҳолда, $\vec{s}$ йўналтирувчи вектор бирлик вектор бўлганда, яъни

$$\vec{s} = \vec{i}\cos\alpha + \vec{j}\cos\beta + \vec{k}\cos\gamma$$

бўлса, у ҳолда (6.21) тенглама

$$\frac{x - x_0}{\cos\alpha} = \frac{y - y_0}{\cos\beta} = \frac{z - z_0}{\cos\gamma}$$

кўринишга эга бўлади.

Тўғри чизик координаталар ўқидан бирига, масалан, Ox ўққа перпендикуляр бўлсин. У ҳолда $m=0$ бўлиб, (6.20) параметрик тенгламалар қуйидаги кўринишни олади:

$$\begin{aligned}x &= x_0, \\ y &= y_0 + nt, \\ z &= z_0 + pt.\end{aligned}$$

Бундан t параметрни йўқотиб, тўғри чизикнинг қуйидаги кўринишдаги тенгламасига эга бўламиз:

$$\begin{cases} x - x_0 = 0 \\ \frac{y - y_0}{n} = \frac{z - z_0}{p} \end{cases}$$

Бу ҳолда тўғри чизик тенгламасини формал равишда қуйидагича каноник кўринишда ёзишга келишиб оламиз:

$$\frac{x - x_0}{0} = \frac{y - y_0}{n} = \frac{z - z_0}{p}.$$

Шунга ўхшаш, тўғри чизикнинг

$$\frac{x - x_0}{0} = \frac{y - y_0}{0} = \frac{z - z_0}{p}$$

каноник тенгламасига $x = x_0$, $y = y_0$ тенгламалар билан берилган тўғри чизик мос келади. Бу тўғри чизик Oz ўққа параллел, хусусан, $\frac{x}{0} = \frac{y}{0} = \frac{z}{1}$ тенглама Oz ўқнинг каноник тенгламасидир.

4. Икки нуқтадан ўтувчи тўғри чизик тенгламаси.

Декарт координаталар системасида $M_0(x_0; y_0; z_0)$ ва $M_1(x_1; y_1; z_1)$ нуқталар берилган бўлсин. Бу нуқталардан ўтувчи тўғри чизик тенгламасини топиш учун $\overline{M_0M_1}$ векторини чизиб оламиз. Бу вектор $\overline{M_0M_1} = \{x_1 - x_0; y_1 - y_0; z_1 - z_0\}$ га тенгдир. Агар тўғри чизикнинг йўналтирувчи векторини $\vec{s} = \overline{M_0M_1}$ деб олсак, у ҳолда (6.21) формула қуйидаги кўринишни олади:

$$\frac{x - x_0}{x_1 - x_0} = \frac{y - y_0}{y_1 - y_0} = \frac{z - z_0}{z_1 - z_0}. \quad (6.22)$$

(6.22) формула M_0 ва M_1 нукталардан ўтувчи тўғри чизик тенгламаси дейилади. Бу формулани

$$\begin{cases} x = x_0 + (x_1 - x_0)t, \\ y = y_0 + (y_1 - y_0)t, \\ z = z_0 + (z_1 - z_0)t \end{cases} \quad (6.23)$$

кўринишда ҳам ёзиш мумкин. (6.23) — икки нукта орқали ўтувчи тўғри чизикнинг параметрик кўринишдаги тенгламасидир.

1-мисол. $M_0(3; 4; 1)$ нуктадан ўтган ва йўналтирувчи вектори $\vec{s} = \{1; 2; 3\}$ бўлган тўғри чизик тенгламасини тузинг.

Ечиш. Мисол шартига кўра:

$$x_0 = 3, y_0 = 4, z_0 = 1, m = 1, n = 2, p = 3.$$

Бу қийматларни (6.21) формулага қўйсак, изланаётган тўғри чизик тенгламаси ҳосил бўлади:

$$\frac{x-3}{1} = \frac{y-4}{2} = \frac{z-1}{3}.$$

2-мисол. $M_1(-3; 1; 2)$ ва $M_2(8; -2; 5)$ нукталардан ўтувчи тўғри чизик тенгламасини тузинг.

Ечиш. Берилган икки нукта орқали ўтувчи тўғри чизик тенгламаси (6.20) га M_1 ва M_2 нукталарнинг координаталарини қўйсак,

$$\frac{x+3}{8+3} = \frac{y-1}{-2-1} = \frac{z-2}{5-2}$$

ёки

$$\frac{x+3}{11} = \frac{z-1}{-3} = \frac{z-2}{3}$$

тўғри чизик тенгламасига эга бўламиз.

$$\begin{cases} 2x - 3y - 3z - 9 = 0, \\ x - 2y + z + 3 = 0 \end{cases}$$

система билан берилган тўғри чизик тенгламасини каноник шаклга келтиринг.

Ечиш. Берилган кўринишдаги тўғри чизик тенгламасини каноник кўринишга келтириш учун бу тўғри чизикка тегишли бирор нуктани ва $\vec{S}$ йўналтирувчи векторни аниқлаш керак. Берилган тўғри чизикка

тегишли M_0 нуктанинг координаталарини топиш учун координаталаридан ихтиёрий бирини нолга тенглаймиз.

Масалан, $z=0$ бўлсин. У ҳолда берилган тенглама

$$\begin{cases} 2x-3y=9, \\ x-2y=-3 \end{cases}$$

кўринишда бўлади. Бундан $x=27$ ва $y=15$ ларни топамиз. Демак, тўғри чизиқнинг нукталаридан бири $M_0(27; 15; 0)$ экан. Тўғри чизиқнинг йўналтирувчи $\vec{s}$ векторини

$$\vec{n}_1=\{2; -3; -3\} \text{ ва } \vec{n}_2=\{1; -2; 1\}$$

нормал векторларнинг вектор кўпайтмасидан

$$\vec{s}=[\vec{n}_1, \vec{n}_2]$$

ёки

$$m:n:p = \begin{vmatrix} B & C \\ B_1 & C_1 \end{vmatrix} : \begin{vmatrix} C & A \\ C_1 & A_1 \end{vmatrix} : \begin{vmatrix} A & B \\ A_1 & B_1 \end{vmatrix}$$

пропорциядан аниқлаш мумкин.

Бундан

$$m:n:p = \begin{vmatrix} -3 & -3 \\ -2 & 1 \end{vmatrix} : \begin{vmatrix} -3 & 2 \\ 1 & 1 \end{vmatrix} : \begin{vmatrix} 2 & -3 \\ 1 & -2 \end{vmatrix} = (-9):(-5):(-1).$$

Демак, тўғри чизиқнинг йўналтирувчи вектори $\vec{s}=\{9; 5; 1\}$ ва (6.21) формулага кўра унинг тенгламаси

$$\frac{x-27}{9} = \frac{y-15}{5} = \frac{z}{1}$$

кўринишда бўлади.

4-мисол. Координата ўқлари билан $\alpha=60^\circ$; $\beta=45^\circ$; $\gamma=120^\circ$ бурчаклар ташкил этувчи ва $M_0(-1; 0; 5)$ нуктадан ўтувчи тўғри чизиқнинг каноник ва параметрик тенгламаларини тузинг.

Ечиш. Изланаётган тўғри чизиқнинг йўналтирувчи вектори $\vec{s}$ ни бирлик вектор деб олиш мумкин. Унинг координаталари йўналтирувчи косинусларидан иборат бўлади, яъни

$$\begin{aligned} \vec{s} &= \vec{i}\cos\alpha + \vec{j}\cos\beta + \vec{k}\cos\gamma = \vec{i}\cos 60^\circ + \vec{j}\cos 45^\circ + \\ &+ \vec{k}\cos 120^\circ = \frac{1}{2}\vec{i} + \frac{\sqrt{2}}{2}\vec{j} - \frac{1}{2}\vec{k}. \end{aligned}$$

(6.21) формуладан фойдаланиб тўғри чизикнинг каноник тенгламасини топамиз:

$$\frac{x+1}{1} = \frac{y-0}{\sqrt{2}} = \frac{z-5}{-1}$$

• ёки ҳамма махражини 2 га кўпайтурсак,

$$\frac{x+1}{1} = \frac{y}{\sqrt{2}} = \frac{z-5}{-1};$$

топилган нисбатларнинг ҳар бирини t га тенглаб:

$$t = \frac{x+1}{1}, t = \frac{y}{\sqrt{2}}, t = \frac{z-5}{-1}$$

тўғри чизикнинг қуйидаги параметрик тенгламасига эга бўламиз:

$$x = -1 + t; y = \sqrt{2}t; z = 5 - t.$$

5-§. Икки тўғри чизик орасидаги бурчак.

Тўғри чизикларнинг параллеллик ва перпендикулярлик шартлари

Фазода иккита

$$\frac{x-x_1}{m_1} = \frac{y-y_1}{n_1} = \frac{z-z_1}{p_1}$$

ва

(6.24)

$$\frac{x-x_2}{m_2} = \frac{y-y_2}{n_2} = \frac{z-z_2}{p_2}$$

тўғри чизик берилган бўлсин. Икки тўғри чизик орасидаги бурчак деб бу тўғри чизикларнинг йўналтирувчи векторлари орасидаги бурчакка айтилади.

Биринчи тўғри чизикнинг йўналтирувчи вектори $\vec{s}_1 = \{m_1; n_1; p_1\}$, иккинчи тўғри чизикнинг йўналтирувчи вектори $\vec{s}_2 = \{m_2; n_2; p_2\}$ бўлсин. У ҳолда икки тўғри чизик орасидаги бурчак икки вектор орасидаги бурчак каби

$$\cos \varphi = \frac{\vec{s}_1 \cdot \vec{s}_2}{|\vec{s}_1| |\vec{s}_2|} = \frac{m_1 m_2 + n_1 n_2 + p_1 p_2}{\sqrt{m_1^2 + n_1^2 + p_1^2} \cdot \sqrt{m_2^2 + n_2^2 + p_2^2}} \quad (6.25)$$

формула ёрдамида аниқланади. (6.25) формуладан эса қуйидаги келиб чиқади:

$\vec{s}_1 \perp \vec{s}_2$ бўлса $m_1 m_2 + n_1 n_2 + p_1 p_2 = 0$ бўлиб, тўғри чизиклар перпендикуляр бўлади. $\vec{s}_1 \parallel \vec{s}_2$ бўлса, $\frac{m_1}{m_2} =$

$= \frac{n_1}{n_2} = \frac{p_1}{p_2}$ бўлиб, тўғри чизиклар параллел бўлади.

1-мисол. $\frac{x-2}{-1} = \frac{y+3}{2} = \frac{z-5}{3}$ ва $\frac{x+2}{2} =$

$\frac{y+1}{3} = \frac{z-1}{1}$ тўғри чизиклар орасидаги бурчакни топинг.

Ечиш. Берилган тўғри чизикларнинг мос йўналтирувчи векторлари

$$\vec{s}_1 = \{-1; 2; 3\} \text{ ва } \vec{s}_2 = \{2; 3; 1\}$$

бўлгани учун (6.25) формулага кўра

$$\cos \varphi = \frac{-1 \cdot 2 + 2 \cdot 3 + 3 \cdot 1}{\sqrt{(-1)^2 + 2^2 + 3^2} \cdot \sqrt{1^2 + 3^2 + 2^2}} = \frac{7}{14} = \frac{1}{2},$$

$$\cos \varphi = \frac{1}{2} \Rightarrow \varphi = 60^\circ.$$

2-мисол. $M_1(4; 1; 2)$ нукта орқали ўтувчи

$$\frac{x+1}{2} = \frac{y+1}{3} = \frac{z}{4} \text{ ва } \frac{x-2}{3} = \frac{y-3}{2} = \frac{z-5}{2}$$

тўғри чизикларга перпендикуляр тўғри чизик тенгламасини тузинг.

Ечиш. Берилган M_1 нукта орқали ўтувчи тўғри чизик тенгламасини ёзамиз:

$$\frac{x-4}{m} = \frac{y-1}{n} = \frac{z-2}{p}.$$

Бу тўғри чизикнинг $\vec{s} = \{m; n; p\}$ йўналтирувчи вектори сифатида берилган тўғри чизикларнинг

$$\vec{s}_1 = 2\vec{i} + 3\vec{j} + 4\vec{k} \text{ ва } \vec{s}_2 = 3\vec{i} + 2\vec{j} + 2\vec{k}$$

йўналтирувчи векторларига перпендикуляр бўлган векторни олиш мумкин. Шунинг учун $\vec{s}$ векторни $\vec{s}_1$ ва $\vec{s}_2$ векторларнинг вектор кўпайтмаси деб оламиз:

$$\vec{S} = [\vec{S}_1, \vec{S}_2] = \begin{vmatrix} \vec{i} & \vec{j} & \vec{k} \\ 2 & 3 & 4 \\ 3 & 2 & 2 \end{vmatrix} = -2\vec{i} + 8\vec{j} - 5\vec{k}.$$

Бундан: $m = -2$, $n = 8$, $p = -5$. Бу кийматларни ўрнига қўйиб изланаётган тўғри чизик тенгламасига эга бўламиз:

$$\frac{x-4}{-2} = \frac{y-1}{8} = \frac{z-2}{-5}.$$

6-§. Фазода тўғри чизик ва текислик

Фазода

$$l: \frac{x-x_1}{m} = \frac{y-y_1}{n} = \frac{z-z_1}{p}$$

тўғри чизик ва

$$Q: Ax + By + Cz + D = 0 \quad (6.26)$$

текислик берилган бўлсин. l тўғри чизикнинг йўналтирувчи вектори $\vec{s} = \{m; n; p\}$, Q текисликни нормал вектори эса $\vec{n} = \{A; B; C\}$ бўлади.

Қандай шарт бажарилганда l тўғри чизик билан Q текислик ўзаро параллел ва перпендикуляр бўлишини кўрсатамиз.

а) Агар l тўғри чизикнинг $\vec{s}$ йўналтирувчи вектори ва Q текисликнинг $\vec{n}$ нормал вектори коллинеар бўлса, у ҳолда $l \perp Q$ бўлади, яъни $\vec{n} = t\vec{s}$ бўлиб, бундан

$$A = mt, B = nt, C = pt$$

ёки

$$\frac{A}{m} = t, \frac{B}{n} = t, \frac{C}{p} = t,$$

$$\frac{A}{m} = \frac{B}{n} = \frac{C}{p}.$$

келиб чиқади.

б) Агар $\vec{s}$ ва $\vec{n}$ векторлар ўзаро перпендикуляр бўлса, у ҳолда $l \parallel Q$ бўлади ва $\vec{s} \cdot \vec{n} = 0$ (скаляр кўпайтма) бўлиб, бундан

$$Am + Bn + pC = 0$$

га эга бўламиз.

Энди l тўғри чизик билан Q текисликнинг кесишиш нуқтаси координаталарини топишни кўрайлик. l тўғри чизикнинг параметрик тенгламаларини ёзиб оламиз:

$$\begin{cases} x = x_1 + mt, \\ y = y_1 + nt, \\ z = z_1 + pt. \end{cases} \quad (6.27)$$

l параметрнинг ҳар бир қийматига тўғри чизикнинг битта нуктаси мос келади.

(6.27) даги x, y, z ларнинг қийматларини (6.26) га қўйсақ, l параметрнинг қийматини топиш мумкин бўлган тенглама ҳосил бўлади:

$$(Am + Bn + Cp)t + (Ax_1 + By_1 + Cz_1 + D) = 0. \quad (6.28)$$

Бу тенгламани текширамыз. Бунда қуйидаги ҳоллар бўлиши мумкин:

1) l тўғри чизик ва Q текислик параллел бўлмасин. У ҳолда текисликнинг нормали $\vec{n} = \{A; B; C\}$ ва тўғри чизикнинг йўналтирувчи вектори $\vec{s} = \{m; n; p\}$ ўзаро перпендикуляр бўлмайди ва уларнинг скаляр кўпайтмаси $\vec{s} \cdot \vec{n} \neq 0$ ёки $Am + Bn + Cp \neq 0$ бўлади. Бу ҳолда l тўғри чизик Q текислик билан кесишади ва (6.28) дан l ни топиш мумкин:

$$t = - \frac{Ax_1 + By_1 + Cz_1 + D}{Am + Bn + Cp}. \quad (6.29)$$

Топилган t ни (6.26) га қўйиб, кесишиш нуктасининг координаталари топилади.

2) Агар

$$\begin{aligned} Am + Bn + Cp &= 0, \\ Ax_1 + By_1 + Cz_1 + D &\neq 0 \end{aligned}$$

бўлса, $l \cap Q = \emptyset$ бўлади.

3) Агар

$$\begin{aligned} Am + Bn + Cp &= 0 \\ Ax_1 + By_1 + Cz_1 + D &= 0 \end{aligned}$$

бўлса, $l \subset Q$ бўлади, бу ҳолда тўғри чизик Q текисликда ётади.

Тўғри чизик билан текислик орасидаги бурчак деб тўғри чизик билан унинг шу текисликдаги ортогонал проекцияси орасидаги бурчакка айтилади. Тўғри чизик билан Q текислик орасидаги бурчак

$$\sin \alpha = \frac{|Am + Bn + Cp|}{\sqrt{A^2 + B^2 + C^2} \sqrt{m^2 + n^2 + p^2}} \quad (6.30)$$

формула ёрдамида топилади.

- Энди текислик ва тўғри чизикка доир машқлар бажаришда зарур бўладиган тенгламаларни келтириб ўтамыз.

1. Берилган $M_1(x_1; y_1; z_1)$ нукта орқали ўтиб, берилган

$$\frac{x-x_0}{m} = \frac{y-y_0}{n} = \frac{z-z_0}{p}$$

тўғри чизикка параллел бўлган тўғри чизик тенгламаси:

$$\frac{x-x_1}{m} = \frac{y-y_1}{n} = \frac{z-z_1}{p}. \quad (6.31)$$

2. Берилган $M_1(x_1; y_1; z_1)$ нукта орқали ўтиб, берилган $Ax + By + Cz + D = 0$ текисликка перпендикуляр бўлган тўғри чизик тенгламаси:

$$\frac{x-x_1}{A} = \frac{y-y_1}{B} = \frac{z-z_1}{C}. \quad (6.32)$$

3. $\frac{x-x_0}{m} = \frac{y-y_0}{n} = \frac{z-z_0}{p}$ тўғри чизик билан $Ax + By + Cz + D = 0$ текислик орасидаги бурчак:

$$\sin \varphi = \pm \frac{Am + Bn + Cp}{\sqrt{A^2 + B^2 + C^2} \sqrt{m^2 + n^2 + p^2}}. \quad (6.33)$$

4. Берилган $M_1(x_1; y_1; z_1)$ нуктадан ва берилган

$$\frac{x-x_0}{m} = \frac{y-y_0}{n} = \frac{z-z_0}{p}$$

тўғри чизикдан ўтган текислик тенгламаси:

$$\begin{vmatrix} x-x_1 & y-y_1 & z-z_1 \\ x_0-x_1 & y_0-y_1 & z_0-z_1 \\ m & n & p \end{vmatrix} = 0.$$

5. $\frac{x-x_0}{m_1} = \frac{y-y_0}{n_1} = \frac{z-z_0}{p_1}$ ва $\frac{x-x_0}{m_2} = \frac{y-y_0}{n_2} = \frac{z-z_0}{p_2}$

тўғри чизикларнинг бир текисликда ётиш шarti:

$$\begin{vmatrix} x-x_0 & y-y_0 & z-z_0 \\ m_1 & n_1 & p_1 \\ m_2 & n_2 & p_2 \end{vmatrix} = 0.$$

6. $\frac{x-x_0}{m} = \frac{y-y_0}{n} = \frac{z-z_0}{p}$ тўғри чизикнинг
 $Ax + By + Cz + D = 0$ текисликда ётиш шarti:

$$\begin{cases} Am + Bn + Cp = 0, \\ Ax_0 + By_0 + Cz_0 = 0. \end{cases}$$

7. Берилган $M_1(x_1; y_1; z_1)$ нуктадан ўтиб,

$$\frac{x-x_0}{m} = \frac{y-y_0}{n} = \frac{z-z_0}{p}$$

тўғри чизикқа перпендикуляр бўлган текислик тенгла-
 маси:

$$m(x-x_1) + n(y-y_1) + p(z-z_0) = 0. \quad (6.34)$$

1-мисол. $M_0(2; -3; 4)$ нукта оркали ўтиб

$$\frac{x}{2} = \frac{y-2}{3} = \frac{z+3}{4} \text{ ва } \frac{x-1}{2} = \frac{y+1}{1} = \frac{z-5}{3}$$

тўғри чизикларга параллел текислик тенгламасини
 тузинг.

Ечиш. Берилган M_0 нукта оркали ўтувчи те-
 кисликлар тенгламасини ёзиб оламиз:

$$A(x-2) + B(y+3) + C(z-4) = 0.$$

Изланаётган текислик шартга кўра берилган икки тўғри
 чизикқа параллел бўлгани учун унинг $\vec{n} = \{A; B; C\}$
 нормал вектори берилган тўғри чизикларнинг $\vec{s}_1 =$
 $\{2; 3; 4\}$ ва $\vec{s}_2 = \{2; 1; 3\}$ йўналтирувчи векторларига
 перпендикуляр бўлиши керак. Шунинг учун

$$\vec{n} = [\vec{s}_1, \vec{s}_2] = \begin{vmatrix} \vec{i} & \vec{j} & \vec{k} \\ 2 & 3 & 4 \\ 2 & 1 & 3 \end{vmatrix} = 5\vec{i} + 2\vec{j} - 4\vec{k}.$$

Бундан $A=5; B=2; C=-4$. Топилган қийматларни
 юқоридаги тенгламага қўйиб, изланаётган

$$5(x-2) + 2(y+3) - 4(z-4) = 0 \text{ ёки}$$

$$5x - 2y - 4z + 12 = 0 \text{ тенгламани ҳосил қиламиз.}$$

2-мисол.

$$\frac{x-1}{2} = \frac{y+1}{3} = \frac{z-5}{2}$$

тўғри чизик ва $2x + 3y + 2z + 2 = 0$ текислик орасидаги бурчакни ва уларнинг кесишиш нуктасининг координаталарини топинг.

Ечиш. Тўғри чизик ва текислик орасидаги бурчак

$$\sin \varphi = \frac{|Am + Bn + Cp|}{\sqrt{A^2 + B^2 + C^2} \sqrt{m^2 + n^2 + p^2}}$$

формула ёрдамида аниқланади. Бу формулага $A=2$, $B=3$, $C=2$, $m=2$, $n=3$, $p=2$ ларни қўйиб топамиз:

$$\sin \varphi = \frac{2 \cdot 2 + 3 \cdot 3 + 2 \cdot 2}{\sqrt{2^2 + 3^2 + 2^2} \sqrt{2^2 + 3^2 + 2^2}} = \frac{17}{17} = 1.$$

Демак,

$$\sin \varphi = 1 \Rightarrow \varphi = 90^\circ = \frac{\pi}{2}.$$

Энди тўғри чизик ва текисликнинг кесишиш нуктасининг координаталарини топамиз, бунинг учун тўғри чизик тенгламасини параметрик кўринишда ёзиб оламиз:

$$\frac{x-1}{2} = \frac{y+1}{3} = \frac{z-5}{2} = t,$$

$$\begin{cases} x = 1 + 2t, \\ y = -1 + 3t, \\ z = 5 + 2t. \end{cases}$$

Буни текислик тенгламасига қўйиб, t ни топамиз:

$$2(1 + 2t) + 3(-1 + 3t) + 2(5 + 2t) + 2 = 0 \Rightarrow t = -\frac{11}{17}.$$

t нинг бу қийматини тўғри чизикнинг параметрик тенгламаларига қўйсак:

$$x = 1 + 2 \cdot \left(-\frac{11}{17}\right) = -\frac{5}{17},$$

$$y = -1 + 3 \cdot \left(-\frac{11}{17}\right) = -\frac{50}{17},$$

$$z = 5 + 2 \cdot \left(-\frac{11}{17}\right) = \frac{63}{17}.$$

Демак, тўғри чизик ва текислик $M\left(-\frac{5}{17}; \frac{50}{17}; \frac{63}{17}\right)$ нуктада кесишар экан.

7-§. Текисликлар боғлами (дастаси)

Берилган l тўғри чизик орқали ўтувчи текисликлар тўпламига текисликлар боғлами (дастаси), l тўғри чизикқа эса боғлам ўқи дейилади.

Боғлам ўқи l қуйидаги тенгламалар билан берилган бўлсин:

$$\begin{cases} A_1x + B_1y + C_1z + D_1 = 0, \\ A_2x + B_2y + C_2z + D_2 = 0. \end{cases} \quad (6.35)$$

(6.35) тенгламалар системасининг иккинчи тенгламасини ўзгармас λ сонга ($\lambda \in R$) қўшайтирамиз ва биринчи тенгламага қўшамиз:

$$A_1x + B_1y + C_1z + D_1 + \lambda(A_2x + B_2y + C_2z + D_2) = 0. \quad (6.36)$$

(6.36) тенглама x, y, z ларга нисбатан биринчи тартибли, демак λ нинг ихтиёрий сонли қийматида бирор текисликни аниқлайди. (6.36) тенглама (6.35) тенгламанинг натижаси бўлгани учун, (6.35) тенгламани қаноатлантирадиган нуктанинг координаталари (6.36) тенгламани ҳам қаноатлантиради.

Демак, λ нинг ихтиёрий сонли қийматида (6.36) тенглама (6.35) тўғри чизик орқали ўтувчи текислик тенгламасини беради. (6.35) тенглама билан берилган l ўқли текисликлар боғламининг

$$A_2x + B_2y + C_2z + D_2 = 0$$

текисликдан ташқари ҳар қандай текисликларини (6.36) кўринишда ифодалаш мумкин, акс ҳолда λ нинг қийматини топиш мумкин бўлмай қолади.

(6.36) тенглама текисликлар боғламининг тенгламаси дейилади.

Мисол.

$$\frac{x+2}{3} = \frac{y+1}{-2} = \frac{z}{5}$$

тўғри чизик орқали ўтувчи ва $3x + 3y - z + 1 = 0$ текисликка перпендикуляр текислик тенгламасини топинг.

Е ч и ш. Берилган тўғри чизикнинг *Оху* ва *Оуз* текислик-
даги проекциялардан иборат тўғри чизик тенгламала-
рини ёзиб оламиз:

$$\frac{x+2}{3} = \frac{y+1}{-2}; \quad \frac{y+1}{-2} = \frac{z}{5}$$

ёки

$$2x + 3y + 7 = 0 \text{ ва } 5y - 2z + 5 = 0$$

текисликларнинг кесишмаси деб оламиз. Булардан
фойдаланиб текисликлар боғламининг тенгламасини
тузамиз:

$$2x + 3y + 7 + \lambda(5y - 2z + 5) = 0$$

ёки

$$2x - (3 + 5\lambda)y - 2\lambda z + (7 + 5\lambda) = 0. \quad (A)$$

Бу текислик масала шартига кўра берилган текисликка
перпендикуляр бўлиш шартидан фойдаланамиз.

(А) текислик берилган текисликка перпендикуляр
бўлгани учун уларнинг нормал векторлари

$$\vec{n}_1 = 2\vec{i} + (3 + 5\lambda)\vec{j} - 2\lambda\vec{k} \text{ ва } \vec{n}_2 = 3\vec{i} + 3\vec{j} - \vec{k}$$

нинг скаляр кўпайтмаси нолга тенг бўлиши керак:

$$3 \cdot 2 + 3(3 + 5\lambda) - 2\lambda = 0.$$

Бу тенгламани ечиб $\lambda = -\frac{15}{17}$ ни топамиз. λ нинг қийма-
тини боғлам тенгламасига қўйиб, масала шартини
қаноатлантирувчи қуйидаги текислик тенгламасини
хосил қиламиз:

$$2x + 3y + 7 - \frac{15}{17}(5y - 2z + 5) = 0$$

ёки

$$17x - 12y + 15z + 22 = 0$$

М А Ш Қ Л А Р

1. $2x + 5y + 3z - 15 = 0$ текислиكنи ясанг.
2. $M_1(2; 1; -1)$ нуктадан ўтувчи ва нормали $\vec{n} = \{3; -2; 1\}$ бўлган текислик тенгламасини тузинг.
3. Координаталар бошидан ўтувчи ва нормали $\vec{n} = \{4; 5; -3\}$ бўлган текислик тенгламасини тузинг.

4. $M_1(4; 3; 2)$ ва $M_2(3; 6; 8)$ нуқталар берилган. M_1 нуқтадан ўтиб M_1M_2 векторга перпендикуляр бўлган текислик тенгламасини тузинг.

5. $M(4; 3; 5)$ нуқта координаталар бошидан текисликка туширилган перпендикулярнинг асоси. Шу текислик тенгламасини тузинг.

6. $M_1(3; 4; -5)$ нуқтадан ўтувчи ҳамда $\vec{r}_1 = \{1; -2; 1\}$ ва $\vec{r}_2 = \{3; 1; -1\}$ векторларга параллел бўлган текислик тенгламасини тузинг.

7. $M_1(2; 0; 2)$, $M_2(4; -1; -1)$ ва $M_3(3; -1; 2)$ нуқталардан ўтувчи текислик тенгламасини тузинг.

8. Қуйидаги жуфт текисликларнинг ўзаро параллел эканлигини аниқланг:

$$1) 2x - 3y + 5z + 3 = 0 \quad \text{ва} \quad 2x - 3y + 5z - 7 = 0;$$

$$2) 2x + y + 2z - 1 = 0 \quad \text{ва} \quad 4x + 2y - 4z + 5 = 0;$$

$$3) 2x - 6z - 7 = 0 \quad \text{ва} \quad x - 3z + 2 = 0.$$

9. Қуйидаги жуфт текисликларнинг ўзаро перпендикуляр эканлигини аниқланг:

$$1) x + 9y - 3z + 2 = 0 \quad \text{ва} \quad 3x - y - 2z - 5 = 0;$$

$$2) x - y - z + 5 = 0 \quad \text{ва} \quad 2x + 3y - z - 3 = 0;$$

$$3) x + 2z - 3 = 0 \quad \text{ва} \quad 2x - 5y + z = 0.$$

10. a ва b нинг қандай қийматларида қуйидаги жуфт текисликлар ўзаро параллел ва перпендикуляр бўлишини аниқланг:

$$1) 2x + ay + 3z - 5 = 0 \quad \text{ва} \quad bx - 6y - 6z + 2 = 0;$$

$$2) 3x - y + az - 9 = 0 \quad \text{ва} \quad 2x + by + 2z - 3 = 0;$$

$$3) 3x - 5y + az - 3 = 0 \quad \text{ва} \quad x + 3y - 2z + 5 = 0;$$

$$4) 5x + y - 3z - 3 = 0 \quad \text{ва} \quad 2x + ay - 3z + 1 = 0.$$

11. Қуйидаги жуфт текисликлар орасидаги бурчакни топинг:

$$1) x + y - 1 = 0 \quad \text{ва} \quad 2x - y + \sqrt{3}z + 1 = 0;$$

$$2) x - y\sqrt{2} + z - 1 = 0 \quad \text{ва} \quad x + y\sqrt{2} - z + 3 = 0;$$

$$3) x + 2y + 2z - 3 = 0 \quad \text{ва} \quad 16x + 12y - 15z - 1 = 0;$$

$$4) 6x + 3y - 2z = 0 \quad \text{ва} \quad 3x + 2y + 6z - 12 = 0.$$

12. Қуйидаги шартларни қаноатлантирувчи текисликлар тенгламасини тузинг:

1) $M_1(3; -3; 2)$ нуқтадан ўтиб Oxy текисликка параллел;

2) $M_2(4; -2; 1)$ нуқтадан ўтиб Oxz текисликка параллел;

3) $M_3(-1; 2; -5)$ нуқтадан ўтиб Oyz текисликка параллел бўлган.

13. Куйидаги текисликларнинг тенгламаларини нормал кўринишга келтиринг:

- | | |
|-----------------------------|------------------------------|
| 1) $3x - 6y + 2z + 14 = 0;$ | 2) $2x - 2y + z - 18 = 0;$ |
| 3) $3x - 6y + 2z + 21 = 0;$ | 4) $4x - 6y - 12z - 11 = 0;$ |
| 5) $6x - 3y + 2z + 35 = 0;$ | 6) $3x - 4z - 15 = 0;$ |
| 7) $5y - 12z + 26 = 0;$ | 8) $3x - 4y - 1 = 0.$ |

14. Куйидаги жуфт параллел текисликлар орасидаги масофани ҳисобланг:

- | | |
|------------------------------|--------------------------------|
| 1) $6x - 18y - 9z - 28 = 0;$ | 2) $30x - 32y + 24z - 75 = 0;$ |
| $4x - 12y - 6z - 7 = 0;$ | $15x - 16y + 12z - 25 = 0;$ |
| 3) $x - 2y - 2z - 6 = 0;$ | 4) $4x - 6y + 12z + 21 = 0;$ |
| $x - 2y - 2z - 12 = 0;$ | $2x - 3y + 6z - 14 = 0;$ |
| 5) $4x - 2y + 4z - 21 = 0;$ | 6) $16x + 12y - 15z + 50 = 0;$ |
| $2x - y + 2z + 9 = 0;$ | $16x + 12y - 15z + 25 = 0.$ |

15. $M_1(1; 5; 3)$ ва $M_2(2; 3; -1)$ нуқталардан ўтиб $3x - y + 3z + 15 = 0$ текисликка перпендикуляр бўлган текислик тенгламасини тузинг.

16. $M_1(3; 2; 1)$ нуқтадан ўтиб, $x - y + z - 7 = 0$ ва $3x + 2y - 12z + 5 = 0$ текисликларга перпендикуляр бўлган текислик тенгламасини тузинг.

17. $\vec{n} = \{4; 3; 12\}$ векторга перпендикуляр бўлиб, координаталар бошидан $\rho = 3$ бирлик масофада ўтувчи текислик тенгламасини тузинг.

18. Ўзаро параллел $2x + 3y - 4z - 3 = 0$ ва $4x + 6y - 8z - 1 = 0$ текисликлар берилган. Бу текисликларга параллел бўлиб уларнинг ўртасида ётувчи текислик тенгламасини тузинг.

19. Параллелепипед учта ёғининг тенгламалари берилган:

$$\begin{aligned} x - 3y + 4z - 12 &= 0; \\ y + 2z - 5 &= 0 \text{ ва } x + 4 &= 0. \end{aligned}$$

Учларидан биттаси $A(4; -3; 2)$ нуқтада ётса, у ҳолда қолган учта ёғининг тенгламаларини тузинг.

$$20. \begin{cases} x + 3y + 3z - 6 = 0, \\ 3x + 3y + 4z - 10 = 0 \end{cases} \text{ тўғри чизиқни ясанг.}$$

$$21. \begin{cases} 2x + y - z - 3 = 0, \\ x + y + z - 1 = 0 \end{cases}$$

тўғри чизиқнинг координата текисликлари билан кесилиш нуқтасини топинг.

$$22. \begin{cases} 5x - y - 2z - 3 = 0, \\ 3x - 2y - 5z + 2 = 0 \end{cases}$$

тўғри чизикдан ўтувчи ва $x + 19y - 7z - 11 = 0$ текислик-
ка перпендикуляр бўлган текислик тенгламасини тузинг.

$$23. \begin{cases} 2x - 3y - z - 9 = 0, \\ x - 2y + z + 3 = 0 \end{cases}$$

тўғри чизик тенгламасини каноник шаклга келтиринг.

24. $M_1(-3; 0; 2)$ нуктадан ўтиб:

1) $\vec{a} = \{2; -3; 5\}$ векторга;

2) $\frac{x-1}{5} = \frac{y+2}{2} = \frac{z+1}{-1}$ тўғри чизикка;

3) Ox ўқка; 4) Oy ўқка; 5) Oz ўқка параллел
бўлган тўғри чизикнинг каноник тенгламасини тузинг.

25. $M_1(1; -1; -3)$ нуктадан ўтиб:

1) $\vec{a} = 2\vec{i} - 3\vec{j} + 4\vec{k}$ векторга;

2) $\frac{x-1}{2} = \frac{y+2}{4} = \frac{z-1}{0}$ тўғри чизикка;

3) $x = 3t - 1$, $y = -2t + 3$, $z = 5t + 2$ тўғри чизикка
параллел бўлган тўғри чизикнинг параметрик тенглама-
сини тузинг.

26. Берилган икки нуктадан ўтувчи тўғри чизикнинг
параметрик тенгламасини тузинг:

1) $(3; -1; 2)$ ва $(2; 1; 1)$;

2) $(1; 1; -2)$ ва $(3; -1; 0)$

3) $(0; 1; -2)$ ва $(0; 0; 1)$;

4) $(4; 3; 2)$ ва $(1; -2; 5)$.

27. Қуйидаги тўғри чизиклар билан текисликларнинг
кесишиш нуктасини топинг:

1) $\frac{x+3}{1} = \frac{y+1}{3} = \frac{z}{5}$, $3x + 2y + z - 1 = 0$;

2) $\frac{x-1}{3} = \frac{y+2}{-1} = \frac{z-1}{6}$, $2x - y + z - 13 = 0$;

3) $\frac{x-3}{2} = \frac{y-1}{3} = \frac{z+2}{-2}$, $2x + y - 2z + 5 = 0$;

4) $\frac{x+2}{-2} = \frac{y-1}{3} = \frac{z-3}{2}$, $x + 2y - 2z + 6 = 0$.

28. $M_0(2; -2; -2)$ нуктадан ўтиб,

$$\frac{x+3}{2} = \frac{y-1}{-3} = \frac{z+2}{4}$$

тўғри чизикка перпендикуляр бўлган текислик тенгла-
масини тузинг.

29. B ва D нинг қандай қийматларида $x = 3 + 4t$,
 $y = 1 - 4t$, $z = -3 + t$ тўғри чизик $2x + By - 4z + D = 0$
текисликда ётади?

30. m ва C нинг қандай қийматларида

$$\frac{x-2}{m} = \frac{y+1}{4} = \frac{z-5}{-3}$$

тўғри чизик $3x - 2y + Cz + 1 = 0$ текисликка перпендикуляр бўлади?

7-БОБ

ИККИНЧИ ТАРТИБЛИ ЧИЗИҚЛАР

Текисликда тўғри бурчакли Декарт координаталар системасида ҳар қандай биринчи тартибли икки ўзгарувчи тенглама, яъни $Ax + By + C = 0$ тенглама тўғри чизик тенгламаси эканлигини кўрган эдик.

Энди тенгламалар иккинчи тартибли икки ўзгарувчи булган ҳолни урганамиз. Бундай тенгламалар билан фойдаланувчи $M(x; y)$ нукталар тўплами иккинчи тартибли чизиклар дейилади.

Иккинчи тартибли чизикнинг умумий тенгламаси қуйидаги кўринишда ёзилади:

$$Ax^2 + 2Bxy + Cy^2 + 2Dx + 2Ey + F = 0, \quad (7.1)$$

бу ерда A, B, C, D, E, F коэффициентлар ҳақиқий сонлардир, бундан ташқари A, B, C лардан камида биттаси нолдан фарқли бўлиши керак.

1-§. Айлана

Декарт координаталар системасида маркази $O_1(a; b)$ нуктада ётувчи ва R радиусли айлана берилган бўлсин. Бу айлана тенгламасини келтириб чиқарамиз. Айлана текисликдаги берилган $O_1(a; b)$ нуктадан R узоқликда ётган $M(x; y)$ нукталар тўплами бўлишидан фойдаланамиз (58-чизма). $M(x; y)$ — айлананинг ихтиёрий нуктаси бўлсин, u ҳолда O_1M кесманинг узунлиги $O_1M = R$ га тенг бўлади. Икки нукта орасидаги масофани топиш формуласига кўра:

$$O_1M = \sqrt{(x-a)^2 + (y-b)^2}$$

$$\text{ёки } (x-a)^2 + (y-b)^2 = R^2. \quad (7.2)$$


(7.2) тенглама маркази $O_1(a; b)$ нуктада ва радиуси R га тенг айлананинг каноник тенгламаси дейилади. Хусусий ҳолда $O_1(0; 0)$ бўлса, айлана тенгламаси

$$x^2 + y^2 = R^2 \quad (7.3)$$

кўринишни олади. Ушбу

$$\begin{cases} x = R \cos t, \\ y = R \sin t \end{cases} \quad t \in [0; 2\pi] \quad (7.4)$$

тенгламалар системаси айлананинг параметрик тенгламаси дейилади.



Энди (7.1) кўринишдаги тенглама айлана тенгламасидан иборат бўлиши учун коэффициентлар қандай шартларга бўйсунishi кераклигини кўрсатамиз.

1) (7.1) тенгламадаги x , y координаталар купайтмаси xy ли ҳад олдидаги коэффициент $B=0$ бўлиши керак;

2) x^2 ва y^2 лар олдидаги коэффициентлар ўзаро тенг, яъни $A=C$ (хусусий ҳолда $A=C=1$) бўлиши керак. У ҳолда (7.1) тенглама қуйидаги кўринишни олади:

$$\begin{aligned} x^2 + 2Dx + D^2 + y^2 + 2Ey + E^2 + F - D^2 - E^2 &= 0 \\ (x+D)^2 + (y+E)^2 &= D^2 + E^2 - F. \end{aligned} \quad (7.5)$$

(7.5) тенглама маркази $O_1(-D; -E)$ нуктада, радиуси $R = \sqrt{D^2 + E^2 - F}$ га тенг айланани аниқлайди. Бу ерда $D^2 + E^2 - F > 0$ шарт бажарилиши керак. Агар $D^2 + E^2 - F = 0$ бўлса, у ҳолда (7.5) тенглама $(x+D)^2 + (y+E)^2 = 0$ кўринишни олади ва бу тенгламани ягона $O_1(-D; -E)$ нуктанинг координаталари қапо-атлантиради; $D^2 + E^2 - F < 0$ бўлса, бу ҳолда (7.5) тенглама бирор чизикни аниқламайди, чунки бу тенгламанинг ўнг томони манфий, чап томони эса барча $(x; y)$ лар учун мусбат миқдор бўлади.

Координаталар текислигида иккита айлананинг ўзаро жойлашишини текшира-миз. Айланаларнинг радиусла-ри R_1 ва R_2 , уларнинг марказлари орасидаги масофа

k бўлсин. Агар айланалар марказларини $O(0; 0)$ ва $O_1(k; 0)$ нуктада деб ҳисобласак, айланалар қуйидаги тенгламалар билан ифодаланади:

$$\begin{aligned} x^2 + y^2 &= R_1^2 \\ (x - k)^2 + y^2 &= R_2^2. \end{aligned} \quad (7.6)$$

Бу айланаларнинг кесишишини аниқлаш учун (7.6) тенгламаларни система қилиб ечамиз. Биринчи тенгламадан $x = \pm \sqrt{R_1^2 - y^2}$ ни топиб уни иккинчи тенгламага қўйиб, ундан

$$y = \pm \frac{1}{2k} \times$$

$$\times \sqrt{(R_1 + R_2 + k)(R_1 - R_2 + k)(R_1 + R_2 - k)(R_2 - R_1 + k)} \quad (7.7)$$

ни топамиз. (7.7) формуладан қўринадики, агар $R_1 + k > R_2$, $R_1 + R_2 > k$ ва $R_2 + k > R_1$ бўлса, у ҳолда илдиз остидаги ифода мусбат бўлиб, (7.7) система иккита ечимга эга бўлади ва айланалар иккита нуктада кесишади. Агар илдиз остидаги қўпайтувчилардан бирортаси нолга тенг бўлса, у ҳолда (7.6) система битта ечимга эга бўлиб, айланалар ўзаро уринадилар. Агар илдиз остидаги қўпайтувчилардан биттаси манфий бўлиб қолганлари мусбат бўлса, у ҳолда (7.6) система ечимга эга бўлмайди, яъни айланалар кесишмайди.

Демак, агар R_1 , R_2 , k сонлардан бири қолган иккитасининг йигиндисидан кичик бўлса, айланалар иккита нуктада кесишади; агар улардан бири қолган иккитасининг йигиндисига тенг бўлса, айланалар уринади; агар сонлардан бири қолган иккитасининг йигиндисидан катта бўлса, айланалар кесишмайди.

1-мисол. $x^2 + y^2 + 2x - 4y - 20 = 0$ айлана берилган. Айлана марказининг координаталарини ва радиусини тонинг.

Е ч и ш. Берилган тенгламани

$$(x - a)^2 + (y - b)^2 = R^2$$

қўринишга келтирамыз. Бунинг учун уни қуйидаги қўринишда ёзиб оламиз:

$$x^2 + 2x + 1 + y^2 - 4y + 4 - 20 - 1 - 4 = 0 \Rightarrow$$

$$(x^2 + 2x + 1) + (y^2 - 4y + 4) - 25 = 0 \Rightarrow$$

$$(x + 1)^2 + (y - 2)^2 = 25$$

ёки

$$(x + 1)^2 + (y - 2)^2 = 5^2.$$

Бундан $a = -1$, $b = 2$, $O_1(-1; 2)$ ва $R = 5$ эканлиги келиб чиқади.

2-мисол. $x^2 + y^2 = 3$ ва $x^2 + y^2 - 6x + 4 = 0$ айланаларнинг кесишиш нуктасини топинг.

Ечиш. Иккинчи айлана тенгламасини каноник кўринишга келтирамиз:

$$\begin{aligned}x^2 - 6x + y^2 + 4 &= 0, \\x^2 - 6x + 9 + y^2 - 9 + 4 &= 0, \\(x - 3)^2 + y^2 &= 5. \\x^2 + y^2 = 3 \text{ ва } (x - 3)^2 + y^2 &= 5\end{aligned}$$

тенгламалардан $R_1 = \sqrt{3}$, $R_2 = \sqrt{5}$, $k = 3$ бўлгани учун, бу қийматларни (7.7) формулага қўямиз ва ҳисоблаймиз:

$$\begin{aligned}y &= \pm \frac{1}{6} \times \\&\times \sqrt{(\sqrt{3} + \sqrt{5} + 3)(\sqrt{3} + \sqrt{5} - 3)(\sqrt{3} + 3 - \sqrt{5})(\sqrt{5} + 3 - \sqrt{3})} = \\&= \pm \frac{\sqrt{59}}{6}.\end{aligned}$$

Бу натижани қуйидагича ҳам топиш мумкин: Биринчи тенгламадан y^2 ни топиб, иккинчи тенгламага қўямиз:

$$\begin{aligned}y^2 &= 3 - x^2, (x - 3)^2 + 3 - x^2 = 5 \Rightarrow \\x^2 - 6x + 9 + 3 - x^2 &= 5 \Rightarrow -6x = -7 \Rightarrow x = \frac{7}{6}. \\y^2 &= 3 - x^2 = 3 - \left(\frac{7}{6}\right)^2 = 3 - \frac{49}{36} = \frac{108 - 49}{36} = \frac{59}{36}. \\y &= \pm \frac{\sqrt{59}}{6}.\end{aligned}$$

Демак, айланалар $M_1\left(\frac{7}{6}; \frac{\sqrt{59}}{6}\right)$ ва $M_2\left(\frac{7}{6}; -\frac{\sqrt{59}}{6}\right)$ нукталарда кесишади.

3-мисол. Кривошип-шатунли механизмнинг шатун қисмидаги D нуктанинг траекторияси тенгламасини тузинг (59-чизма).

Ечиш. D нуктанинг шатунга нисбатан координаталарини $[a(AF), b(FD)]$ танлаб олинган координаталар системасига нисбатан $(x; y)$ деб олайлик. Ҳаракат давомида ўзгармайдиган A ва D нукталар орасидаги масофани d билан белгилаймиз. $OAFD$ синик чизиқнинг координата ўқлардаги проекциялари

$$y = ND = r \sin \varphi - a \sin \psi + b \cos \psi$$

Бунда φ ва ψ ўзгарувчи параметрлардир. Бу тенгламалардан параметрларни чиқариш учун уни қуйидаги кўринишда ёзиб оламиз:

$$\begin{cases} x - r \cos \varphi = a \cos \psi + b \sin \psi, \\ y - r \sin \varphi = b \cos \psi - a \sin \psi. \end{cases}$$

Бу системанинг ҳар бир тенгласининг ҳар икки томонини квадратга кўтариб, сўнгра қўшиб, ўхшаш ҳадларини ихчамласак,

$$x^2 + y^2 + r^2 - 2rx\cos\varphi - 2ry\sin\varphi = a^2 + b^2$$


га эга бўламиз. $\triangle ACD$ дан $d^2 = a^2 + b^2$ ва $|\sin \varphi| \leq 1$; $|\cos \varphi| \leq 1$ тенгсизликлардан (тенглик бажарилган деб) охири тенгламани қуйидаги кўринишда ёзиб оламиз:

$$x^2 + y^2 + r^2 - 2rx - 2ry = d^2$$

ЋКИ

$$(x-r)^2 + (y-r)^2 = d^2 + r^2.$$


Бу эса маркази (r, r) нуктада, радиуси $R = \sqrt{d^2 + r^2}$ бўлган айланадан иборатдир.



2-§. Эллипс

1-таъриф. Текисликнинг ихтиёрий нуктасидан фокуслар деб аталувчи берилган иккита F_1 ва F_2 нуктасигача бўлган масофалар йигиндиси ўзгармас микдор ($2a$) га тенг бўлган барча нукталарнинг геометрик ўрни *эллипс* деб аталади.

Эллипс тенгламасини келтириб чиқариш учун координаталар системасини қуйидагича оламиз. Берилган F_1 ва F_2 нукталарни туташтирувчи тўғри чизикни абсциссалар ўқи деб қабул қиламиз, координаталар бошини эса берилган нукталарнинг ўртасида оламиз. F_1 , F_2 фокуслар орасидаги масофани $2c$ билан белгилаймиз. У ҳолда F_1 , F_2 нукталарнинг координаталари $F_1(c; 0)$ ва $F_2(-c; 0)$ бўлади (60-чизма). Таърифга кўра $2a > 2c$ ёки $a > c$. Эллипснинг ихтиёрий нуктасини $M(x; y)$ билан белгилаймиз ва M нукта-ни F_1 ва F_2 фокуслар билан бирлаштирамиз. F_1M ва F_2M кесмаларга эллипснинг *фокал радиуслари* дейилади ва мос равишда r_1 , r_2 билан белгиланади, яъни $r_1 = \rho(F_1, M)$ ва $r_2 = \rho(F_2, M)$. Шундай қилиб, эллипснинг таърифига кўра:



$$r_1 + r_2 = 2a \quad (7.8)$$

60-чизма

ёки

$$\rho(F_1, M) + \rho(F_2, M) = 2a.$$

Икки нукта орасидаги масофани топиш формуласига кўра:

$$\rho(F_1, M) = \sqrt{(x-c)^2 + y^2},$$

$$\rho(F_2, M) = \sqrt{(x+c)^2 + y^2}.$$

Буларни (7.8) тенгликка қўйсак,

$$\sqrt{(x-c)^2 + y^2} + \sqrt{(x+c)^2 + y^2} = 2a$$

ни ҳосил қиламиз.

Бу тенгламанинг биринчи ҳадини ўнг томонга ўтказиб ҳосил бўлган тенгламанинг иккала томонини квадратга кўтарамиз:

$$x^2 + 2cx + c^2 + y^2 = 4a^2 - 4a\sqrt{(x-c)^2 + y^2} + x^2 - 2cx + c^2 + y^2,$$

бундан

$$2cx = 4a^2 - 2cx - 4a\sqrt{(x-c)^2 + y^2}$$

ёки

$$a\sqrt{(x-c)^2 + y^2} = a^2 - cx.$$

Кейинги тенгламанинг ҳар иккала томонини квадратга кўтарамиз:

$$a^2x^2 - 2a^2cx + a^2c^2 + a^2y^2 = a^4 - 2a^2cx + c^2x^2.$$

Бу тенглама соддалаштирилгандан кейин қуйидаги кўринишга эга бўлади:

$$(a^2 - c^2)x^2 + a^2y^2 = a^2(a^2 - c^2).$$

Тенгламанинг иккала қисмини $a^2(a^2 - c^2)$ га бўламиз. $a > c$ бўлгани учун $b^2 = a^2 - c^2$ деб белгилаш киритсак,

$$\frac{x^2}{a^2} + \frac{y^2}{b^2} = 1 \quad (7.9)$$

ни ҳосил қиламиз. (7.9) тенглама эллипснинг каноник тенгламаси дейилади.

Эллипснинг каноник тенгламасига кўра унинг шаклини текширамиз.

(7.9) тенглама билан аниқланган эллипс координата ўқларига нисбатан симметрикдир. Агар $(x; y)$ эллипснинг бирор нуқтаси бўлса, яъни x, y сонлар (7.9) тенгламани қаноатлантирса, y ҳолда (7.9) тенгламада x, y ўзгарувчиларнинг фақат квадратлари қатнашгани учун бу тенгламани

$$(x; y), (-x; y), (x; -y), (-x; -y)$$

нуқталарнинг координаталари қаноатлантиради (61-чизма). Шунинг учун координата ўқлари эллипснинг симметрия ўқларидир. Симметрия ўқларининг кесишган нуқтаси $O(0; 0)$ эллипснинг маркази дейилади, фокуслар ётган Ox ўқ унинг фокал ўқи дейилади.


Эллипснинг координата ўқлари билан кесишган нукталарини топамиз. Эллипснинг Ox ўқи билан кесишган нукталарини топиш учун ушбу тенгламалар системасини ечамиз.

$$\begin{cases} \frac{x^2}{a^2} + \frac{y^2}{b^2} = 1, \\ y = 0 \end{cases} \Rightarrow x = \pm a.$$

Демак, эллипс Ox ўқини $A_1(a; 0)$ ва $A_2(-a; 0)$ нукталарда кесади. Худди шунингдек:

$$\begin{cases} \frac{x^2}{a^2} + \frac{y^2}{b^2} = 1, \\ x = 0 \end{cases} \Rightarrow y = \pm b.$$

Бу эса эллипс Oy ўқи билан $B(0; b)$ $B_1(0; -b)$ нукталарда кесишишини билдиради. Эллипснинг координата ўқлари билан кесишган A_1, A_2, B_1, B_2 нукталарига унинг *ўқлари* дейилади (61- чизма).



61- чизма

$[AA_1]$ кесманинг узунлиги $2a$ га тенг бўлиб, бу кесма эллипснинг катта ўқи, $[OA]$ (узунлиги a бўлган) кесма эса катта ярим ўқи дейилади.

$[BB_1]$ кесманинг узунлиги $2b$ га тенг бўлиб, бу кесма эллипснинг кичик ўқи, $[OB]$ (узунлиги b бўлган) кесма кичик ярим ўқи дейилади.

Эллипснинг ўқлари координата ўқларига параллел

бўлиб, симметрия маркази бирор $M_0(x_0; y_0)$ нуктада бўлса, у ҳолда унинг тенгламаси

$$\frac{(x-x_0)^2}{a^2} + \frac{(y-y_0)^2}{b^2} = 1$$

кўринишда бўлади.

(7.1) тенгламада

$$B=0, D=0, E=0, F=-1$$

бўлса, бу тенглама

$$\frac{x^2}{a^2} + \frac{y^2}{b^2} = 1$$

кўринишни олиб, эллипс тенгламасига айланади. Агар эллипснинг $M_1(x_1; y_1)$ нуктасига уринма ўтказилса, уринма тенгламаси

$$\frac{x \cdot x_1}{a^2} + \frac{y \cdot y_1}{b^2} = 1$$

кўринишда бўлади.

2- т а ъ р и ф. Эллипснинг фокуслари орасидаги масофанинг катта ўқининг узунлигига нисбати эллипснинг *эксцентриситети* дейилади ва қуйидагича белгиланади:

$$e = \frac{2c}{2a} = \frac{c}{a} < 1, \quad (7.10)$$

бунда $c < a$, $0 < e < 1$. Эллипснинг шаклини унинг эксцентриситети ёрдамида текшириш қулай.

$$b^2 = a^2 - c^2 \Rightarrow c^2 = a^2 - b^2$$

ни эътиборга олсак, (7.10) ни қуйидагича ёзиб оламиз:

$$e^2 = \frac{c^2}{a^2} = \frac{a^2 - b^2}{a^2} = 1 - \left(\frac{b}{a}\right)^2 \Rightarrow \frac{b}{a} = \sqrt{1 - e^2}.$$

$e \Rightarrow 1$ да $\frac{b}{a} \Rightarrow 0$ бўлиб, b кичиклашади ва эллипс Ox ўққа томон сиқилиб боради, аксинча $e \Rightarrow 0$ бўлса, $\frac{b}{a} \Rightarrow 1 \Rightarrow b = a$ бўлиб, эллипс айланага яқинлаша боради.

Хусусий ҳолда $a = b$ бўлса, у айланадан иборат бўлади.

3- т а ъ р и ф. Эллипснинг катта ўқига перпендикуляр ва марказидан $\frac{a}{e}$ масофада унга симметрик ўтган

иккита тўғри чизик эллипснинг *директрисалари* дейилади. Таърифига кўра директрисалар $d_1: x - \frac{a}{\varepsilon} = 0$;

$d_2: x + \frac{a}{\varepsilon} = 0$ тенгламаларга эга бўлади. Баъзан буларни мос равишда чап ва ўнг директрисалар деб ҳам аталади. $\varepsilon < 1$ бўлгани учун $\frac{a}{\varepsilon} > a$ бўлади.

Эллипснинг ихтиёрий $M(x, y)$ нуктасидан фокусгача бўлган (r_1 ёки r_2) масофанинг шу $M(x, y)$ нуктадан директрисагача (d_1 ёки d_2) бўлган масофага нисбати эллипснинг эксцентриситетига тенг, яъни

$$\frac{r_1}{d_1} = \varepsilon \text{ ёки } \frac{r_2}{d_2} = \varepsilon.$$

Эллипснинг фокал радиуслари. Эллипснинг каноник тенгламасини топиш жараёнида $r_1 = \rho(F_1; M)$ ва $r_2 = \rho(F_2; M)$ ларга фокал радиуслар дейилган эди ва улар мос равишда

$$r_1 = \sqrt{(x-c)^2 + y^2} \text{ ва } r_2 = \sqrt{(x+c)^2 + y^2} \quad (7.11)$$

га тенг эди. Агар

$$y^2 = b^2(1 - \frac{x^2}{a^2}), \quad c^2 = a^2 - b^2$$

ва $a^2 = b^2 + c^2$ тенгликларни эътиборга олсак, (7.11) тенгликларни ушбу кўринишда ёзиш мумкин:

$$\begin{aligned} r_1 &= \sqrt{(\frac{c}{a}x - a)^2} = |\frac{c}{a}x - a| = |a - \frac{c}{a}x|, \\ r_2 &= \sqrt{(\frac{c}{a}x + a)^2} = |\frac{c}{a}x + a| = |a + \frac{c}{a}x|. \end{aligned} \quad (7.12)$$

Бизга маълумки, $0 < \frac{c}{a} < 1$ бўлгани учун $a - \frac{c}{a}x > 0$ ва $a + \frac{c}{a}x > 0$. Буларни эътиборга олсак, (7.12) тенгликлар ушбу кўринишни олади:

$$r_1 = a - \frac{c}{a}x; \quad r_2 = a + \frac{c}{a}x.$$

$\frac{c}{a} = \varepsilon$ эканини ҳисобга олсак, бу формула қуйидаги кўринишни олади:

$$r_1 = a - ex; r_2 = a + ex. \quad (7.13)$$

Булар эллипснинг фокал радиусларидир.

Эллипснинг параметрик тенгламаси. $M(x; y)$ эллипснинг ихтиёрий нуқтаси бўлсин. Бу нуқтанинг координаталари

$$x = a \cos \varphi, y = b \sin \varphi$$

га тенг бўлишини кўрсатамиз. Унинг учун бу тенгликлардан

$$\frac{x}{a} = \cos \varphi, \frac{y}{b} = \sin \varphi$$

тенгликларни ҳосил қиламиз. Буларнинг ҳар иккала томонини квадратга кўтарамиз ва ҳадлаб қўшамиз:

$$\frac{x^2}{a^2} + \frac{y^2}{b^2} = \cos^2 \varphi + \sin^2 \varphi \Rightarrow \frac{x^2}{a^2} + \frac{y^2}{b^2} = 1.$$

Бу эса эллипснинг каноник тенгламаси бўлгани учун

$$\begin{cases} x = a \cos \varphi, \\ y = b \sin \varphi \end{cases}$$

тенгламалар системаси ҳам эллипснинг тенгламаси бўлиб, унга эллипснинг параметрик тенгламаси дейилади.

1-мисол. $M(0; 4)$ нуқта орқали ўтувчи фокуслари орасидаги масофа 6 га тенг бўлган эллипснинг каноник тенгламасини тузинг.

Ечиш. Шартга кўра $M(0; 4)$ нуқта эллипсга тегишлидир, шунинг учун (7.9) формуладан

$$\frac{16}{b^2} = 1 \Rightarrow b^2 = 16$$

ни топамиз.

a^2 параметрни топиш учун, мисол шартидаги $2c = 6$ дан $c = 3$ ва $b^2 = a^2 - c^2$ муносабатдан фойдалана оламиз, яъни

$$16 = a^2 - 9 \Rightarrow a^2 = 25.$$

Демак,

$$\frac{x^2}{25} + \frac{y^2}{16} = 1.$$

2-мисол. Агар $x = \pm 8$ тўғри чизиклар катта ўқи 12 га тенг бўлган эллипснинг директрисалари бўлса, шу эллипснинг тенгламасини тузинг.

Ечиш. Шартга кўра $2a = 12 \Rightarrow a = 6$, яъни $\pm \frac{a}{e} = \pm 8$, бундан $\frac{a}{e} = 8$, аммо $e = \frac{c}{a}$, у ҳолда

$$\frac{a^2}{c} = 8 \Rightarrow c = \frac{a^2}{8} = \frac{36}{8} = \frac{9}{2}.$$

Эллипс учун:

$$b^2 = a^2 - c^2 = 36 - \frac{81}{4} = \frac{63}{4}.$$

Демак, эллипснинг изланаётган тенгламаси:

$$\frac{x^2}{36} + \frac{4y^2}{63} = 1$$

кўринишда бўлади.

3-мисол. Нуқта бир вақтда иккита ўзаро перпендикуляр

$$\begin{cases} x = 9\sin\omega t, \\ y = 4\cos\omega t \end{cases}$$

тебранишларда қатнашади. Шу нуқтанинг траекториясини топинг.

Ечиш. Берилган тенгламалар системаси ҳаракат қилаётган нуқтанинг параметрик тенгламасидир. Бу системадан t параметрни чиқарамиз. Унинг учун системани қуйидаги кўринишда ёзиб, сўнгра ҳар икки томонини квадратга кўтариб қўшамиз, натижада


$$\begin{cases} \frac{x}{9} = \sin\omega t, \\ \frac{y}{4} = \cos\omega t \end{cases} \Rightarrow \begin{cases} \frac{x^2}{81} = \sin^2\omega t, \\ \frac{y^2}{16} = \cos^2\omega t \end{cases}$$

тенгламага эга бўламиз. Бу тенглама маркази координаталар бошида, катта ярим ўқи 9, кичик ярим ўқи 4 бўлган эллипсдир. Демак, ҳаракатдаги нуқтанинг траекторияси эллипсдан иборат экан.

4-мисол. Координаталар боши атрофида узунлиги $OA = l_1$ стержень ω бурчак тезлиги билан айланади. А нуқта атрофида эса узунлиги $AB = l_2$ бўлган иккинчи стержень ω бурчак тезлик билан айланади.

Иккала стержень бошлангич моментда Ox ўқ билан устма-уст тушганлигини ҳамда A нукта O ва B нукталар орасида ётишини билган холда B нукта траекториясининг тенгламасини тузинг.

Ечиш. Ҳаракат бошлангандан кейин бирор t вақтда l_1 стержень абсциссалар ўқиға ωt бурчак остида, l_2 стержень ҳам ωt бурчак остида огишган бўлади. Натижада 62-чизмада $OABD$ синик чизикқа эга бўламиз. Бу синик чизикнинг координата ўқлари-



62- чизма

даги проекциясини аниқлаймиз. Проекциялар назариясидан бизга маълумки,

$$\text{пр}_{Ox}(OABD) = \text{пр}_{Ox}OA + \text{пр}_{Ox}AB + \text{пр}_{Ox}BD = \text{пр}_{Ox}OD$$

га тенг. Чизмадан $\text{пр}_{Ox}OA = l_1 \cos \omega t$;

$$\text{пр}_{Ox}AB = l_2 \cos(-\omega t) = l_2 \cos \omega t;$$

$$\text{пр}_{Ox}BD = y \cos 90^\circ = 0; \text{пр}_{Ox}OD = x \cos 0^\circ = x.$$

Буларни ўрнига қўйсак:

$$l_1 \cos \omega t + l_2 \cos \omega t = x$$

ёки

$$\frac{x}{l_1 + l_2} = \cos \omega t.$$

Худди юқоридагидек синик чизикнинг Oy ўқидаги проекциясини топамиз:

$$\frac{y}{l_1 - l_2} = \sin \omega t.$$

Демак,

$$\begin{cases} \frac{x}{l_1 + l_2} = \cos \omega t, \\ \frac{y}{l_1 - l_2} = \sin \omega t \end{cases}$$

Бу тенгламалар системаси B нукта траекториясининг тенгламасидир (бунда t параметр). Ундан t параметрни чиқарамиз:


$$\frac{x^2}{(l_1 + l_2)^2} + \frac{y^2}{(l_1 - l_2)^2} = 1.$$

Демак, B нуктанинг траекторияси ярим ўқлари $l_1 + l_2$ ва $l_1 - l_2$ дан иборат эллипсдир.

Агар $l_1 > l_2$ бўлса, B нукта соат стрелкасига қарши ҳаракатланиб, эллипс чизади. Агар $l_1 = l_2$ бўлса, OA стержень бир марта тўла айланганда нукта Ox ўқ бўйлаб $2(l_1 + l_2)$ узунликдаги кесмани икки марта чизади. Агар $l_1 < l_2$ бўлса, B нукта эллипс бўйлаб тескари йўналишда силжийди.

5-мисол. OA кривошип O нукта атрофида ўзгармас тезлик билан айланади. OA кривошип билан AB шатуннинг узунликлари ўзаро тенг, яъни $OA = AB = 60$ см. Шатуннинг ўртасида ётувчи $M(x, y)$ нукта траекториясининг тенгламасини тузинг (63-чизма).

Ечиш. Координаталар системасини 63-чизмада кўрсатилгандек оламиз. AB шатун Ox ўққа Q жисм



63-чизма

ёрдамида шундай маҳкамланганки у OA кривошип O нукта атрофида айланганда Q жисм Ox ўқи бўйича сирпаниб ҳаракат қилади. OA кривошипнинг Ox ўқининг мусбат йўналиши билан ҳосил қилган бурчагини φ деймиз.

$\triangle OAC$ дан:

$$OC = OA \cos \varphi.$$

$$\triangle NMB \text{ дан: } y = BM \sin \varphi, \quad BN = BM \cos \varphi.$$

$$\triangle ACB \text{ дан: } BC = AB \cos \varphi.$$

$$CN = AB \cos \varphi - NB = AB \cos \varphi - BM \cos \varphi;$$

$$OC + CN = x = AB \cos \varphi - BM \cos \varphi + OA \cos \varphi.$$

Буларга $OA = AB = 60$ см қийматларни қўйсак:

$$x = 90 \cos \varphi$$

$$y = 30 \sin \varphi$$

Бу система ҳаракатдаги $M(x; y)$ нукта траекториясининг параметрик тенгламасидир (бунда φ параметр). Нуктанинг траекторияси қандай чизикдан иборат эканлигини аниқлаш учун системадан φ параметрни чиқарамиз:

$$\begin{cases} \frac{x}{90} = \cos \varphi, \\ \frac{y}{30} = \sin \varphi. \end{cases}$$

Бунинг ҳар икки томонини квадратга кўтариб қўшамиз:

$$\frac{x^2}{90^2} + \frac{y^2}{30^2} = 1.$$

Демак, M нуктанинг траекторияси эллипсдан иборат экан.

3-§. Гипербола

Таъриф. Текисликнинг ихтиёрий нуктасидан фокуслар деб аталувчи берилган икки F_1 ва F_2 нуктагача бўлган масофалар айирмасининг абсолют қиймати ўзгармас миқдор ($2a$ га тенг) бўлган $M(x; y)$ нукталарнинг геометрик ўрни *гипербола* дейилади.

Гипербола таърифидаги берилган ўзгармас кесма узунлигини $2a (a > 0)$ билан, фокуслар орасидаги масофани $2c (c > 0)$ билан белгилаймиз. Бунда $2a < 2c \Rightarrow a < c$.

Гиперболадаги M нуктанинг F_1, F_2 ларгача масофалари унинг *фокал радиуслари* дейилади ва r_1, r_2 билан белгиланади. Гиперболанинг таърифига биноан:

$$|r_1 - r_2| = 2a \quad (7.15)$$

ёки

$$|\sqrt{(x+c)^2 + y^2} - \sqrt{(x-c)^2 + y^2}| = 2a.$$

Илдизлардан қутулгандан кейин қуйидаги тенгламага эга бўламиз (илдизларни йўқотиш, ихчамлаш, соддалаштириш ҳам эллипс ҳолидагидек бажарилади):

$$\frac{x^2}{a^2} - \frac{y^2}{c^2 - a^2} = 1. \quad (7.16)$$

$c^2 - a^2$ миқдор ҳар доим мусбат бўлгани учун уни b^2 билан белгилаймиз: $b^2 = c^2 - a^2$, у ҳолда (7.16) тенглама

$$\frac{x^2}{a^2} - \frac{y^2}{b^2} = 1 \quad (7.17)$$

кўринишни олади. (7.17) тенглама гиперболанинг каноник тенгламаси дейилади.

Агар фокуслари ординаталар ўқида ётса, у ҳолда гиперболанинг тенгламаси қуйидаги кўринишда бўлади:


$$\frac{y^2}{b^2} - \frac{x^2}{a^2} = 1. \quad (7.18)$$

Гипербола шакли. Гиперболанинг (7.17) тенгламасига асосланиб унинг шаклини аниқлаймиз. Эллипс тенгламаси устида олиб борилган муҳокама-ларни такрорлаб, гиперболанинг координаталар боши, координата ўқларига нисбатан симметриклигини аниқлаймиз.

Гипербола Ox ўқини $A_1(a; 0)$ ва $A_2(-a; 0)$ нукталарда кесиб ўтади (64-чизма). Гипербола Oy ўқи билан кесишмайди. Ҳақиқатан ҳам, (7.17) тенгламага $x=0$ ни қўйсак, $y^2 = -b^2$ бўлиб, бу ифода ҳақиқий сонлар соҳасида ўрипти бўлмайди. A_1, A_2 нукталар гиперболанинг *учлари*, улар орасидаги $2a$ узунликка тенг кесма эса унинг *ҳақиқий ўқи* дейилади.

Oy ўқидаги B_1 дан B_2 гача бўлган $2b$ узунликдаги кесма гиперболанинг *мавҳум ўқи* дейилади.

Агар $M(x; y)$ нукта гиперболада ётса, унинг



64- чизма

тенгламасидан $|x| \geq a$ эканини кўрамиз. Бундан $|x| = \pm a$ тўғри чизиклар билан чегараланган $-a < x < a$ соҳада гиперболанинг нуқталари мавжуд эмаслиги келиб чиқади. (7.17) тенгламани y га нисбатан ечамиз:

$$y = \pm \frac{b}{a} \sqrt{x^2 - a^2}. \quad (7.19)$$

(7.19) тенгламадаги x ўзгарувчи a дан $+\infty$ гача ортганда ва $-a$ дан $-\infty$ гача камайганда, y ординаталар ўқи бўйлаб 0 дан $+\infty$ гача ўсиши кўриниб турибди (64- чизма). Демак, гипербола икки қисмдан иборат бўлиб, улар гиперболанинг тармоқлари дейилади.

Гиперболанинг бир (ўнг) тармоғи $x \geq a$ ярим-текисликда, иккинчи (чап) тармоғи $x \leq -a$ ярим-текисликда жойлашган.

Агар гиперболанинг ўқлари координата ўқларига параллел бўлиб, маркази бирор $M_0(x_0; y_0)$ нуқтада бўлса, унинг тенгламаси

$$\frac{(x-x_0)^2}{a^2} - \frac{(y-y_0)^2}{b^2} = 1$$

кўринишда бўлади.

Агар (7.1) тенгламада $A = \frac{1}{a^2}$, $B = 0$, $C = -\frac{1}{b^2}$,

$$D = 0, E = 0, F = -1$$

бўлса, у тенглама $\frac{x^2}{a^2} - \frac{y^2}{b^2} = 1$ кўринишни олиб, гипербола тенгламасига айланади.

$$\frac{x^2}{a^2} - \frac{y^2}{b^2} = 1 \text{ ва } \frac{x^2}{a^2} - \frac{y^2}{b^2} = -1$$

гиперболалар қушма гиперболалар дейилади.

Гипербола асимптоталари. Гиперболанинг шаклини яна ҳам аниқроқ тасаввур қилишда асимптота чизиги катта аҳамиятга эга.

Таъриф. Агар $M(x; y)$ нукта Γ эгри чизик бўлаб ҳаракатланиб борганда бу нуктадан l тўғри чизиккача масофа нолга яқинлашса, l тўғри чизик Γ чизикнинг асимптотаси дейилади. $y = \frac{b}{a}x$ ва $y = -\frac{b}{a}x$ тўғри чизиклар (7.17) гиперболанинг асимптоталари эканини кўрсатамиз. $x \geq a$ да гиперболанинг биринчи чоракдаги қисмини аниқлайдиган


$$y = \frac{b}{a} \sqrt{x^2 - a^2} \quad (7.20)$$

тенглама билан

$$Y = \frac{b}{a}x \quad (7.21)$$

тенгламани солиштирамиз. (7.21) тўғри чизик координаталар бошидан ўтади ва унинг бурчак коэффициенти $k = \frac{b}{a}$ га тенг.

65-чизмада бу тўғри чизикнинг биринчи чоракдаги қисми тасвирланган бўлиб, унда $|OA| = a$, $|AB| =$



65-чизма

$= b$. Гипербола ва (7.21) тўғри чизикда бир хил абсциссали $M(x; y)$, $N(x; Y)$ нукталарни қараймиз. Бу икки нуктанинг мос ординаталари:

$$y = + \frac{b}{a} \sqrt{x^2 - a^2}, \quad Y = \frac{b}{a}x$$

бўлади.

MN кесманинг узунлигини ҳисоблаймиз:

$$\begin{aligned} MN &= Y - y = \frac{b}{a}(x - \sqrt{x^2 - y^2}) = \\ &= \frac{b}{a} \cdot \frac{(x - \sqrt{x^2 - y^2})(x + \sqrt{x^2 - y^2})}{x + \sqrt{x^2 - y^2}} = \frac{ab}{x + \sqrt{x^2 - y^2}} \end{aligned}$$

Демак,

$$Y - y = \frac{ab}{x + \sqrt{x^2 - y^2}}. \quad (7.22)$$

(7.22) ифоданинг $x \rightarrow +\infty$ га интилгандаги лимитини текширамиз:

$$\lim_{x \rightarrow +\infty} (Y - y) = \lim_{x \rightarrow +\infty} \frac{ab}{x + \sqrt{x^2 - a^2}}.$$

Бу ифоданинг махражи чексиз ортиб боровчи икки мусбат қўшилувчининг йигиндисидан иборат бўлиб, сурати эса ўзгармас $a \cdot b$ микдордир, шунинг учун

$$\lim_{x \rightarrow +\infty} \frac{ab}{x + \sqrt{x^2 - a^2}} = 0.$$

Демак, гиперболадаги M нукта гипербола бўйича ҳаракатланиб, унинг учидан етарлича узоқлашса, M нуктадан (7.21) тўғри чизикқача бўлган масофа нолга интилади.

Шундай қилиб, гипербола учун (7.21) тўғри чизик асимптота бўлади. Гиперболанинг тенгламаси координата ўқларига симметрик бўлишидан $y = -\frac{b}{a}x$ тўғри чизик ҳам гиперболанинг асимптотаси бўлиши келиб чиқади.

Тенг томонли гипербола. Ярим ўқлари тенг ($a = b$) бўлган гипербола тенг томонли деб аталади. Агар $a = b$ бўлса, (7.17) тенглама қуйидаги кўринишни олади:

$$\frac{x^2}{a^2} - \frac{y^2}{a^2} = 1 \text{ ёки } x^2 - y^2 = a^2 \quad (7.23)$$

Тенг томонли гипербола асимптоталарининг тенгламалари $y = \pm x$ бўлиб, улар орасидаги бурчак 90° га тенг бўлади. Уларнинг бири Ox ўқи билан 45° ли, иккинчиси 135° ли бурчак ташкил қилади.

Энди тенг томонли гипербола (7.23) тенгламасини координата ўқларини буриш ёрдамида ихчам $xu = a$ кўринишга келтиришни кўрсатамиз. Унинг учун координата ўқларини 45° га бурсак, Ox ўқ $y = -x$ асимптота билан, Oy ўқ эса $y = x$ асимптота билан устма-уст тушиб, асимптоталар янги координата ўқлари бўлиб қолади. (7.23) тенгламага

$$\begin{aligned} x &= x' \cos \alpha - y' \sin \alpha, \\ y &= x' \sin \alpha + y' \cos \alpha \end{aligned}$$

алмаштириш формулаларини гатбик этамиз, бунда $\alpha = -45^\circ$

$$(x' \cos 45^\circ + y' \sin 45^\circ)^2 - (x' \sin 45^\circ + y' \cos 45^\circ)^2 = a^2,$$

$$\left(\frac{\sqrt{2}}{2}x' + \frac{\sqrt{2}}{2}y'\right)^2 - \left(\frac{\sqrt{2}}{2}y' - \frac{\sqrt{2}}{2}x'\right)^2 = a^2,$$

$$\frac{1}{2}(x'^2 + 2x'y' + y'^2) - (y'^2 - 2x'y' + x'^2) = a^2,$$

$$2x'y' = a^2 \Rightarrow x'y' = \frac{a^2}{2}.$$

Энди x' ва y' ларни x , y лар орқали, $\frac{a^2}{2}$ ни эса бирор c орқали белгиласак, ўрта мактаб курсида ўрганилган $x \cdot y = c$ гиперболанинг тенгламаси ҳосил бўлади.

Гипербола эксцентриситети. Гиперболанинг фокуслари орасидаги масофанинг ҳақиқий ўқининг узунлигига нисбати гиперболанинг эксцентриситети дейилади ва уни e ҳарфи билан белгиланади:

$$e = \frac{2c}{2a} = \frac{c}{a}.$$

Гиперболада $c > a$ бўлгани учун $e > 1$ бўлади.

Эксцентриситет гипербола шаклини аниқлашда муҳим роль ўйнайди. $e = \frac{c}{a} \Rightarrow c = a \cdot e$, буни $b^2 = c^2 - a^2$ га қўйсак, $b^2 = a^2(e^2 - 1)$ ёки $\frac{b}{a} = \sqrt{e^2 - 1}$ бўлиб, e эксцентриситет қанчалик кичик, яъни $e \rightarrow 1$ бўлса, $\frac{b}{a}$ шунчалик кичик, яъни $\frac{b}{a} \rightarrow 0$ бўлиши кўринади (бунда $a = \text{const}$ деб қаралади) ва гипербола ўзининг ҳақиқий ўқиға сиқилган бўлади, аксинча e катталашиб борса, $\frac{b}{a}$ ҳам катталашиб, гипербола тармоқлари кенгайиб боради.

Гиперболанинг фокал радиуслари. (7.17) гиперболанинг ихтиёрий $M(x; y)$ нуқтасининг фокал радиуслари $x > 0$ бўлганда

$$r_1 = \frac{c}{a}x - a \text{ ва } r_2 = \frac{c}{a}x + a$$

формулалар билан ва $x < 0$ бўлганда эса

$$r_1 = a - \frac{c}{a}x \text{ ва } r_2 = -a - \frac{c}{a}x$$

формулалар билан аниқланади. Агар $\frac{c}{a} = \epsilon$ эканини эътиборга олсак, у ҳолда

$$x > 0 \text{ бўлганда, } r_1 = \epsilon x - a, r_2 = \epsilon x + a \quad (7.24)$$

$$x < 0 \text{ бўлганда, } r_1 = a - \epsilon x, r_2 = -a - \epsilon x \quad (7.25)$$

формулаларга эга бўламиз.

Гиперболанинг директрисалари. Гиперболанинг берилган F фокусига мос директрисаси деб унинг фокал ўқиға перпендикуляр ва марказидан F фокуси ётган томонда $\frac{a}{\epsilon}$ масофада турувчи тўғри чизикқа айтилади. Бу тўғри чизиклар Oy ўқиға параллел ва ундан $\pm \frac{a}{\epsilon}$ масофада ётади.

Директрисаларни d_1, d_2 билан белгилаймиз ҳамда уларни F_1, F_2 фокусларга мос директрисалар деб атаймиз (66- чизма). $F_1(c; 0), F_2(-c; 0)$ фокусларга мос директрисаларнинг тенгламалари


$$d_1: x - \frac{a}{\epsilon} = 0, \quad (7.26)$$

$$d_2: x + \frac{a}{\epsilon} = 0$$

бўлади.

Гипербола эксцентриситети $\epsilon > 1$ бўлгани учун $\frac{a}{\epsilon} < a$ бўлади. Демак, директриса гиперболани кесмас экан.

Гипербола текисликдаги шундай нукталар тўпламики, бу нукталарнинг ҳар биридан фокусгача бўлган масофаларнинг ўша нуктадан шу фокусга мос директрисагача бўлган масофага нисбати ўзгармас миқдор бўлиб, у унинг эксцентриситети ϵ га тенг, яъни (66- чизма):



66- чизма

$$\frac{r_1}{d_1} = \varepsilon, \frac{r_2}{d_2} = \varepsilon. \quad (7.27)$$

Гиперболани ясаш. (7.17) тенглама билан берилган гиперболани ясашни қарайлик. Тенгламадан фойдаланиб $A_1(a; 0)$, $A_2(-a; 0)$ учларини ва $b^2 = c^2 - a^2$ муносабатдан фойдаланиб $F_1(c; 0)$, $F_2(-c; 0)$ фокуслари топамиз. F_1 фокусни марказ қилиб ихтиёрий r_1 радиусли $S(F_1; r_1)$ айлана, F_2 фокусни марказ қилиб $r_2 = r_1 + 2a$ радиусли $S(F_2; r_2)$ айлана чизамиз. Бу икки айлананинг кесишган нуқталари гиперболада ётади, чунки бу нуқталар учун

$$|r_2 - r_1| = |r_1 + 2a - r_1| = 2a.$$

Марказларнинг ўринлари алмаштирилса, гиперболанинг яна икки нуқтаси ҳосил бўлади. Демак, r_1 нинг ҳар бир янги қиймати бўйича гиперболанинг тўртта нуқтасини ясаш мумкин. Шу усулда етарлича нуқталарни ясаб, уларни туташтирсак, гипербола ҳосил бўлади.

1-мисол. Гиперболанинг $F_1(20; 0)$ $F_2(-20; 0)$ фокусларини ва унга тегишли $A(24; 6\sqrt{5})$ нуқтасини билган ҳолда унинг тенгламасини тузинг.

Ечиш. Гиперболанинг фокал радиуслари формуласидан фойдаланамиз, яъни

$$r_1 = \sqrt{(x - c)^2 + y^2}, \quad r_2 = \sqrt{(x + c)^2 + y^2},$$

$$r_1 = \sqrt{4^2 + 36 \cdot 5} = \sqrt{196} = 14,$$

$$r_2 = \sqrt{44^2 + 36 \cdot 5} = \sqrt{2116} = 46.$$

Гиперболани таърифига кўра:

$$|r_1 - r_2| = 2a \text{ ёки } |46 - 14| = 2a,$$

$$2a = 32 \Rightarrow a = 16.$$

Гипербола учун:

$$b^2 = c^2 - a^2 = 20^2 - 16^2 = 144.$$

Демак,

$$\frac{x^2}{256} - \frac{y^2}{144} = 1$$

гипербола тенгламасига эга бўламиз.

2- м и с о л. $xy = 4$ гипербола тенгламасини каноник кўринишга келтиринг.

Е чи ш. Координаталар бошини кўзгатмаган ҳолда координата ўқларини $\alpha = +45^\circ$ бурчакка бурамиз, яъни ушбу формуладан фойдаланамиз:

$$\begin{cases} x = x' \cos 45^\circ - y' \sin 45^\circ = \frac{\sqrt{2}}{2} (x' - y'), \\ y = x' \sin 45^\circ + y' \cos 45^\circ = \frac{\sqrt{2}}{2} (x' + y'). \end{cases}$$

x, y нинг бу қийматларини берилган тенгламага қўямиз:

$$-\frac{\sqrt{2}}{2} (x' - y') \cdot \frac{\sqrt{2}}{2} (x' + y') = 4.$$

Бу тенгламани соддалаштирсак,

$$x'^2 - y'^2 = 8$$

кўринишдаги тенг томонли гиперболанинг каноник тенгламасига эга бўламиз.

3- м и с о л. Директрисалари $x = \pm 4\sqrt{2}$ тенгламалар билан берилган ва асимптоталари орасидаги бурчак 90° бўлган гиперболанинг тенгламасини тузинг.

Е чи ш. Масала шартидан, яъни асимптоталарнинг ўзаро перпендикулярлигидан гипербола тенг томонли эканлиги келиб чиқади, у $x^2 - y^2 = a^2$ тенглама билан ифодаланади. Бундан $a = b$. Гиперболанинг директрисалари $x = \pm \frac{a}{e}$ тенгламалар билан ифодаланади. Масала

шартига кўра $\frac{a}{e} = 4\sqrt{2}$, $e = \frac{c}{a}$ ни ҳисобга олсак,

$$\frac{a^2}{c^2} = 4\sqrt{2} \Rightarrow a^2 = 4\sqrt{2}c, b^2 = c^2 - a^2 \text{ тенгликдан}$$

$$a^2 = c^2 - a^2 \Rightarrow 2a^2 = c^2 \Rightarrow a^2 = \frac{1}{2}c^2 \quad \text{бўлгани учун} \quad a^2 =$$

$$= 4\sqrt{2}c \Rightarrow \frac{1}{2}c^2 = 4\sqrt{2}c \Rightarrow c = 8\sqrt{2} \quad \text{га эга бўламиз.}$$

У ҳолда $a^2 = 4\sqrt{2}c = 4\sqrt{2} \cdot 8\sqrt{2} = 64$. Демак, гипер-
боланинг тенгламаси:

$$x^2 - y^2 = 64$$

4-§. Парабола

Таъриф. *Парабола* деб текисликнинг фокус деб аталувчи берилган F нуктасидан ва директриса деб аталувчи берилган тўғри чизикдан барабар узоқлашган барча нукталарнинг геометрик ўрнига айтилади (фокус директрисада ётмайди деб фараз қилинади).

Фокусдан директрисагача бўлган масофани p орқали белгилаймиз. p катталиқ параболанинг параметри дейилади. Парабола тенгламасини унинг таърифидан фойдаланиб келтириб чиқарамиз. Бунинг учун абсциссалар ўқини шундай жойлаштирамизки, у директрисага перпендикуляр бўлиб, фокус орқали ўтсин ва директрисадан фокусга қараб мусбат йўналишга эга бўлсин (67-чизма). Абсциссалар ўқининг d тўғри чизик билан кесилган нуктаси A бўлсин. Ординаталар ўқини $[AF]$ кесманинг ўртасидан ўтказамиз. Бу ҳолда директриса $x = -\frac{p}{2}$ тенгламага, F фокус эса $(\frac{p}{2}; 0)$ координаталарга эга бўлади. Параболанинг $M(x; y)$ нуктасини оламиз. M нукта парабола чизигида ётиши учун (парабола таърифига кўра) ушбу тенглик ўринли бўлиши керак:

$$\rho(K, M) = \rho(M, F). \quad (7.28)$$

(7.28) тенгликни координаталарда ифодаalayмиз. Икки нукта орасидаги масофани топиш формуласига кўра:

$$\rho(K, M) = \sqrt{\left(x + \frac{p}{2}\right)^2} = \left|x + \frac{p}{2}\right|,$$

$$\rho(M, F) = \sqrt{\left(x - \frac{p}{2}\right)^2 + y^2}.$$

Буларни (7.28) га қўямиз:

$$\sqrt{\left(x + \frac{\rho}{2}\right)^2} = \sqrt{\left(x - \frac{\rho}{2}\right)^2 + y^2}.$$


Бу тенгликнинг ҳар иккала томонини квадратга кўтарсак,

$$\left(x + \frac{\rho}{2}\right)^2 = \left(x - \frac{\rho}{2}\right)^2 + y^2$$


ни ҳосил қиламиз. Қавсларни очиб соддалаштирсак, натижада

$$\begin{aligned} x^2 - \rho x + \frac{\rho^2}{4} + y^2 &= x^2 + x\rho + \frac{\rho^2}{4}, \\ y^2 &= 2\rho x \end{aligned} \quad (7.29)$$

тенглама ҳосил бўлади. (7.29) тенгламага парабола-нинг каноник тенграмаси дейилади.



67- чизма



68- чизма

$M(x; y)$ нуктанинг фокал радиуси $r = x + \frac{\rho}{2}$, парабола-нинг эксцентриситети: $d = r$, $\varepsilon = \frac{r}{d} = 1$ бўлгани учун, $\varepsilon = 1$ бўлади.

Парабола-нинг учи $A(x_0; y_0)$ нуктада бўлиб, унинг симметрия ўқи координата ўқларидан бирига параллел бўлса, унинг тенграмаси қуйидаги кўринишда бўлади:

$$(y - y_0)^2 = 2p(x - x_0) \text{ ёки } (x - x_0)^2 = 2p(y - y_0).$$

Парабола шакли. (7.29) тенгламаси бўйича параболанинг шаклини текширамиз. $y^2 \geq 0$ ва $p > 0$ бўлгани учун (7.29) тенгламада $x \geq 0$ бўлиши керак. Бу эса $p > 0$ бўлганда парабола ординаталар ўқидан ўнг томонда жойлашганини билдиради. Тенгламада y фақат жуфт даражада катнашгани учун абсциссалар ўқи парабола учун симметрия ўқи бўлади.

Агар $x = 0$ бўлса, $y = 0$ бўлиб, парабола координаталар бошидан ўтади. Координаталар боши эса параболанинг учи дейилади. (7.29) тенгламадан кўринадики, x ортиб бориши билан y ҳам ортиб боради. Демак, юқоридаги хоссаларга кўра параболанинг шаклини 68-чизмадагидек тасаввур қилиш мумкин.

Парабола координаталар системасида қандай жойлашинишига кўра унинг тенгламаси мос равишда

$$y^2 = 2px, \quad y^2 = -2px, \quad x^2 = 2py, \quad x^2 = -2py$$

кўринишларда берилади. Охирги икки ҳолда параболанинг симметрия ўқи ординаталар ўқидан иборат бўлади.

Параболани ясаш. Парабола $y^2 = 2px$ тенглама билан берилган бўлсин. Дастлаб параболанинг фокусини ва директрисасини ясаймиз. Бунинг учун Ox ўқда координаталар бошидан ўнгда ва чапда $\frac{p}{2}$ га тенг

$[OF]$ ва $[OA]$ кесмаларни оламиз. A нукта орқали Ox ўққа перпендикуляр қилиб d тўғри чизикни ўтказамиз. F нукта параболанинг фокуси, d эса директрисаси бўлади (68-чизма).

Парабола учидан бошлаб параболанинг симметрия ўқига перпендикуляр ва ҳар бири олдингисидан $\frac{p}{2}$ масофада турувчи тўғри чизикларни ўтказамиз.

Ўтказилган тўғри чизикларнинг ҳар биридан директрисагача бўлган масофани радиус қилиб F марказли айлана чизамиз. Бу айлана тегишли тўғри чизикни икки нуктада кесади. Бу нукталар изланаётган парабола чизигининг нукталари бўлади. Кейинги директрисага параллел чизикдан директрисагача масофани радиус қилиб олиб, F фокусни эса марказ қилиб яна айлана ёйини чизсак, у олинган чизикни икки нуктада кесади,

бундай парабола нукталарини куриш жараёнини узлуксиз кўп маротаба бажарсак, параболанинг нукталар тўпламига эга бўламиз. Директрисага параллел чизиклар сони қанча кўп бўлса, топилган парабола нукталари шунча ўзаро яқин бўлиб, параболани чизиш аниқ ва осон бўлади.

$y = ax^2 + bx + c$ тенглама билан берилган парабола $y = ax^2 + bx + c$ тенглама парабола эканлини кўрсатамиз. Унинг учун тенгламанинг ўнг томонидан тўла квадрат ажратамиз:

$$\begin{aligned} y &= a\left(x^2 + 2\frac{b}{2a}x + \frac{b^2}{4a^2} - \frac{b^2}{4a^2}\right) + c = \\ &= a\left(x + \frac{b}{2a}\right)^2 + \frac{4ac - b^2}{4a}. \end{aligned}$$

Бундан

$$y - \frac{4ac - b^2}{4a} = a\left(x + \frac{b}{2a}\right)^2. \quad (7.30)$$

Декарт координаталар бошини $O\left(-\frac{b}{2a}; \frac{4ac - b^2}{4a}\right)$ нуктага

$$\begin{cases} x = x' - \frac{b}{2a}, \\ y = y' + \frac{4ac - b^2}{4a} \end{cases}$$

формула бўйича координата ўқларини параллел кўчирамиз. Янги координаталар системасида (7.30) тенглама куйидаги кўринишни олади:

$$y' = ax'^2 \text{ ёки } x'^2 = \frac{1}{a} y'.$$

Агар $p = \frac{1}{2|a|}$ деб белгилаш киритсак,

$$x'^2 = 2py' \quad (7.31)$$

тенгламага эга бўламиз. (7.31) тенглама симметрия ўқи ($O'y'$) ўқ ва учи $O'(-\frac{b}{2a}, \frac{4ac-b^2}{4a})$ нуктада бўлган параболадан иборатдир.

1-мисол. $x - 2 = 0$ тўғри чизик ва $F(6; 0)$ нуктадан бир хил узоқликда жойлашган нукталар геометрик ўрнининг тенгламасини тузинг.

Ечиш. $M(x; y)$ — биз излаётган геометрик ўрнининг ихтиёрий нуктаси бўлсин. Икки нукта орасидаги масофа формуласига кўра:

$$|MF| = \sqrt{(x-6)^2 + y^2}.$$

Масала шартига кўра: $x - 2 = 0$ тўғри чизик $M(x; y)$ нуктадан

$$|MF| = |x - 2|$$

масофада бўлади. Шунга кўра

$$\sqrt{(x-6)^2 + y^2} = |x-2|$$

ёки

$$(x-6)^2 + y^2 = x^2 - 4x + 4 \Rightarrow y^2 = 8x + 32.$$

Бу эса Ox ўқида нисбатан симметрик бўлган парабола тенгламасидир.

2-мисол. $y^2 = 4x$ параболада фокал радиусининг узунлиги 20 бўлган нуктани топинг.

Ечиш. Изланаётган $M(x; y)$ нукта учун $\rho(F, M) = 20$,

$$y^2 = 4x \Rightarrow 2p = 4 \Rightarrow p = 2,$$

y ҳолда

$$F(1; 0), 20 = \sqrt{(x-1)^2 + y^2} = \sqrt{(x-1)^2 + 4x}$$

ёки

$$400 = x^2 + 2x + 1 \Rightarrow x^2 + 2x - 399 = 0, \\ x_{1,2} = -1 \pm \sqrt{1+399} = -1 \pm 20; x_1 = 19, x_2 = -21.$$

$x_2 = -21$ илдиз масала шартини қаноатлантирмайди.
 $x_1 = 19$ ни $y^2 = 4x$ га қўйиб y ни топамиз:

$$y^2 = 4 \cdot 19 \Rightarrow y_1 = +2\sqrt{19}, y_2 = -2\sqrt{19}.$$

Демак, изланаётган нукта:

$$M_1(19; 2\sqrt{19}) \text{ ва } M_2(19; -2\sqrt{19}).$$

3-мисол. Автомобиль фонарининг кесими парабола шаклида бўлиб, унинг диаметри 20 см, чуқурлиги 10 см. Парабола фокусининг координаталарини топинг.


Ечиш. F фокусдан параболанинг учигача бўлган масофани топиш учун парабола тенгламасини тузамиз. Координаталар системасини шундай танлаб оламизки, фонарнинг симметрия ўқи Ox ўқ билан, учи эса координаталар боши билан устма-уст тушсин (69-чизма).

Бу ҳолда парабола тенгламаси $y^2 = 2px$ кўринишда бўлишини биламиз. A ва B нукталар параболга тегишли бўлгани учун ва масала шартига кўра нукталарнинг координаталари мос равишда $A(10; 10)$ ва $B(10; -10)$ га тенг.


Бу нукталарнинг координаталарини $y^2 = 2px$ тенгламага қўйсак:

$$10^2 = 2p \cdot 10$$

бўлиб, бундан $p = 5$ га эга бўламиз. Демак, параболанинг фокуси $F(\frac{5}{2}; 0)$ нуктада бўлади.



69-чизма



70-чизма

4-мисол. Oy ўқдан ва $F(3; 0)$ нуқтадан баравар узокликда ётувчи нуқталар геометрик ўрнининг тенгламасини тузинг.

Ечиш. $M(x; y)$ нуқта масала шартини қаноатлантирсин. N нуқта Oy ўқда ётсин, у ҳолда масала шартига кўра:

$$MF = MN.$$

Икки нуқта орасидаги масофани топиш формуласига асосан:

$$MF = \sqrt{(x-3)^2 + y^2},$$

$$MN = \sqrt{(x-0)^2 + (y-y)^2} = x.$$

Буларни ўрнига қўйсак,

$$\sqrt{(x-3)^2 + y^2} = x \text{ ёки } y^2 = 6x - 9.$$

Демак, изланаётган геометрик ўрин фокуси $F(3; 0)$ нуқтада бўлган ҳамда Ox ўққа нисбатан симметрик бўлган параболадир.

5-мисол. Шар тарнов бўйлаб ҳаракатланади ва v тезликка эришиб тарновнинг уринмаси горизонтал йўналишга эга бўлган нуқтада ундан чиқиб кетади. Шарнинг бундан кейинги ҳаракат траекториясини аниқланг (70-чизма).

Ечиш. Шар Oy ўқ бўйлаб ҳаракат қилганда унинг t соатда босган йўли $y = vt$ бўлади.

Лекин шар оғирлик кучининг таъсирида Ox ўқ бўйлаб ҳам ҳаракат қилади. Шарнинг Ox ўқ бўйлаб босган йўли:

$$x = \frac{gt^2}{2}$$

(бу ерда $g = 9,8 \text{ м/сек}^2$ — эркин тушиш тезланиши). Булардан

$$\begin{cases} x = \frac{gt^2}{2}, \\ y = v \cdot t. \end{cases}$$

Бу тенгламалар системаси шар ҳаракатининг параметрик тенгламасидир. Иккинчи тенгламадан t ни топиб биринчи тенгламага қўйсак:

$$t = \frac{y}{v}; y^2 = \frac{2v^2}{g} x.$$

Бу эса парабола тенгламасидир.


5-§. Иккинчи тартибли чизикларнинг қутб координаталардаги тенгламалари

Иккинчи тартибли чизиклардан эллипс, гиперболола ва параболаларнинг олдинги параграфда баён этилган хоссаларидан фойдаланиб, уларнинг қутб координаталардаги тенгламасини келтириб чиқарамиз. Юқоридаги чизиклардан бирортаси берилган бўлса, унинг ўнг тармогини қараймиз, чунки келтириб чиқариладиган қутб тенглама чизикнинг фақат битта тармогини аниқлайди. Аниқлик учун гиперболанинг ўнг тармоғи берилган бўлсин. F унинг фокуси, d чизик эса шу фокусга мос директрисаси бўлсин (71-чизма). Қутб координаталар системасини қуйидагича киритамиз. $FL \perp d$ тўғри чизикни ўтказамиз, $FE = \bar{r}$,

$L = (FL) \cap d$ бўлсин, бунда

E нукта (FL) тўғри чизикда ётади ва F нуктадан L нукта ётмаган томонда ётади. F нуктани қутб; (FE) нурни эса қутб ўқи деб оламиз. M_0 нукта F нуктадан қутб ўқиға ўтказилган перпендикулярнинг берилган чизик билан кесилган нуктаси бўлсин.

$\rho(M_0, F) = \rho$ билан белгилаймиз ва уни эгри чизикнинг фокал параметри деб атаймиз. Қутб координаталар системасида эгри чизикнинг ихтиёрий M нуктасининг координаталарини r, φ билан белгилаймиз:



71-чизма

$$r = \rho(F, M).$$

Эгри чизикнинг 3-§ даги асосий хоссаси (7.27) га кўра:

$$\frac{r}{d} = \frac{\rho(F, M)}{\rho(d, M)} = \varepsilon,$$

$$\frac{\rho(F, M_0)}{\rho(d, M_0)} = \varepsilon \Rightarrow \rho(d, M_0) = \frac{\rho(F, M_0)}{\varepsilon} = \frac{p}{\varepsilon}. \quad (7.32)$$

Агар $\varphi > \frac{\pi}{2}$ бўлса:

$$\rho(d, M) = \rho(d, M_0) - r \cos(180^\circ - \varphi) = \frac{p}{\varepsilon} + r \cos \varphi.$$

Агар $\varphi < \frac{\pi}{2}$ бўлса:

$$\rho(d, M) = \rho(d, M_0) + \rho(F, M) = \frac{p}{\varepsilon} + r \cos \varphi$$

Демак, иккала ҳолда ҳам

$$\rho(d, M) = \frac{p}{\varepsilon} + r \cos \varphi.$$

$\rho(d, M)$ нинг қийматини (7.32) га қўйсак,
 $\frac{r}{\frac{p}{\varepsilon} + r \cos \varphi} = \varepsilon$ тенгликка эга бўламиз. Бундан

$$r = \frac{p}{1 - \varepsilon \cos \varphi}. \quad (7.33)$$

(7.33) тенглама берилган чизиқнинг қутб координаталаридаги тенгламаси дейилади. Бу (7.33) тенгламада:

а) $\varepsilon < 1$ бўлса, у эллипсни аниқлайди ва φ бу ҳолда $0 \leq \varphi < \pi$ ораликдаги барча қийматларни қабул қилади;

б) $\varepsilon = 1$ бўлса, у параболани аниқлайди ва φ бу ҳолда $0 < \varphi < \pi$ ораликдаги барча қийматларни қабул қилади;

в) $\varepsilon > 1$ бўлса, у гиперболани аниқлайди. Бу ҳолда φ қайси ораликда ўзгариши қуйидагича аниқланади. $2\varphi_0$ — асимптоталар орасидаги тармоқ жойлашган бурчак бўлсин, у ҳолда

$$\operatorname{tg} \varphi_0 = \frac{b}{a} = \sqrt{\frac{c^2 - a^2}{a^2}} = \sqrt{e^2 - 1} \quad \text{ёки} \quad \frac{\sin^2 \varphi_0}{\cos^2 \varphi_0} = e^2 - 1 \Rightarrow$$

$$e^2 \cos^2 \varphi = 1 \quad \text{ёки} \quad \cos^2 \varphi_0 = \frac{1}{e^2}, \quad \varphi_0 < \frac{\pi}{2} \quad \text{бўлганидан}$$

$$\cos \varphi_0 = \frac{1}{e}.$$

(7.33) тенгламада $r > 0$ учун $1 - e \cos \varphi > 0$ ёки $\cos \varphi < \frac{1}{e} = \cos \varphi_0$ бўлиши керак. Бундан гиперболанинг

қаралаётган тармогидаги нуқталар учун $\varphi_0 < \varphi < 2\pi - \varphi_0$ тенгсизликлар бажарилади. (7.33) тенгламадаги p сон фокал параметр дейилади. Парабола учун бу фокал параметр унинг каноник тенгламасидаги p дан иборат. Эллипс ва гипербола учун p нинг маъноси, уларнинг мос равишда ярим ўқлари орқали қуйидагича ифодаланади. ($F M_0$) тўғри чизик эллипс (гипербола) нинг фокал ўқиға перпендикуляр бўлгани учун M_0 , F нуқталар бир хил абсциссаға эға. $M_0(x_0, y_0)$ бўлса, $x_0 = -c$ (гиперболада $x_0 = +c$) . M_0 нуқта эллипс (гипербола)ға тегишли бўлгани учун

$$\frac{x_0^2}{a^2} + \frac{y_0^2}{b^2} = 1 \quad \left(\frac{x_0^2}{a^2} - \frac{y_0^2}{b^2} = 1 \right) \quad \text{ва} \quad p = \rho(M_0, F) = |y_0|$$

ни ҳисобға олсак, $\frac{c^2}{a^2} + \frac{p^2}{b^2} = 1 \Rightarrow$

$$p^2 = b^2 \left(1 - \frac{c^2}{a^2} \right) = b^2 \cdot \frac{a^2 - c^2}{a^2} = \frac{b^4}{a^2} \Rightarrow$$

$$p = \frac{b^2}{a}.$$

Демак, эллипс ва гиперболада фокал параметр $p = \frac{b^2}{a}$ га тенг.

1-мисол. $r = \frac{15}{12 - 13 \cos \varphi}$ чизикнинг декарт координаталар системасидаги каноник тенгламасини ёзинг.

Ечиш. Берилган тенгламани (7.33) $\left(r = \frac{p}{1 - e \cos \varphi} \right)$

кўринишга келтирамиз. Унинг учун ўнг томоннинг сурат ва махражини 12 га бўламиз:

$$r = \frac{15}{12 - 13 \cos \varphi} = \frac{\frac{15}{12}}{1 - \frac{13}{12} \cos \varphi} = \frac{\frac{5}{4}}{1 - \frac{13}{12} \cos \varphi}.$$

Буни (7.33) билан таққослаб, $e = \frac{13}{12} > 1$ бўлгани учун эгри чизик гипербола деган хулосага келамиз.

Унинг каноник тенгламасини ёзамиз. Тенгламадан $p = \frac{5}{4}$, лекин $p = \frac{b^2}{a}$ эди, бундан

$$\frac{b^2}{a} = \frac{5}{4} \Rightarrow b^2 = \frac{5}{4} a \cdot e = \frac{c}{a} = \frac{13}{12} \Rightarrow c = \frac{13}{12} a.$$

b , c нинг бу қийматларини $b^2 = c^2 - a^2$ тенгликка қўйиб a ни топамиз:

$$\begin{aligned} \frac{5}{4} a &= \frac{169}{144} a^2 - a^2 \Rightarrow a = \frac{36}{5}, \\ b^2 &= \frac{5}{4} a = \frac{5}{4} \cdot \frac{36}{5} = 9. \end{aligned}$$

Демак, берилган гиперболанинг каноник тенгламаси қуйидагича бўлади:

$$\frac{x^2}{\left(\frac{36}{5}\right)^2} - \frac{y^2}{9} = 1.$$

6-§. Иккинчи тартибли чизикнинг умумий тенгламасини каноник кўринишга келтириш

Бирор тўғри бурчакли декарт координаталар система-сида координаталари

$$a_{11}x^2 + 2a_{12}xy + a_{22}y^2 + 2a_{10}x + 2a_{20}y + a_{00} = 0 \quad (7.34)$$

тенгламани қаноатлантирувчи нуқталар тўплами иккинчи тартибли чизик деб аталиши бизга маълум. Бунда

a_{11} , a_{12} , a_{22} коэффициентлар ҳақиқий сонлардан иборат бўлиб, a_{11} , a_{12} , a_{22} коэффициентларнинг ҳеч бўлмаганда биттаси нолдан фарқли бўлади.

Иккинчи тартибли чизиклар назариясининг асосий масалаларидан бири унинг умумий тенгламасини кано-ник кўринишга келтиришдир. Иккинчи тартибли чизик тенгламасини соддалаштиришни кўйидагича бажара-миз.

Агар иккинчи тартибли чизик бирор R тўғри бурчакли координаталар системасида (7.34) тенглама билан берилган бўлса, у ҳолда бу координаталар системасини буриш ёрдамида R' тўғри бурчакли координаталар системасига ўтиш мумкин. Бу системда (7.34) чизик тенгламасидаги ўзгарувчилар кўпайтмаси, яъни xu ни сакланмайди (бу боскич $a_{22} \neq 0$ бўлган ҳолда ҳам қўлланилади). Бунинг учун

$$\begin{cases} x = x' \cos \alpha - y' \sin \alpha, \\ y = x' \sin \alpha + y' \cos \alpha \end{cases} \quad (7.35)$$

ўтиш формуласидан фойдаланамиз. (7.35) ни (7.34) га қўйсақ ва ўхшаш ҳадларини ихчамласак, (7.34) тенг-лама R' координаталар системасида қуйидаги кўри-нишни олади:

$$a'_{11}x'^2 + 2a'_{12}x'y' + a'_{22}y'^2 + 2a'_{10}x' + 2a'_{20}y' + a'_{00} = 0, \quad (2.36)$$

бу ерда

$$\begin{aligned} a'_{11} &= a_{11} \cos^2 \alpha + 2a_{12} \cos \alpha \sin \alpha + a_{22} \sin^2 \alpha, \\ a'_{12} &= -a_{11} \sin \alpha \cos \alpha + a_{12} \cos^2 \alpha - a_{12} \sin^2 \alpha + a_{22} \sin \alpha \cos \alpha \\ a'_{22} &= a_{11} \sin^2 \alpha - 2a_{12} \sin \alpha \cos \alpha + a_{22} \cos^2 \alpha, \\ a'_{10} &= a_{11} \cos \alpha + a_{20} \sin \alpha, \\ a'_{20} &= -a_{10} \sin \alpha + a_{20} \cos \alpha, \\ a'_{00} &= a_{00} \end{aligned} \quad (7.37)$$

(7.37) белгилашлардан кўринадики, (7.36) тенгламада-ги a'_{11} , a'_{12} , a'_{22} коэффициентлар (7.34) тенгламадаги a_{11} , a_{12} , a_{22} коэффициентларга ва α бурчакка боғлиқ, шунинг билан бирга a'_{11} , a'_{12} , a'_{22} ларнинг камида бири нолдан фарқли бўлиши керак.

α бурчакнинг ихтиёрийлигидан фойдаланиб, уни шундай танлаб оламизки, натижада (7.36) тенгламадаги a_{12} коэффициент нолга тенг бўлсин:

$$\begin{aligned} a'_{12} &= -a_{11}\sin\alpha\cos\alpha + a_{12}\cos^2\alpha - a_{12}\sin^2\alpha + a_{22}\sin\alpha\cos\alpha = \\ &= -(a_{11}\cos\alpha + a_{12}\sin\alpha)\sin\alpha + (a_{12}\cos\alpha + a_{22}\sin\alpha)\cos\alpha = 0 \end{aligned}$$

ёки

$$\frac{a_{11}\cos\alpha + a_{12}\sin\alpha}{\cos\alpha} = \frac{a_{12}\cos\alpha + a_{22}\sin\alpha}{\sin\alpha} \quad (7.38)$$

Бу нисбатни бирор λ га тенглаб, уни қуйидаги кўринишда ёзиб оламиз:

$$\begin{cases} (a_{11} - \lambda)\cos\alpha + a_{12}\sin\alpha = 0 \\ a_{12}\cos\alpha + (a_{22} - \lambda)\sin\alpha = 0. \end{cases} \quad (7.39)$$

(7.39) система бир жинсли бўлгани учун, унинг детерминанти нолга тенг, яъни

$$\begin{vmatrix} a_{11} - \lambda & a_{12} \\ a_{12} & a_{22} - \lambda \end{vmatrix} = 0.$$

Бундан

$$\lambda^2 - (a_{11} + a_{22})\lambda + (a_{11}a_{22} - a_{12}^2) = 0. \quad (7.40)$$

Бизга маълумки, (7.40) бажарилгандагина система нолдан фаркли ечимга эга бўлади. (7.40) тенглама (7.34) чизиқнинг характеристик тенгламаси дейилади. (7.40) тенгламанинг дискриминанти:

$$D = (a_{11} + a_{22})^2 - 4(a_{11}a_{22} - a_{12}^2) = (a_{11} - a_{22})^2 + 4a_{12}^2 > 0$$

бўлгани учун (7.40) тенгламанинг иккита λ_1 ва λ_2 илдизлари турли ва ҳақиқийдир.

(7.38) тенгликдан:

$$a_{11}\cos\alpha + a_{12}\sin\alpha = -\lambda\cos\alpha, \quad (7.41)$$

$$a_{12}\cos\alpha + a_{22}\sin\alpha = \lambda\sin\alpha.$$

Буларнинг ҳар бирини $\cos\alpha \neq 0$ га бўлиб (агар $\cos\alpha = 0$ бўлса, $\alpha = \frac{\pi}{2}$ бўлиб, $a_{12} = 0$ бўлади),

$$\operatorname{tg}\alpha = \frac{\lambda - a_{11}}{a_{12}} = \frac{a_{11}}{\lambda - a_{22}} \quad (7.42)$$

ни ҳосил қиламиз. (7.42) муносабатга навбат билан λ_1 ва λ_2 илдизларни қўямиз.

$$\operatorname{tg}\alpha_1 = \frac{\lambda_1 - a_{11}}{a_{12}}; \operatorname{tg}\alpha_2 = \frac{\lambda_2 - a_{11}}{a_{22}}. \quad (7.43)$$

(7.43) формуладан фойдаланиб $\alpha = \alpha_1$ бурчакни аниқлаб, R координаталар системасини шу α_1 бурчакка буриш билан янги R' координаталар системасига ўтиш мумкинки, бу системада (7.34) тенглама соддалашиб, қуйидаги кўринишни олади:

$$\lambda_1 x'^2 + \lambda_2 y'^2 + 2a'_{10}x' + 2a'_{20}y' + a'_{00} = 0. \quad (7.44)$$

Агар (7.34) тенгламада $a_{10} = a_{20} = 0$ бўлса, у ҳолда $a'_{10} = a'_{20} = 0$ бўлиб, (7.44) тенглама қуйидаги кўринишни олади:

$$\lambda_1 x'^2 + \lambda_2 y'^2 + a_{00} = 0. \quad (7.45)$$

Шундай қилиб, координаталар системасини буриш ёрдамида (7.34) тенгламани (7.44) кўринишдаги тенгламага келтирдик. Энди (7.44) кўринишдаги тенгламани янада соддалаштириш учун, координаталар бошини қўчириш формуласидан фойдаланамиз.

Иккинчи тартибли чизиқнинг тенгламаси (7.44) кўринишда бўлсин ва (7.40) характеристик тенгламанинг илдизлари λ_1 ва λ_2 эса бир вақтда нолга тенг бўлмасин. Қуйидаги уч ҳол бўлиши мумкин:

$$а) \lambda_1 \neq 0, \lambda_2 \neq 0 \Leftrightarrow a_{11}a_{22} - a_{12}^2 \neq 0.$$

Бу ҳолда (7.45) тенгламада қуйидагича шакл алмаштириш бажарамиз:

$$\lambda_1 \left(x' + \frac{a'_{10}}{\lambda_1} \right)^2 + \lambda_2 \left(y' + \frac{a'_{20}}{\lambda_2} \right)^2 + a''_{00} = 0,$$

бу ерда

$$a''_{00} = a'_{00} - \frac{a'^2_{10}}{\lambda_1} - \frac{a'^2_{20}}{\lambda_2}$$

деб белгилаймиз. Энди

$$\begin{cases} x' = X + \left(-\frac{a'_{10}}{\lambda_1}\right) \\ y' = Y + \left(-\frac{a'_{20}}{\lambda_2}\right) \end{cases}$$

алмаштиришни бажарамиз; у холда янги координаталар системаси, яъни R'' да эгри чизик куйидаги тенгламага эга бўлади:

$$\lambda_1 X^2 + \lambda_2 Y^2 + a''_{00} = 0, \quad (7.46)$$

бу ерда $O'\left(-\frac{a'_{10}}{\lambda_1}; -\frac{a'_{20}}{\lambda_2}\right)$. Агар $a''_{00} \neq 0$ бўлса, (7.46)

ни каноник кўринишда ёзиш мумкин:

$$\frac{x^2}{-a''_{00}/\lambda_1} + \frac{y^2}{-a''_{00}/\lambda_2} = 1. \quad (A)$$

Агар $a'_{00} = 0$ бўлса, (7.46) ни куйидаги кўринишда ёзиш мумкин:

$$\lambda_1 X^2 + \lambda_2 Y^2 = 0. \quad (B)$$

Шундай қилиб, R координаталар системасида (7.34) тенглама билан берилган иккинчи тартибли чишиқнинг характеристик тенгламаси илдизлари λ_1 ва λ_2 нолга тенг бўлмаса, $y(A)$ ва (7.46) формулаларга кўра 219-бетдаги жадвалда ифодаланган чизиклардан бирортасини ифодалайди.

б) $\lambda_1 = 0$, ($\lambda_2 \neq 0$), $a'_{10} \neq 0$.

Бу холда (7.44) тенгламани куйидагича ёзиш мумкин:

$$\lambda_2 \left(y' + \frac{a'_{20}}{\lambda_2}\right)^2 + 2a'_{10} \left(x' - \frac{a'_{20} \cdot \frac{1}{\lambda_2} - a'_{00}}{2a'_{10}}\right) = 0.$$

№	λ_1	λ_2	a''_{10}	Каноник тенгламаси	Чизиқнинг номи
1	+	+	-	$\frac{x^2}{a^2} + \frac{y^2}{b^2} = 1$	Эллипс
	-	-	+		
2	+	+	+	$\frac{x^2}{a^2} + \frac{y^2}{b^2} = -1$	Мавҳум эллипс
	-	-	-		
3	+	+	0	$\frac{x^2}{a^2} + \frac{y^2}{b^2} = 0$	Нуқта (кесишувчи мавҳум тўғри чизиқлар жуфти)
	-	-	0		
4	+	-	$\neq 0$	$\frac{x^2}{a^2} - \frac{y^2}{b^2} = \pm 1$	Гипербола
	-	+	$\neq 0$		
5	+	-	0	$\frac{x^2}{a^2} - \frac{y^2}{b^2} = 0$	Кесишувчи тўғри чизиқлар жуфти
	-	+	0		

Бу тенгламага қуйидаги координата алмаштириш формуласи

$$x' = X + \frac{a'_{20} \cdot \frac{1}{\lambda_2} - a'_{00}}{2a'_{10}}; y' = Y + \left(-\frac{a'_{20}}{\lambda_2} \right)$$

ни қўлласак,

$$\lambda_2 Y^2 + 2a'_{10}X = 0 \Rightarrow Y^2 = -2 \cdot \frac{a'_{10}}{\lambda_2} X \quad (7.47)$$

кўринишдаги парабола тенгламасига эга бўламиз. Агар

$$\lambda_1 \neq 0, \lambda_2 = 0, a'_{20} \neq 0 \text{ бўлса, у ҳолда}$$

(7.44) тенгламанинг кўриниши

$$X^2 = -2 \cdot \frac{a'_{20}}{\lambda_1} Y$$

бўлиб, бу ҳам парабола тенгламасидир. Демак, $\lambda_1 = 0$, $\lambda_2 \neq 0$, $a'_{10} \neq 0$ бўлса (ёки $\lambda_1 \neq 0$, $\lambda_2 = 0$, $a'_{20} \neq 0$ бўлса), у ҳолда (7.44) тенглама параболани ифодалар экан.

в) $\lambda_1 = 0$, $a'_{10} = 0$ ёки $\lambda_2 = 0$, $a'_{20} = 0$ бўлсин.

Бу ҳолда (7.44) тенглама қуйидаги кўринишни олади:

$$\lambda_2 \left(y' + \frac{a'_{20}}{\lambda_2} \right)^2 + a''_{00} - \frac{a'^2_{20}}{\lambda_2} = 0.$$

Агар $a'_{00} - \frac{a'^2_{20}}{\lambda_2} = a''_{00}$ деб белгилаб

$$x' = X, y' = Y + \left(-\frac{a'_{20}}{\lambda_2} \right)$$

координаталарни алмаштириш формуласини татбиқ этсак, (7.44) тенглама R'' координаталар системасида

$$Y^2 + \frac{a''_{00}}{\lambda_2} = 0 \quad (7.48)$$

кўринишга эга бўлади. (7.48) формулада қуйидаги ҳоллар бўлиши мумкин. Агар $\frac{a''_{00}}{\lambda_2} < 0$ бўлса, $\frac{a''_{00}}{\lambda_2} = -a^2$ деб белгилаб, (7.48) ни қуйидагича ёзиш мумкин:

$$Y^2 - a^2 = 0 \Rightarrow Y - a = 0; Y + a = 0. \quad (7.49)$$

Агар $\frac{a''_{00}}{\lambda_2} > 0$, яъни $\frac{a''_{00}}{\lambda_2} = a^2$ бўлса, у ҳолда

$$Y^2 + a^2 = 0 \Rightarrow Y + ai = 0; Y - ai = 0$$

бўлади. Бу ҳолда чизик мавҳум параллел тўғри чизиклар жуфтини ифодалайди.

Агар $a''_{00} = 0$ бўлса, $Y^2 = 0 \Rightarrow Y = 0$ бўлади ва бу ҳолда тенглама устма-уст тушган тўғри чизиклар жуфтини ифодалайди.

Шундай қилиб (7.34) тенглама қуйидаги 9 та чизикдан биттасини ифодалайди: 1) Эллипс; 2) Гипербола; 3) Парабола; 4) Кесишувчи тўғри чизиклар жуфти; 5) Ҳар хил параллел тўғри чизиклар жуфти; 6) Устма-уст тушувчи тўғри чизиклар жуфти; 7) Мавҳум эллипс; 8) Мавҳум кесишувчи тўғри чизиклар жуфти; 9) Мавҳум параллел тўғри чизиклар жуфти.

1-мисол. Ушбу иккинчи тартибли эгри чизикнинг умумий тенгласини каноник кўринишга келтиринг: .

$$5x^2 + 8xy + 5y^2 - 18x - 18y + 9 = 0$$

Ечиш. 1) характеристик тенгламани тузиб, унинг илдизларини аниқлаймиз:

$$\begin{vmatrix} 5-\lambda & 4 \\ 4 & 5-\lambda \end{vmatrix} = 0,$$

$$\lambda^2 - 10\lambda + 9 = 0; \lambda_1 = 9; \lambda_2 = 1;$$

2) координаталар системасини буриш керак бўлган бурчакни топамиз:

$$\sin \alpha_1 = \frac{\operatorname{tg} \alpha_1}{\sqrt{1+\operatorname{tg}^2 \alpha_1}} = \frac{1}{\sqrt{2}}; \cos \alpha_1 = \frac{1}{\sqrt{1+\operatorname{tg}^2 \alpha_1}} = \frac{1}{\sqrt{2}};$$

3) a'_{10} ва a'_{20} коэффициентларни аниқлаймиз:

$$\begin{aligned} a'_{10} &= a_{10} \cos \alpha_1 + a_{20} \sin \alpha_1 = \\ &= -9 \cdot \frac{1}{\sqrt{2}} + (-9) \cdot \frac{1}{\sqrt{2}} = -\frac{18}{\sqrt{2}} = -9\sqrt{2}. \\ a'_{20} &= -a_{10} \sin \alpha_1 + a_{20} \cos \alpha_1 = \\ &= -(-9) \cdot \frac{1}{\sqrt{2}} + (-9) \cdot \frac{1}{\sqrt{2}} = -\frac{9}{\sqrt{2}} + \frac{9}{\sqrt{2}} = 0. \end{aligned}$$

4) топилганлардан фойдаланиб, янги координаталар системасига нисбатан қуйидаги чизик тенгламасини тузамиз:

$$9x^2 + y^2 - 18\sqrt{2}x' + 9 = 0$$


ёки

$$x^2 + \frac{y'^2}{9} - 2\sqrt{2}x' + 1 = 0.$$

x' қатнашган ҳадлардан тўлиқ квадрат ажратиб, уни қуйидаги кўринишда ёзиб оламиз:

$$\frac{(x' - \sqrt{2})^2}{1} + \frac{y'^2}{9} = 1 \text{ ёки } \frac{x^2}{1} + \frac{y^2}{9} = 1.$$

Бу тенглама маркази $O_1(\sqrt{2}; 0)$ нуқтага жойлашган ва ярим ўқлари $a=1$, $b=3$ дан иборат эллипс тенгламасидир (72- чизма).



2- м и с о л. Ушбу $4x^2 - 4xy + y^2 - 2x - 14y + 7 = 0$ чизик тенгламасини каноник кўринишга келтиринг, чизмасини ясанг.

Е чи ш. Бу ерда $a_{11} = 4$, $a_{12} = -2$, $a_{22} = 1$, $a_{10} = -1$, $a_{20} = -7$, $a_{00} = 7$.

1) характеристик тенгламани тузиб, унинг илдизларини аниқлаймиз:

$$\begin{vmatrix} 4-\lambda & -2 \\ -2 & 1-\lambda \end{vmatrix} = 0$$

$$\lambda^2 - 5\lambda = 0; \lambda_1 = 0, \lambda_2 = 5$$

ва олдинги мисолдагига ўхшаш давом эттирамиз:

$$2) \operatorname{tg} \alpha_1 = \frac{\lambda_1 - a_{11}}{a_{12}} = \frac{-4}{-2} = 2,$$

$$\sin \alpha_1 = \frac{2}{\sqrt{5}}; \cos \alpha_1 = \frac{1}{\sqrt{5}};$$

$$3) a_{10} = a_{10} \cos \alpha_1 + a_{20} \sin \alpha_1 = -3\sqrt{5},$$

$$a_{20} = -a_{10} \sin \alpha_1 + a_{20} \cos \alpha_1 = -\sqrt{5};$$

$$4) 5y'^2 - 6\sqrt{5}x' - 2\sqrt{5}y' + 7 = 0;$$


$$5) 5\left(y' - \frac{\sqrt{5}}{5}\right)^2 - 6\sqrt{5}\left(x' - \frac{\sqrt{5}}{5}\right) = 0;$$

$$6) x = X + \frac{\sqrt{5}}{5}; y = Y + \frac{\sqrt{5}}{5}$$

алмаштириш бажарамиз:

$$5Y^2 - 6\sqrt{5}X = 0 \Rightarrow Y^2 = \frac{6\sqrt{5}}{5}X.$$

Бу тенглама параболани ифодалайди (73- чизма).



73- чизма

МАШҚЛАР

1. Куйидаги айланаларнинг маркази координаталарини ва радиусини аниқланг:

а) $2x^2 + 2y^2 - 3x + 4y + 2 = 0$;

б) $x^2 + y^2 - 4x + 14y + 54 = 0$;

в) $x^2 + y^2 - 8x + 6y = 0$;

г) $x^2 + y^2 + 10x - 4y + 29 = 0$;

д) $x^2 + y^2 + 3x - 7y - \frac{3}{2} = 0$;

е) $x^2 + y^2 + 3x - y = 0$.

2. $A(6; -4)$ нукта берилган. Диаметри OA кесмадан иборат айлана тенгламасини тузинг.

3. Куйидаги айланаларни ясаи:

а) $x^2 + y^2 - 2x + 4y - 21 = 0$;

б) $x^2 + y^2 - 4x + 6y + 9 = 0$;

в) $x^2 + y^2 - 8x = 0$;

г) $x^2 + y^2 + 4y = 0$.

4. Берилган $A(-4; 0)$; $B(1; 5)$ ва $C(4; -4)$ нукталардан ўтувчи айлана марказининг координаталари ҳамда радиусини топинг.

5. Айлана диаметрининг учлари $A(-3; 2)$ ва $B(1; 4)$ бўлса, шу айлана тенгламасини тузинг.

6. $A(4; 4)$ нуктадан ва $x^2 + y^2 + 4x - 4y = 0$ айлана билан $y = -x$ тўғри чизикнинг кесишган нукталаридан ўтувчи айлана тенгламасини топинг.

7. Радиуси $R = 1$ бўлган айлана $A(2; 1)$ нукта оркали ўтади ва $x^2 + y^2 - 8x - 4y + 19 = 0$ айланасига урилади. Айлана тенгламасини тузинг.

8. Координаталар бошидан ва $x^2 + y^2 = a^2$ айлананинг $x + y + a = 0$ тўғри чизик билан кесишган нукталаридан ўтувчи айлана тенгламасини тузинг.

9. $A(1; -3)$ ва $B(-1; 1)$ нукталардан ўтиб, маркази $2x - y + 1 = 0$ тўғри чизикда ётган айлана тенгламасини тузинг.

10. Учбурчак томонларининг тенгламалари $9x - 2y - 41 = 0$, $7x + 4y + 7 = 0$, $x - 3y + 1 = 0$ бўлса, шу учбурчакка ташки чизилган айлана тенгламасини тузинг.

11. Эллипснинг кичик ярим ўқи $b = 12$, эксцентриситети $e = 0,5$. Эллипснинг тенгламасини тузинг ҳамда фокуслари орасидаги масофани топинг.

12. $A(4; 1)$ ва $B(\frac{5\sqrt{5}}{3}; -2)$ нукталардан ўтувчи эллипс тенгламасини тузинг.

13. Қуйидагиларни билган ҳолда эллипс тенгламасини тузинг:

а) ярим ўқлари мос равишда 4 ва 2 га тенг;

б) фокуслари орасидаги масофа 6 га, катта ярим ўқи 5 га тенг;

в) кичик ярим ўқи 3 га, эксцентриситети $\frac{\sqrt{2}}{2}$ га тенг;

г) ярим ўқларининг йиғиндиси 8 га ва фокуслар орасидаги масофа 8 га тенг;

д) директрисаси $x = \pm 12$ тенглама билан аниқланган ва эксцентриситети $\frac{1}{3}$ га тенг.

14. Агар эллипснинг директрисалари орасидаги масофа фокуслари орасидаги масофадан тўрт марта катта бўлса, унинг эксцентриситетини топинг.

15. Директрисалари $x = \pm 8$ ва кичик ўқи 8 га тенг бўлган эллипснинг тенгламасини тузинг ва эксцентриситетини топинг.

16. $x^2 + y^2 = 4$ айланадаги ҳар бир нуқтанинг абсциссаси икки баробар орттирилган. Ҳосил бўлган эгри чизиқни аниқланг.

17. Эллипс абсциссалар ўқига $A(7; 0)$ нуқтада ва ординаталар ўқига $B(0; 4)$ нуқтада уринади. Агар эллипснинг ўқлари координата ўқларига параллел бўлса, унинг тенгламасини тузинг.

18. Эллипс Ox ўқини $A(3; 0)$ ва $B(7; 0)$ нуқталарда кесади ва Oy ўқка $C(0; 3)$ нуқтада уринади. Агар эллипснинг ўқлари координата ўқларига параллел бўлса, унинг тенгламасини тузинг.

19. Гиперболанинг $\frac{x^2}{16} - \frac{y^2}{9} = 1$ тенгламаси берилган. Гиперболанинг эксцентриситетини, фокуслари ва учларининг координаталарини, асимптоталирининг тенгламаларини, ихтиёрий нуқтасининг фокал радиусларини ва директрисаларининг тенгламаларини аниқланг.

20. $2x^2 - 4y^2 = 18$ гипербола тенгламаси берилган. Гиперболанинг фокуслари, асимптоталари, эксцентриситетини аниқланг ва уни ясанг.

21. Учлари $\frac{x^2}{25} + \frac{y^2}{9} = 1$ эллипснинг фокусларида, фокуслари эса унинг учларида бўлган гиперболанинг қаноник тенгламасини ёзинг.

22. Фокуслари тенг томонли $x^2 - y^2 = 8$ гипербола-нинг фокуслари билан устма-уст тушган ҳамда $A(4; 6)$ нуқтадан ўтган эллипс тенгламасини тузинг.

23. Гипербола координата ўқларига нисбатан симметрик бўлиб, $A(6; -2\sqrt{2})$ нуқтадан ўтади, мавҳум ярим ўқи $b = 2$ га тенг. Унинг каноник тенгламасини тузинг ва $B(6; -2\sqrt{2})$ нуқтадан фокусларигача бўлган масофаларни топинг.

24. Гипербола асимптоталарининг тенгламалари $4y - 3x = 0$ ва $3x - 4y = 0$ бўлиб, фокуслари орасидаги масофа 10 га тенг. Унинг каноник тенгламасини тузинг.

25. $x^2 + y^2 + 6x = 0$ айлана ва $x - y = 0$ тўғри чизиқнинг кесишган нуқталаридан ўтиб, Oy ўққа нисбатан симметрик бўлган парабола ва унинг директрисаси тенгламаларини тузинг. Айлана, тўғри чизиқ ва параболани ясанг.

26. Горизонтга нисбатан ўткир бурчак остида отилган тош парабола ёйини чизиб, бошланғич жойидан 32 метр узоққа тушади. Тошнинг 24 метр баландликка кўтарилганлигини билган ҳолда унинг траекторияси тенгламасини тузинг.

27. Фавворадан отилиб чиқаётган сув оқими параболаси $p = 0,1$ бўлган парабола шаклини олади. Сувнинг отилиб чиқаётган жойдан 2 м узоқликка тушаётганлиги маълум бўлса, отилиб чиқаётган сувнинг баландлигини топинг.

28. Иккинчи тартибли эгри чизиқларнинг қутб тенгламалари берилган:

$$a) r = \frac{1}{2 - 2\cos\varphi}; \quad б) r = \frac{1}{2 - \sqrt{3}\cos\varphi};$$

$$в) r = \frac{1}{2 - \sqrt{5}\cos\varphi}.$$

Уларнинг декарт координаталари системасидаги тенгламаларини тузинг.

29. $\frac{x^2}{36} + \frac{y^2}{25} = 1$ эллипснинг қутб координатасидаги тенгламасини тузинг.

30. $r = \frac{3\sqrt{2}}{2 - \cos\varphi}$ эллипснинг ярим ўқларининг узунлигини ва фокуслари орасидаги масофани, эксцентриситети ва директрисаларининг тенгламасини топинг.

31. Координата ўқларини параллел кўчирганда $A(4; 1)$ нукта янги $A(3; -1)$ координаталарга эга бўлади. Эски ва янги координаталар системаларини ҳамда A нуктани ясанг.

32. Координата ўқларининг йўналишини маълум бир ўткир бурчакка бурганда $A(1; 4)$ нуктанинг янги системадаги абсциссаси 4 га тенг. Ўша буриш бурчагини топинг, янги ва эски системани ҳамда A нуктани ясанг.

33. Куйидаги иккинчи тартибли эгри чизикларнинг тенгламаларини энг содда (каноник) кўринишга келтиринг ва бу эгри чизикларни ясанг:

а) $x^2 + xy + y^2 - 1 = 0$;

б) $32x^2 + 52xy - 7y^2 + 180 = 0$;

в) $5x^2 + 4xy + 8y^2 - 32x - 56y + 80 = 0$;

г) $3x^2 - 4xy - 2x + 4y^2 - 5 = 0$;

д) $16x^2 - 2xy + 9y^2 + 25x - 50y + 50 = 0$;

е) $9x^2 + 24xy + 16y^2 + 50x - 100y + 25 = 0$.

8-БОБ

ИККИНЧИ ТАРТИБЛИ СИРТЛАР

1-§. Иккинчи тартибли сиртнинг умумий тенгламаси

Бизга маълумки, $F(x, y) = 0$ тенглама текисликда бирор тўғри чизикни аниқлайди, яъни Oxy текисликдаги координаталари x ва y бўлган барча нукталар тўплами бу тенгламани қаноатлантиради. Шунингдек, фазода ҳам

$$F(x, y, z) = 0 \quad (8.1)$$

тенглама $Oxyz$ да бирор сиртни, яъни координаталари x , y ва z бўлган ва (8.1) тенгламани қаноатлантирадиган нукталар тўпламини аниқлайди. (8.1) тенглама сиртнинг тенгламаси, x , y , z лар эса унинг ўзгарувчи координаталари дейилади.

Иккинчи тартибли сиртнинг умумий тенгламаси куйидаги кўринишда ёзилади:

$$a_{11}x^2 + a_{22}y^2 + a_{33}z^2 + 2a_{12}xy + 2a_{13}xz + 2a_{23}yz + 2a_{14}x + 2a_{24}y + 2a_{34}z + a_{44} = 0, \quad (8.2)$$

бу тенгламадаги a_{11} , a_{22} , a_{33} , a_{12} , a_{13} , a_{23} коэффициентларнинг камида биттаси нолдан фаркли бўлиши керак. Айрим ҳолларда сирт тенгламаси билан эмас, балки у ёки бу хоссага эга бўлган нукталарнинг

геометрик ўрни билан берилиши мумкин. Бу ҳолда сиртнинг геометрик хоссаларидан фойдаланиб унинг тенгламаси тузилади.

Масалан, берилган $O_1(a; b; c)$ нуқтадан R масофада ётувчи барча нуқталарнинг геометрик ўрни шар сирти (сфера) бўлади. Бу бобда оддий кўринишдаги тенгламалари иккинчи даражали икки ўзгарувчили бўлган сиртларнинг баъзилари билан танишамиз.

2-§. Сферик сирт

Сферанинг $Oxyz$ тўғри бурчакли декарт координаталар системасидаги тенгламасини тузамиз.

Маркази $O'(a; b; c)$ нуқтада ва радиуси R бўлган сфера берилган бўлсин. Агар $M(x; y; z)$ нуқта сферанинг ихтиёрий нуқтаси бўлса, у ҳолда $O'(a; b; c)$ ва $M(x; y; z)$ нуқталар орасидаги масофани топиш формуласидан фойдалансак, сфера тенгламаси қуйидагича бўлади:

$$(x-a)^2 + (y-b)^2 + (z-c)^2 = R^2. \quad (8.3)$$

(8.3) — маркази $O'(a; b; c)$ нуқтада ётувчи ва радиуси R га тенг бўлган сфера тенгламаси дейилади. Агар (8.3) да $a=b=c=0$ бўлса, маркази координаталар бошида ётувчи ва радиуси R га тенг бўлган сфера тенгламасига эга бўламиз:

$$x^2 + y^2 + z^2 = R^2. \quad (8.4)$$

(8.3) ни қуйидаги кўринишда ёзиш мумкин.

$$x^2 + y^2 + z^2 - 2ax - 2by - 2cz + a^2 + b^2 + c^2 - R^2 = 0. \quad (8.5)$$

Сфера тенгламаси иккинчи тартибли сирт эканини кўрсатамиз. Унинг учун сиртнинг (8.2) тенгламасида

$$a_{12} = a_{13} = a_{23} = 0 \text{ ва } a_{11} = a_{22} = a_{33}$$

деб олинса, (8.2) нинг кўриниши қуйидагича бўлади:

$$a_{11}x^2 + a_{11}y^2 + a_{11}z^2 + 2a_{14}x + 2a_{24}y + 2a_{34}z + a_{44} = 0. \quad (8.6)$$

Ҳосил бўлган (8.6) тенглама сферанинг тенгламаси эканини текшираамиз. Бунинг учун $a_{11} \neq 0$ деб (8.6) нинг ҳамма ҳадларини a_{11} га бўламиз ва қуйидаги белгилашларни киритамиз:

$$A = \frac{2a_{14}}{a_{11}}, B = \frac{2a_{24}}{a_{11}}, C = \frac{2a_{34}}{a_{11}}, D = \frac{a_{44}}{a_{11}}.$$

Натижада

$$x^2 + y^2 + z^2 + Ax + By + Cz + D = 0$$

кўринишдаги тенгламага эга бўламиз. Охириги тенгламани ушбу кўринишда ёзиб оламиз:

$$\left(x + \frac{A}{2}\right)^2 + \left(y + \frac{B}{2}\right)^2 + \left(z + \frac{C}{2}\right)^2 = \frac{1}{4}(A^2 + B^2 + C^2 - 4D)$$

ёки

$$\begin{aligned} &\left(x + \frac{A}{2}\right)^2 + \left(y + \frac{B}{2}\right)^2 + \left(z + \frac{C}{2}\right)^2 = \\ &= \left(\frac{1}{2} \sqrt{A^2 + B^2 + C^2 - 4D}\right)^2. \end{aligned} \quad (8.7)$$

(8.7) тенгламадан кўринадики, $A^2 + B^2 + C^2 - 4D > 0$ бўлганда (8.6) тенглама маънога эга бўлади. Демак,

$$A^2 + B^2 + C^2 - 4D > 0$$

бўлса, (8.7) тенглама маркази $\left(-\frac{A}{2}; -\frac{B}{2}; -\frac{C}{2}\right)$ нук-

тада ва радиуси $R = \frac{1}{2} \sqrt{A^2 + B^2 + C^2 - 4D}$ бўлган сферани ифодалайди. Агар $A^2 + B^2 + C^2 - 4D = 0$ бўлса, (8.7) тенглама

$$\left(x + \frac{A}{2}\right)^2 + \left(y + \frac{B}{2}\right)^2 + \left(z + \frac{C}{2}\right)^2 = 0$$

кўринишда бўлиб, у фақат битта $\left(-\frac{A}{2}; -\frac{B}{2}; -\frac{C}{2}\right)$ нуктани ифодалайди.

Мисол. $x^2 + y^2 + z^2 - 4x + 2y + 8z + 4 = 0$ сферанинг маркази ва радиусини топинг.

Ечиш. Берилган тенгламани (8.3) кўринишга келтирамиз. Бунинг учун тенгламадаги x, y, z лар қатнашган ҳадларни олиб, уларни тўла квадратга келтирамиз:

$$x^2 + y^2 + z^2 - 4x + 2y + 8z + 4 = 0,$$

$$(x-2)^2 + (y+1)^2 + (z+4)^2 - 4 + 4 - 1 - 16 = 0 \Rightarrow$$

$$(x-2)^2 + (y+1)^2 + (z+4)^2 = 17$$

ёки

$$(x-2)^2 + (y+1)^2 + (z+4)^2 = (\sqrt{17})^2.$$

Демак, сферанинг маркази $(2; -1; -4)$ нуктада бўлиб, радиуси $R = \sqrt{17}$ га тенг экан.

3-§. Цилиндрик сирт


Бирор Π текисликда ётувчи L чизиқнинг ҳар бир нуктасидан ўтувчи ва берилган l тўғри чизикка параллел бўлган барча тўғри чизиклардан ташкил топган сирт цилиндрик сирт дейилади. Бунда L чизик цилиндрик сиртнинг йўналтирувчиси, l тўғри чизикка параллел ва L чизиқни кесувчи чизиклар унинг ясовчиси дейилади (74-чизма).

Йўналтирувчилари координата текисликларидан бирида ётувчи ясовчилари эса шу текисликка перпендикуляр бўлиб координаталар ўкига параллел бўлган цилиндрик сиртларни қурамыз.


Оху текисликда тенгламаси

$$F(x; y) = 0 \quad (8.8)$$

бўлган L чизик ва ясовчилари Oz ўқка параллел бўлган цилиндрик сирт ясаймиз (75-чизма).



74-чизма



75-чизма

(8.8) тенглама *Охуз* координаталар системасида цилиндрик сирт тенгламаси эканини кўрсатамиз.

$M(x; y; z)$ — цилиндрик сиртнинг ихтиёрий тайинланган нуктаси бўлсин. M нукта орқали ўтувчи ясовчи-

нинг L йўналтирувчиси билан кесишган нуқтасини N деб белгилаймиз.

N нуқта M нуқтанинг Oxy текислигидаги проекциясидир. Шунинг учун M ва N нуқталар битта x абсцисса ва битта y ординатага эга. N нуқта L чизиқда ётгани учун, y эгри чизиқнинг (8.8) тенгламасини қаноатлантиради.

Демак, бу тенгламани $M(x; y; z)$ нуқтанинг координатлари ҳам қаноатлантиради. $Oxyz$ фазода L йўналтирувчи қуйидаги иккита тенглама системаси билан аниқланади:

$$\begin{cases} F(x; y) = 0, \\ z = 0. \end{cases}$$

Худди шунга ўхшаш

$$\begin{cases} F(x; z) = 0, \\ y = 0; \end{cases}$$

$$\begin{cases} F(y; z) = 0, \\ x = 0 \end{cases}$$

тенгламалар цилиндрик сиртларнинг L йўналтирувчи чизиқларини мос равишда Oxz ва Oyz текисликдаги ҳолатини аниқлашини кўрсатиш мумкин.

Цилиндрик сиртларга мисоллар кўрамиз.


1. $\frac{x^2}{a^2} + \frac{y^2}{b^2} = 1$ тенглама билан аниқланадаган

цилиндрик сирт эллиптик цилиндр дейилади (76-чизма). Унинг ясовчилари Oz ўққа параллел, ярим ўқлари a ва b бўлган Oxy текисликда ётган эллипс эса унинг йўналтирувчиси. Агар $a=b$ бўлса, унинг йўналтирувчиси айлана бўлади, сирт эса тўғри доиравий цилиндр бўлади. Унинг тенгламаси:


$$x^2 + y^2 = a^2.$$

2. $\frac{x^2}{a^2} - \frac{y^2}{b^2} = 1$ тенглама билан аниқланадиган ци-

линдрик сирт гиперболик цилиндр дейилади (77-чизма). Бу сиртнинг ясовчилари Oy ўққа параллел, йўналтирувчиси эса Oxz текисликда жойлашган гиперболодан иборатдир.




76- чизма



77- чизма

4- §. Конус сирт

Бирор Q текисликда L иккинчи тартибли чизик ва бу текисликка тегишли бўлмаган M_0 нукта берилган бўлсин (78- чизма).



78- чизма

Таъриф. Фазодаги M_0 нуктадан ўтиб, L ни кесиб ўтувчи барча тўғри чизиклар тўплами иккинчи тартибли конус сирт (ёки конус) деб аталади. M_0 нукта конус учи, L чизик конус йўналтирувчиси, конусни ҳосил қилувчи тўғри чизиклар эса унинг ясовчилари деб аталади.

Конус ясовчилари бўлган тўғри чизиклар маркази конус учида бўлган тўғри чизиклар боғламига тегишли бўлади. Энди конус тенгламасини келтириб чиқарайлик. Q текислик ва ундаги L чизик Oxy текисликда ётган бўлсин. $M_0(x_0; y_0; z_0)$ эса Oxy текислигида ётмаган ихтиёрий нукта бўлсин. Конуснинг ихтиёрий $M(x; y; z)$ нуктасини олайлик, у ҳолда M_0M тўғри чизик конуснинг ясовчиси бўлиб, L чизик билан $M_1(x_1; y_1; z_1)$ нуктада кесишади. M_0 , M_1 ва M нукталар бир тўғри чизикда ётгани учун

$$\overline{M_0M_1} = \lambda \overline{M_0M}$$

тенглик ўринли. Бу тенгликдан:

$$\begin{aligned} x_1 - x_0 &= \lambda(x - x_0), & x_1 &= x_0 + \lambda(x - x_0), \\ y_1 - y_0 &= \lambda(y - y_0), & \text{ёки } y_1 &= y_0 + \lambda(y - y_0), \\ z_0 - z &= \lambda(z - z_0) & z_0 + \lambda(z - z_0) &= 0. \end{aligned}$$

Сўнгги тенгликдан λ ни топиб, олдинги икки тенгликка кўямиз:

$$x_1 = x_0 + \frac{x - x_0}{z_0 - z} \cdot z_0; \quad y_1 = y_0 + \frac{y - y_0}{z_0 - z} \cdot z_0. \quad (8.9)$$

$$M_1 \in L \Rightarrow F(x_1; y_1) = 0$$

ёки

$$F\left(x_0 + \frac{x - x_0}{z - z_0} \cdot z_0; y_0 + \frac{y - y_0}{z_0 - z} \cdot z_0\right) = 0. \quad (8.10)$$

(8.10) ифода конус тенгламаси дейилади. Иккинчи тартибли конуснинг декарт координаталар системасидаги энг содда тенгламаси

$$\begin{aligned} \frac{x^2}{a^2} + \frac{y^2}{b^2} - \frac{z^2}{c^2} &= 0; \\ \frac{x^2}{a^2} - \frac{y^2}{b^2} + \frac{z^2}{c^2} &= 0; \\ -\frac{x^2}{a^2} + \frac{y^2}{b^2} + \frac{z^2}{c^2} &= 0 \end{aligned} \quad (8.11)$$

кўринишларда бўлади.

Тенгламаси (8.11) кўринишда бўлган конусни текисликлар билан кесилса, кесимда қандай иккинчи тартибли чизиклар ҳосил бўлишини аниқлаймиз.

1. Конусни $z=h(h>0)$ текислик билан кессак, кесимда

$$\frac{x^2}{a^2} + \frac{y^2}{b^2} = \frac{h^2}{c^2} \text{ ёки } \frac{x^2}{\left(\frac{ah}{c}\right)^2} + \frac{y^2}{\left(\frac{bh}{c}\right)^2} = 1$$

эллипс ҳосил бўлади.

2. Конусни $y=h(h>0)$ текислик билан кессак, кесимда

$$-\frac{x^2}{\left(\frac{ah}{b}\right)^2} + \frac{z^2}{\left(\frac{ch}{b}\right)^2} = 1$$

гипербола ҳосил бўлади.

3. Конусни $\frac{x}{a} - \frac{z}{c} = h(h>0)$ текислик билан кессак, кесимда

$$\begin{cases} \frac{x^2}{a^2} + \frac{y^2}{b^2} - \frac{z^2}{c^2} = 0, \\ \frac{x}{a} - \frac{z}{c} = h \end{cases}$$

системанинг ечими бўлган $y^2 = -b^2h\left(2 \cdot \frac{x}{a} - h\right)$ парабола ҳосил бўлади.

4. Конусни $y=0$ текислик билан кессак, кесимда $\frac{x^2}{a^2} - \frac{z^2}{c^2} = 0$ тенглама билан аниқланувчи кесишувчи иккита тўғри чизик ҳосил бўлади. Шунингдек, $x=0$ текислик билан кессак, кесимда $\frac{y^2}{b^2} - \frac{z^2}{c^2} = 0$ тенглама билан аниқланувчи кесишувчи иккита тўғри чизик ҳосил бўлади.

5. Конусни $\frac{x}{a} - \frac{z}{c} = 0$ текислик билан кессак, кесимда устма-уст тушган иккита $\frac{y^2}{b^2} = 0$ ёки $y^2 = 0$ тўғри чизик ҳосил бўлади.

Мисол. Йўналтирувчиси Oxy текисликдаги $x^2 - 4y^2 = 1$ гиперболадан иборат, учи $(1; -2; 1)$ нуқтада бўлган конус тенгламасини тузинг.

Ечиш. Масала шартига кўра

$$L: F(x; y) = x^2 - 4y^2 - 1 = 0; x_0 = 1; y_0 = -2, z_0 = 1.$$

(8.9) формулага асосан x ни

$$\frac{x-1}{1-z} + 1 = \frac{x-z}{1-z} \text{ билан, } y \text{ ни } \frac{y+2}{1-z} - 2 = \frac{y+2z}{1-z}$$

билан алмаштирсак, (8.10) формула куйидаги кўринишни олади:

$$\left(\frac{x-z}{1-z}\right)^2 - 4\left(\frac{y+2z}{1-z}\right)^2 - 1 = 0.$$

Бу тенгламани соддалаштирсак, изланаётган конус тенгламасини ҳосил қиламиз:

$$x^2 - 4y^2 - 16z^2 - 2xz - 16yz + 2z - 1 = 0.$$

5-§. Айланма сиртлар

Q текисликда бирор L чизиқ ва l тўғри чизик берилган бўлсин.

Таъриф. L чизиқнинг l тўғри чизик атрофида айланишидан ҳосил бўлган Φ фигура айланма сирт деб аталади. Бунда L айланма сиртнинг меридиани, l айланиш ўқи деб аталади.

Равшанки, L чизиқнинг ҳар бир нуқтаси l атрофида айланишида бирор айланани ҳосил қилиб, бу айлананинг маркази тўғри чизикда бўлади. Айланма сиртнинг тенгламасини келтириб чиқарамиз.

Декарт координаталар системасини шундай танлаб оламизки, бунда $Q - (Oyz)$ текислик, $l - (Oz)$ ўқ ҳамда

$$L: F(x; z) = 0$$

бўлсин.

L чизиқнинг (Oz) ўқ атрофида айланишдан 79- қизмадагидек Φ сирт ҳосил бўлган бўлсин. $M(x; y; z)$ шу сиртга тегишли ихтиёрий нуқта бўлсин. M нуқтадан Oz ўқка перпендикуляр ўтказсак, кесимда маркази $O_1 \in (Oz)$ нуқтада бўлган бирор айлана ҳосил қилинадики, у айлана L чизиқ билан $M_1(O; y_1; z_1)$ нуқтада кесишсин. У ҳолда O_1 нинг координаталари $(0; 0; z)$ бўлади. Кесим айланадан иборат бўлгани учун:

$$\rho(O, M) = \rho(O_1, M_1). \quad (8.12)$$

Бу масофалар икки нукта орасидаги масофани топиш формуласига кўра қуйидагича бўлади:

$$\rho(O, M) = \sqrt{(x-0)^2 + (y-0)^2 + (z-z)^2} = \sqrt{x^2 + y^2},$$

$$\rho(O_1, M) = \sqrt{(0-0)^2 + (y_1-0)^2 + (z-z)^2} = \sqrt{y_1^2} = |y_1|.$$

Бу қийматларни (8.12) тенгликка қўямиз:

$$|y_1| = \sqrt{x^2 + y^2} \Rightarrow y_1 = \pm \sqrt{x^2 + y^2}.$$

$M_1 \in L$ бўлгани учун:


$$F(\pm \sqrt{x^2 + y^2}; z) = 0. \quad (8.13)$$

(8.13) тенглама L чизиқни Oz ўқ атрофида айлантиришдан ҳосил бўлган айланма сиртнинг тенгламасидир.

Агар L чизиқни мос равишда Ox ва Oy ўқлар атрофида айлантирсак, ҳосил бўлган сиртларнинг тенгламалари мос равишда

$$F(x; \pm \sqrt{y^2 + z^2}) = 0 \text{ ва}$$

$$F(y; \pm \sqrt{x^2 + z^2}) = 0 \quad (8.14)$$



79 чизма

бўлади.

1-мисол. Oyz текисликда жойлашган

а) $\frac{y^2}{b^2} + \frac{z^2}{c^2} = 1$ эллипс; б) $\frac{y^2}{b^2} - \frac{z^2}{c^2} = 1$ гипербола; в)

$y^2 = 2pz$ параболаларнинг Oz ўқ атрофида айланишидан ҳосил бўладиган айланма сиртларнинг тенгламаларини тузинг.

Ечиш. (8.13) формулага асосан:

а) эллипси Oz ўқ атрофида айлантирсак,

$$\frac{(\sqrt{x^2 + y^2})^2}{b^2} + \frac{z^2}{c^2} = 1 \text{ ёки } \frac{x^2}{b^2} + \frac{y^2}{b^2} + \frac{z^2}{c^2} = 1$$

сирт ҳосил бўлиб, айланма эллипсоид деб аталади.

б) гиперболани Oz ўқ атрофида айлантирсак,

$$\frac{(\sqrt{x^2 + y^2})^2}{b^2} - \frac{z^2}{c^2} = 1 \text{ ёки } \frac{x^2}{b^2} + \frac{y^2}{b^2} - \frac{z^2}{c^2} = 1$$

сирт ҳосил бўлиб, у айланма *гиперболоид* деб аталади;
в) параболани Oz ўқ атрофида айлантирсак,

$$(\pm \sqrt{x^2 + y^2})^2 = 2pz \text{ ёки } x^2 + y^2 = 2pz$$

сирт ҳосил бўлиб, у айланма *параболоид* деб аталади.

2- мисол. $y = x$ тўғри чизикнинг Ox ўқ атрофида айланишидан ҳосил бўлган айланма сирт тенгламасини тузинг.

Ечиш. $y = x$ тўғри чизик тенгламасида y ни $\pm \sqrt{y^2 + z^2}$ билан алмаштирамиз:

$$x = \pm \sqrt{y^2 + z^2} \text{ ёки } x^2 - y^2 - z^2 = 0,$$

бу — изланаётган айланма сирт тенгламаси бўлиб, у *доиравий конус* сиртдан иборатдир.

6- §. Эллипсоид

Таъриф. Фазодаги декарт координаталар системасида

$$\frac{x^2}{a^2} + \frac{y^2}{b^2} + \frac{z^2}{c^2} = 1 \quad (8.15)$$

тенгламани қаноатлантирувчи барча нуқталар тўпламидан ҳосил бўлган сирт *эллипсоид* деб аталади, бунда a, b, c сонлар унинг ярим ўқлари дейилади.

(8.15) тенглама билан берилган эллипсоиднинг шаклини ва баъзи геометрик хоссаларини аниқлайлик.

1. (8.15) тенглама иккинчи тартибли алгебраик тенглама бўлгани учун эллипсоид иккинчи тартибли сиртдир.

2. (8.15) тенгламага эътибор берсак, учта мусб x соннинг йигиндиси бирга тенгдир, бундан

$$\frac{x^2}{a^2} \leq 1; \frac{y^2}{b^2} \leq 1; \frac{z^2}{c^2} \leq 1$$

ёки

$$x^2 \leq a^2, y^2 \leq b^2, z^2 \leq c^2,$$

булардан:

$$-a \leq x \leq a; -b \leq y \leq b; -c \leq z \leq c. \quad (8.16)$$

Эллипсоид чегараланган сирт бўлиб, қирралари $2a$, $2c$, $2b$ тўғри бурчакли параллелепипед ичига жойлашган фигурадан иборатдир.

3. (8.15) ва (8.16) формулалардан кўриниб турибдики, агар қўшилувчилардан бирортаси бирга тенг бўлса, қолган иккитаси нол бўлиши керак. Масалан, $x^2 = a^2$ бўлганда $y^2 = 0$, $z^2 = 0$ бўлиб, $x = \pm a$, $y = 0$, $z = 0$ ва эллипсоид (Ox) ўқини $A_1(a; 0; 0)$, $A_2(-a; 0; 0)$ нукталарда кесиб ўтади.

Худди шунга ўхшаш, бу эллипсоид Oy ўқини $B_1(0; b; 0)$, $B_2(0; -b; 0)$ нукталарда Oz ўқини $C_1(0; 0; c)$, $C_2(0; 0; -c)$ нукталарда кесиб ўтади.

Бу нукталарга эллипсоиднинг учлари деб аталади.

4. Эллипсоидни координата текисликлари билан кесилганда кесимда ҳосил бўладиган чизиқларни аниқлаймиз:

а) эллипсоидни Oxy текислик билан кесайлик. Бу ҳолда

$$\begin{cases} \frac{x^2}{a^2} + \frac{y^2}{b^2} + \frac{z^2}{c^2} = 1 \\ z = 0 \end{cases} \Rightarrow \frac{x^2}{a^2} + \frac{y^2}{b^2} = 1,$$

яъни Oxy текислидаги эллипс ҳосил бўлади;

б) Oxz ($y=0$) текислик билан кессак:

$$\begin{cases} \frac{x^2}{a^2} + \frac{y^2}{b^2} + \frac{z^2}{c^2} = 1 \\ y = 0 \end{cases} \Rightarrow \frac{x^2}{a^2} + \frac{z^2}{c^2} = 1$$

эллипс ҳосил бўлади;

в) Oyz ($x=0$) текислик билан кессак:

$$\begin{cases} \frac{x^2}{a^2} + \frac{y^2}{b^2} + \frac{z^2}{c^2} = 1 \\ x = 0 \end{cases} \Rightarrow \frac{y^2}{b^2} + \frac{z^2}{c^2} = 1$$

эллипс ҳосил бўлади.

5. Эллипсоидни координата текисликларига параллел текисликлар билан кесилганда кесимда ҳосил бўладиган чизиқларни аниқлаймиз.

Эллипсоидни Oxy текисликка параллел бўлган $z=h$ текислик билан кессак, тенгламаси

$$\begin{cases} \frac{x^2}{a^2} + \frac{y^2}{b^2} + \frac{z^2}{c^2} = 1, \\ z = h \end{cases} \Rightarrow \frac{x^2}{a^2} + \frac{y^2}{b^2} = 1 - \frac{h^2}{c^2}$$

бўлган эгри чизик ҳосил бўлади. Бу ерда уч ҳол бўлиши мумкин:

а) $-c < h < c$ бўлса, $1 - \frac{h^2}{c^2} > 0$ бўлиб,

$$\frac{x^2}{a^2} + \frac{y^2}{b^2} = 1 - \frac{h^2}{c^2}$$

тенгламага эга бўламиз, бу эса маркази $(0; 0; h)$ нуктада ва $z = h$ текисликда ётувчи эллипсдан иборатдир;

б) $h = c$ ёки $h = -c$ бўлса, $\frac{x^2}{a^2} + \frac{y^2}{b^2} = 0$ бўлиб, бу

шарт фақатгина $x = 0, y = 0$ бўлгандагина бажарилади, демак, $z = c$ текислик бу ҳолда эллипсоид билан $(0; 0; c)$ нуктада, $z = -c$ текислик эса $(0; 0; -c)$ нуктада кесишади. Бу текисликлар эллипсоидга шу нукталарда мос равишда уринма текислик бўладилар;

в) $h > c$ ёки $h < -c$ бўлса, у ҳолда $1 - \frac{h^2}{c^2} < 0$

бўлиб, $\frac{x^2}{a^2} + \frac{y^2}{b^2} = 1 - \frac{h^2}{c^2}$ нинг ўнг томонида манфий сон

ҳосил бўлади, чап томони эса доимо мусбат, демак $z > c$ ёки $z < -c$ текисликлар эллипсоид билан кесишмайди.

Эллипсоидни бошқа координата текисликларига параллел $x = h, y = h$ текисликлар билан кесилса, ҳосил бўлган кесимларни юқоридаги каби аниқлаш мумкин, биз уни ўқувчига ҳавола қиламиз.

6. Агар $M_1(x; y; z)$ нукта эллипсоидга тегишли бўлса, $M_2(-x; -y; -z)$ нукта ҳам унга тегишли бўлади, бундан кўринадики, эллипсоид координаталар бошига нисбатан симметрик жойлашган. Бу маълумотлар эллипсоиднинг кўринишини 80-чизмадагидек чизишга ёрдам беради. Хусусий ҳолда $a = b \neq c$ бўлса, $\frac{x^2 + y^2}{a^2} + \frac{z^2}{c^2} = 1$ айланма эллипсоид ҳосил бўлади.

Агар $a = b = c$ бўлса, $x^2 + y^2 + z^2 = a^2$ бўлиб, маркази координаталар бошида ва радиуси a га тенг сфера ҳосил

бўлади, $a \neq b \neq c$ шартда эллипсоид уч ўқли дейилади.

Мисол. Ўқлари декарт координата ўқларида жойлашган ва $M(1; 0; 3)$ нуктадан ўтиб, Oxy текислик билан $\frac{x^2}{19} + \frac{y^2}{4} = 1$ эллипс бўйича кесишувчи эллипсоид тенгламасини тузинг.

Ечиш. Изланаётган тенглама

$$\frac{x^2}{a^2} + \frac{y^2}{b^2} + \frac{z^2}{c^2} = 1$$

кўринишда бўлиб, a, b, c ларни топиш кифоя. Масала шартига кўра $z=0$ да $\frac{x^2}{a^2} + \frac{y^2}{b^2} = 1$ эллипс ҳосил бўлади,


уни берилган $\frac{x^2}{19} + \frac{y^2}{4} = 1$ эллипс билан солиштириб, $a^2=19, b^2=4$ ларни топамиз.

$M(1; 0; 3)$ нукта изланаётган текисликка тегишли бўлгани учун


$$\frac{1}{19} + \frac{0}{4} + \frac{9}{c^2} = 1 \Rightarrow c^2 = \frac{19}{2}.$$

Демак, изланаётган тенглама қуйидагича бўлади:

$$\frac{x^2}{19} + \frac{y^2}{4} + \frac{2z^2}{19} = 1.$$



80- чизма



81- чизма

7-§. Гиперболоидлар

Гиперболоидлар икки хил бўлади. Агар гиперболани мавҳум ўқи атрофида айлантурсак, ҳосил бўлган сирт бир *паллали* айланма гиперболоид деб аталади ва бу сиртнинг тенгламаси

$$\frac{x^2}{a^2} + \frac{y^2}{b^2} - \frac{z^2}{c^2} = 1 \quad (8.17)$$

кўринишда ёзилади. Агар гиперболани ҳақиқий ўқ атрофида айлантурсак, ҳосил бўлган сирт *икки паллали* айланма гиперболоид деб аталади ва бу сиртнинг тенгламаси

$$\frac{x^2}{a^2} - \frac{y^2}{b^2} - \frac{z^2}{c^2} = 1 \quad (8.18)$$

кўринишда ёзилади.

Бир паллали гиперболоид. (8.17) тенглама билан берилган бир паллали гиперболоиднинг шаклини ва баъзи геометрик хоссаларини аниқлайлик (81-чизма).

1. (8.17) тенгламадан бир паллали гиперболоиднинг иккинчи тартибли сирт эканлигини кўрамиз.

2. Бир паллали гиперболоиднинг координата ўқлари билан кесишиш нуқталарини аниқлаймиз:

а) (Ox) ўқ ($y=0, z=0$) билан кесишиш нуқтаси:

$$\begin{cases} \frac{x^2}{a^2} + \frac{y^2}{b^2} - \frac{z^2}{c^2} = 1, \\ y=0, \\ z=0 \end{cases} \Rightarrow \frac{x^2}{a^2} = 1 \Rightarrow x = \pm a.$$

Демак, бир паллали гиперболоид Ox ўқини $A_1(a; 0; 0)$, $A_2(-a; 0; 0)$ нуқталарда кесади.

б) (Oy) ўқ ($x=0; z=0$) билан кесишиш нуқтаси:

$$\begin{cases} \frac{x^2}{a^2} + \frac{y^2}{b^2} - \frac{z^2}{c^2} = 1, \\ x=0, \\ z=0 \end{cases} \Rightarrow \frac{y^2}{b^2} = 1 \Rightarrow y = \pm b.$$

Демак, бир паллали гиперболоид Oy ўқини $B_1(0; b; 0)$, $B_2(0; -b; 0)$ нуқталарда кесади.

в) (Oz) ўқ ($x=0$; $y=0$) билан кесишиш нуқтаси:

$$\begin{cases} \frac{x^2}{a^2} + \frac{y^2}{b^2} - \frac{z^2}{c^2} = 1, \\ x=0, \\ y=0 \end{cases} \Rightarrow -\frac{z^2}{c^2} = 1 \Rightarrow z^2 = -c^2.$$

Бу тенглик хақиқий сонлар соҳасида ўринли эмас. Шунинг учун бир паллали гиперболоид Oz ўқи билан кесишмайди ва Oz ўқ гиперболоиднинг *мавҳум ўқи* деб аталади. A_1 , A_2 , B_1 , B_2 нуқталар бир паллали гиперболоиднинг *учлари* дейилади.

3. Бир паллали гиперболоидни координата текисликлари билан кесилганда ҳосил бўладиган кесимни аниқлайлик.

а) бир паллали гиперболоидни Oxy текислик билан кессак, кесимда

$$\begin{cases} \frac{x^2}{a^2} + \frac{y^2}{b^2} - \frac{z^2}{c^2} = 1, \\ z=0 \end{cases} \Rightarrow \frac{x^2}{a^2} + \frac{y^2}{b^2} = 1$$

эллипс ҳосил бўлади;

б) Oxz текислик билан кессак, кесимда

$$\begin{cases} \frac{x^2}{a^2} + \frac{y^2}{b^2} - \frac{z^2}{c^2} = 1, \\ y=0 \end{cases} \Rightarrow \frac{x^2}{a^2} - \frac{z^2}{c^2} = 1$$

гипербола ҳосил бўлади;

в) Oyz текислик билан кессак:

$$\begin{cases} \frac{x^2}{a^2} + \frac{y^2}{b^2} - \frac{z^2}{c^2} = 1, \\ x=0 \end{cases} \Rightarrow \frac{y^2}{b^2} - \frac{z^2}{c^2} = 1,$$

яъни кесим гипербола бўлади.

4. Бир паллали гиперболоидни координата текисликларига параллел текисликлар билан кессак, ҳосил бўлган кесимлар ё гипербола, ёки эллипс бўлади.

а) Oxy текисликка параллел $z=h$ текислик билан кессак:

$$\begin{cases} \frac{x^2}{a^2} + \frac{y^2}{b^2} - \frac{z^2}{c^2} = 1, \\ z = h \end{cases} \Rightarrow \frac{x^2}{a^2} + \frac{y^2}{b^2} = 1 + \frac{h^2}{c^2}, \text{ яъни}$$

кесим — эллипс. Бунда $|h|$ сон катталашган сари эллипснинг ярим ўқлари катталашиб, фақат $h=0$ бўлганда эллипс энг кичик ярим ўкли бўлади;

б) *Oyz* текисликка параллел $x=h$ текислик билан кесак:

$$\begin{cases} \frac{x^2}{a^2} + \frac{y^2}{b^2} - \frac{z^2}{c^2} = 1, \\ x = h \end{cases} \Rightarrow \frac{y^2}{b^2} - \frac{z^2}{c^2} = 1 - \frac{h^2}{a^2}. \quad (A)$$

h нинг қийматларига кўра (A) тенгламада қуйидаги ҳоллар юз бериши мумкин:

1) агар $h=a$ бўлса, (A) тенглама қуйидаги кўринишда бўлади:

$$\frac{y^2}{b^2} - \frac{z^2}{c^2} = 0 \Rightarrow \frac{y}{b} - \frac{z}{c} = 0, \frac{y}{b} + \frac{z}{c} = 0,$$

яъни кесим $(0; 0)$ нуқтада кесишуви иккита тўғри чизикдан иборат бўлади;

2) агар $-a < h < a$ бўлса, $1 - \frac{h^2}{a^2} > 0$ бўлиб, (A) тенглама қуйидаги кўринишни олади:

$$\frac{y^2}{b^2 \left(1 - \frac{h^2}{a^2}\right)} - \frac{z^2}{c^2 \left(1 - \frac{h^2}{a^2}\right)} = 1,$$

яъни кесим — мавҳум ўқи *Oz* га параллел бўлган гиперболдан иборат;

3) агар $|h| > a$ бўлса, $1 - \frac{h^2}{a^2} < 0$ бўлиб, (A) тенглама қуйидаги кўринишни олади:

$$-\frac{y^2}{b^2 \left(\frac{h^2}{a^2} - 1\right)} + \frac{z^2}{c^2 \left(\frac{h^2}{a^2} - 1\right)} = 1,$$

яъни кесим — мавҳум ўқи Ox ўқка параллел бўлган гиперболадан иборат. Худди шу ҳоллар гиперболоидни $y=h$ текислик билан кесганда ҳам содир бўлади.

5. Агар $M_1(x_1; y_1; z_1)$ нуқта гиперболоидга тегишли бўлса, $M_2(-x_1; -y_1; -z_2)$ ҳам гиперболоидга тегишли бўлади. Бундан бир паллали гиперболоид нуқталари координаталар бошига ва координата текисликларига нисбатан симметрик эканлиги келиб чиқади.

Шу маълумотларга асосан бир паллали гиперболоидни чизиш мумкин (81-чизма).

Хусусий ҳолда, $a=b$ бўлса, (8.17) тенглама

$$\frac{x^2+y^2}{a^2} - \frac{z^2}{c^2} = 1 \text{ га келтирилади, бу эса бир паллали}$$

айланма гиперболоидни аниқлайди.

Кўйидаги

$$\frac{x^2}{a^2} - \frac{y^2}{b^2} + \frac{z^2}{c^2} = 1 \quad (8.19)$$

ёки

$$-\frac{x^2}{a^2} + \frac{y^2}{b^2} + \frac{z^2}{c^2} = 1 \quad (8.20)$$

тенгламалар ҳам бир паллали гиперболоид бўлиб, улар мавҳум ўқлари билангина фарқ қилади. (8.19) да Oy мавҳум ўқ, (8.20) да Ox мавҳум ўқдир.

Икки паллали гиперболоид. (8.18) тенглама бўйича бу сиртнинг шаклини ва баъзи геометрик хоссаларини аниқлайлик.

1. Икки паллали гиперболоид иккинчи тартибли сиртдир.

2. Икки паллали гиперболоид координаталар бошига ва координата текисликларига нисбатан симметрик жойлашган.

3. Икки паллали гиперболоид фақатгина Ox ўқ билан $A_1(a; 0; 0)$, $A_2(-a; 0; 0)$ нуқталарда кесишиб, бошқа координата ўқлари билан кесишмайди, демак, Oy , Oz мавҳум ўқлардир. Бундан эса, икки паллали гиперболоид икки қисмдан иборат бўлиб, улар Oyz текисликка нисбатан симметрик жойлашганлиги келиб чиқади (82-чизма).

4. (8.18) тенгламани Oyz текисликка параллел $x=h$ текислик билан кессак,

$$\begin{cases} \frac{x^2}{a^2} - \frac{y^2}{b^2} - \frac{z^2}{c^2} = 1, \\ x = h \end{cases} \Rightarrow -\frac{y^2}{b^2} - \frac{z^2}{c^2} = 1 - \frac{h^2}{a^2} \Rightarrow$$

$$\frac{y^2}{b^2} + \frac{z^2}{c^2} = \frac{h^2}{a^2} - 1 \quad (A)$$

бўлиб, бунда қуйидаги икки ҳол бўлиши мумкин:

а) $|h| > 0 \Rightarrow \frac{h^2}{a^2} - 1 > 0$ бўлиб, (A) тенглама

$$\frac{y^2}{b^2} + \frac{z^2}{c^2} = \frac{h^2}{a^2} - 1$$

кўринишни олиб, кесим эллипсни аниқлайди;

б) $h = a$ да кесим фақат битта $A_1(a; 0; 0)$ ёки $A_2(-a; 0; 0)$ нуқтадан иборат бўлади.

Икки паллали гиперболоиднинг бошқа координата текисликлари ва бу текисликларга параллел текисликлар билан кесимлари ҳам гиперболадан иборат. Умуман, юқоридаги бир паллали гиперболоид тенгламасини текширишдаги барча мулоҳазалар икки паллали гиперболоидга ҳам тегишлидир.

Хусусий ҳолда, $b = c$ бўлса, (8.18) тенглама

$$\frac{x^2}{a^2} - \frac{y^2 + z^2}{c^2} = 1$$

кўринишини олади ва у

$$\frac{x^2}{a^2} - \frac{z^2}{c^2} = 1$$


гиперболанинг ($y = 0$ текисликда) Ox ўқ атрофида айланишидан ҳосил бўлади. Агар (8.18) тенглама

$$-\frac{x^2}{a^2} - \frac{y^2}{b^2} + \frac{z^2}{c^2} = 1 \quad (8.21)$$


ёки

$$-\frac{x^2}{a^2} + \frac{y^2}{b^2} - \frac{z^2}{c^2} = 1 \quad (8.22)$$

кўринишда бўлса, у ҳолда булар ҳам икки паллали гиперболоид бўлиб, (8.21) тенглама учун Ox , Oy ўқлар; (8.22) тенглама учун Ox , Oz ўқлар мавҳум ўқлар бўлади.



82- чизма



83- чизма

Мисол. Декарт координаталар системасида $M_1 (0; 0; 4)$ ва $M_2 (0; 0; -4)$ нуқталар берилган. Фазода шундай нуқталар тўплами топилсинки, уларнинг ҳар биридан M_1, M_2 нуқталаргача бўлган масофалар айирмасининг абсолют қиймати 6 га тенг бўлсин.

Ечиш. Фараз қилайлик, $M(x; y; z)$ масала шартини қаноатлантирадиган нуқта бўлсин, яъни

$$|\rho(M_1, M) - \rho(M_2, M)| = 6.$$

Бу тенгликни координаталарда ёзамиз:

$$|\sqrt{x^2 + y^2 + (z-4)^2} - \sqrt{x^2 + y^2 + (z+4)^2}| = 6$$

ёки

$$\sqrt{x^2 + y^2 + (z-4)^2} = \pm 6 + \sqrt{x^2 + y^2 + (z+4)^2}.$$

Кейинги тенгликнинг ҳар иккала қисмини квадратга кутарамиз:

$$x^2 + y^2 + z^2 - 8z + 16 =$$

$$= 36 + x^2 + y^2 + z^2 + 8z + 16 \pm 12 \sqrt{x^2 + y^2 + (z+4)^2}$$

ёки

$$\pm 3 \sqrt{x^2 + y^2 + (z+4)^2} = 4z + 9.$$

Яна бир марта квадратга кўтариб соддалаштирамиз:

$$-\frac{x^2}{7} - \frac{y^2}{7} + \frac{z^2}{9} = 1.$$

Ҳосил бўлган тенглама икки параллели гиперболоидни аниқлайди.

8-§. Параболоидлар

Декарт координаталар системасида Oz ўқиға симметрик параболоид берилган бўлсин. Унинг Oz ўқ атрофида айланишидан ҳосил бўлган сирт *эллиптик параболоид* деб аталади ва у

$$\frac{x^2}{p} + \frac{y^2}{q} = 2z, (p > 0, q > 0) \quad (8.23)$$

тенглама билан ифодаланади. Параболанинг Ox ўқ атрофида айланишидан ҳосил бўлган сирт *гиперболик параболоид* деб аталади ва у

$$\frac{x^2}{p} - \frac{y^2}{q} = 2z, (p > 0, q > 0) \quad (8.24)$$

тенглама билан ифодаланади. Бу сиртларни ўрганамиз.

1. **Эллиптик параболоид.** Эллиптик параболоиднинг шаклини ва унинг баъзи геометрик хоссаларини (8.23) тенгламани текшириш орқали аниқлаймиз (83-чизма).

1. Эллиптик параболоид иккинчи тартибли сирт бўлиб, бу сирт координаталар бошидан ўтади.

2. Эллиптик параболоиднинг координата ўқлари билан кесишиш нуқталарини аниқлаймиз.

а) Ox ўқ ($y=0, z=0$) билан кесишиш нуқтаси:

$$\begin{cases} \frac{x^2}{p} + \frac{y^2}{q} = 2z, \\ y=0, \\ z=0 \end{cases} \Rightarrow \frac{x^2}{p} = 0 \Rightarrow x=0.$$

Демак, изланаётган нуқта: $O(0; 0; 0)$;

б) Oy ўқ ($x=0, z=0$) билан кесишиш нуқтаси:

$$\begin{cases} \frac{x^2}{p} + \frac{y^2}{q} = 2z, \\ x=0, \\ z=0 \end{cases} \Rightarrow \frac{y^2}{q} = 0 \Rightarrow y=0.$$

Демак, изланаётган нуқта: $O(0; 0; 0)$;

в) Oz ўқ ($x=0, y=0$) билан кесишиш нуқтаси:

$$\begin{cases} \frac{x^2}{p} + \frac{y^2}{q} = 2z, \\ x=0, \\ y=0 \end{cases} \Rightarrow 2z=0 \Rightarrow z=0.$$

Изланаётган нукта: $O(0; 0; 0)$. Демак, эллиптик параболоид координата ўқлари билан фақат координаталар бошидагина кесишади.

3. Эллиптик сиртни координата текисликлари ва уларга параллел текисликлар билан кесилганда ҳосил бўладиган кесимни аниқлаймиз.

а) Oxy текислиқ билан кесишиш чизиги

$$\begin{cases} \frac{x^2}{p} + \frac{y^2}{q} = 2z, \\ z=0, \end{cases} \Rightarrow \frac{x^2}{p} + \frac{y^2}{q} = 0,$$

яъни $(0; 0)$ нукта бўлади;

б) Oxz текислик билан кесишиш чизиги

$$\begin{cases} \frac{x^2}{p} + \frac{y^2}{q} = 2z, \\ y=0 \end{cases} \Rightarrow \frac{x^2}{p} = 2z \Rightarrow x^2 = 2pz, \text{ яъни}$$

симметрия ўқи Oz бўлган параболодан иборат;

в) Oyz текислик билан кесишиш чизиги ҳам параболодан ($y^2 = 2qz$) иборат;

г) $z=h$ текислик билан кесишиш чизигини аниқлаймиз:

$$\begin{cases} \frac{x^2}{p} + \frac{y^2}{q} = 2z, \\ z=h \end{cases} \Rightarrow \frac{x^2}{p} + \frac{y^2}{q} = 2h. \quad (A)$$

(A) тенглама учун қуйидаги ҳоллар бўлиши мумкин:

1) $h=0$ бўлса, $z=0$ бўлиб, юқоридаги а) ҳол такрорланади;

2) $h<0$ бўлса, $p>0$, $q>0$ бўлиб, (A) тенглама ўринли бўлмайди (мавҳум чизиққа эга бўламиз);

3) $h>0$ бўлса, (A) тенглама

$$\frac{x^2}{2ph} + \frac{y^2}{2qh} = 1$$

кўринишни олади ва бу тенглама $z=h$ текисликдаги эллипсни беради.

Бундан ташқари $x=h$ ва $y=h$ текисликлар билан кесишиш чизиги параболодан иборат бўлади.

4. x, y ўзгарувчилар (8.23) тенгламада жуфт даражада қатнашганлиги учун эллиптик параболоид Oxz, Oyz текисликларга нисбатан симметрик жойлашади. Бу текисликларнинг кесишишидан ҳосил бўлган Oz тўғри чизик эллиптик параболоиднинг ўқи деб аталади. Эллиптик параболоид 83- чизмада тасвирланган. Хусусий ҳолда $p=q$ бўлса, (8.23) тенглама $x^2+y^2=2pz$ кўринишда бўлиб, y айланма параболоиддан иборат бўлади.

Ўқлари Ox ёки Oy дан иборат эллиптик параболоидлар мос равишда

$$\frac{y^2}{p} + \frac{z^2}{q} = 2x \text{ ёки } \frac{x^2}{p} + \frac{z^2}{p} = 2y$$

тенгламалар билан ифодаланади.

II. **Гиперболик параболоид.** (8.24) тенгламаси бўйича гиперболик параболоиднинг шаклини ва баъзи геометрик хоссаларини аниқлайлик.

1. Гиперболик параболоид иккинчи тартибли сирт бўлиб координаталар бошидан ўтади.

2. Координата ўқлари билан фақат координаталар бошида кесишади.

3. а) Бу сирт Oxy текислик билан кесилганда кесимда иккита кесишувчи тўғри чизик ҳосил бўлади;

б) Oxz текислик билан кесилганда эса кесимда симметрия ўқи Oz бўлган $x^2=2pz$ парабола ҳосил бўлади;


в) Oyz текислик билан кесилганда кесимда симметрия ўқи Oz дан иборат $y^2=2qz$ парабола ҳосил бўлади.

4. $z=h$ текислик билан кесилганда кесимда:

а) $h>0$ шартда $\frac{x^2}{2ph} - \frac{y^2}{2qh} = 1$ гипербола;

б) $h<0$ шартда $-\frac{x^2}{2ph} + \frac{y^2}{2qh} = 1$ гипербола

ҳосил бўлади. $x=h, y=h$ текисликлар билан кесилганда кесимда ҳар доим парабола ҳосил бўлади. Шу маълумотларга асосланиб гиперболик параболоидни 84- чизмадагидек сирт кўринишда тасаввур қилиш



84- чизма

мумкин, баъзан бу сирт-ни «эгарсимон» сирт деб ҳам юритилади.

Мисол. $x^2 - y^2 = 12z$ тенглама билан берилган сиртнинг шаклини аниқланг.

Е чи ш. Берилган сирт тенгламасини

$$\frac{x^2}{6} - \frac{y^2}{6} = 2z$$

кўринишда ёзиб оламиз. Демак, берилган тенглама айланма гиперболоид параболоидни тасвирлайди.

МАШҚЛАР

1. Куйидаги сфераларнинг маркази ва радиусини аниқланг:

- а) $x^2 + y^2 + z^2 = 2az$;
- б) $x^2 + y^2 + z^2 - 3x + 5y - 4z = 0$;
- в) $x^2 + y^2 + z^2 + 4x + 2y - 2z - 18 = 0$;
- г) $x^2 + y^2 + z^2 - 2y - 6z = 0$;
- д) $x^2 + y^2 + z^2 + 20z = 0$;
- е) $x^2 + y^2 + z^2 - 4x - 6z = 0$.

2. Куйидаги тенгламалар қандай сиртларни тасвирлайди:

- а) $25x^2 + 3y^2 - 15z^2 - 75 = 0$;
- б) $4x^2 + 25y^2 + 10z^2 - 100 = 0$;
- в) $4x^2 + y^2 - 8z = 0$;
- г) $4x^2 + 6z^2 - 24 = 0$;
- д) $z^2 + 2z - 4x + 1 = 0$;
- е) $9y^2 - 16z^2 + 64z - 18y - 199 = 0$;
- ж) $2x^2 - y^2 - z^2 = 0$;
- з) $3x^2 + 4y^2 - 12z^2 = 0$.

3. А (3; -1; 2) нукта куйидаги тенгламаси билан берилган сфераларнинг сиртида, ичида ёки ташқарисиди ётишини аниқланг:

- а) $(x+4)^2 + (y-11)^2 + (z+12)^2 = 625$;
- б) $(x-3)^2 + (y+1)^2 + (z-1)^2 = 4$;
- в) $(x-2)^2 + (y-1)^2 + (z-6)^2 = 25$;

$$г) x^2 + y^2 + z^2 - 8x + 6y - 4z + 22 = 0;$$

$$д) x^2 + y^2 + z^2 - 2x + 3y - z - 3 = 0.$$

4. Куйидаги

$$\begin{cases} (x-3)^2 + (y-4)^2 + z^2 = 28, \\ 4x + y - z - 9 = 0 \end{cases}$$

айланадан ва $A(7; -3; 1)$ нуктадан ўтувчи сферик сиртнинг тенгламасини тузинг. Унинг маркази координаталарини ва радиусини аниқланг.

5. Ушбу

$$\frac{x+5}{3} = \frac{y+11}{5} = \frac{z-9}{-4}$$

тўғри чизик билан $x^2 + y^2 + z^2 + 4x - 2y + 10z - 19 = 0$ сферанинг кесишиш нуктасини топинг.

6. Oxz текисликдан 3 бирлик узокликда ва $A(1; 3; -2)$ нуктадан 4 бирлик узокликда жойлашган нукталарнинг геометрик ўрни тенгламасини тузинг.

7. $x=z$ тўғри чизикнинг Oz ўк атрофида айланишидан ҳосил бўлган айланма сиртнинг тенгламасини тузинг.

8. Куйидаги тенглама қандай сиртни тасвирлайди:

$$3x^2 + 3y^2 + 81z^2 - 324 = 0?$$

9. Ушбу $\frac{x^2}{49} + \frac{y^2}{36} + \frac{z^2}{25} = 1$ эллипсоиднинг

$$z=0; \pm 1; \pm 2; \pm 3; x=0, y=0$$

текисликлар билан кесишишидан ҳосил бўлган кесимларни топинг.

10. $\frac{x^2}{9} + \frac{y^2}{4} + \frac{z^2}{6} = 1$ эллипсоиднинг $A(2; 3; 5)$ нуктасига ўтказилган уринма текислик тенгламасини тузинг.

11. $x^2 + 2y^2 + 20y - z^2 + 34 = 0$ тенглама билан босрилган сиртнинг шаклини аниқланг.

12. $\frac{x^2}{16} + \frac{y^2}{9} - \frac{z^2}{4} = 1$ бир паллали гиперболоидга $A(-3; 2; 4)$ нуктада уринувчи текислик тенгламасини тузинг.

13. Ушбу

$$\begin{cases} x^2 + y^2 + z^2 = a^2, \\ x + y + z = a \end{cases}$$

айланадан ва $A(a;a;a)$ нуқтадан ўтувчи сферик сиртнинг тенгламасини ёзинг.

14. $4x - 3y + 7z - 20 = 0$ ва $x=0$, $y=0$, $z=0$ текисликлардан ҳосил бўлган тетраэдрнинг ичига чизилган сферик сиртнинг тенгламасини ёзинг.

15. Ушбу $\frac{x^2}{36} - \frac{y^2}{15} - \frac{z^2}{20} = 1$ тенглама қандай сиртни аниқлайди? Унинг $z=2$ текислик билан кесишишидан қандай чизик ҳосил бўлади?

16. Қуйидаги сиртлар билан тўғри чизикларнинг кесишиш нуқтасини топинг:

а) $\frac{x^2}{49} + \frac{y^2}{36} + \frac{z^2}{9} = 1$ ва $\frac{x-3}{3} = \frac{y-4}{-6} = \frac{z+2}{4}$;

б) $\frac{x^2}{25} + \frac{y^2}{16} - \frac{z^2}{4} = 1$ ва $\frac{x}{4} = \frac{y-1}{-3} = \frac{z-2}{4}$;

в) $\frac{x^2}{6} + \frac{y^2}{5} = z$ ва $\frac{x+1}{2} = \frac{y-4}{-1} = \frac{z-3}{2}$;

г) $\frac{x^2}{16} - \frac{y^2}{9} = z$ ва $\frac{x-2}{-2} = \frac{y}{3} = \frac{z+1}{2}$.

17. Ушбу $\frac{x^2}{16} - \frac{y^2}{9} + \frac{z^2}{4} = -1$ икки паллали гиперболоидни координата текисликларига параллел текисликлар билан кесилганда ҳосил бўладиган кесимларни текширинг.

18. $x^2 - y^2 = 12z$ тенглама билан берилган сиртнинг шаклини ва бу сиртни координата текисликлари билан кесилганда ҳосил бўладиган кесимларни аниқланг.

19. m нинг қандай қийматида $x + mz - 1 = 0$ текислик $x^2 + y^2 - z^2 = -1$ икки паллали гиперболоидни кесганда кесимда: а) эллипс; б) гипербола ҳосил бўлишини аниқланг.

20. m нинг қандай қийматида $x + my - 2 = 0$ текислик $\frac{x^2}{2} + \frac{z^2}{3} = y$ эллиптик параболоидни кесганда кесимда: а) эллипс; б) парабола ҳосил бўлишини аниқланг.

АНАЛИТИК ГЕОМЕТРИЯ ВА ЧИЗИҚЛИ АЛГЕБРАГА ДОИР МАСАЛАЛАР ЕЧИШ

Мазкур бобда юқорида баён қилинган дастур материални мустаҳкамлаш учун ечишга доир мисол ва масалалар келтирилган. Қўп масалалар ечилишлари билан берилган. Масалаларнинг қўпчилиги бир неча йил давомида Тошкент Давлат олий техника дорилфунунида ва бошқа техника институтларида олий математикадан утказиб келинаётган олимпиада вариантларидаги масала ва мисоллардан бўлиб, талабадан чуқур билим ва маълум тайёргарлик талаб этади.

1. Қуйидаги детерминантни ҳисобланг:

$$\begin{vmatrix} 1 & 0 & 0 & \dots & 0 & n+1 \\ 0 & 2 & 0 & \dots & n+2 & 0 \\ \cdot & \cdot & \cdot & \dots & \cdot & \cdot \\ \cdot & \cdot & \cdot & \dots & \cdot & \cdot \\ \cdot & \cdot & \cdot & \dots & \cdot & \cdot \\ 2n & 0 & 0 & \dots & 0 & n \end{vmatrix}$$

бунда n — жуфт сон.

Ечиш. Агар $k=1,2,\dots,\frac{n}{2}$ қийматлари учун дастлаб k ва $(n-k)$ сатрларнинг, сўнгра k ва $(n-k)$ устунларнинг ўринларини мос равишда алмаштирсак, бизга маълумки, бундай алмаштиришдан детерминант қиймати ўзгармайди. Аммо диагоналида квадрат матрицалардан иборат блок-диагоналли кўринишдаги матрицага айланади. Бундай матрица детерминанти иккинчи тартибли матрицаларнинг детерминантлари кўпайтмасига тенг ва у

$$\begin{pmatrix} k & n+k \\ 2n-k+1 & n-k+1 \end{pmatrix}$$

кўринишдаги матрицадан иборат. Бундай кўринишдаги ҳар қандай матрица k га боғлиқ бўлмайди ва у $-n(2n+1)$ га тенг. Демак, берилган детерминант

$$|-n(2n+1)|^2$$

га тенг.

2. Нолга тенг бўлмаган n - тартибли A детерминантнинг элементлари ± 1 сонлардан иборат бўлса, $n \geq 3$ учун

$$|A| \leq (n-1) \cdot (n-1)!$$

тенгсизлик ўринли эканини исбот қилинг.

Исбот. Масала шартига кўра $|A| \neq 0$ бўлгани учун, $n=3$ бўлганда ихтиёрий детерминантни унинг элементларининг абсолют қийматини ўзгартирмаган ҳолда сатр ва устунларининг ўринларини алмаштириб, сўнгра сатрларини -1 га кўпайтириб,

$$\begin{vmatrix} 1 & 1 & 1 \\ 1 & -1 & 1 \\ 1 & 1 & -1 \end{vmatrix} = 4 \text{ ёки } \begin{vmatrix} -1 & 1 & 1 \\ 1 & -1 & 1 \\ 1 & 1 & -1 \end{vmatrix} = 4$$

кўринишлардан бирига келтириш мумкин.

Демак, $n=3$ учун $|A| \leq 4 = (3-1)(3-1)!$ тенгсизлик ўринли. Фараз қилайлик, $(n-1)$ -тартибли ҳамма детерминантлар учун юқоридаги тенгсизлик ўринли бўлсин. Энди n -тартибли детерминант учун ҳам тенгсизлик тўғрилигини кўрсатамиз. Унинг учун, элементлари ± 1 бўлган A детерминантни ихтиёрий сатри бўйича ёямиз:

$$|A| = |\pm M_{11} \pm M_{12} \pm \dots \pm M_{1n}| \leq |M_{11}| +$$

$$+ |M_{12}| + \dots + |M_{1n}| \leq n(n-2)(n-2)!$$

$$n(n-2) < (n-1)^2$$

ни эътиборга олсак,

$$|A| \leq (n-1)(n-1)^2$$

келиб чиқади. Тенгсизлик исбот бўлди.

3. $n \geq 3$ ва $c_{11} \neq 0$ бўлса,

$$\begin{vmatrix} c_{11} & c_{12} & \dots & c_{1n} \\ c_{21} & c_{22} & \dots & c_{2n} \\ \dots & \dots & \dots & \dots \\ c_{n1} & c_{n2} & \dots & c_{nn} \end{vmatrix} = \frac{1}{c_{11}^{n-2}} \times$$

$$\times \begin{vmatrix} \begin{vmatrix} c_{11} & c_{12} \\ c_{21} & c_{22} \end{vmatrix} & \begin{vmatrix} c_{11} & c_{13} \\ c_{21} & c_{23} \end{vmatrix} & \dots & \begin{vmatrix} c_{11} & c_{1n} \\ c_{21} & c_{2n} \end{vmatrix} \\ \dots & \dots & \dots & \dots \\ \begin{vmatrix} c_{11} & c_{12} \\ c_{n1} & c_{n2} \end{vmatrix} & \begin{vmatrix} c_{11} & c_{13} \\ c_{n1} & c_{n3} \end{vmatrix} & \dots & \begin{vmatrix} c_{11} & c_{1n} \\ c_{n1} & c_{nn} \end{vmatrix} \end{vmatrix}$$

тенглик уринли эканини исбот қилинг.

Исбот. Детерминантнинг i -сатрини $\frac{c_{i1}}{c_{11}}$ га қўпайтириб, ундан биринчи сатрини айирсак, натижада қуйидаги детерминантга эга бўламиз, яъни

$$\begin{vmatrix} c_{11} & c_{12} & \dots & c_{1n} \\ 0 & c_{22} - c_{12} \cdot \frac{c_{21}}{c_{11}} & \dots & c_{2n} - c_{1n} \cdot \frac{c_{21}}{c_{11}} \\ \dots & \dots & \dots & \dots \\ 0 & c_{n2} - c_{12} \cdot \frac{c_{n1}}{c_{11}} & \dots & c_{nn} - c_{1n} \cdot \frac{c_{n1}}{c_{11}} \end{vmatrix}$$

Бу детерминантнинг биринчи устун элементлари бўйича ёйилмасини ёзамиз:

$$\begin{aligned} & c_{11} \cdot \begin{vmatrix} c_{22} - c_{12} \cdot \frac{c_{21}}{c_{11}} & \dots & c_{2n} - c_{1n} \cdot \frac{c_{21}}{c_{11}} \\ \dots & \dots & \dots \\ c_{n2} - c_{12} \cdot \frac{c_{n1}}{c_{11}} & \dots & c_{nn} - c_{1n} \cdot \frac{c_{n1}}{c_{11}} \end{vmatrix} = \\ & = \frac{c_{11}}{c_{11}^{n-2}} \begin{vmatrix} c_{22}c_{11} - c_{12}c_{21} & \dots & c_{2n}c_{11} - c_{1n}c_{21} \\ \dots & \dots & \dots \\ c_{n2}c_{11} - c_{12}c_{n1} & \dots & c_{nn}c_{11} - c_{1n}c_{n1} \end{vmatrix} = \\ & = \frac{1}{c_{11}^{n-2}} \begin{vmatrix} \begin{vmatrix} c_{11} & c_{12} \\ c_{21} & c_{22} \end{vmatrix} & \dots & \begin{vmatrix} c_{11} & c_{1n} \\ c_{21} & c_{2n} \end{vmatrix} \\ \dots & \dots & \dots \\ \begin{vmatrix} c_{11} & c_{12} \\ c_{n1} & c_{n2} \end{vmatrix} & \dots & \begin{vmatrix} c_{11} & c_{1n} \\ c_{n1} & c_{nn} \end{vmatrix} \end{vmatrix} \end{aligned}$$

Демак, тенглик ўринли экан.

4. Ушбу

$$\begin{vmatrix} a_{11} & a_{12} & a_{13} \\ a_{21} & a_{22} & a_{23} \\ a_{31} & a_{32} & a_{33} \end{vmatrix} \leq \sqrt{a_{11}^2 + a_{12}^2 + a_{13}^2} \times \\ \times \sqrt{a_{21}^2 + a_{22}^2 + a_{23}^2} \cdot \sqrt{a_{31}^2 + a_{32}^2 + a_{33}^2}$$

тенгсизлик ўринли эканини исбот қилинг.

Исбот. $a_k = \{a_{k1}, a_{k2}, a_{k3}\}$ (бунда $k=1,3$) векторларни қараймиз. Бу векторлар учун қуйидаги тенгсизликни ёзиш мумкин:

$$(\vec{a}_1, \vec{a}_2, \vec{a}_3) \leq |\vec{a}_1| \cdot |\vec{a}_2| \cdot |\vec{a}_3|.$$

Тенгсизлиكنинг чап томони $\vec{a}_k$ векторларнинг аралаш кўпайтмасидан, ўнг томони эса уларнинг узунликлари кўпайтмасидан иборат. Бизга маълумки, параллелепипеднинг ҳажми унинг кирраларининг кўпайтмасидан (аралаш кўпайтмадан) катта эмас. Шунинг учун юқоридаги тенгсизлик ўринлидир.

5. Учинчи тартибли A квадрат матрицанинг детерминанти 16 га, ҳар бир устундаги элементлар йиғиндиси 4 га, бош диагоналдаги элементлар йиғиндиси 8 га тенг. A матрицанинг барча хос сонларини топинг.

Ечиш. Масала шартидан $A - 4E$ (бунда E — учинчи тартибли бирлик квадрат матрица) матрицанинг ҳар бир устуни элементлари йиғиндиси нолга тенглиги келиб чиқади.

Демак, $A - 4E$ матрицанинг сатрлари орасида чизикли боғланиш мавжуд, шунинг учун қуйидаги тенглик ўринли бўлади:

$$\det(A - 4E) = 0.$$

Бундан, 4 сони A матрицанинг хос сони эканлиги келиб чиқади. Қолган икки хос сонни λ_1 ва λ_2 деб белгисак, у ҳолда масала шартига кўра қуйидаги тенгликларни ёзиш мумкин:

$$\lambda_1 + \lambda_2 + 4 = 8 \text{ ва } 4\lambda_1 \cdot \lambda_2 = 16.$$

Булардан $\lambda_1 = \lambda_2 = 2$ экани келиб чиқади.

6. A ва B лар n -тартибли ҳақиқий элементли квадрат матрицалар бўлсин. Агар A ва B матрицалар коммутатив (яъни $AB=BA$) бўлса,

$$\det(A^2 + B^2) \geq 0$$

тенгсизлик ўринли эканлигини исбот қилинг. Коммутатив хоссага эга бўлмаган матрицалар учун $\det(A^2 + B^2) < 0$ бўлишига мисол келтиринг.

Ечиш. Агар $AB = BA$ бўлса, $A^2 + B^2$ йигиндини $A^2 + B^2 = (A + iB)(A - iB)$ кўринишда ёзиш мумкин (бунда $i^2 = -1$). $z = \det(A + iB)$ бўлсин, у ҳолда детерминантни ҳисоблаш қондасига кўра: $\det(A - iB) = \bar{z}$. Демак,

$$\begin{aligned} \det(A^2 + B^2) &= \det(A + iB) \cdot \det(A - iB) = \\ &= z \cdot \bar{z} = |z|^2 > 0. \end{aligned}$$

Энди $AB \neq BA$ бўлганда $\det(A^2 + B^2) < 0$ бўлишини қуйидаги мисолда кўрсатамиз.

Мисол.

$$A = \begin{pmatrix} 1 & 2 \\ 0 & 1 \end{pmatrix} \text{ ва } B = \begin{pmatrix} 1 & 0 \\ 2 & 1 \end{pmatrix}$$

бўлсин, у ҳолда

$$AB = \begin{pmatrix} 5 & 2 \\ 2 & 1 \end{pmatrix}; BA = \begin{pmatrix} 1 & 2 \\ 2 & 5 \end{pmatrix}$$

бўлади.

$$A^2 = \begin{pmatrix} 1 & 0 \\ 4 & 1 \end{pmatrix}; B^2 = \begin{pmatrix} 1 & 4 \\ 0 & 1 \end{pmatrix}$$

бўлиб,

$$A^2 + B^2 = \begin{pmatrix} 2 & 4 \\ 4 & 2 \end{pmatrix}.$$

$$\det \begin{pmatrix} 2 & 4 \\ 4 & 2 \end{pmatrix} = 4 - 16 = -12 < 0.$$

7. J_n — ҳамма элементлари бирга тенг бўлган n -тартибли квадрат матрица. Агар E n -тартибли бирлик квадрат матрица бўлса, у ҳолда

$$(E - J_n)^{-1} = E - \frac{1}{n-1} J_n$$

тенглик ўринли эканлигини исбот қилинг (бу ерда $(E - J_n)^{-1}$ матрица $(E - J_n)$ матрицага тесқари матрица).

Исбот. Берилган тенглик тўғри деб, унинг иккала қисмини $(E - J_n)$ га кўпайтирамиз. Тесқари матрицанинг таърифига кўра

$$\left(E - \frac{1}{n-1} J_n\right)(E - J_n) = E$$

булади ва қавсларни очиб чиқсак,

$$E - J_n - \frac{1}{n-1} J_n + \frac{1}{n-1} J_n^2 = E \text{ ёки } J_n^2 = nJ_n$$

ни ҳосил қиламиз. Бу тенгликнинг ўринли эканини кўрсатамиз:

$$\begin{aligned} J_n^2 &= \begin{pmatrix} 1 & 1 & \dots & 1 \\ 1 & 1 & \dots & 1 \\ \vdots & \vdots & \ddots & \vdots \\ 1 & 1 & \dots & 1 \end{pmatrix} \cdot \begin{pmatrix} 1 & 1 & \dots & 1 \\ 1 & 1 & \dots & 1 \\ \vdots & \vdots & \ddots & \vdots \\ 1 & 1 & \dots & 1 \end{pmatrix} = \\ &= \begin{pmatrix} n & n & \dots & n \\ n & n & \dots & n \\ \vdots & \vdots & \ddots & \vdots \\ n & n & \dots & n \end{pmatrix} = n \begin{pmatrix} 1 & 1 & \dots & 1 \\ 1 & 1 & \dots & 1 \\ \vdots & \vdots & \ddots & \vdots \\ 1 & 1 & \dots & 1 \end{pmatrix} = nJ_n \end{aligned}$$

Демак, $J_n^2 = nJ_n$ ўринли бўлгани учун берилган тенглик ҳам ўринли бўлади.

8. A ва B — иккинчи тартибли квадрат матрицалар бўлсин. A матрицанинг хос сонлари 1 ва 3, B матрицанинг хос сонлари эса 2 ва 4 га тенглиги маълум. $A+B$ матрицанинг хос сонлари 5 ва 6 дан иборат бўлиши мумкинми? 1 ва 9 дан-чи? Мисол келтиринг ёки мумкин эмаслигини исбот қилинг.

Еч иш. $A+B$ матрицанинг хос сонлари A ва B матрицаларнинг хос сонлари йигиндисига тенг бўлгани учун $A+B$ нинг хос сонлари $1+3+2+4=10$. Энди $5+6 \neq 10$ бўлгани учун 5 ва 6 сонлари $A+B$ нинг хос сонлари бўлмайди.

1 ва 9 сонлари $A+B$ нинг хос сонлари бўлишини кўрсатамиз:

$$A = \begin{pmatrix} 1 & a \\ 0 & 3 \end{pmatrix}, B = \begin{pmatrix} 2 & 0 \\ b & 4 \end{pmatrix}$$

бўлсин. У ҳолда a ва b сонларни шундай танлаш керакки,

$$\det(A+B)=1\cdot 9=9$$

бўлсин (бу ҳолда детерминантнинг қиймати матрицанинг хос сонлари кўпайтмасига тенг). Масалан, $a=3$, $b=4$ қийматларни олсак,

$$\det(A+B)=\begin{vmatrix} 3 & 3 \\ 4 & 7 \end{vmatrix}=21-12=9$$

бўлади. Демак, 1 ва 9 сонлари $A+B$ нинг хос сонлари бўлади.

9. A ва B матрицалар

$$A^2=A, B^2=B \text{ ва } AB=BA$$

шартларни қаноатлантиради.

$\det(A-B)$ фақат учта -1 , 0 , 1 қийматлардан бирини қабул қилишини исбот қилинг.

Е ч и ш. $(A-B)^2=A^2-AB-BA+B^2=A-2AB+B$.
 $(A-B)^3=(A-B)(A-2AB+B)=A^2-2A^2B+AB-Ba+2BAB-B^2=A-2AB+AB-AB+2AB-B=A-B$,
 яъни $(A-B)^3=A-B$, шунинг учун $\det(A-B)^3=[\det(A-B)]^3=\det(A-B)$.

$x^3=x$ тенглама -1 , 0 , 1 ечимларга эга бўлгани учун $\det(A-B)$ ҳам фақат -1 , 0 , 1 қийматларни қабул қилади.

10. A — элементлари комплекс сонлардан иборат n -тартибли квадрат матрица, яъни $A=B+iC$ бўлсин, бу ерда B ва C — элементлари ҳақиқий сонлардан иборат матрицалар.

Элементлари B ва C матрицалардан тузилган $2n$ -тартибли A матрица тузамиз:

$$\bar{A}=\begin{bmatrix} B & -C \\ C & B \end{bmatrix}.$$

$\det \bar{A}=|\det A|^2$ эканлигини исботланг.

И с б о т. $\bar{A}$ матрицанинг k -устунини i га кўпайтириб, $(n+k)$ устунга қўшамиз (бунда $k=1, 2, \dots, n$). У ҳолда қуйидаги матрицага эга бўламиз:

$$\begin{bmatrix} B & iB-C \\ C & B+iC \end{bmatrix}=\begin{bmatrix} B & iA \\ C & A \end{bmatrix}.$$

Бу ҳосил бўлган матрицанинг $(n+k)$ сатрини i га кўпайтирамиз ва уни k -сатрдан айирамиз. Натижада

$$\begin{pmatrix} B-iC & O \\ C & A \end{pmatrix} = \begin{pmatrix} \bar{A} & O \\ C & A \end{pmatrix}$$

матрицага эга бўламиз. Бунда $\bar{A}$ — элементлари A матрицанинг мос элементларига қўшма комплекс сон бўлган матрицалардир. Демак,

$$\det \bar{A} = \det \bar{A} \cdot \det A = \det A \cdot \det A = |\det A|^2.$$

11. Квадрат матрицанинг элементлари ўзгарувчи z нинг комплекс сонли кўпхадларидан иборат. Ихтиёрий комплекс сон учун $A(z)$ матрица $A^{-1}(z)$ тескари матрицага эга. $A^{-1}(z)$ матрицанинг элементлари ҳам ўзгарувчи z комплекс сонли кўпхадлардан иборат бўлишини исбот қилинг.

Исбот. $\det A(z)$ ўзгарувчи z га нисбатан кўпхад бўлиб, у ҳеч вақт нолга тенг бўлмайди. Алгебранинг асосий теоремасига кўра, ҳар қандай n -даражали кўпхад n та илдизга эга бўлади. Демак,

$$\det A(z) = \text{const.}$$

$A(z)$ матрицанинг барча алгебраик тўлдирувчилари ҳам z га боғлиқ кўпхадлардан иборат бўлгани учун $A^{-1}(z)$ матрицанинг элементлари z га боғлиқ кўпхадлардан иборат бўлади.

12. Қандай матрицалар учун AB ва BA кўпайтма маънога эга ва қачон $AB=BA$ тенглик ўринли бўлади?

Ечиш. A матрица $(m \times n)$ ўлчамли, B матрица $(s \times t)$ ўлчамли бўлсин. Агар $n=s$ бўлса, AB кўпайтма; $t=m$ бўлганда BA кўпайтма маънога эга бўлади, яъни иккита матрица ўзаро кўпайтириш мумкин.

Агар A ва B матрицалар бир хил ўлчамли квадрат матрицалар бўлсагина, $AB=BA$ тенглик ўринли бўлади.

13. Агар X учинчи тартибли квадрат матрица бўлса,

$$X^2 + 4X = \begin{pmatrix} -5 & 1 & 8 \\ 0 & 6 & 2 \\ 0 & 0 & 0 \end{pmatrix}$$

матрицали тенглама ечимга эга бўладими?

Ечиш. Матрицали тенгламанинг иккала қисмига $4E$ ни қўшамиз. Натижада

$$(X + 2E)^2 = \begin{pmatrix} -1 & 1 & 8 \\ 0 & 10 & 2 \\ 0 & 0 & 4 \end{pmatrix}$$

қўринишдаги матрицали тенгламага эга бўламиз. Бу матрицали тенглама чап қисмининг детерминанти

$$\det(X + 2E)^2 = |\det(X + 2E)|^2 \geq 0$$

булиб, унг қисмининг детерминанти эса — 40 га тенг булгани учун берилган матрицали тенглама ечимга эга эмас.

14. Ушбү

$$\begin{aligned} a_{11}x_1 + a_{12}x_2 + \dots + a_{1n}x_n &= \frac{1}{2}x_1, \\ a_{21}x_1 + a_{22}x_2 + \dots + a_{2n}x_n &= \frac{1}{2}x_2, \\ &\vdots \\ a_{n1}x_1 + a_{n2}x_2 + \dots + a_{nn}x_n &= \frac{1}{2}x_n \end{aligned}$$

система берилган бўлсин. Агар ҳамма i, j лар учун a_{ij} — бутун сонлар бўлса, у ҳолда система ягона $x_1 = x_2 = \dots = x_n = 0$ ечимга эга бўлишини исбот қилинг.

И с б о т. Системанинг детерминанти:

$$D = \begin{vmatrix} a_{11} - \frac{1}{2} & a_{12} & \dots & a_{1n} \\ a_{21} & a_{22} - \frac{1}{2} & \dots & a_{2n} \\ \dots & \dots & \dots & \dots \\ a_{n1} & a_{n2} & \dots & a_{nn} - \frac{1}{2} \end{vmatrix} = P\left(\frac{1}{2}\right),$$

бунда

$$P(\lambda) = \begin{vmatrix} a_{11} - \lambda & a_{12} & \dots & a_{1n} \\ a_{21} & a_{22} - \lambda & \dots & a_{2n} \\ \dots & \dots & \dots & \dots \\ a_{n1} & a_{n2} & \dots & a_{nn} - \lambda \end{vmatrix}$$

$$P(\lambda) = (-1)^n \lambda^n + b_1 \lambda^{n-1} + \dots + b_n,$$

бу ерда b_i — бутун сон. Агар $P(\frac{1}{2})$ нолга тенг бўлса,
у ҳолда

$$(-1)^n \cdot \frac{1}{2^n} + b_1 \frac{1}{2^{n-1}} + \dots + b_n = 0.$$

Тенгликнинг ҳамма ҳадларини 2^n га кўпайтирамиз:

$$(-1)^n + 2b_1 + \dots + 2^n b_n = (-1)^n + 2N = 0,$$

бунинг бўлиши мумкин эмас, чунки N бутун сон. Шунинг учун $D \neq 0$ бўлиб, система $x_1 = x_2 = \dots = x_n = 0$ ягона ечимга эга бўлади.

$$15. \text{ Ушбу } \begin{cases} x_2 + x_3 + \dots + x_{n-1} + x_n = 1, \\ -x_1 + x_3 + \dots + x_{n-1} + x_n = 1, \\ -x_1 - x_2 + x_4 + \dots + x_{n-1} + x_n = 1, \\ \dots \dots \dots \\ -x_1 - x_2 - x_3 - \dots - x_{n-1} = 1 \end{cases}$$

система n қандай натурал сон бўлганда ечимга эга бўлади.

Е ч и ш. Биринчи тенгламадан иккинчисини, иккинчисидан учинчисини ва ҳоказо айирсак,

$$x_1 + x_2 = 0; \quad x_2 + x_3 = 0, \quad \dots, \quad x_{n-1} + x_n = 0$$

тенгламаларни ҳосил қиламиз. Бундан

$$x_1 = -x_2 = x_3 = \dots = (-1)^{n-1} - x_n.$$

У ҳолда биринчи тенгламадан n жуфт бўлганда $x_n = 1$, n тоқ бўлганда, $0 = 1$ ларни ҳосил қиламиз. Шундай қилиб, n жуфт бўлганда система $x_k = (-1)^k$ ечимга эга бўлади, n тоқ бўлганда ечимга эга бўлмайди.

$$16. \text{ Агар } P_k(x) = a_{k_1} + a_{k_2}x + a_{k_3}x^2 + \dots + a_{k_n}x^{n-1}$$

(бунда $k=1, 2, 3, \dots, n$) кўпхадлар умумий илдизга эга бўлса, $A = (a_{ij})_{i,j=1}^n$ матрицанинг детерминанти нолга тенглигини исбот қилинг.

И с б о т. Фараз қилайлик, $\det A \neq 0$ бўлсин, у ҳолда умумий илдиз $x_0 \neq 0$ бўлади, акс ҳолда $a_{k_1} = 0$ бўлиб, A матрицанинг биринчи устуни факат ноллардан иборат бўлади ва, демак, $\det A = 0$. Шунинг учун $\det A$ ни $1 \cdot x_0 \cdot x_0^2 \dots x_0^{n-1}$ га кўпайтириш ёки бўлиш мумкин:

$$\det A = \frac{1}{1 \cdot x_0 \cdot x_0^2 \dots x_0^{n-1}} \times$$

$$\times \begin{vmatrix} a_{11} & a_{12}x_0 & a_{13}x_0^2 & \dots & a_{1n}x_0^{n-1} \\ a_{21} & a_{22}x_0 & a_{23}x_0^2 & \dots & a_{2n}x_0^{n-1} \\ \dots & \dots & \dots & \dots & \dots \\ a_{n1} & a_{n2}x_0 & a_{n3}x_0^2 & \dots & a_{nn}x_0^{n-1} \end{vmatrix}$$

Детерминантнинг хоссасига кўра ихтиёрий устунни колган барча устунлар йигиндиси билан алмаштирганда детерминантнинг қиймати ўзгармайди. x_0 — умумий илдиз бўлгани учун устунлар йигиндисидан иборат устун ноллардан иборат бўлади. Бу эса $\det A \neq 0$ деган фараздан келиб чиқди. Демак, $\det A = 0$.

17. $A = \begin{pmatrix} a & b \\ 0 & c \end{pmatrix}$ — квадрат матрица бўлсин, бунда $a, b,$

c — ҳақиқий сонлар. Бу сонларни шундай танланган-ки, A ни n -даражага (n — натурал сон) кўтарилганда у

$\begin{pmatrix} 1 & 0 \\ 0 & 1 \end{pmatrix}$ кўринишга келсин.

Е чи ш. A квадрат матрицани n -даражага кўтарсак, $A^n = \begin{pmatrix} a^{n*} & * \\ 0 & c^n \end{pmatrix}$ ни ҳосил қиламиз. Агар $*$ нинг ўрнида 0 бўлса, у ҳолда $a = \pm 1$ ва $c = \pm 1$ ни олиш мумкин.

а) $A = \begin{pmatrix} 1 & b \\ 0 & 1 \end{pmatrix}$ бўлса, $A^n = \begin{pmatrix} 1 & nb \\ 0 & 1 \end{pmatrix}$ ва бундан $b = 0$ келиб чиқади.

б) $A = \begin{pmatrix} -1 & b \\ 0 & -1 \end{pmatrix} = - \begin{pmatrix} 1 & -b \\ 0 & 1 \end{pmatrix}$ бўлса,

$A^n = (-1)^n \begin{pmatrix} 1 & -nb \\ 0 & 1 \end{pmatrix}$ ва бундан $b = 0$ келиб чиқади.

в) $A = \begin{pmatrix} 1 & b \\ 0 & -1 \end{pmatrix}$ ёки $A = \begin{pmatrix} -1 & b \\ 0 & 1 \end{pmatrix}$ бўлса,

$$A^n = \begin{pmatrix} 1 & 0 \\ 0 & 1 \end{pmatrix}$$

бўлади. Демак,

$$A = \begin{pmatrix} 1 & 0 \\ 0 & 1 \end{pmatrix}, A = \begin{pmatrix} -1 & 0 \\ 0 & -1 \end{pmatrix}, A = \begin{pmatrix} 1 & b \\ 0 & -1 \end{pmatrix}, A = \begin{pmatrix} -1 & b \\ 0 & 1 \end{pmatrix}$$

кўринишлардан бири бўлади.

18. $\vec{x} \times (\vec{a} \times \vec{x}) + \vec{b} \times \vec{x} = 0$ вектор тенглама берилган бўлсин. Ихтиёрий $\vec{a}$ ва $\vec{b}$ векторлар учун вектор тенглама нолдан фаркли ечимга эга бўлишини исбот қилинг.

Исбот. Агар $\vec{a} = \vec{b} = 0$ бўлса, у ҳолда булар берилган вектор тенгламани қаноатлантиради. Агар $\vec{a} = 0, \vec{b} \neq 0$ бўлса, $\vec{x} = \vec{b}; \vec{a} \neq 0, \vec{b} = 0$ бўлса, $\vec{x} = \vec{a}$ деб олиш мумкин. Агар $\vec{a} \neq 0, \vec{b} \neq 0$ бўлса, у ҳолда берилган тенгламага тенг кучли қуйидаги тенгламани ёзамиз:

$$\vec{x} \times (\vec{a} \times \vec{x} - \vec{b}) = 0.$$

Бу тенглик эса ўз навбатида $\vec{x}$ ва $(\vec{a} \times \vec{x} - \vec{b})$ векторларнинг коллинеарлигини билдиради. Уни қуйидагича ёзиш мумкин:

$$\lambda \vec{x} = \vec{a} \times \vec{x} - \vec{b}.$$

Агар бу тенглама нолдан фаркли ечимга эга бўлса, берилган тенглама ҳам нолдан фаркли ечимга эга бўлади.

$\lambda \vec{x} - \vec{a} \times \vec{x} = -\vec{b}$ вектор тенглама учта уч номаълумли биринчи даражала тенгламалар системасига тенг кучли. Бу системанинг детерминанти λ га нисбатан учинчи даражали кўпхад бўлиб, у λ нинг бирор қийматида нолдан фаркли ягона ечимга эга бўлади.

19. $\vec{a}$ ва $\vec{b}$ векторлар берилган. $|\vec{x}| = \rho$ бўлган ва $\vec{a}$ ва $\vec{b}$ векторларнинг бурчак биссектрисаси бўйича йўналган $\vec{x}$ векторни тузинг.

Ечиш. $\vec{a}$ ва $\vec{b}$ векторларга мос равишда коллинеар бўлган $\vec{a}_0$ ва $\vec{b}_0$ бирлик векторларни оламиз. Бизга маълумки,


$$\vec{a}_0 = \frac{\vec{a}}{|\vec{a}|}, \quad \vec{b}_0 = \frac{\vec{b}}{|\vec{b}|}.$$

$\vec{c}_0 = \vec{a}_0 + \vec{b}_0$ вектор томонлари $\vec{a}_0$ ва $\vec{b}_0$ векторлардан иборат ромбнинг диагонали бўлгани учун у φ бурчакнинг биссектрисаси бўйича йўналгандир (85-чизма). Демак, $\vec{x} = \lambda \vec{c}_0$ ва $|\vec{x}| = \rho$ ни эътиборга олиб, $|\lambda| = \frac{\rho}{|\vec{c}_0|}$ ни


хосил қиламиз. $\lambda = \frac{\rho}{|\vec{c}_0|}$ деб, $\vec{x}$ вектор $\vec{a}$ ва $\vec{b}$ векторлар

ташкил этган ички бурчак биссектрисаси бўйича йўналгани учун:

$$\vec{x} = \frac{\rho}{|\vec{a}_0 + \vec{b}_0|} (\vec{a}_0 + \vec{b}_0) = \frac{\rho}{\frac{|\vec{a}|}{|\vec{a}|} + \frac{|\vec{b}|}{|\vec{b}|}} \cdot \left(\frac{\vec{a}}{|\vec{a}|} + \frac{\vec{b}}{|\vec{b}|} \right).$$



85- чизма



86- чизма

20. Битта текисликда ётмаган учта $\vec{a}$, $\vec{b}$, $\vec{c}$ вектор бирор нуктадан ўтказилган. Бу векторларнинг учидан ўтказилган текисликка $\vec{r} = \vec{a} \times \vec{b} + \vec{b} \times \vec{c} + \vec{c} \times \vec{a}$ вектор перпендикуляр эканлигини исбот қилинг.

Исбот. $\vec{r}$ векторни $\vec{a} - \vec{b}$ ва $\vec{a} - \vec{c}$ векторларга перпендикуляр эканлигини исботлаш етарлидир, яъни (86- чизма): $(\vec{a} - \vec{b}) \cdot \vec{r} = \vec{a}(\vec{a} \times \vec{b}) + \vec{a}(\vec{b} \times \vec{c}) + \vec{a}(\vec{c} \times \vec{a}) - \vec{b}(\vec{a} \times \vec{b}) - \vec{b}(\vec{b} \times \vec{c}) - \vec{b}(\vec{c} \times \vec{a}) = \vec{a}(\vec{b} \times \vec{c}) - \vec{b}(\vec{c} \times \vec{a})$, бундан $\vec{a}(\vec{a} \times \vec{b}) = 0$; $\vec{a}(\vec{c} \times \vec{a}) = 0$; $\vec{b}(\vec{a} \times \vec{b}) = 0$; $\vec{b}(\vec{b} \times \vec{c}) = 0$.

Аммо

$$\vec{a}(\vec{b} \times \vec{c}) - \vec{b}(\vec{c} \times \vec{a}) = \vec{a}(\vec{b} \times \vec{c}) - (\vec{b} \times \vec{c})\vec{a} = 0.$$

$(\vec{a} - \vec{c}) \cdot \vec{r} = 0$ эканлиги ҳам худди шундай исбот қилинади.

21. $OABC$ тетраэдр $\vec{OA} = \vec{a}$, $\vec{OB} = \vec{b}$, $\vec{OC} = \vec{c}$ векторлардан тузилган. OC ва AB қирралари орасидаги энг қисқа масофа бўлган кесманинг узунлигини аниқланг.

Ечиш. 87- чизмада кўрсатилганидек, тетраэдрни параллелепипед билан тўлдирамыз. У ҳолда OC ва AB қирралари орасидаги энг қисқа масофа $|MN|$ кесма бўлиб, у асоси ODD_1C бўлган параллелепипеднинг баландлигидан иборат. Демак,


$$V_{\text{пар.}} = |MN| \cdot S_{ODD_1C} \Rightarrow |MN| = \frac{V_{\text{пар.}}}{S_{ODD_1C}}.$$

Аммо

$$V_{\text{пар.}} = |\vec{OA} \vec{OD} \vec{OC}| = |\vec{OA} \times (\vec{b} - \vec{a})\vec{c}| =$$

$$= |(\vec{a} \times \vec{b})\vec{c} - (\vec{a} \times \vec{a})\vec{c}| = |\vec{a} \cdot \vec{b} \cdot \vec{c}|.$$

$$S_{ODD_1C} = |\vec{OC} \times \vec{OD}| = |\vec{c} \times (\vec{b} - \vec{a})| = |(\vec{a} - \vec{b}) \times \vec{c}|.$$



87- чизма

Шундай қилиб, энг қисқа масофа:

$$|MN| = \frac{|\vec{a}\vec{b}\vec{c}|}{|(\vec{a}-\vec{b}) \times \vec{c}|}.$$

Худди шунингдек, BC ва OA , AC ва OB орасидаги масофалар мос равишда

$$\frac{|\vec{a} \cdot \vec{b} \cdot \vec{c}|}{|(\vec{b}-\vec{c}) \times \vec{a}|} \text{ ва } \frac{|\vec{a} \cdot \vec{b} \cdot \vec{c}|}{|(\vec{c}-\vec{a}) \times \vec{b}|} \text{ каби}$$

бўлади.

22. Айланада бешта нукта берилган. Учта нуктанинг массалари марказидан қолган икки нуктадан ўтувчи тўғри чизикқа перпендикуляр туширилган. Шундай усул билан ўтказилган 10 та перпендикуляр чизиклар битта нуктада қесишишини исбот қилинг.


Исбот. Аниқлик учун иккита M_1 ва M_2 нуктани танлаб оламиз (88-чизма). У ҳолда перпендикуляр тўғри чизик $\frac{1}{2}(\vec{r}_1 + \vec{r}_2)$ вектордан иборат бўлиб,

$$\frac{1}{3}(\vec{r}_3 + \vec{r}_4 + \vec{r}_5)$$


вектор ўтган O нуктадан ўтади. Шунинг учун

$\frac{1}{2}(\vec{r}_1 + \vec{r}_2)$ вектордан иборат тўғри чизик

$\frac{1}{3}(\vec{r}_3 + \vec{r}_4 + \vec{r}_5) + \frac{2}{3} \cdot \frac{1}{2}(\vec{r}_1 + \vec{r}_2) = \frac{1}{3}(\vec{r}_1 + \vec{r}_2 + \vec{r}_3 + \vec{r}_4 + \vec{r}_5)$ радиус-вектор ўтган нуқтадан ҳам ўтади. Охириги ифодада барча векторлар тенг имкониятли бўлгани учун, ихтиёрий икки нуқта танлаб олинганда ҳам перпендикуляр чизик битта O нуқтада кесишади.



88- чизма



89- чизма

23. Ихтиёрий учбурчакнинг α, β, γ бурчаклари учун $\cos \alpha + \cos \beta + \cos \gamma \leq \frac{3}{2}$ тенгсизлик ўринли эканлигини исбот қилинг.

И с б о т. Учбурчакка r радиусли ички айлана чизамиз ва айлананинг маркази билан унинг уриниш нуқталарини бирлаштирувчи векторлар ўтказамиз (89- чизма). У ҳолда

$$\alpha + \alpha' = \beta + \beta' = \gamma + \gamma' = \pi.$$

Икки векторнинг скаляр кўпайтмаси таърифига кўра:

$$\begin{aligned} & (\overrightarrow{OK} + \overrightarrow{OI} + \overrightarrow{OM}) \cdot (\overrightarrow{OK} + \overrightarrow{OI} + \overrightarrow{OM}) = \\ & = |\overrightarrow{OK}|^2 + |\overrightarrow{OI}|^2 + |\overrightarrow{OM}|^2 + 2(\overrightarrow{OK} \cdot \overrightarrow{OI}) + 2(\overrightarrow{OI} \cdot \overrightarrow{OM}) + \\ & + 2(\overrightarrow{OK} \cdot \overrightarrow{OM}) = 3r^2 + 2r^2(\cos \alpha' + \cos \beta' + \cos \gamma') \geq 0. \\ & \cos \alpha' + \cos \beta' + \cos \gamma' \geq -\frac{3}{2}. \end{aligned}$$

Аммо $\alpha' = \pi - \alpha$; $\beta' = \pi - \beta$, $\gamma' = \pi - \gamma$. Ўрнига қўйсак, талаб қилинаётган тенгсизлик келиб чиқади:

$$\cos \alpha + \cos \beta + \cos \gamma \leq \frac{3}{2}.$$

24. $A(2; 0; 1)$ нукта ва $x=t-1$, $y=3t+4$, $z=-4t$ тўғри чизик орқали ўтувчи текислик тенгламасини тузинг.

Ечиш. Берилган тўғри чизик устида t параметрининг иккита, масалан $t=0$ ва $t=1$ қийматларига мос келувчи иккита B ва C нукталар оламиз:

$$B(-1; 4; 0); C(0; 7; -4).$$

Энди $A(2; 0; 1); B(-1; 4; 0); C(0; 7; -4)$ нукталар орқали ўтувчи текислик тенгламасини тузамиз.

$$\begin{vmatrix} x-x_A & y-y_A & z-z_A \\ x_B-x_A & y_B-y_A & z_B-z_A \\ x_C-x_A & y_C-y_A & z_C-z_A \end{vmatrix} = 0;$$

$$\begin{vmatrix} x-2 & y & z-1 \\ -3 & 4 & -1 \\ -2 & 7 & -5 \end{vmatrix} = 0;$$

$$\begin{vmatrix} 4-1 \\ 7-5 \end{vmatrix} (x-2) - \begin{vmatrix} -3 & -1 \\ -2 & -5 \end{vmatrix} y + \begin{vmatrix} -3 & 4 \\ -2 & 7 \end{vmatrix} (z-1) = 0.$$

$$\begin{aligned} -13(x-2) - 13y - 13(z-1) &= 0. \\ x+y+z-3 &= 0. \end{aligned}$$

25. Дала ўрмон билан тўғри чизик бўйлаб чегарадош. Ўрмондан $2a$ масофада далада куён турибди. Куён билан ўрмон ўртасида (a масофада) эса бўри турибди. Агар куён бўридан қочиб ўрмонга тўғри чизик бўйлаб юурса ва унинг тезлиги бўриникидан икки марта катта бўлса, куённинг хавфсизлик маршрути катталиги қайси микдордан кичик бўла олмаслигини тонинг.

Ечиш. Далада ихтиёрий $M(x; y)$ нукта танлаб оламиз (90-чизма). Бу нукта қуйидаги хоссага эга бўлиши керак. M дан бўрининг дастлабки ҳолатигача бўлган масофа M дан куённинг дастлабки ҳолатигача бўлган масофанинг ярмидан катта бўлмаган нукталар тўплами бўлиши керак. Агар координаталар системасини 90-чизмада кўрсатилгандек қилиб танлаб олинса, у ҳолда M нуктанинг координаталарини

$$\sqrt{x^2 + (y-a)^2} \leq \frac{1}{2} \sqrt{x^2 + (y-2a)^2}$$

тенгсизлик ёрдамида ифодалаш мумкин ёки

$$x^2 + y^2 - 2ay + a^2 \leq \frac{1}{4}.$$

Буни соддалаштирсак,

$$3x^2 + 3y^2 - 4ay \leq 0$$

ни ҳосил қиламиз. Тула квадрат ажратамиз ва 3 га бўламиз, у ҳолда

$$x^2 + (y - \frac{2}{3}a)^2 \leq \frac{4}{9}a^2$$



га эга бўламиз. Бу тенгсизлик маркази $(0; \frac{2}{3}a)$ нуктада, радиуси $\frac{2}{3}a$ га тенг доирадан иборатдир. Хавфсизлик чизиги юқорида келтириб чиқарилган доирага уриниш чизигининг узунлигига тенг. Доира марказидан уриниш нуктасига радиус ўтказамиз. Натижада тўғри бурчакли учбурчак ҳосил бўлади. Унинг гипотенузаси

$$2a - \frac{2}{3}a = \frac{4}{3}a$$

га, катети (радиус) $\frac{2}{3}a$ га тенг. Бу эса учбурчакнинг юқоридаги бурчаги 30° га тенглигини билдиради.

Бундан куённинг хавфсизлик маршрути $\frac{4\sqrt{3}}{3}a$ микдордан кичик бўлмаслиги келиб чиқади.

26. Турли томонли учбурчакнинг ҳар бир учидан фокуслари қолган икки учда жойлашган гиперболалар тармоқлари ўтказилган. Бу гиперболалар учбурчак ичида умумий нуктага эга бўлишини исбот қилинг (91- чизма).



91- чизма

Исбот. Учбурчакнинг бирор учидан ўтказилган гипербола тармогининг бир қисм ёйи шу учбурчак ичида ётишини исбот қиламиз. Гиперболанинг тармоғи қавариқ эгри чизиқ бўлгани учун, бу ёй унинг ватари ва гиперболага учбурчак учидан ўтказилган уринма ҳосил қилган бурчак ичида ётади. Гиперболанинг оптик хоссасига кўра (бир фокусдан таркалаётган ёруғлик нурлари гиперболадан кўзгули акслангандан кейин, бошқа фокусдан таркалаётгандек кўринади) гипербола учбурчакнинг бурчак биссектрисаси бўлади. Қарама-қарши томон симметрия ўқи бўлгани учун, танланган гипербола тармоғи уни фақат битта нуктада кесиб ўтади. Бу нукта фокуслар орасида ётади. Демак, ёй биссектриса, ватар ва томон ҳосил қилган учбурчак ичида ётади. Бундан эса ихтиёрий икки гипербола учбурчак ичида умумий O нуктага эгаллиги келиб чиқади. Энди учинчи гипербола ҳам шу O нуктадан ўтишини исбот қиламиз.

S_A, S_B, S_C — O нуктадан мос учларгача бўлган масофалар; a, b, c мос учларининг қаршисида ётган томонларининг узунликлари бўлсин. У ҳолда

$$S_A - S_C = c - a; S_B - S_C = c - b,$$

$$\begin{aligned} S_A - S_B &= (S_A - S_C) - (S_B - S_C) = \\ &= (c - b) - (c - b) = b - a. \end{aligned}$$

Бу эса учинчи гипербола ҳам O нукта орқали ўтишини билдиради. Тасдиқ исбот бўлди.

27. $y^2 = -4ax$ парабола учларидан бу параболага ўтказилган уринмаларга туширилган перпендикулярлар асосларининг геометрик ўрни тенгламасини топинг.

Еч и ш. Параболанинг $(x_0; y_0)$ нуктасига ўтказилган уринма l_1 нинг тенгламаси $4ax + 2yy_0 - y_0^2 = 0$ кўринишда бўлади. l_1 уринмага $(0; 0)$ нуктадан туширилган l_2 перпендикулярнинг тенгламаси эса $y_0x - 2ay = 0$ кўринишда бўлади. l_1 ва l_2 тўғри чизиқларнинг кесишиш нуктаси $(x; y)$ нинг координаталарини қуйидаги системадан топамиз:

$$\begin{cases} 4ax + 2yy_0 - y_0^2 = 0, \\ y_0x - 2ay = 0 \end{cases}$$

ёки


$$\begin{cases} y = \frac{y_0^3}{2(y_0^2 + 4a^2)}, \\ x = \frac{ay_0^2}{y_0^2 + 4a^2}. \end{cases}$$

Бундан y_0 параметрни йўқотиб, изланаётган нукталарнинг геометрик ўрни тенгламасига эга бўламиз, яъни $xy^3 + x^3 - ay^2 = 0$.

28. Асоси $z = \pm c$ текислигида, маркази Oz ўқида ётувчи ва радиуси $2a$ га тенг бўлган доиравий цилиндрнинг устки асосини α бурчакка буришдан ҳосил бўлган сиртнинг тенгламасини тузинг.

Ечиш. AB — берилган сиртнинг устидаги чизик бўлсин. Бу сиртда ихтиёрий $M(x; y; z)$ нукта оламиз (92-чизма). AB нинг тенгламасини ёзамиз:

$$\frac{x - x_A}{x_B - x_A} = \frac{y - y_A}{y_B - y_A} = \frac{z - z_A}{z_B - z_A}. \quad (A)$$



92-чизма

92-чизмадан:

$$\begin{cases} x_A = 2a \cos t, y_A = 2a \sin t, z_A = -c \\ x_B = 2a \cos(t + \alpha), y_B = 2a \sin(t + \alpha), z_B = c. \end{cases} \quad (B)$$

(B) ни (A) га қўямиз:

$$\frac{x - 2a \cos t}{2a \cos(t + \alpha) - 2a \cos t} = \frac{y - 2a \sin t}{2a \sin(t + \alpha) - 2a \sin t} = \frac{z + c}{2c}.$$

Биринчи касрни иккинчи каср билан, сўнгра учинчи каср билан тенглаб, $\cos t$ ва $\sin t$ катнашган ҳадларни гуруҳлаб қуйидагига эга бўламиз:

$$\begin{cases} [2ac + a(z+c)(\cos\alpha - 1)]\cos t - (z+c)a\sin\alpha\sin t = xc, \\ a(z+c)\sin\alpha\cos t + [2ac + a(z+c)(\cos\alpha - 1)]\sin t = yc. \end{cases}$$

Ҳосил бўлган системанинг икки томонини квадратга кўтариб, тенгламаларни қўшамиз:

$$a^2[2c + (z+c)(\cos\alpha - 1)]^2 + a^2(z+c)^2\sin^2\alpha = (x^2 + y^2)c^2.$$

ёки

$$4c^2 + 4c(z+c)(\cos\alpha - 1) + (z+c)^2\cos^2\alpha - 2(z+c)^2\cos\alpha + \\ + (z+c)^2 + (z+c)^2\sin^2\alpha = \frac{x^2 + y^2}{a^2} \cdot c^2,$$

$$4c^2 + 4c(z+c)(\cos\alpha - 1) + 2(z+c)^2(1 - \cos\alpha) = \frac{x^2 + y^2}{a^2} \cdot c^2.$$

Қавсларни очиб соддалаштирамиз:

$$2c^2\cos\alpha + 2c^2 + 2z^2 + 2z^2\cos\alpha = \frac{x^2 + y^2}{a^2} \cdot c^2$$

$$4c^2\cos^2\frac{\alpha}{2} + 4z^2\sin^2\frac{\alpha}{2} = \frac{x^2 + y^2}{a^2} \cdot c^2$$

$$\frac{x^2 + y^2}{4a^2\cos^2\frac{\alpha}{2}} - \frac{z^2}{c^2\operatorname{ctg}^2\frac{\alpha}{2}} = 1.$$

Бу — бир паллали гиперболоиднинг тенгламасидир.

Хусусий ҳолда $\alpha = 90^\circ$ бўлса,

$$\frac{x^2 + y^2}{2a^2} - \frac{z^2}{c^2} = 1.$$

29. $x=1$ да энг катта қиймати 6 га, $x=3$ да энг кичик қиймати 2 га тенг бўлган ва даражаси энг кичик бўлган $f(x)$ кўпхадни тоинг.

Е чи ш. $f'(1)=f'(3)=0$ бўлгани учун $f'(x)$ кўпхаднинг даражаси $n \geq 2$ бўлади. У ҳолда $f(x)$ нинг

даражаси 3 дан кичик бўлмайди. $f'(x) = A(x-1)(x-3) = A(x^2 - 4x + 3)$ ва масала шартига кўра:

$$f''(x)_{x=1} < 0 \text{ ва } f''(x)_{x=3} > 0 \text{ да } A > 0.$$

$$f(x) = A\left(\frac{x^3}{3} - 2x^2 + 3x\right) + B,$$

бундан

$$f(1) = \frac{4}{3}A + B = 6 \text{ ва } f(3) = B = 2.$$

Демак, $B = 2$, $A = 3$. Натижада изланаётган

$$f(x) = x^3 - 6x^2 + 9x + 2$$

кўпхадга эга бўламиз.

30. Ҳар қандай нолга тенг бўлмаган мусбат коэффициентли кўпхад жуфт функция бўлса, у ҳолда унинг графиги $]-\infty; +\infty[$ да каварик ва фақат битта экстремум нуктасига эга бўлишини исбот қилинг.

$$\text{И с б о т. } P(x) = a_n x^n + a_{n-1} x^{n-1} + \dots + a_0,$$

$$a_i > 0 \text{ ва } P(x) = P(-x)$$

бўлсин, у ҳолда

$$g(x) = P(x) - P(-x) \equiv 0,$$

яъни $a_{2i+1} = 0$ ва $P(x)$ да x нинг фақат жуфт $n = 2m$ даражалари бўлади. У ҳолда

$$P'(x) = 2ma_{2m}x^{2m-1} + \dots + 2a_2x = 0,$$

$$x = 0 \text{ да}$$

$$P''(x) = 2m(2m-1)a_{2m}x^{2m-2} + \dots + 2a_2 > 0,$$

бундан $P(x)$ нинг графиги каварик эканлиги ва $x = 0$ нуктада ягона экстремумга эга эканлиги келиб чиқади.

31. Бирорта ҳам бутун коэффициентли $P(x)$ кўпхадлар учун $P(7) = 5$; $P(15) = 9$ тенгликлар бажарилмаслигини исбот қилинг.

И с б о т. Тескарисини фараз қиламиз, яъни бутун коэффициентли $P(x)$ кўпхад мавжуд ва

$$P(7) = a_0 7^n + a_1 7^{n-1} + \dots + a_n = 5,$$

$$P(15) = a_0 15^n + a_1 15^{n-1} + \dots + a_n = 9$$

бўлсин. Иккинчи тенгликдан биринчисини айирамиз:

$$a_0(15^n - 7^n) + a_1(15^{n-1} - 7^{n-1}) + \dots + a_{n-1}(15 - 7) = 4.$$

Бу тенглиkning чап қисмидаги ҳамма қўшилувчилардаги қавслар $15 - 7 = 8$ га бўлинади, аммо ўнг томондаги сон эса 8 га бўлинмайди. Бу эса фаразимизни нотўғри эканлигини билдиради.

32. Бешта бутун қийматлар олувчи нуқталарда 5 га тенг қийматни қабул қилувчи $P(x)$ — бутун сонли кўпхад берилган бўлсин. У ҳолда $P(x)$ кўпхад бутун илдизга эга бўлмаслигини исбот қилинг.

И с б о т. $P(x) = 5 + (x - x_1) + \dots + (x - x_5)g(x)$ бўлсин, бунда $x_1, x_2, \dots, x_5$ бутун қийматли нуқта. Тескарисини фараз қилайлик, яъни бутун сон учун $P(x_0) = 0$ бўлсин, у ҳолда

$$(x_0 - x_1) \dots (x_0 - x_5)g(x_0) = -5$$

бўлиб, $(x_0 - x_1), \dots, (x_0 - x_5)$ сонлар ҳар хил ҳақиқий сонлар ва улар (-5) га бўлинади. Иккинчи томондан эса -5 сони 4 та ҳар хил бутун $1; -1; 5$ ва -5 бўлувчиларга эга. Бу эса қарама-қаршиликка олиб келди. Демак, $P(x)$ кўпхад бутун илдизга эга эмас.

33. $P(x)$ кўпхаднинг даражаси n бўлиб, $P(a) \geq 0$;

$$P'(a) \geq 0, \dots, P^{(n-1)}(a) \geq 0, P^{(n)}(a) \geq 0$$

бўлса, $P(x) = 0$ тенгламанинг ҳақиқий илдизи a дан катта бўла олмаслигини исбот қилинг.

И с б о т. $x = a$ учун Тейлор формуласидан фойдаланиб, $P(x)$ кўпхадни қуйидаги кўринишда ёзиб оламиз:

$$P(x) = P(a) + P'(a)(x - a) + \dots + \frac{P^{(i)}(a)(x - a)^i}{i!} + \dots$$

$x > a$ бўлганда масала шартига асосан $P^{(i)}(a)$ мусбатлигига кўра $P(x) > 0$ тенгсизликка эга бўламиз. Бу эса $P(x) = 0$ нинг a дан катта илдизи йўқлигини билдиради.

34. Агар ҳақиқий коэффициентли

$$P(x) = a_0x^n + a_1x^{n-1} + \dots + a_n$$

кўпхаднинг ҳамма илдизлари ҳақиқий бўлса, у ҳолда унинг кетма-кет ҳосилалари

$$P'(x), P''(x), P'''(x), \dots, P^{(n-1)}(x)$$

ҳам ($a_0 \neq 0$) ҳақиқий илдизларга эга бўлишини исбот қилинг.

Исбот. $P'(x)$ кўпхаднинг илдизлари ҳақиқий эканлигини исбот қилиш етарлидир.

$$\alpha_1 < \alpha_2 < \dots < \alpha_s$$

лар $P(x)$ нинг илдизлари, $k_1, k_2, \dots, k_s$ лар эса уларнинг карралари ($k_1 + k_2 + \dots + k_s = n$) бўлсин. Агар $k_i > 1$ бўлса, у ҳолда α_i илдиз $k_i - 1$ каррали $P'(x)$ нинг илдизи бўлади. Бундай илдизлар, яъни $\alpha_1, \alpha_2, \dots, \alpha_s$ сонлар $(k_1 - 1) + \dots + (k_s - 1) = n - s$ га тенгдир. Шунингдек $P'(x)$ кўпхад β_i ҳақиқий илдизга эга бўлади, бунда

$$\alpha_i < \beta_i < \alpha_{i+1} (i = 1, 2, \dots, (s-1)).$$

β_i илдизлар сони $s-1$ дан кам бўлмаслиги керак, чунки

$$(n-s) + (s-1) = n-1$$

бўлиб, $P'(x)$ бошқа илдизга эга бўлмайди ва улар ҳақиқий бўлади.

Мустақил ечиш учун масалалар

1. Детерминантни ҳисобланг:

$$\begin{vmatrix} C_n^0 & C_n^1 & \dots & C_n^k \\ C_{n+1}^0 & C_{n+1}^1 & \dots & C_{n+1}^k \\ \dots & \dots & \dots & \dots \\ C_{n+k}^0 & C_{n+k}^1 & \dots & C_{n+k}^k \end{vmatrix}.$$

бунда $C_n^k = \frac{n!}{k!(n-k)!}$, $n \in N$, $k \in N$, $k \leq n$.

2. Учинчи тартибли детерминантнинг элементлари қандай бўлишидан қатъи назар унинг ёйилмасидаги ҳамма ҳадлари мусбат бўлмаслигини исбот қилинг.

3. Агар α, β, γ лар $x^3 + px + q = 0$ тенгламанинг ечимлари бўлса, у ҳолда қуйидаги детерминантни ҳисобланг:

$$\begin{vmatrix} \alpha & \beta & \gamma \\ \gamma & \alpha & \beta \\ \beta & \gamma & \alpha \end{vmatrix}.$$

4. $A = \begin{pmatrix} 0 & 1 & 0 \\ 0 & 0 & 1 \\ a & 0 & 0 \end{pmatrix}$ бўлса, A^{100} ни топинг.

5. $\begin{pmatrix} 0 & 1 \\ -1 & 0 \end{pmatrix}^{200}$ матрицани ҳисобланг.

6. $\begin{pmatrix} 2 & 1 & 0 \\ 0 & 1 & 0 \\ 0 & 0 & 2 \end{pmatrix}^{100}$ матрицани ҳисобланг.

7. A $m \times n$ ўлчовли квадрат матрица бўлиб, унинг кўриниши қуйидагича:

$$\begin{pmatrix} a & 1 & 0 & 0 & \dots & 0 & 0 \\ 0 & a & 1 & 0 & \dots & 0 & 0 \\ 0 & 0 & a & 1 & \dots & 0 & 0 \\ \vdots & \vdots & \vdots & \vdots & \ddots & \vdots & \vdots \\ 0 & 0 & 0 & 0 & \dots & 0 & a \end{pmatrix}$$

$m < n$ бўлганда A матрицанинг биринчи сатр элементлари йиғиндисини топинг.

8. Ушбу

$$\begin{pmatrix} 2 & -1 & 0 & 0 & 0 \\ -1 & 2 & -1 & 0 & 0 \\ 0 & -1 & 2 & -1 & 0 \\ 0 & 0 & -1 & 2 & -1 \\ 0 & 0 & 0 & -1 & 2 \end{pmatrix}$$

матрицага тескари матрицани топинг.

9. A 2×2 ўлчовли квадрат матрица бўлиб, унинг хос сонлари

$$|\lambda_1| < 1, |\lambda_2| < 1$$

шартни қаноатлантирса, у ҳолда

$$(E - A)^{-1} = E + A + A^2 + \dots + A^4$$

тенглик уринли эканини исбот қилинг.

10. A ва B $n \times n$ ўлчовли квадрат матрицалар, E эса бирлик матрица бўлсин. Агар $E - AB$ матрица тескари

матрицага эга бўлса, у ҳолда $E - BA$ матрица ҳам тескари матрицага эга бўлишини исбот қилинг.

11. $n \times n$ ўлчовли A квадрат матрица қуйидагича берилган:

$$\begin{pmatrix} x_1^2 & x_1 \cdot x_2 & \dots & x_1 x_n \\ x_2 x_1 & x_2^2 & \dots & x_2 x_n \\ x_3 x_1 & x_3 x_2 & \dots & x_3 x_n \\ \dots & \dots & \dots & \dots \\ x_n x_1 & x_n x_2 & \dots & x_n^2 \end{pmatrix}$$

$(A + E)$ матрица учун тескари матрица мавжудлигини исбот қилинг, (E — бирлик матрица) $(A + E)^{-1}$ матрицани ҳисобланг.

12. Шундай иккинчи тартибли квадрат матрицаларни топингки, уларнинг квадратлари ноль-матрицага тенг бўлсин.

13. Ушбу

$$A = \begin{pmatrix} 0 & 1 & 0 \\ 0 & 0 & 1 \\ 0 & 0 & 0 \end{pmatrix}$$

матрица берилган бўлсин. $B^2 = A$ тенгликни қаноатлантирувчи учинчи тартибли B квадрат матрица мавжуд эмаслигини исбот қилинг.

14. A квадрат матрица учун

$$I^A = E + A + \frac{A^2}{2!} + \dots + \frac{A^n}{n!} + \dots$$

ёйилма ўринли бўлса, у ҳолда I^B ни топинг. Бу ерда

$$B = \begin{pmatrix} 1 & 2 \\ 0 & 3 \end{pmatrix}, \quad t \in]-\infty; +\infty[.$$

15. $n \times n$ ўлчовли A квадрат матрица берилган бўлсин. Шундай $n \times n$ ўлчовли B матрица мавжудки, унинг учун $ABA = A$ тенглик ўринли эканлигини исбот қилинг.

16. Агар

$$A = \begin{pmatrix} 0 & 1 \\ -1 & 0 \end{pmatrix}, B = \begin{pmatrix} 1 & 1 \\ 1 & 1 \end{pmatrix} \text{ ва } Y(0) = B$$

булса, у ҳолда

$$Y(t) = AY(t) - Y(t)A$$

тенгламадан $Y(t)$ матрицани топинг.

17. A n -тартибли квадрат матрица булиб, λ сон A матрицанинг хос сонлари айирмаси курунишида ифодаланиши мумкин булсин.

$$Ax - xA = \lambda x$$

тенглама нолдан фаркли (умумий ҳолда комплекс) ечимга эга эканлигини исбот қилинг.

18. Ушбу

$$A = \begin{pmatrix} a & b \\ c & d \end{pmatrix} \text{ матрица}$$

$$x^2 - (a+d)x + (ad-bc)E = 0$$

тенгламани қаноатлантиришини исбот қилинг. Бунда

$$E = \begin{pmatrix} 1 & 0 \\ 0 & 1 \end{pmatrix}.$$

19. $A = (a_{ij})$ матрица $(n-1) \times n$ ўлчамли. $a_i (i=1, 2, \dots, (n-1))$ орқали A матрицанинг i вектор сатриини, $D_j (j=1, 2, \dots, (n-1))$ орқали A матрицанинг ij -устуниини ўчиришдан ҳосил бўлган матрицанинг детерминантини, D орқали $D = (D_1, -D_2, \dots, (-1)^{n-1}D_n)$ вектор-сатрни белгилаймиз. Барча $i=1, 2, \dots, n$ лар учун (D, a_i) скаляр кўпайтма нолга тенг бўлишини исбот қилинг.

20. Иккита $((\vec{a} \times \vec{b}) \times \vec{b}) \times \vec{b}$ ва $\vec{a} \times \vec{b}$ векторлар коллинеар эканлигини исбот қилинг.

21. ABC учбурчакда $\vec{AB} = \vec{a}$, $\vec{AC} = \vec{b}$. Шу учбурчакнинг BC томонига туширилган баландлик векторни топинг.

22. A, B, C, D нукталар фазода ёки текисликда қандай жойлашишларидан қатъи назар,

$$\vec{BC} \cdot \vec{AD} + \vec{CA} \cdot \vec{BD} + \vec{AB} \cdot \vec{CD} = 0$$

тенглик ўринли эканлигини исбот қилинг.

23. Уч ўлчовли фазода ҳамма $\vec{a}$ ва $\vec{b}$ жуфт векторларни кўрсатингки, улар учун

$$\begin{cases} (\vec{a}\vec{x}) = |\vec{b}|, \\ [\vec{a}\vec{x}] = \vec{b} \end{cases}$$

система ечимга эга бўлсин ва бу ечимни топинг (бунда $(\vec{a}\vec{x})$ — скаляр кўпайтма, $[\vec{a}\vec{x}]$ — вектор кўпайтма).

24. α нинг қандай қийматларида $\vec{p} = \alpha\vec{a} + 5\vec{b}$ ва $q = 3\vec{a} - \vec{b}$ векторлар коллинеар бўлади.

25. $\vec{a}$, $\vec{b}$, $\vec{c}$, $\vec{d}$ уч ўлчовли фазода берилган векторлар бўлса, улар учун

$$\left| \begin{pmatrix} (\vec{a}\vec{c}) & (\vec{a}\vec{d}) \\ (\vec{b}\vec{c}) & (\vec{b}\vec{d}) \end{pmatrix} \right| = (|\vec{a}\vec{b}| |\vec{c}\vec{d}|)$$

тенглик ўринли эканини исбот қилинг (бунда $(\vec{a}\vec{c})$ — скаляр кўпайтма, $[\vec{a}\vec{b}]$ — вектор кўпайтма).

26. Агар $[AA_1]$, $[BB_1]$, $[CC_1]$ лар ABC учбурчакнинг биссектрисалари бўлиб, улар учун

$$AA_1 + BB_1 + CC_1 = 0$$

бўлса, бу учбурчак мунтазам учбурчак бўлишини исбот қилинг.

27. Ушбу $\begin{cases} \vec{a} \times x + \vec{b} \times y = \vec{c}, \\ \vec{b} \times x - \vec{a} \times y = \vec{d} \end{cases}$ система учун қандай

зарурий ва етарли шартлар бажарилганда, у ечимга эга бўлади? Бу системанинг ҳамма ечимларини топинг. Бунда x , y — номаълумлар, $\vec{a}$, $\vec{b}$, $\vec{c}$, $\vec{d}$ — берилган векторлар ва $\vec{a}^2 + \vec{b}^2 \neq 0$.

28. $SABC$ тетраэдрнинг ҳар бир киррасидан ва унга қарама-қарши киррасининг ўртасидан текисликлар ўтказилган. Бу текисликлар умумий нуқтага эга бўлишини исбот қилинг. Бу умумий нуқтани K билан белгилаб $S\vec{K}$ векторни

$$S\vec{A} = \vec{a}, S\vec{B} = \vec{b}, S\vec{C} = \vec{c}$$

векторлар орқали ифодаланг.

29. $O\vec{A}$, $O\vec{B}$ ва $O\vec{C}$ векторлар қуйидаги тенгликни қаноатлантиради:

$$\overline{OA} \times \overline{OB} + \overline{OB} \times \overline{OC} + \overline{OC} \times \overline{OA} = 0;$$

а) $\overline{OA}$, $\overline{OB}$ ва $\overline{OC}$ векторлар компланар эканлигини;

б) A , B , C нукталар битта тўғри чизикда ётишини исбот қилинг.

30. Учбурчакнинг томонлари қуйидаги

$$a_i x + b_i y + c_i = 0 \quad (i = 1, 2, 3)$$

тенглама билан берилган тўғри чизиклар устида ётади. Агар S учбурчакнинг юзи, R учбурчакка ташқи чизилган айлана радиуси ва

$$\Delta = \begin{vmatrix} a_1 & b_1 & c_1 \\ a_2 & b_2 & c_2 \\ a_3 & b_3 & c_3 \end{vmatrix}$$

бўлса, $S = |\Delta| \cdot R$ тенглик ўринли эканлигини исбот қилинг.

31. Учбурчакнинг томонлари қуйидаги

$$a_i x + b_i y + c_i = 0 \quad (i = 1, 2, 3)$$

тенглама билан берилган тўғри чизиклар устида ётади. Агар

$$\Delta = \begin{vmatrix} a_1 & b_1 & c_1 \\ a_2 & b_2 & c_2 \\ a_3 & b_3 & c_3 \end{vmatrix}$$

ва $\Delta_i = c_i$ элементнинг алгебраик тўлдирувчиси бўлса, ушбу

$$S = \frac{\Delta^2}{2|\Delta_1 \Delta_2 \Delta_3|}$$


ифода учбурчак юзи эканлигини исбот қилинг.

32. 93- чизмада икки тўғри чизикли йўл ва доирасимон кўл тасвирланган. Кўл бўйига йўлларга иложи борица яқин жойга дам олиш уйи қуриш керак. Дам олиш уйидан йўлларгача бўлган масофалар йиғиндиси энг кичик бўлиши учун ун кўлнинг қайси ёнига қуриш керак.

33. Ҳар қандай силлиқ ёпиқ кавариқ K эгри чизикда A ва B нукталарни шундай танлаб олиш мумкинки, улар K ни тенг узунликда иккита ёйга бўлади.

AB ватар K эгри чизик билан чегараланган юзни тенг иккига бўлишини исбот қилинг.

34. Узлуксиз ёпиқ қаварик эгри чизик ичидаги нуктадан ватарлар ўтказилган. Агар ватар энг кичик



93- чизма

юзли сегмент кесса, берилган нукта ватарнинг ўртасида жойлашганлигини исбот қилинг.

35. Агар r ва R бирор учбурчакка ички ва ташқи чизилган айланаларнинг радиуслари, d айланалар марказлари орасидаги масофа бўлса,

$$d^2 = R^2 - 2Rr$$

тенглик тўғри эканлигини исбот қилинг.

36. Агар $A_1, A_2, \dots, A_n$ нукталар бирлик айлана ичига чизилган n бурчакли мунтазам кўпбурчакнинг учлари бўлса, қуйидаги йиғиндини тонинг:

$$|A_1A_2|^2 + |A_1A_3|^2 + \dots + |A_1A_n|^2.$$

37. $\frac{x^2}{6} + \frac{y^2}{3} = 1$ эллипсга $(4; -1)$ нуктадан ўтказилган уринма тенгламасини тузинг.

38. Ҳаракатсиз эллипс устида унга тенг эллипс сирпанмасдан шундай силжиб бормоқдаки, уларнинг ихтиёрий ҳолатида ҳам эллипслар умумий уринмага нисбатан симметрик бўлса, эллипснинг фокус нукталари қандай эгри чизиклар чизади?

39. $\frac{x^2}{a^2} + \frac{y^2}{b^2} = 1$ эллипсда шундай $(x_0; y_0)$ нукта

топингки, шу нуктадан утказилган уринма ва координата уклари билан чегараланган учбурчакнинг юзи энг кичик бўлсин.

40. $\frac{x^2}{3} + \frac{y^2}{4} = 1$ эллипс билан $2x + y = 5$ тўғри чизик орасидаги энг қисқа масофани топинг.

41. $\frac{x^2}{4} + \frac{y^2}{9} = 1$ эллипснинг $y = \frac{9}{32}x^2$ парабола билан чегараланган пастки қисмининг юзини топинг.

42. A нукта $xy = 4$ гиперболода, B нукта эса $x^2 + 4y^2 = 4$ эллипсда ётади. A ва B нукталар орасидаги масофа бирдан кичик бўлмаслигини исбот қилинг.

43. $4x^2 + y^2 = 5$ эллипс берилган. Шу эллипсга $x = 1$, $y = -1$ ва $x = y = -1$ нукталарда уринувчи парабола тенгламасини тузинг.

44. $(4; 0)$ нуктадан $y^2 - 2x = 0$ эгри чизиккача бўлган масофани топинг.

45. $y = x^2$ парабола билан $x - y - 2 = 0$ тўғри чизик орасидаги энг қисқа масофани топинг.

46. $y = \frac{1}{10}x^2$ парабола билан $(0; 4)$ ва $(0; 6)$ нукталар орасидаги энг қисқа масофани топинг.

47. $y = \frac{1}{x}$ гиперболанинг биринчи чоракдаги тармоғи устида радиуси $R = 1$ тенг бўлган айланани юмалатамиз. Бу айлана маркази чизган чизик қандайдир гиперболанинг тармоғи бўладими?

48. AB кесмада $2n$ та нукта кесма уртасига нисбатан симметрик жойлаштирилган. Улар ичидан n та нукта ихтиёрий усулда танлаб олиниб қизил рангга, қолган нукталар эса кўк рангга бўялган. Қизил нукталардан A нуктагача бўлган масофалар йигиндиси кўк нукталардан B нуктагача бўлган масофалар йигиндисиغا тенглигини исбот қилинг.

49. R радиусли шар берилган. Шу шар ичига ҳажми энг катта бўлган тўғри доиравий цилиндр қандай чизилади?

50. Ярим шарнинг оғирлик маркази координаталарини топинг.

51. Ихтиёрий $n \geq 3$ тоқ даражали кўпхад ҳеч

бўлмаганда битта бурилиш нуқтасига эга бўлишини исбот қилинг.

52. Ушбу

$$P(x) = 1 + \frac{x}{1!} + \frac{x^2}{2!} + \dots + \frac{x^n}{n!}$$

кўпхад каррали илдизга эга бўлмаслигини исбот қилинг.

53. Агар $P(x)$ мусбат коэффициентли $(n-1)$ - даражали кўпхад бўлса, у ҳолда $x^n = P(x)$ тенглама фақат битта мусбат илдизга эга бўлишини исбот қилинг.

54. Агар $P_1(x), P_2(x), \dots, P_r(x)$ мос равишда $n_1, n_2, \dots, n_r$ даражали кўпхадлар бўлиб

$$n_1 + n_2 + \dots + n_r < \frac{r(r-1)}{2}$$

бўлса, бу кўпхадлар ўзаро чизикли боғлиқ бўлишини исбот қилинг.


55. Ушбу

$$\begin{cases} (3-2\lambda)x_1 + (2-\lambda)x_2 + x_3 = \lambda, \\ (2-\lambda)x_1 + (2-\lambda)x_2 + x_3 = 1, \\ x_1 + x_2 + (2-\lambda)x_3 = 1 \end{cases}$$

система биргаликда эканлигини текширинг ва унинг ечимини топинг.

АЖОЙИБ ЭГРИ ЧИЗИҚЛАР

1. Циклоидали эгри чизиклар. а) Ox ўқи бўйлаб сирпанмай гилдираб борувчи r радиусли айлананинг ихтиёрий M нуктаси чизган эгри чизик *циклоида* дейилади. Циклоида тенгламасини келтириб чиқарамиз (94- чизма).



94- чизма

$M(x; y)$ нукта циклоиданинг ихтиёрий нуктаси бўлсин. S айлана маркази бўлсин. SM ва SH радиуслар орасидаги бурчакни t параметр деб оламиз.

Чизмадан:

$$\begin{aligned} x &= OM_1 = OH - M_1H = rt - rsint = r(t - sint), \\ y &= OM_2 = r - rcost = r(1 - cost). \end{aligned}$$

Демак,

$$\begin{cases} x = r(t - sint), \\ y = r(1 - cost). \end{cases} \quad (1)$$

(1) — циклоиданинг параметрик тенгламаси дейилади. Бундан фойдаланиб циклоиданинг тўғри бурчакли декарт координаталар системасидаги тенгламасини чиқариш мумкин. Бунинг учун (1) системадаги иккинчи тенгламадан

$$r \cos t = r - y \Rightarrow \cos t = \frac{r-y}{r},$$

$$t = \arccos \frac{r-y}{r},$$

$$\begin{aligned} \sin t &= \sqrt{1 - \cos^2 t} = \sqrt{1 - \left(\frac{r-y}{r}\right)^2} = \\ &= \sqrt{1 - \frac{r^2 - 2ry + y^2}{r^2}} = \frac{1}{r} \sqrt{2ry - y^2} \end{aligned}$$


ларни тошиб, биринчи тенгламага қўйиш кифоя:

$$x = r \arccos \frac{r-y}{r} - \sqrt{2ry - y^2};$$

б) ўзгармас R радиусли айланга ташки уриниб, унинг устида сирпанмасдан гилдирайдиган r радиусли айлананинг ихтиёрий M нуктаси чизадиган текис эгри чизик эпициклоида дейилади (95-чизма).

Эпициклоида тенгламасини келтириб чиқарамиз. Унинг учун R радиусли айлананинг маркази O ни координаталар боши қилиб, у орқали ўтувчи ўзаро перпендикуляр тўғри чизикларни координата ўқлари қилиб оламиз (96-чизма).

Бу ҳолатда M нуктанинг чизган чизиги B нуктасидан бошланган бўлсин. MO_1K бурчакни α деб ва айлана радиуслари нисбатини




95- чизма

$$m = \frac{r}{R} \Rightarrow r = mR$$

деб белгилаймиз.

M нукта чизган эгри чизикнинг узунлиги:

$$KM = BM \text{ ёки } R \cdot KOB = r\alpha.$$



96- чизма

Бундан

$$KOB = \frac{r}{R} \cdot \alpha = m\alpha.$$

M нуктанинг координаталари x ва y бўлсин. У ҳолда шаклдан:

$$\begin{aligned} x &= OP = OD + ME; \quad y = MP = O_1D - O_1E \\ OD &= OO_1 \cos m\alpha = (OK + O_1K) \cos m\alpha = (R + r) \cos m\alpha; \\ ME &= O_1M \sin(M\hat{O}_1E) = r \sin(\alpha - O\hat{O}_1D) = \\ &= r \sin(\alpha - (\frac{\pi}{2} - m\alpha)) = -r \cos(\alpha + m\alpha); \\ O_1D &= OO_1 \sin m\alpha = (R + r) \sin m\alpha; \\ O_1E &= O_1M \cos(M\hat{O}_1E) = r \cos(\alpha - O\hat{O}_1D) = \\ &= r \cos(\alpha - (\frac{\pi}{2} - m\alpha)) = r \cos((\alpha + m\alpha) - \frac{\pi}{2}) = \\ &= r \sin(\alpha + m\alpha); \quad r = mR. \end{aligned}$$

Бу қийматларни ўрнига қўйсақ, қуйидаги системага эга бўламиз:

$$\begin{cases} x = (R + mR)\cos m\alpha - mR\cos(\alpha + m\alpha); \\ y = (R + mR)\sin m\alpha - mR\sin(\alpha + m\alpha). \end{cases} \quad (2)$$


(2) тенглама эпициклоиданинг параметрик тенгламаси дейилади. Эпициклоида гилдирайдиган айлана радиуси (r) кўзгалмас айлана радиусидан (R) неча марта катта бўлишига караб (2) тенглама турли хилда бўлади.

Хусусий ҳолда, $R = r$ ва $m = 1$ бўлганда, (2) тенглама куйидаги кўринишни олади:

$$\begin{cases} x = 2r\cos\alpha - r\cos 2\alpha, \\ y = 2r\sin\alpha - r\sin 2\alpha. \end{cases} \quad (3)$$

(3) тенглама билан ифодаланган эгри чизик *кардиоида* деб аталади,

в) бирор кўзгалмас R радиусли айлана бўйлаб ичкаридан сирпанмай, гилдираб боровчи r радиусли



97- чизма

айланадаги ихтиёрый M нукта чизган эгри чизик *гипоциклоида* дейилади (97- чизма). Унинг тенгламасини куйидагича чиқарамиз. Унинг учун M нуктанинг x , y координаталарини топамиз:

$$x = OP = OD + DP = (R - r)\cos mt + r\sin(\widehat{MO_1 E});$$

$$y = PM = O_1D - O_1E = (R - r)\sin mt - r\cos(\widehat{MO_1 E}).$$

$$\sin(\widehat{MO_1 E}) = \sin(\pi - t - (\frac{\pi}{2} - mt)) = \cos(t - mt).$$

$$\cos(\widehat{MO_1 E}) = \sin(t - mt) \text{ булгани учун:}$$

$$\begin{cases} x = (R - mR)\cos mt + mR\cos(t - mt), \\ y = (R - mR)\sin mt - mR\sin(t - mt). \end{cases} \quad (4)$$

(4) система гипоциклоиданинг параметрик тенгламаси дейилади.

2. Декарт япроғи. Тўғри бурчакли декарт координаталар системасида

$$x^3 + y^3 - 3axy = 0 \quad (5)$$

учинчи даражали алгебраик тенглама билан аниқланадиган эгри чизик *Декарт япроғи* дейилади, бунда $a \neq 0$ ўзгармас.

(5) тенгламани параметрик кўринишда ҳам ёзиш мумкин. Бунинг учун $y = tx$ алмаштириш бажариб, (5) дан x ни топамиз:

$$x^3 + t^3x^3 - 3axtx = 0 \Rightarrow x^3(1 + t^3) - 3atx^2 = 0$$

$$x(1 + t^3) = 3at \Rightarrow x = \frac{3at}{1 + t^3}.$$

x нинг топилган қийматини $y = tx$ га қўямиз:

$$\begin{cases} x = \frac{3at}{1 + t^3}, \\ y = \frac{3at^2}{1 + t^3}. \end{cases} \quad (6)$$

(6) система декарт япроғининг параметрик тенгламаси дейилади. Кутб координаталар системасида декарт япроғининг тенгламасини ҳосил қилиш учун:

$$x = \rho \cos \varphi, \quad y = \rho \sin \varphi$$

алмаштириш бажарамиз:

$$\rho^3 \cos^3 \varphi + \rho^3 \sin^3 \varphi - 3\rho^2 \cos \varphi \sin \varphi = 0 \Rightarrow$$


$$\rho^3 (\cos^3 \varphi + \sin^3 \varphi) - 3\rho^2 \cos \varphi \sin \varphi = 0.$$

Демак,

$$\rho = \frac{3a \cos \varphi \sin \varphi}{\cos^3 \varphi + \sin^3 \varphi}.$$

(5) тенгламани $x=0$, $y=0$ координаталар қаноатлантиради. Бу декарт япроғи координаталар бошидан ўтишини билдиради. Декарт япроғи $y=x$ тўғри чизикқа нисбатан симметрикдир. Ҳақиқатан, (5) тенгламада x ва y ўзгарувчиларнинг ўрнини алмаштирсак, дастлабки тенглама ҳосил бўлади. $y=-x-a$ чизик декарт япроғининг асимптотасидир.

Чизик биринчи чоракда илмоқ ҳосил қилиб, сўнгра унинг тармоқлари асимптотага чексизликда яқинлашади (бунда координаталар боши тугун нуқта бўлади (98- чизма).




98- чизма

3. Циссоида. Диаметри $OA=2a$ бўлган айлана берилган ва унинг A нуқтасига уринма ўтказилган бўлсин (99- чизма). Айлананинг O нуқтасидан OB нурни ўтказамиз ва унинг айлана билан кесишган нуқтасини C билан белгилаймиз. Шу нурга $|OM_1|=|BC|$ кесмани қўямиз. O нуқтадан иккинчи нурни ўтказамиз ва юқоридаги каби M_2 нуқтани ҳосил қиламиз. Шундай усул билан исталганча M_1 , M_2

нукталарни ясаш мумкин. Бу нукталарни бирлаштиришдан ҳосил бўлган эгри чизик *циссоида* дейилади.

Циссоида тенгламасини қутб координаталарида келтириб чиқарамиз. Унинг учун O нуктани қутб боши,



99- чизма

OA нури қутб ўқи деб оламиз. 99- чизмадан $|OM| = \rho$, $\angle AOM = \varphi$, у ҳолда M нуктанинг қутб координаталари ρ , φ лардан иборат бўлади. Уларни топамиз:

$$\rho = |OM_1| = |OB| - |OC|, \quad |OB| = \frac{2a}{\cos \varphi};$$

$|OC| = 2a \cos \varphi$ га тенглигидан:

$$\rho = \frac{2a}{\cos \varphi} - 2a \cos \varphi = 2a \cdot \frac{1 - \cos^2 \varphi}{\cos \varphi}$$

ёки

$$\rho = \frac{2a \sin^2 \varphi}{\cos \varphi}. \quad (7)$$

(7) тенглама циссоиданинг қутб координаталаридаги тенгламаси дейилади.

Энди циссоиданинг декарт координаталар системасидаги тенгламасини чиқарамиз. Бизга маълумки:

$$\rho = \sqrt{x^2 + y^2}; \quad \sin \varphi = \frac{y}{\sqrt{x^2 + y^2}}; \quad \cos \varphi = \frac{x}{\sqrt{x^2 + y^2}}.$$

Бу қийматларни (7) га қўйиб соддалаштирсак, қуйидаги тенгламага эга бўламиз:

$$y^2 = \frac{x^3}{2a - x}. \quad (8)$$

(8) тенглама циссоиданинг тўғри бурчакли декарт координаталаридаги тенгласидир. У учинчи тартибли алгебраик тенгламадир.

Параметрик тенгласини ёзиш учун


$$x = \rho \cos \varphi \text{ ва } y = \rho \sin \varphi$$

формулаларга ρ нинг қийматини қўямиз:

$$\begin{cases} x = 2a \sin^2 \varphi, \\ y = \frac{2a \sin^3 \varphi}{\cos \varphi}. \end{cases}$$

бунда φ — параметр.

4. Строфоида. А нукта ва бу нуктадан ўтмайдиган l тўғри чизик берилган бўлсин (100-чизма). Ах тўғри чизикни l тўғри чизикка перпендикуляр қилиб ўтказамиз ва уларнинг кесишиш нуктасини C билан белгилаймиз. АС кесмаи a деб оламиз. А нукта атрофида айланувчи нурни оламиз ва унинг берилган l тўғри чизик билан кесишиш нуктасини B деб белгилаймиз. B нуктадан $|BC| = |BM_1| = |BM_2|$ кесмаларни қўямиз.



Демак, А нуктадан ўтказилган битта нурга чизмада кўрсатилгандек мос равишда M_1, M_2 жуфт нукталар тўғри келади. Бундай M_1, M_2 нукталар тўплами *строфоида* деб аталади. Бунда M_1, M_2 нукталар қовушма нукталар дейилади. Етарлича шундай нукталарни ясаб, уларни бирлаштирсак строфонидани ҳосил қиламиз.

Строфонда тенгласини чиқарамиз. А нуктани кутб боши, АС нурни кутб ўқи деб оламиз. Нурнинг

кутб ўқи билан ташкил этган бурчагини φ деб белгилаймиз. У ҳолда M_1 нукта (ρ_1, φ) кутб координаталарга эга бўлади, бунда $\rho_1 = |AM_1|$, M_2 нукта эса (ρ_2, φ) координаталарга эга, бунда $\rho_2 = |AM_2|$. Чизмадан кўриниб турибдики:

$\rho_1 = |AB| + |BM_1|$; $\rho_2 = |AB| - |BM_2|$, $|BM_1| = |BC|$
булгани учун

еки $\rho_1 = |AB| + |BC|$; $\rho_2 = |AB| - |BC|$

$$\rho = AB \pm BC. \quad (9)$$

$$|AB| = \frac{a}{\cos \varphi}, \quad |BC| = a \tan \varphi.$$

Бу қийматларни (9) га қўйсак:

$$\rho = \frac{a}{\cos \varphi} \pm a \tan \varphi = a \left(\frac{1}{\cos \varphi} \pm \frac{\sin \varphi}{\cos \varphi} \right), \quad (10)$$

$$\rho = \frac{a(1 \pm \sin \varphi)}{\cos \varphi}$$

(10) тенглама строфоиданинг кутб координаталардаги тенгламасидир.

Энди строфоиданинг параметрик тенгламасини чиқариш учун

$$x = \rho \cos \varphi, \quad y = \rho \sin \varphi$$

тенгламаларга (10) дан ρ ни қийматини қўямиз:

$$\begin{cases} x = 1 \pm \sin \varphi, \\ y = \frac{(1 \pm \sin \varphi) \sin \varphi}{\cos \varphi} \end{cases} \quad (11)$$

Строфоиданинг тугри бурчакли декарт координаталардаги тенгламасини ёзамиз. Унинг учун

$$\rho = \sqrt{x^2 + y^2}; \quad \sin \varphi = \frac{y}{\sqrt{x^2 + y^2}}, \quad \cos \varphi = \frac{x}{\sqrt{x^2 + y^2}}$$

тенгликларни (10) га қўямиз:

$$y^2 = \frac{(x-a)^2 x}{2a-x}. \quad (12)$$

(12) тенглама декарт координаталарига нисбатан учинчи даражали тенглама — шунинг учун строфоида учинчи тартибли чизиқдир.

(12) ни y га нисбатан ечсак:

$$y = \pm(x-a)\sqrt{\frac{x}{2a-x}}. \quad (13)$$

(13) тенглама $x \geq 0$, $x < 2a$ бўлганда маънога эга бўлади. Бундан кўринадики, строфоида иккита тармокка эгадир (хар бири плюс ёки минус ишоралари билан аниқланади).

Агар $x \rightarrow 2a$ га интилса, y ҳолда y нинг қиймати чексиз ортади, яъни $x=2a$ тўғри чизикка яқинлашади. Шунинг учун $x=2a$ тўғри чизик строфоиданинг асимптотаси бўлади. $C(a; 0)$ нуктада строфоида тармоқлари кесишади ва бу нукта *туғунли нукта* деб аталади.


5. Бернулли лемнискатаси. Хар бир нуктасидан берилган икки $F_1(-a; 0)$ ва $F_2(a; 0)$ фокуслар деб аталувчи нукталаргача бўлган масофалар кўпайтмаси ўзгармас a^2 сонига тенг бўлган текис эгри чизик *Бернулли лемнискатаси* дейилади (101-чизма).

Лемниската таърифига кўра, F_1 ва F_2 нукталар берилган. У ҳолда уларнинг орасидаги масофа

$$|F_1F_2| = 2a \text{ ёки } a = \frac{1}{2}|F_1F_2| \text{ бўлади.}$$

Бернулли лемнискатаси тенгламасини тўғри бурчакли декарт координаталарда келтириб чиқарамиз. Координаталар бошини F_1F_2 кесманинг ўртасида қилиб F_1F_2 нукталардан ўтувчи тўғри чизикни абсциссалар ўқи деб, унга перпендикуляр бўлган ва O нуктадан ўтувчи тўғри чизикни ординаталар ўқи деб оламиз.

$M(x; y)$ нукта изланаётган чизик устидаги ихтиёрий нукта бўлсин. У ҳолда, таърифга кўра:



101-чизма

$$|F_1M| \cdot |F_2M| = a^2. \quad (14)$$

Текисликдаги икки нукта орасидаги масофани топиш формуласига кўра:

$$|F_1M| = \sqrt{(x+a)^2 + y^2},$$

$$|F_2M| = \sqrt{(x-a)^2 + y^2}.$$

Бу ифодаларни (14) га қўйиб, сўнгга соддалаштирсак,

$$(x^2 + y^2)^2 = 2a^2(x^2 - y^2) \quad (15)$$

Бернулли лемнискатаси тенгламасига эга бўламиз. (15) тенгламадан Бернулли лемнискатаси тўртинчи тартибли алгебраик тенгламадан иборат эканлиги келиб чиқади.

Лемниската тенгламасини кутб координаталарида ифодалаш учун $x = \rho \cos \varphi$, $y = \rho \sin \varphi$ ифодаларни (15) га қўйиб соддалаштирсак,

$$\rho^2 = 2a^2(2\cos^2 \varphi - 1)$$

ёки $b = a\sqrt{2}$ белгилаш киритсак,

$$\rho^2 = b^2(2\cos^2 \varphi - 1) \quad (16)$$

тенгламани ҳосил қиламиз. (16) тенглама ёрдамида Бернулли лемнискатаси нукталарини яшаш мумкин.

(16) тенгламани гипотенузаси $b\sqrt{2}\cos \varphi$ ва бирор катети b га тенг бўлган тўғри бурчакли учбурчакларнинг иккинчи катети узунлиги қаноатлантиришини кўрсатамиз.

Ҳақиқатан, агар тўғри бурчакли учбурчакнинг катетлари x , y , гипотенузаси z бўлса, у ҳолда $x^2 + y^2 = z^2$ тенглик ўринли. Бу ҳолда

$$x = \rho, y = b, z = b\sqrt{2}\cos \varphi$$

деб, ўрнига қўйсак,

$$\rho^2 + b^2 = 2b^2\cos^2 \varphi \Rightarrow$$

$$\rho^2 = 2b^2\cos^2 \varphi - b^2 \Rightarrow$$

$$\rho^2 = b^2(2\cos^2 \varphi - 1)$$

(16) тенгламага эга бўламиз.

6. Астроида. АС — диагонали ўзгармас ва иккита томони ўзаро перпендикуляр бўлган тўғри чизик устида

ётувчи тўғри тўртбурчак берилган бўлсин (102- чизма).

Бундай тўғри тўртбурчакларнинг B учидан AC диагоналига туширилган перпендикулярларнинг асосларидаги нуқталарни бирлаштиришдан ҳосил бўлган эгри чизик *астроида* дейилади.


Декарт координаталар системасида астроиданинг тенгламасини келтириб чиқарамиз. Координата ўқлари деб бу иккита перпендикуляр бўлган томонларни оламиз (102- чизма). $|AC| = a$ бўлсин. У ҳолда $|OA|^2 + |OC|^2 = a^2$. B учидан AC диагоналига перпендикуляр туширамиз ва унинг асосини $M(x; y)$ деймиз. $\angle BCA = t$, $\angle MBA = t$ га тенг. M нуқтанинг координаталари x, y ни t бурчак орқали ифодалаймиз:

$$\begin{aligned} x &= OP = |CM|\cos t = (|CB|\cos t)\cos t = |CB|\cos^2 t = \\ &= (|CA|\cos t)\cos^2 t = |CA|\cos^3 t = a\cos^3 t; \\ y &= OQ = PM = |MA|\sin t = (|AB|\sin t)\sin t = \\ &= |AB|\sin^2 t = (|AC|\sin t)\sin^2 t = \\ &= |AC|\sin^3 t = a\sin^3 t. \end{aligned}$$

Шундай қилиб, $\begin{cases} x = a\cos^3 t; \\ y = a\sin^3 t \end{cases}$ астроиданинг параметрик тенгламаси бўлиб, ундан t параметрни нуқотсак, унинг тўғри бурчакли декарт координаталаридаги тенгламасига эга бўламиз:

$$\begin{cases} x^{\frac{1}{3}} = a^{\frac{1}{3}}\cos t, \\ y^{\frac{1}{3}} = a^{\frac{1}{3}}\sin t \end{cases} \Rightarrow \begin{cases} x^{\frac{2}{3}} = a^{\frac{2}{3}}\cos^2 t \\ y^{\frac{2}{3}} = a^{\frac{2}{3}}\sin^2 t \end{cases} \Rightarrow x^{\frac{2}{3}} + y^{\frac{2}{3}} = a^{\frac{2}{3}}.$$


7. **Архимед спирали.** Тўғри чизик бўйича текис ҳаракатланувчи ва бир вақтнинг ўзида тайин нуқта



102- чизма

атрофида текис айланувчи бирор M нуктанинг траекторияси *Архимед спирали* дейилади.

Демак, Архимед спиралининг таърифига кўра нуктанинг траекториясида бир вақтда иккита текис ҳаракат иштирок этиб, ундан бири тўғри чизик бўйлаб, иккинчиси эса айлана бўйлаб ҳаракатдан иборат экан.



103- чизма

M нукта ON тўғри чизик бўйлаб ҳаракат қилади, O нукта атрофида эса текис айланма ҳаракат қилади.

O нуктани кутб боши, Ol ни кутб ўқи деб оламиз (103- чизма). M нуктанинг дастлабки координатларини ρ , φ деб белгилаймиз, бунда $\rho =$

$= |OM|$, φ — OM кутб-радиусининг кутб ўқи Ol билан ташкил этган бурчаги. M нуктанинг ON тўғри чизик бўйича босиб ўтган йўли a кутб бурчаги φ нинг ўсишига тўғри пропорционалдир. Шунинг учун

$$\rho = a\varphi, \quad (17)$$

бунда a — пропорционаллик коэффиценти. (17) тенглама Архимед спиралининг кутб координаталаридаги тенгламаси дейилади. Унинг декарт координаталар системасидаги тенгламаси эса қуйидагича:

$$\sqrt{x^2 + y^2} = a \cdot \operatorname{arctg} \frac{y}{x}.$$

Агар ҳар бир ўрам орасидаги масофани d деб белгиласак, у ҳолда


$$d = a(\varphi + 2\pi) - a\varphi = 2a\pi.$$

Бундан кўриниб турибдики, ўрамлар орасидаги масофа ўзгармасдир.

8. Логарифмик спираль. Тенгламаси кутб координаталар системасида $\rho = ae^{k\varphi}$ (бунда α ихтиёрий сон,

пропорционаллик коэффициенти) кўринишда бўлаган эгри чизик *логарифмик спираль* дейилади.

Логарифмик спираль формуласини куйидагича чиқарамиз. Архимед спиралида нур устида харакатланаётган M нуктанинг кутб бошидан узоқлиги нурнинг бурилиш бурчаги φ га тўғри пропорционал деб олинган эди. Энди M нуктанинг кутб бошидан узоқлигининг логарифмининг нурнинг бурилиш бурчагига тўғри пропорционал деб оламиз, яъни $\ln r = a\varphi$. Бундан $r = e^{a\varphi}$ келиб чиқади. Бу эса (18) формуланинг хусусий ҳоли, яъни $a=1$ ва $k=a$. Логарифмик спиралнинг асосий хоссаларидан бири: спиралнинг бошидан чиққан ҳар қандай радиус-векторлар спирални айни бир a бурчак остида кесиб ўтади (104- чизма). Баъзи чиганоқларнинг шакли логарифмик спиралга ўхшайди.



104- чизма

АДАБИЁТ

1. Александров П. С. Лекции по аналитической геометрии. М., «Наука», 1968.
2. Атанасян Л. С. Геометрия I к. М., «Просвещение», 1973.
3. Атанасян Л. С. Сборник задач по аналитической геометрии М., «Просвещение», 1968.
4. Бакельман И. Я. Аналитик геометрия ва чизикли алгебра. Тошкент, «Укитувчи», 1978.
5. Болгов В. А., Демидович Б. П. ва бошқ. Линейная алгебра и основы математического анализа. М., «Наука» 1981.
6. Борович З. И. Определители и матрицы. М., «Наука», 1988.
7. Бугров Я. С., Никольский С. М. Элементы линейной алгебры и аналитической геометрии. М., «Наука», 1980.
8. Васильев Н. Б., Гутенмахер В. М. Прямые и кривые. М., «Наука», 1978.
9. Гусак А. А., Гусак Г. И. Линии и поверхности. Минск, «Высшая школа», 1985.
10. Данко П. Е. ва бошқ. Высшая математика в упражнениях и задачах. М., I к. «Высшая школа», 1986 г.
11. Ефимов Н. В. Краткий курс аналитической геометрии. М., «Наука», 1975.
12. Зайцев И. А. Высшая математика. М., «Высшая школа», 1991.
13. Зельдович Я. Б., Яглом И. М. Высшая математика для начинающих физиков и техников. М., «Наука», 1982.
14. Ильин В. А., Позняк Э. Г. Аналитическая геометрия. М., «Наука», 1981 г.
15. Клетеник Д. В. Сборник задач по аналитической геометрии. М., «Наука», 1982.
16. Кручкович Г. И. ва бошқ. Сборник задач по курсу высшей математики. М., «Высшая школа», 1980.

17. Постников М. М. Аналитическая геометрия. М., «Наука», 1979.

18. Ражабов Ф., Нурметов А. Аналитик геометрия ва чизикли алгебра. Тошкент, «Ўқитувчи», 1990.

19. Рахимов А. Умумий электротехника. Тошкент, «Ўқитувчи», 1981.

20. Савелов А. А. Плоские кривые. М., «Физматгиз», 1960.

21. Садовничий В. А., Подколзин А. С. Задачи студенческих олимпиад по математике. М., «Наука», 1978.

22. Пышкевич Р. И., Феденко А. С. Линейная алгебра и аналитическая геометрия. Минск, «Высшая школа», 1976.

23. Шнейдер В. Е. ва бошқ. Олий математика киска курси. Тошкент, «Ўқитувчи», 1985.

24. Шодиев Т. Аналитик геометриядан қўлланма. Тошкент, «Ўқитувчи», 1973.

М У Н Д А Р И Ж А

Сўз боши	3
I б о б. ДЕТЕРМИНАНТЛАР ВА ЧИЗИҚЛИ ТЕНГЛАМАЛАР СИСТЕМАЛАРИ	4
1-§. Иккинчи тартибли детерминантлар	4
2-§. Учинчи тартибли детерминантлар ва уларнинг хосса- лари	9
3-§. Уч номаълумли учта чизикли тенгламалар система- лари	16
4-§. n -тартибли детерминантлар ва уларни ҳисоблаш	19
5-§. n номаълумли n та чизикли тенгламалар система- лари	24
6-§. Чизикли тенгламалар системасини Гаусс усули билан ечиш	25
7-§. Уч номаълумли бир жинсли, чизикли учта тенглама системаси	30
<i>Машқлар</i>	33
II б о б. МАТРИЦАЛАР АЛГЕБРАСИ	35
1-§. Матрица ҳақида тушунча	35
2-§. Тескари Матрица	44
3-§. Чизикли тенгламалар системасини матрицалар кўрини- шида ифодалаш	49
4-§. Матрица ранги	51
5-§. Детерминант ва матрицалар назариясининг татбиқ- лари	55
<i>Машқлар</i>	62
III б о б. ВЕКТОРЛАР АЛГЕБРАСИ ЭЛЕМЕНТЛАРИ	66
1-§. Вектор ҳақида тушунча	66
2-§. Векторлар устида амаллар	67
3-§. Икки вектор орасидаги бурчак	72

4-§. Векторнинг ўқдаги проекцияси	74
5-§. Векторларнинг чизикли боғлиқлиги. Базис векторлар	76
6-§. Векторнинг йўналтирувчи косинуслари	80
7-§. Икки векторнинг коллинеарлик шarti	81
8-§. Координаталари билан берилган векторлар устида амаллар	82
9-§. Векторларнинг скаляр кўпайтмаси ва унинг хоссалари	83
<i>Машқлар</i>	87

IV 606. ТЕКИСЛИКДА ВА ФАЗОДА КООРДИНАТАЛАР СИСТЕМАСИ 88

1-§. Текисликда координаталар системаси	88
2-§. Фазода координаталар системаси	91
3-§. Кутб координаталар системаси. Нуктанинг декарт ва кутб координаталари орасидаги боғланиш	93
4-§. Цилиндрик ва сферик координаталар системаси	97
5-§. Декарт координаталарни алмаштириш	99
6-§. Кесмани берилган нисбатда бўлиш	103
7-§. Икки векторнинг вектор кўпайтмаси. Вектор кўпайтманинг хоссалари. Учбурчакнинг юзи	109
8-§. Векторларнинг аралаш кўпайтмаси ва унинг хоссалари. Тетраэдрнинг ҳажми	114
9-§. Кўш вектор кўпайтма	119
10-§. Чизикли операторларнинг хос векторлари ва хос кийматлари (сонлари)	121

Машқлар 125

V 606. ТЕКИСЛИКДА ТЎҒРИ ЧИЗИК ТЕНГЛАМАЛАРИ 127

1-§. Чизикнинг текисликдаги тенгламаси	127
2-§. Тўғри чизикнинг текисликдаги тенгламалари	131
3-§. Текисликда икки тўғри чизикнинг ўзаро жойлашуви	142
4-§. Икки тўғри чизик орасидаги бурчак	143
5-§. Нуктадан тўғри чизиккача бўлган масофа	145
6-§. Тўғри чизиклар дастаси	146
7-§. Тўғри чизикнинг нормал тенгламаси	147
<i>Машқлар</i>	149

VI 606. ФАЗОДА ТЕКИСЛИКЛАР ВА ТЎҒРИ ЧИЗИКЛАР 153

1-§. Текисликнинг турли тенгламалари	153
2-§. Икки текислик орасидаги бурчак. Икки текисликнинг параллеллик ва перпендикулярлик шартлари	159
3-§. Учта текисликнинг кесишиш нуктаси. Нуктадан текисликкача бўлган масофа	162

4-§. Фазода тўғри чизик тенгламасининг берилиш усул-лари	164
5-§. Икки тўғри чизик орасидаги бурчак. Тўғри чизиклар-нинг параллеллик ва перпендикулярлик шартлари	169
6-§. Фазода тўғри чизик ва текислик	171
7-§. Текисликлар боғлами (ластаси)	176
<i>Машқлар</i>	177
VII боб. ИККИНЧИ ТАРТИБЛИ ЧИЗИҚЛАР	181
1-§. Айлана	181
2-§. Эллипс	186
3-§. Гипербола	195
4-§. Парабола	204
5-§. Иккинчи тартибли чизикларнинг қутб координата-лардаги тенгламалари	211
6-§. Иккинчи тартибли чизикнинг умумий тенгламасини каноник кўринишга келтириш	214
<i>Машқлар</i>	224
VIII боб. ИККИНЧИ ТАРТИБЛИ СИРТЛАР	227
1-§. Иккинчи тартибли сиртнинг умумий тенгламаси	227
2-§. Сферик сирт	228
3-§. Цилиндрик сирт	230
4-§. Конус сирт	232
5-§. Айланма сиртлар	235
6-§. Эллипсоид	237
7-§. Гиперболоидлар	241
8-§. Параболоидлар	247
<i>Машқлар</i>	250
IX боб. АНАЛИТИК ГЕОМЕТРИЯ ВА ЧИЗИҚЛИ АЛГЕБРАГА ДОИР МАСАЛАЛАР ЕЧИШ	253
<i>Илова. Ажойиб эгри чизиклар</i>	284
<i>Адабиёт</i>	298

Латинов Х. Р., Тожиев Ш. И., Рустамов Р.

**АНАЛИТИЧЕСКАЯ ГЕОМЕТРИЯ
И ЛИНЕЙНАЯ АЛГЕБРА**

На узбекском языке

Издательство «Ўзбекистон» — 1995.

Кичик муҳаррир Ш. Соибназарова

Бадний муҳаррир Ж. Гурова

Техник муҳаррир А. Горшкова

Мусаххих У. Абдуқодирова

Теришга берилди 07.02.95. Босишга рухсат этилди 24.08.95. Бичими 84×108¹/₃₂ «Таймс» гарнитурда офсет босма усулида босилди. Шартли бос. т. 15,96. Нашр бос. т. 13,85. Тиражи 4000. Буюртма № 632. Баҳоси шартнома асосида.

«Ўзбекистон» нашриёти, 700129, Тошкент, Навоий кўчаси, 30.
Нашр № 194—94.

Ўзбекистон Республикаси Давлат матбуот кўмитасининг ижарадаги Тошкент матбаа комбинатида босилди. 700129, Тошкент, Навоий кўчаси, 30.

Латипов Х. Р. ва бошқ.

Л 24 Аналитик геометрия ва чизиқли алгебра: Олий ўқув юртлари учун дарслик/Х. Р. Латипов, Ш. И. Тожиев, Р. Рустамов.— Т.: Ўзбекистон, 1995.— 304 б.

1.1,2 Автордош.

ISBN 5-640-01785-6

Қўлланма олий техника ўқув юртлари учун тасдиқланган «Олий математика» дастури асосида ёзилган. Унда «Аналитик геометрия ва чизиқли алгебра» курси материали техника ихтисосликларига мослаб баён қилинган. Математиканинг физика, механика, радиотехника, электротехникага татбиқларига алоҳида эътибор берилган.

Олий техника ўқув юртларининг кундузги, кечки ҳамда сиртқи бўлимларида таълим олаётган биринчи босқич талабаларига мувожазланган.

22.151.5я73 + 22.143я73

№ 610—95

Алишер Навоий номидаги
Ўзбекистон Республикасининг
давлат кутубхонаси

1602050000 — 118

А — 95

М351 (04) 95

